



ШАВКАТ МИРЗИЁЕВ

МИЛЛИЙ ТАРАҚКИЁТ
ЙЎЛИМИЗНИ ҚАТЪИЯТ
БИЛАН ДАВОМ ЭТТИРИБ,
ЯНГИ БОСҚИЧГА
КЎТАРАМИЗ

1

«ЎЗБЕКИСТОН»





ШАВКАТ МИРЗИЁЕВ

МИЛЛИЙ ТАРАҚҚИЁТ
ЙЎЛИМИЗНИ ҚАТЪИЯТ
БИЛАН ДАВОМ ЭТТИРИБ,
ЯНГИ БОСҚИЧГА
КЎТАРАМИЗ

1

ТОШКЕНТ – «ЎЗБЕКИСТОН» – 2017

УЎК 323.(575.1)

КБК 66.3(5Ў)

М 54

Ўзбекистон Республикаси Президенти Шавкат Мирзиёев асарларининг 1-жилдидан давлатимиз раҳбарининг 2016 – 2017 йилларда Олий Мажлис Қонунчилик палатаси ва Сенатининг қўшма мажлиси, Вазирлар Маҳкамасининг йигилишларида, Ўзбекистон Республикаси Конституциясининг 24 йиллигига бағишланган тантанали маросимда, турли соҳа вакиллари билан учрашувларда, Ислом ҳамкорлик ташкилоти Ташқи ишлар вазирлари кенгашининг 43-сессиясида, халқаро анжуманлар, тадбир ва маросимларда сўзлаган нутқ ва маърузалари ҳамда табриклари ўрин олган.

ISBN 978-9943-25-434-3



© «ЎЗБЕКИСТОН» НМИУ, 2017

МИЛЛИЙ ТАРАҚҚИЁТ ЙЎЛИМИЗНИ ҚАТЪИЯТ БИЛАН ДАВОМ ЭТТИРИБ, ЯНГИ БОСҚИЧГА КЎТАРАМИЗ

Хурматли Спикер!

Хурматли Сенат Раиси!

Мухтарам депутатлар ва сенаторлар!

Қадрли кўшма мажлис иштирокчилари!

Шу кунларда барчамиз биргаликда юрагимизда чукур дард билан, ўрнини тўлдириб бўлмайдиган оғир жудоликни бошимиздан кечирмоқдамиз. Нуроний оқсоқолларимиз, мўътабар оналаримиз ва опа-сингилларимиз, ёш йигит ва кизларимиз, 32 миллионли бутун Ўзбекистон халки, хорижий мамлакатлардаги кўп сонли дўстларимиз буюк давлат ва сиёsat арбоби, мамлакатимизнинг Биринчи Президенти Ислом Абдуғаниевич Каримовни чексиз қайгу билан сўнгги йўлга кузатдилар.

Шу фурсатдан фойдаланиб, азиз Ислом Абдуғаниевичнинг рафиқаси – хурматли Татьяна Акбаровнага, кизи – Лола Исломовнага ва яқинларига барчамизнинг номимиздан яна бир бор чукур таъзия билдиришга рухсат бергайсиз.

Вақт ва ҳаётнинг ўзи Ислом Абдуғаниевич Каримовнинг замонамизнинг улуғ сиёsatчиси, узокни кўрадиган ва стратегик фикр юритадиган шахс, дунёда ва турли минтақаларда юз бераётган ўта мураккаб

вокеа-ходисаларнинг моҳиятини давлатчилик нуктаи назаридан кўра билиш қобилиятига эга бўлган, ўз юрти ва халқи учун, ҳар бир ватандошимизнинг тақдирни учун улкан масъулият туйғусини чукур хис киладиган атоқли раҳбар эканлигини ҳар томонлама тасдиқлади.

Миллий тарихимизнинг энг кескин ва таҳликали даврида, миллатлараро тўқнашувлар ва бошқа зиддијатлар авж олган, мамлакатимизда фуқаролар уруши хавфи юзага келган, иқтисодиёт чукур инқирозга учраган, бир сўз билан айтганда, эски замоннинг умри тугаб, янги замон бошланаётган бир пайтда Ислом Абдуғаниевичнинг республика раҳбари этиб сайланиши Яратганинг халқимизга бебаҳо марҳамати бўлган эди.

Ислом Абдуганиевичга хос бўлган букилмас ирода, фидойилик, мардлик ва ватанпарварлик, инсонийлик ва адолатпарварлик, самимийлик ва меҳрибонлик каби олижаноб фазилатлар барчамиз учун ёркин ибрат на мунаси бўлиб қолди.

Замонавий Ўзбекистоннинг тарихи – бу мамлакатимизнинг ҳақиқий мустақилликка эришиш йўлида Ислом Абдуганиевич Каримов раҳнамолигида олиб борилган ўта мураккаб ва оғир курашлар тарихидир. Буюк Йўлбошчимиз ҳакли равишда демократик талаблар ва халқаро мезонларга тўлиқ жавоб берадиган Ўзбекистон Республикаси Конституциясининг ҳам асосий муаллифи эдилар.

Мамлакатимиз тоталитар тизимдан воз кечиб, мустақил тараккиёт йўлини танлади, кўплаб кийин-

чилик ва синовлардан ўтиб, тарихан қисқа даврда жаҳон ҳамжамиятида ўзига муносиб ўрин эгаллади.

Конституция ва унинг негизида яратилган пухта қонунлар, шунингдек, Мамлакатимизда демократик ислоҳотларни янада чуқурлаштириш ва фуқаролик жамиятини ривожлантириш концепцияси ҳокимият институтларини шакллантириши ва уларнинг тўлақонли фаолият кўрсатишини, фуқароларнинг хукуқ ва эркинликларини ҳимоя қилиш, мулкчиликнинг барча турларини, фуқароларнинг давлат бошқарувидаги фаол иштирокини таъминлади.

Ислом Абдуғаниевич «**Иқтисодий мустақилликка эришмасдан сиёсий мустақилликни таъминлаб бўлмайди**» деган тамойил ва энг муҳим устувор вазифани амалга оширишни стратегик масала деб ҳисоблар эдилар.

Давлатимиз раҳбари томонидан ишлаб чиқилган иқтисодий дастурларнинг амалга оширилиши мамлакатимизнинг изчил ва баркарор ривожланишини таъминлади.

Мустақиллик йилларида Ўзбекистон иқтисодиёти қарийб 6 марта ўсади. Унда саноатнинг улуши 14 фоиздан 34 фоизга кўтарилди. Охирги 11 йил давомида ялпиички маҳсулотнинг ўртача йиллик ўсиш суръати 8 фоиздан кам бўлмаган даражада сакланмоқда. Фаол инвестиция сиёсати амалга оширилмоқда.

Мутлақо янги, юкори технологияларга асосланган саноат тармоқлари, хусусан, нефть-кимё, кимё, автомобилсозлик саноати, қишлоқ хўжалиги ва темир йўл машинасозлиги, фармацевтика, электро-

техника, тўқимачилик саноати, замонавий курилиш материаллари ишлаб чиқариш ва бошқа соҳалар изчил ривожланмоқда.

Бугун Ўзбекистон иқтисодиёти жадал ривожланаётган дунёдаги бешта давлат қаторига киради. Бунинг якқол исботи сифатида мамлакатимизда курилган ва ўз кўлами бўйича жаҳон миқёсида ҳам йирик ва ноёб ҳисобланган саноат объектлари, хусусан, Устюрт ва Шўртан газ-кимё комплекслари, Бухоро нефтини кайта ишлаш заводи, Кўнғирот сода заводи, Дехқонобод калий ўғитлари заводи, Андижон, Самарқанд, Тошкент ва Хоразм вилоятларидағи автомобилсозлик заводларини мисол қилиб келтириш мумкин.

Республикамизда жадал суръатлар билан замонавий йўл-транспорт ва муҳандислик-коммуникация инфратузилмаси ташкил қилинмоқда. Жумладан, Қамчик довонидан ўтадиган, ноёб тоғ туннелини ўз ичига олган Ангрен – Поп темир йўл тармоғи, Тошгузар – Бойсун – Кумкўрғон темир йўли курилди. Тошкентдан Самарқанд, Қарши ва Бухорога йўловчи ташийдиган юқори тезликдаги темир йўл қатнови очилди. Ҳалқаро аэропортлар модернизация килинди, Навоий аэропорти негизида ҳалқаро логистика маркази ташкил қилинди ва Ўзбекистон миллий автомагистрали барпо этилди.

Қишлоқ хўжалигига туб таркибий ислоҳотлар амалга оширилди. Барчамиз яхши эслаймиз, яқин ўтмишда Ўзбекистонни пахта монополияси ҳукмронлик киладиган аграр бир мамлакат деб билишар

эди. Мисол учун, 1990 йилда аҳолининг озиқ-овқат маҳсулотларига бўлган эҳтиёжи, асосан, четдан олиб келинадиган импорт ҳисобидан қондирилар эди.

Ислом Абдуғаниевич Каримовнинг ташаббуси билан ер ва сув ресурсларидан самарали ва оқилона фойдаланиш, экин майдонларини оптималлаштириш ва янги, илғор агротехнологияларни жорий этиш, қайта ишлайдиган замонавий корхоналарни ташкил этиш бўйича кенг чора-тадбирлар комплекси ишлаб чиқилди ва амалга оширилди. Ҳакиқий мулкдорларнинг янги синфи бўлган фермерлик ҳаракати шакллантирилди.

Аҳоли жон бошига асосий озиқ-овқат маҳсулотларини ўртача истеъмол қилиш даражаси кўпайди: гўшт, сут ва улардан тайёрланган маҳсулотлар – 1,5 баробар, сабзавот – 2,6 баробар, мева – 6,3 баробар ошди.

Мамлакатимизда хусусий мулкчилик ва тадбиркорлик, кичик бизнесни ривожлантириш учун кенг имкониятлар ва қуладай шарт-шароитлар яратилди. Кичик бизнес ва хусусий тадбиркорликнинг ялпи ички маҳсулотдаги улуши 56,5 фоизга етди. Бу соҳада иш билан банд аҳолининг 78 фоизи меҳнат қилмоқда ва улар мамлакатимизнинг гуллаб-яшнаши учун муносиб хисса қўшмоқда.

Давлатимиз раҳбари томонидан илгари сурилган **«Ислоҳот – ислоҳот учун эмас, аввало инсон учун»** деган эзгу ғояни амалга ошириш, ижтимоий йўналтирилган бозор иқтисодиётини шакллантириш бўйича кўрилган чора-тадбирлар аҳолининг ҳаёт даражаси ва сифатини сезиларли даражада яхшилашни таъминлади.

Бугунги кунда Давлат бюджетининг қарийб 60 фоизи ижтимоий соҳани ривожлантиришга йўналтирилмоқда. 1991 йилга таққослаганда, аҳолининг реал даромадлари 12 баробардан зиёд кўпайди, иш ҳаки, пенсия ва ижтимоий нафақалар салмоқли даражада ошди. Истеъмол товарлари ишлаб чиқарини жадал суръатлар билан ошириш ва аҳолининг уларга бўлган талабини кондириш таъминланмоқда.

Мамлакатимиз раҳбари сиёсий, иктисадий ва ижтимоий жиҳатдан стратегик аҳамиятга эга бўлган масалаларни ечиш билан бир қаторда, жамиятимиз ҳаётини, фуқароларимизнинг онгу тафаккури ва дунёқарашини тубдан ўзгартиришга қаратилган кўпқиррали вазифаларга доимо катта эътибор қаратар эдилар.

Ислом Абдуғаниевичнинг «**Фарзандларимиз биздан кўра кучли, билимли, доно ва албатта баҳтли бўлишлари шарт**» деган чукур маъноли фикрлари ҳаммамизнинг қалбимизда муҳрланиб колган.

Юртбошимиз мамлакатимизнинг бугунги ва эртанги кунини, ҳал қилувчи куч бўлиб майдонга чиқаётган ёшларимизнинг тафаккури ва дунёқарашини кескин ўзгартирган, мутлақо янги таълим ва тарбия тизимини яратиш ва ҳаётга татбик қилиш ишларига бевосита муаллифлик ва раҳбарлик қилдилар.

Юртимизда илм-фан, соғлиқни саклаш, маданият ва санъат, спорт каби мухим соҳалар фаол тарзда ривожланмоқда.

Давлатимиз раҳбари халқимизнинг маънавий қадрияларига эхтиром билан муносабатда бўлиш, муқаддас динимиз, анъана ва урф-одатларимиз,

бебаҳо тарихий меросимизни сақлаб қолиш ва ривожлантиришни давлат сиёсати даражасига кўтарди.

Фуқаролик жамияти институтларини шакллантириш, айникса, давлат ва жамият бошқарувидаги маҳалланинг нуфузини ошириш, унинг ҳуқуқ ва ваколатларини кенгайтириш борасида улкан ишларни амалга ошириди.

Юрган олий юртбошимиз кекса авлод вакилларига, муҳтарам фахрийларимизга хурмат-эҳтиром ва амалий ғамхўрлик кўрсатишни ўта муҳим вазифа деб ҳисоблар эдилар.

Олий Бош Кўмондон сифатида Ислом Абдуғаниевич Каримов Куролли Кучларимизни тубдан ислоҳ қилиш, унинг жанговар қобилиятини ошириш ва шу асосда Ўзбекистон Республикасининг худудий яхлитлигини ва мустақиллигини ҳимоялаш, сарҳадларининг дахлсизлигини, ҳалқимизнинг тинч ва осуда ҳаётини таъминлаш учун бекиёс хизмат кўрсатдилар.

У кишининг ташаббуслари билан тинчликпарварлик, бошқа давлатларнинг ички ишларига аралашмаслик ва юзага келаётган қарама-қаршилик ҳамда зиддиятларни факат ва факат тинч, сиёсий йўл билан ҳал этишга асосланган Ўзбекистон Республикасининг Ташки сиёсий фаолияти концепцияси ишлаб чикилди ва амалга оширилмоқда.

Ҳурматли депутат ва сенаторлар!

Биз охирги 25 йил давомида жуда кўплаб муҳим анжуман ва йигилишларни ўтказдик. Уларнинг барчасига муҳтарам Президентимиз Ислом Абдуғаниевич Каримов бошчилик қилганларидан яхши хабардорсиз. Бугун эса тарихимизда биринчи марта бундай

муҳим йигилишни азиз раҳбаримизнинг иштироки-сиз ўтказмоқдамиз. Гўёки хаёлимизда у киши ҳозир залга кириб келадигандек.

Ўйлайманки, бугунги мажлисда қатнашаётган ҳар бир инсон шу залда буюк Йўлбошчимизнинг руҳи ва нафасини сезиб турибди. Ўзбекистон Республикаси Биринчи Президентининг ўлмас гоялари, фикр, кўрсатмалари бизнинг қалбимиз ва онгимизга шундай чукур сингиб кетганки, улар келажак сари катъият билан боришимизда барчамизга доимо таянч ва суянч бўлиши муқаррар.

Шу муносабат билан, биз дунёдаги ҳозирги мураккаб ва кескин шароитни ҳар томонлама ҳисобга олган ҳолда, ўзимизнинг биринчи даражали вазифаларимизни биргаликда белгилаб олишимиз даркор.

Бугун биз халқимизни ишонтириб, баланд овоз билан айтишимиз зарурки, буюк устозимизнинг сиёсий мероси, яъни, у киши белгилаб берган тараққиётимизнинг асосий тамойиллари, устувор йўналишлар, мақсад ва вазифаларни сўзсиз ва тўлиқ амалга ошириш биз учун ҳам қарз, ҳам фарзdir.

Биринчидан, биз Ислом Абдуганиевич Каримовнинг чукур маъноли ўтитларини, айниқса, «**Бизга тинчлик ва омонлик керак**» деган сўзларини ҳеч қачон эсдан чиқармаслигимиз лозим.

Турли хавф-хатарлар кучайиб бораётган бугунги таҳликали вазиятда бебаҳо бойлигимиз бўлган тинчлик ва осойишталикни кўз қорачигидек сақлашимиз, юртимиздаги миллатлар ва динлааро ҳамжиҳатлик, ўзаро ҳурмат ва меҳр-оқибат мухитини янада мустаҳкамлашимиз керак.

Шу билан бирга, жамиятимизда қонун устуворлиги, тартиб-интизом, фуқароларнинг ҳукуқ ва эркинликларини таъминлашимиз зарур. Барчамизга маълумки, Ислом Абдуғаниевич Каримов «**Одамлар ҳамма нарсага чидаши мумкин, лекин адолатсизликка чидай олмайди**», деб кўп таъкидлар эдилар. Биз барпо этаётган ҳукукий давлатда адолатсизликнинг ҳеч қандай шаклда устун бўлишига йўл қўймаслигимиз зарур. Бу ҳокимиятнинг барча тармоқлари, энг аввало, давлат бошқаруви органларининг, ва айниқса, ҳукукни муҳофаза қилиш органларининг биринчи даражали вазифасидир. Биз халқимизнинг, бутунги замоннинг ана шу муҳим талаби сўзсиз бажарилишини таъминлашимиз шарт.

Иккинчидан, давлатимиз хавфсизлигини ҳар томонлама мустаҳкамлашимиз, ҳар бир фуқаронинг тинчлиги ва осойишталигини таъминлашимиз лозим. Вазиятни издан чиқариш, нифоқ солиш, душманлик уруғини сепиш, турли можароларни келтириб чиқариш ва ҳатто қон тўкилишини истаётган кучлар ҳам мавжудлиги ҳеч кимга сир эмас.

Очиқ тан олиш керак, биз нотинч замонда, нотинч бир минтақада яшамоқдамиз. Шу сабабли Ватанимиз ҳимоясини ишончли кафолатлаётган, мудофаа қобилиятимизни мустаҳкамлаётган ва давлат чегараларимиз дахлсизлигини таъминлаётган тизимли чоратадбирлар комплексини жорий этишни қатъият билан давом эттиришимиз зарур.

Биз Куролли Кучларимиз ва ҳукуқ-тартибот органларимизни бундан кейин ҳам ҳар томонлама мустаҳкамлаб борамиз. Ҳеч кимда заррача ҳам

шубха бўлмаслиги керак – мамлакатимиз суверентети ва мустакиллигига хавф туғдирадиган ички ва ташки кучларнинг ҳар қандай ҳаракатларига, ҳар қандай уринишларига қатъий ва муносиб зарба берилади.

Бизнинг яна бир энг муҳим устувор вазифамиз – Ислом Абдуганиевич Каримов томонидан ишлаб чиқилган «ўзбек модели»нинг асоси бўлмиш беш тамойилни амалга ошириш асосида иқтисодиётда таркибий ўзгаришларни давом эттириш ва унинг рақобатдошлигини таъминлашдан иборат.

Мамлакатимизнинг келгуси ривожи, халқимиз фаровонлиги, унинг турмуш даражаси ва сифатини юксалтириш айнан шу масалага bogлиқ.

Жаҳон иқтисодиётида ўсиш суръатлари секинлашиб, энг муҳим экспорт товарларимизга ташки талаб камайиб, дунё бозорида уларнинг нархи пасайиб бораётган шароитда Ислом Абдуганиевич Каримов томонидан иқтисодиётишимизни ислоҳ қилишни чукурлаштириш бўйича белгилаб берилган устувор вазифаларни бажаришга қаратилган ишларимизни янада кучайтиришимиз керак.

Шу билан бирга, Олий Мажлис палаталарининг 2015 йил январь ойидаги қўшма мажлисида таклиф этилган Вазирлар Маҳкамасининг Ҳаракат дастурини амалда бажаришни, бу борада иктисодий ислоҳотларни чукурлаштиришни давом эттириш, хусусий мулкни ривожлантиришни жадаллаштириш, давлатнинг иқтисодиётдаги улушини камайтириш ва таркибий ўзгартиришларни тезлаш-

тиришга қаратилған ишларни изчил амалга ошириш мухим ахамияттаға әгадир.

Юқорида айтилған фикрлардан келиб чиққан ҳолда, асосий дикқат-эътиборни күйидаги устувор вазифаларга қаратиш зарур, деб ҳисоблаймиз.

Биринчидан, макроиктисодий барқарорликни янада мустаҳкамлаш ва кейинги йиллардаги иқтисодий үсиш суръатларини сақлаб қолиш зарур. Миллий валютамиз барқарорлигини таъминлаш, банк тизимини мустаҳкамлаш, мамлакатимизда ва маҳаллий даражада бюджет барқарорлигини таъминлаш бўйича кўшимча комплекс чора-тадбирларни амалга ошириш керак.

Бунда четдан қарз олиш бўйича консерватив ёндашув сиёсатини давом эттириш, давлатнинг ташки қарзи ҳаддан зиёд ошиб кетишига йўл кўймаслик мухим ахамият касб этади. Буларнинг барчаси Ислом Абдуғаниевич Каримовнинг аввало ўзимизнинг **куч ва имкониятларимизга таяниш** зарурлиги ҳақидаги узоқни кўзлаган стратегиясини давом эттириш билан боғлиқ.

Иккинчидан, нодир ва қимматбаҳо металларни чукур қайта ишлаш, озиқ-овқат ва кимё саноатини ривожлантириш бўйича қабул қилинган дастурларни амалга оширишимиз зарур.

Учинчидан, ташки бозорларда рақобат ва бекарорлик кучайиб бораётган шароитда иқтисодиётнинг реал тармоқлари билан бир қаторда мамлакатимиз ҳудудларида ҳам рақобатдош маҳсулотлар иш-

лаб чиқаришни кўпайтириш ва экспорт салоҳиятини ошириш алоҳида аҳамиятга эга.

Ана шу мақсадда кичик бизнес ва хусусий тадбиркорлик субъектлари, шунингдек, фермер хўжаликларининг экспортда иштирок этишини янада рағбатлантириш бўйича кўшимча комплекс чора-тадбирларни амалга ошириш зарур. Бу иқтисодий ўсиш, тармоклар ва худудларни ривожлантириш, аҳолининг меҳнат билан бандлигини таъминлаш ва моддий фаровонлигини оширишнинг асосий локомотиви бўлиши керак.

Тўртингчидан, Ислом Абдуғаниевич Каримовнинг хусусий тадбиркорлик ва кичик бизнес субъектлари манфаатларини мустаҳкам ҳимоя қилиш тўғрисидаги талаб ва топшириклари ижросини изчил давом эттириш даркор. Турли бюрократик тўсиклар ва асоссиз текширувларни бундан кейин ҳам қатъият билан чеклаш зарур.

Бешинчидан, энг муҳим ижтимоий-иқтисодий вазифа – Олий Мажлис палаталари томонидан тасдиқланган Аҳолининг меҳнат билан бандлигини ошириш дастурини бажаришдан иборат. Йил охирига кадар бир миллиондан зиёд янги иш ўринларини ташкил этишимиз зарур. Касб-хунар коллежларининг 480 минг нафар битирувчисини ишга жойлаштириш масаласи алоҳида назоратни талаб қиласди.

Биз жамиятнинг ижтимоий табақаланиш дараҷасини пасайтириш, мамлакатимизда ўта бойлар ҳам, ўта камбағаллар ҳам бўлмаслиги бўйича

Ислом Абдуғаниевич томонидан белгилаб берилган сиёсатни қатъий давом эттирамиз.

Олтинчидан, халқаро коммуникация тармоқларига уланган замонавий йўл-транспорт ва мухандислик инфратузилмасини шакллантириш, шунингдек, миллий ахборот-коммуникация тизимларини ривожлантириш бўйича Ўзбекистон Республикаси Президенти томонидан пухта ўйланган ва ишлаб чиқилган стратегияни амалга оширишни давом эттирамиз.

Бугунги шароитда энг илғор ахборот-коммуникация технологияларини кенг жорий этиш устувор аҳамият касб этмоқда. Бу соҳада қабул қилинган Миллий дастурга мувофиқ, телекоммуникация технологияларини, алоқа тизимлари ва инфратузилмасини янада ривожлантиришимиз, информацион тизимлар комплекслари ва «Электрон хукумат» ахборот базасини шакллантиришимиз керак.

Мамлакатимиз худудларини комплекс ривожлантириш соҳасидаги ишларни давом эттириб, Қарши, Шаҳрисабз, Тошкент, Термиз, Наманган ва Урганч шаҳарларини ободонлаштириш бўйича мамлакатимиз Президенти томонидан қабул қилинган қарорларнинг амалда бажарилишини таъминлаш керак.

Кишлоқ хўжалигини янада ислоҳ қилиш ва ривожлантириш бўйича биринчи навбатдаги вазифа – кўп тармоқли фермерликни ривожлантириш, ҳар бир фермер хўжалигининг иқтисодий самарадорлиги ва молиявий барқарорлигини таъминлашдир. Бу масалани биз мамлакатимиз озиқ-овқат хавфсизлигини таъминлашнинг гарови деб ҳисоблаймиз.

Ислом Абдуганиевич Каримов ташаббускори бўлган кишлокларимиз киёфасини тубдан ўзгартириш, кишлок аҳолиси учун шаҳар даражасидаги турмуш шароитини таъминлайдиган намунавий уй-жойларни ва тегишли инфратузилмани қуриш бўйича дастурни фаол давом эттирамиз.

Таълим ва тарбия, илм-фан, соглиқни саклаш, маданият ва санъат, спортни ривожлантириш масалалари, ёшларимизнинг чуқур билимга эга бўлиши, чет тилларини ва замонавий ахборот-коммуникация технологияларини пухта эгаллашини таъминлаш доимий устувор вазифамиз бўлиб колади.

Энг муҳим йўналишлардан яна бири – жамиятимизда демократик жараёнларни чукурлаштириш, фуқаролик институтлари ривожланишини кўллаб-куватлаш, сиёсий партияларнинг обрў-эътибори ва таъсирини ошириш, сайловчиларнинг овози учун ракобатни кучайтиришдан иборат.

Хурматди дўстлар!

Биз бундан буён ҳам барча хорижий мамлакатлар, жаҳон ҳамжамияти билан самарали ҳамкорлигимизни давом эттирамиз.

Бу борада Ўзбекистоннинг ҳалқаро миқёсдаги обрў-эътибори ва позициясини янада кучайтириш максадида Ўзбекистон Республикасининг Ташки сиёсий фаолияти концепцияси фаол амалга оширилади.

Ҳеч қандай ҳарбий-сиёсий блокларга кўшилмаслик, бошқа давлатларнинг ҳарбий базалари ва объектлари Ўзбекистон ҳудудида жойлашишига, шунингдек, ҳарбий хизматчиларимизнинг мамлака-

тимиз ҳудудидан ташқарида бўлишига йўл қўймаслик, илгаригидек, давлатимизнинг қатъий сиёсий позицияси бўлиб қолади.

Мамлакатимизнинг миллий манфаатларини таъминлашда муҳим аҳамиятга эга бўлган Марказий Осиё минтақаси Ўзбекистон ташқи сиёсий фаолиятининг асосий устувор йўналиши ҳисобланади. Биз ўзимизнинг яқин кўшниларимиз Туркманистон, Қозогистон, Тожикистон ва Қиргизистон билан очик, дўстона ва прагматик сиёsat олиб боришга содик қоламиз.

Ташқи сиёсатимизнинг устувор йўналиши бу – Мустақил Давлатлар Ҳамдўстлиги мамлакатлари билан алоқаларимизни мустаҳкамлашдан иборат. Биринчи навбатда, Россия Федерацияси билан Стратегик шериклик, Иттифоқчилик муносабатлари тўғрисидаги шартномалар ва бошқа муҳим келишувлар асосида дўстона алоқаларни изчил ривожлантириш ва кучайтириш икки мамлакат манфаатларига жавоб беради ва минтақада барқарорлик ва хавфсизликни мустаҳкамлашга хизмат қиласи.

Америка Кўшма Штатлари билан ўзаро манфаатли ва конструктив ҳамкорликни ҳар томонлама ривожлантириш бизнинг ташқи сиёсатимизда устувор аҳамиятга эга бўлиб қолади.

Ўзбекистон минтақадаги яқин кўшнимиз ҳамда глобал ва минтақавий муаммоларни ечишда муҳим роль ўйнайдиган Хитой Ҳалқ Республикаси билан ҳар томонлама стратегик ҳамкорликни янада мустаҳкамлашдан манфаатдордир.

Осиё ва Тинч океани минтақасида биз Япония, Корея Республикаси ва бошқа давлатлар билан иқтисодиёт, инвестициялар, фан ва технологиялар, таълим, соғлиқни саклаш ва туризм соҳаларида ҳамкорлик муносабатларини янада ривожлантиришга устувор даражада аҳамият берамиз.

Ўзбекистон учун Европанинг етакчи давлатлари, аввалимбор Германия, Франция ва Буюк Британия, Марказий ва Шарқий Европа давлатлари билан ўзаро манбаатли ҳамкорликни ривожлантириш муҳим аҳамият касб этади.

Биз Ҳиндистон, Покистон ва Жанубий Осиёнинг бошқа давлатлари билан сиёсий, савдо-иктисодий, транспорт-коммуникация ва маданий-гуманитар соҳаларда ҳамкорликни янада ривожлантириш тарафдоримиз.

Ўзбекистон Афғонистонга нисбатан анъанавий равишда яқин қўшничилик ва дўстона сиёсат олиб боради.

Биз Яқин ва Ўрта Шарқ давлатлари билан ўзаро манбаатли ва кенг қиррали муносабатларни ривожлантириш ва мустаҳкамлашни давом эттирамиз.

Лотин Америкаси ва Кариб минтақаси, Африка китъасининг етакчи давлатлари билан алоқаларни кенгайтириш ва мустаҳкамлаш Ўзбекистоннинг миллий манбаатларига жавоб беради.

Бирлашган Миллатлар Ташкилоти, Шанхай ҳамкорлик ташкилоти, Мустақил Давлатлар Ҳамдўстлиги, Ислом ҳамкорлик ташкилоти ва бошқа халкаро ташкилотлар билан фаол муносабатлар ва

ҳамкорлик олиб бориш Ўзбекистоннинг миллий манфаатларига хизмат қилади.

Биз Жаҳон банки, Осиё тараққиёт банки, Ислом тараққиёт банки, Ҳалқаро валюта жамғармаси, бошқа ҳалқаро молиявий ва иқтисодий ташкилотлар билан давлатимиз иқтисодиётида амалга оширилаётган таркибий ислоҳотларни қўллаб-кувватлашга қаратилган ҳамкорликни янада ривожлантирамиз.

Хурматли кўшма мажлис иштирокчилари!

Иқтисодий ва ижтимоий ислоҳотларнинг устувор вазифаларини муваффакиятли адо этиш, биринчи навбатда, Олий Мажлис палаталари, Вазирлар Маҳкамаси, барча даражадаги ҳокимликлар, давлат ва хўжалик бошқарув идоралари, бутун ҳалқимизнинг Ўзбекистон Республикасининг Биринчи Президенти гоялари атрофига жипсласиб, бир ёқадан бош чиқариб, ҳамжиҳатлик билан бор куч ва имкониятларини сафарбар этишига боғлиқ эканини ҳаммамиз яхши тушунамиз.

Мана шу эзгу мақсад йўлида – Ватанимиз мустақиллигини ҳар томонлама мустаҳкамлаш, мамлакатимизнинг барқарор иқтисодий ва ижтимоий ривожланишини, ҳалқимиз фаровонлигини таъминлашға қаратилган ишларимизда буюк Юргбошимиз Ислом Абдуғаниевич Каримовнинг «**Она Ватанимиз ва ҳалқимизга садоқат билан хизмат қилиш – олий саодатдир**» деган сўzlари доимо бизга куч-кувват ва ғайрат бағишлиайди, деб ишонаман.

* * *

Ўзбекистон Республикаси Олий Мажлиси Қонунчилик палатаси ва Сенати қўшма мажлисининг «Ўзбекистон Республикаси Президентининг вазифа ва ваколатларини бажаришни вақтинча юклаш тўғрисида»ги Қарори қабул килинганидан сўнг Ўзбекистон Республикаси Бош вазири Шавкат Мирзиёев сўзга чиқди.

ЯКУНЛОВЧИ СЎЗ

Хурматли Спикер!

Хурматли Сенат Раиси!

Муҳтарам депутат ва сенаторлар!

Аввало, менга билдирилган юксак ишонч учун сизларга чин дилдан ўз миннатдорлигимни билдиришга рухсат бергайсиз.

Ўзбекистон Республикаси Президенти сайловига қадар бўлган муддатда менинг зиммамга ниҳоятда мураккаб ва ўта масъулиятли вазифа юкланганини ҳар томонлама чукур ҳис қилиб турибман.

Ўзбекистон Республикасининг Биринчи Президенти, буюк Йўлбошчимиз, қадрли Ислом Абдуганиевич Каримов томонидан ишлаб чиқилган ва чорак аср мобайнида изчил амалга ошириб келинган давлатимизнинг сиёсий йўлини, мустакил тараққиёт йўлини давом эттиришни шу даврда ўзимнинг энг асосий вазифам деб биламан.

Замонамизнинг буюк давлат ва сиёsat арбоби, узоқни кўра оладиган раҳбар, олижаноб маънавий ва

ахлоқий фазилатлар эгаси бўлган бу улуғ инсон мен учун юксак идеал, ўз Ватани, ўз халқига фидокорона хизмат қилишнинг ёрқин намунасиdir.

Сизларни ишонтириб айтаманки, Ислом Абдуганиевич Каримов бизга васият қилиб қолдирган барча ҳаётий тамойилларга оғишмасдан, қатъий амал қиласман. У кишининг, раҳбар доимо одамларнинг, эл-юртнинг дарду ташвиши билан яшashi, уларнинг орзу-ниятларини рўёбга чиқариш учун хузур-ҳаловатдан воз кечиб, ўзини аямасдан меҳнат қилиши керак, деган доно ўтитларини ўз фаолиятим учун асосий мезон ва талаб сифатида қабул қиласман.

Бу борада мамлакатимиз фуқароларининг хукук ва эркинликларини, Ўзбекистон Республикасининг Конституцияси ва қонунларига риоя этилишини таъминлашни, Ўзбекистон Республикасининг суверенитети, хавфсизлиги ва худудий яхлитлигини муҳофаза этиш юзасидан зарур чора-тадбирлар кўришни, республика олий ҳокимият ва бошқарув органларининг баҳамжиҳат ишлашини таъминлашни, яқин ва узок кўшни давлатлар билан ўзаро манфаатли ҳамкорлик алоқаларини ривожлантиришни энг асосий вазифа деб ҳисоблайман.

Ўзбекистон Республикасининг Қонунчилик палатаси ва Сенати аъзолари билан, мамлакатимизда фаолият олиб бораётган сиёсий партиялар, фуқаролик институтлари билан биргаликда, бир ёқадан бош чиқариб ишлашини олдимизда турган гоят муҳим ва устувор вазифаларни муваффакиятли амалга оширишнинг энг асосий омили ва гарови деб биламан.

Эл-юртимизнинг юксак ишончини оқлаш, Ватанимиз мустакиллигини янада мустаҳкамлаш, мамлакатимизнинг барқарор тараққиётини таъминлаш йўлидаги амалий ишлар билан азиз Юртбошимиз Ислом Абдуғаниевич Каримовнинг руҳи покларини шод этиш учун бор билим ва тажрибамни, салоҳият ва куч-ғайратимни сафарбар этаман.

Ишонаманки, улуғ Юртбошимизнинг бизга қолдирган бебаҳо мероси, ўлмас гоя ва дастурлари йўлимиизни нурафшон қилиб, барчамизга доимо мададкор бўлади.

Ўзбекистон Республикаси Олий Мажлис Конуччилик палатаси ва Сенатининг қўшима мажлисидаги нутқ.

2016 йил 8 сентябрь

ЎЗБЕКИСТОН ЎҚИТУВЧИ ВА МУРАББИЙЛАРИГА ТАБРИК

Қадрли устоз ва мураббийлар!

Авваламбор, дунёдаги энғ улуғ ва шарафли касб эгаси бўлган сиз, азизларни бугунги қутлуғ айём – Ўқитувчи ва мураббийлар куни билан чин қалбимдан табриклаб, барчангизга ўзимнинг эзгу тилакларимни изхор этаман.

Ушбу сана бундан 19 йил олдин Ўзбекистон Республикасининг Биринчи Президенти, буюк Юртбошимиз Ислом Абдуғаниевич Каримов ташабуси билан эл-юртимизнинг сизларга бўлган юксак хурмат-эҳтиромининг амалий ифодаси, умумхалқ байрами сифатида таъсис этилганини албатта ҳаммамиз яхши эслаймиз.

Мамлакатимизда соғлом ва баркамол авлодни вояга етказишни келажаги буюк Ўзбекистонни барпо этишининг энг муҳим шарти деб билган, сизларга ўзининг энг яқин маслакдошлари сифатида катта ишонч ва хурмат билан қараган Юртбошимизнинг ўзлари ҳам барчамиз учун меҳрибон устоз, талабчан мураббий эдилар.

Ислом Абдуғаниевич Ватанимизни буюк муҳаббат билан севиш, ҳалқимизга садоқат билан хизмат килиш, бу йўлда бор билим ва тажрибамиз, бутун борлиғимизни сафарбар этиш борасида биз учун юксак ибрат мактабини яратиб кетдилар.

Жаҳон ҳамжамиятида «ўзбек модели» деб тан олинган тараққиёт стратегиямизнинг ажралмас кисми бўлган замонавий таълим-тарбия тизимиға асос солган, бу соҳани давлат сиёсатининг устувор йўналиши даражасига кўтариб, унинг ривожланиш йўлларини аниқ белгилаб берган, «Бутун Ўзбекистон болалари – менинг азиз фарзандларим» деб уларни ҳамиша эъзозлаган Ислом Абдуғаниевич Каримовнинг ўлмас тарихий хизматларини буғунги ва келгуси авлодлар доимо чуқур миннатдорлик билан ёдга олади.

Улуғ устозимизнинг эзгу ғоя ва васиятлари асосида таълим ва тарбия соҳасидаги туб ислоҳотларни юксак босқичга кўтариш, мамлакатимизнинг тақдирни ва келажаги учун масъулиятни ўз зиммасига олишга кодир бўлган янги авлод кадрларини вояга етказишга қаратилган ишларни изчил давом эттириш ҳаммамизнинг нафакат вазифамиз, балки муқаддас бурчимиз бўлиб, биз бу йўлда биринчи навбатда сиз, азизларга, сизларнинг билим ва малакангиз, тажриба ва маҳоратингизга таянамиз.

Азиз дўйстлар!

Сизларнинг ёшларимиз қалби ва онгига она Ватанга муҳаббат ва садоқат туйғусини сингдириш, уларни турли таҳдидлардан асраш, комил инсон этиб вояга етказиш йўлидаги бекиёс хизматларингизни барча ота-оналар, жамоатчилигимиз, бутун ҳалқимиз яхши билади ва юксак қадрлайди.

Айни пайтда буғунги кунда олдимизда янада муҳим ва долзарб вазифалар турганини ҳаммамиз

яхши тушунамиз. Шу борада илм-фан ва таълимтарбия соҳасининг моддий-техник базасини янада мустаҳкамлаш, унинг нафақат давр билан ҳамоҳанг бўлишини, балки замондан олдинда юришини таъминлаш, педагог кадрларни тайёрлаш ва қайта тайёрлашнинг илгор усулларидан кенг фойдаланиш, бу ишларни хориждаги нуфузли марказлар билан ҳамкорликда олиб бориш, соҳага замонавий технологияларни жорий этиш, ўқитувчи ва домлаларнинг машакқатли ва масъулиятли меҳнатини ҳар тарафлама рағбатлантириш билан бодлик вазифаларни амалга ошириш, қисқа килиб айтганда, ҳаётимизга катта куч бўлиб кираётган янги авлодимизни камол топтириш учун давлатимиз томонидан барча имкониятлар сафарбар этилади.

Мухтарам устоз ва мураббийлар!

Сиз, азизларни 1 октябрь – Ўқитувчи ва мураббийлар куни билан яна бир бор табриклаб, барчангизга сиҳат-саломатлик, хонадонларингизга файзу барака, ҳаётда ва меҳнат фаолиятингизда баҳт ва омадлар ёр бўлишини тилайман.

Шавкат МИРЗИЁЕВ,

*Ўзбекистон Республикаси Президенти
вазифасини бажарувчи, мамлакат Бош вазири.*

2016 йил 30 сентябрь

ТАЪЛИМ ВА МАЪРИФАТ – ТИНЧЛИК ВА БУНЁДКОРЛИК САРИ ЙЎЛ

Бисмиллаҳир Роҳманир Роҳийм.

Мухтарам Раис жаноблари!

Жаноби олийлари, ҳурматли вазирлар ва делегациялар раҳбарлари!

Хонимлар ва жаноблар!

Ассалому алайкум ва роҳматуллоҳи ва баракатуҳу.

Аввало, сиз, азиз меҳмонларни, Ислом ҳамкорлик ташкилотига аъзо давлатлар ва кузатувчи мақомига эга мамлакатлар делегациялари раҳбарлари, ҳалқаро ташкилотлар вакилларини, Ислом ҳамкорлик ташкилоти Ташки ишлар вазирлари кенгаши 43-сессиясининг барча иштирокчиларини Ўзбекистон заминидаги қутлаш ва сизларга самимий ҳурматимни билдиришга ижозат бергайсизлар.

Бугунги кунда кўп томонлама ҳамкорлик бўйича энг нуфузли ва йирик институтлардан бири бўлган Ислом ҳамкорлик ташкилотининг ушбу муҳим анжу манини ўтказиш учун Ўзбекистон пойтахти – Тошкент танлангани учун чин дилдан миннатдорлик билдирамиз.

Ушбу сессия мукаддас ислом қадриятларини асрар-авайлаш ва ривожлантириш, мусулмон ҳалқлари ўртасида ҳамжиҳатликни мустаҳкамлаш, барқарор тараккиётни таъминлаш, ташкилотга аъзо мамлакат-

лар халқларининг ривожланиши ва фаровонлигига кўмаклашишдек эзгу мақсадларга эришиш йўлида мухим қадам бўлишига ишонамиз.

Мазкур форумга тайёргарлик доирасида эришилган ўзаро ҳамкорлик натижаларидан мамнунмиз. Бу борада Бош котибият ва шахсан унинг раҳбари жаноб Ияд Маданий, ташкилотга аъзо давлатлар томонидан амалга оширилган самарали ишларни, бунда ҳамжихатлик ва ҳамкорлик руҳи намоён бўлганини юксак қадрлаймиз.

«Таълим ва маърифат – тинчлик ва бунёдкорлик сари йўл» мавзуси 43-сессия кун тартибининг асосий ғояси этиб белгилангани чукур рамзий маънога эга. Бу ғоя «Бешикдан қабргача илм изла» деган машҳур ҳадисга ҳамоҳангдир. Ушбу мавзу катта ҳаётний тажрибага эга бўлган, буюк давлат арбоби сифатида узокни кўра олган Ўзбекистон Республикасининг Биринчи Президенти Ислом Каримов томонидан, Оллоҳ у кишини раҳматига олсин, дунё халқлари, ўз халқи тақдири, бугунги мураккаб шароитда муқаддас динимизнинг аҳамияти ҳақидаги чукур мулоҳазалар натижаси сифатида таклиф этилган эди.

Дунё шиддат билан ўзгариб, барқарорлик ва халқларнинг мустаҳкам ривожланишига рахна соладиган турли янги таҳдид ва хавфлар пайдо бўлаётган бугунги кунда маънавият ва маърифатга, ахлоқий тарбия, ёшларнинг билим олиш, камолга етишга интилишига эътибор қаратиш ҳар қачонгидан ҳам мухимдир.

Айнан таълим ва маърифат башарият фаровонлигининг асосий омилларидан ҳисобланади, инсонларни эзгуликка даъват этади, саховатли, сабрқаноатли бўлишга ундаиди. Муқаддас ислом динимиз бизга айнан шуни ўргатади.

Бундай ёндашув – давр талабидир.

Хурматли сессия иштирокчилари!

«Таълим ва маърифат – тинчлик ва бунёдкорлик сари йўл» шиори Ислом ҳамкорлик ташкилотининг бугунги анжумани мавзуси этиб белгилангани бежиз эмас.

Негаки, мазкур анжуман сизу бизнинг буюк аждодларимиз киндик кони тўкилган Ўзбекистон заминида бўлиб ўтмоқда.

Имом Бухорий, Бурхониддин Маргиноний, Иса ва Ҳаким Термизийлар, Махмуд Замахшарий, Муҳаммад Қаффол Шоший, Баҳоуддин Нақшбанд, Ҳожа Аҳрор Валий, Муҳаммад Ҳоразмий, Аҳмад Фарғоний, Абу Райҳон Беруний, Абу Али ибн Сино, Мирзо Улӯғбек, Алишер Навоий ва бошқа кўплаб даҳолар номи нафақат ислом, айни вактда жаҳон цивилизацияси тарихида ҳақли равишда олтин ҳарфлар билан битилган.

Ислом оламида Пайғамбаримиз Муҳаммад алайхиссалом ҳадислари тўпламигининг ишончли манбаи деб эътироф этилган «Ал-жомеъ ас-саҳиҳ» тўплами барча муҳаддислар устози бўлмиш Имом Бухорийнинг кўп йиллик фидокорона изланишлари самарасидир. Ўн икки асрдирки, ушбу асар аҳамиятига кўра, муқаддас Куръондан кейин ислом дини ҳақидаги иккинчи ишончли ёзма манба бўлиб қолмоқда.

Нафакат бизнинг юртимиз, балки бошқа мамлакатлардан ҳам минглаб, миллионлаб мусулмонлар бу табаррук зот туғилган Бухорои шарифга бориш ва унинг Самарқанддаги қабрини зиёрат қилишга интилиши бежиз эмас, албатта.

Х асрда самарқандлик мутафаккир, «Имом ал-Худа» (Ҳидоят йўлининг имоми) деб шухрат козонган Абу Мансур Мотуридий томонидан асос солинган мотуридия таълимоти бутун ислом оламида кенг тарқалган.

Мотуридия таълимоти илм эгаллаш жараёнида бағрикенглик ғояси асосида инсон ақл-заковатининг ўрни ва аҳамиятига юксак эътибор қаратади. Бу ўз навбатида ушбу таълимотнинг кенг оммалашувида муҳим ўрин туттган. Бундай гояларга бугунги кунда ҳам инсоният катта эҳтиёж сезмоқда.

Буюк тарихда ҳеч нарса изсиз кетмайди. У халқларнинг конида, тарихий хотирасида сакланади ва амалий ишларида намоён бўлади. Шунинг учун ҳам у қудратлидир. Тарихий меросни асрраб-авайлаш, ўрганиш ва авлодлардан авлодларга қолдириш давлатимиз сиёсатининг энг муҳим устувор йўналишларидан биридир.

Янги таҳдидлар, жумладан, «оммавий маданият» хавфи ва боқимандалик кайфияти пайдо бўлаётган, одоб-ахлоқ, қадриятларнинг йўқолиши хавфи юзага келаётган ҳозирги глобаллашув шароитида бу гоят муҳим аҳамият касб этмоқда.

Шу сабабли, менинг фикримча, инсон маънавий олами, халқлар маданиятини белгилайдиган манба-

ларни асраб-авайлаш ва бойитиш бугунги кунда ҳар қачонгидан ҳам муҳимдир.

Азалий қадриятларимиз ва ахлоқий фазилатларни ўзида мужассам этган муқаддас динимизни асраш ва қадрлаш ҳар биримизнинг шарафли бурчимиздир. Ислом – ҳақиқатни англаш демакдир, у одамзотни эзгу амалларни бажаришга ундейди, ҳар биримизни яхшилик ва тинчликка чорлайди, ҳақиқий инсон бўлишни ўргатади.

Биз ислом динидан зўравонлик ва хунрезлик мақсадларида фойдаланишга уринаётган кимсаларни кескин коралаймиз ва улар билан ҳеч қачон муроса кила олмаймиз. Муқаддас динимизни доимо ҳимоя киласиз.

Халқимиз атеистик мустабидликдан озод бўлгандан кейин, мустақиллик йилларида Ўзбекистонда аждодларимизнинг муқаддас дини бўлган исломнинг жамиятимиздаги ўрнини қайта тиклаш бўйича улкан ишлар амалга оширилди.

1999 йил Тошкентда Марказий Осиёда биринчи Ислом университети очилди. Мамлакатимизда 10 та диний таълим муассасаси, жумладан, Тошкент ислом институти, 9 та ўрта маҳсус ўкув юрти фаолият кўрсатмоқда. Уларнинг иккитаси хотин-қизлар ўкув муассасасидир.

Ана шу таълим масканлари орасида XVI асрда бунёд этилиб, мамлакатимизда илм-фанни кенг ёйишга хизмат қилган Бухородаги Мир Араб ва Тошкентдаги Кўкалдош мадрасалари бор.

Етмиш йил ҳукм сурган коммунистик тузум даврида Ўзбекистондан бор-йўғи 130 киши ҳаж амалини

бажарган бўлса, бугунги кунда ҳар йили ўзбекистонлик беш мингдан зиёд киши ўзининг эзгу орзуси ва мусулмонлик бурчини адо этмоқда. Ўша пайтларда кўп миллионли республикамизда атиги 30 та масжид бўлган, бугун эса мамлакатимизда минглаб масжидлар фаолият юритмоқда. Юртимизнинг барча худудларида тарихий ислом ёдгорликлари, муқаддас қадамжолар қайта тикланди. Уларнинг аксариятини сиз, азиз меҳмонларимиз Ўзбекистонга ташрифингиз давомида зиёрат қилиш имконига эга бўласиз.

Муқаддас динимиз бундан бўён ҳам халқимизни бирлаштириб, миллати ва тилидан қатъи назар, маънавий покланиш, одамларни тинчлик, эзгулик, бағрикенглик, ўзаро хурмат ва тотувликка ундайдиган, ўрнини ҳеч нарса боса олмайдиган восита бўлиб хизмат қилиши шубҳасизdir.

Хурматли сессия қатнашчилари!

Ўзбекистонда мустақил ва кучли давлат қуришдан асосий мақсад инсон, унинг ҳуқук ва эркинликлари олий қадрият ҳисобланадиган ва хурмат қилинадиган адолатли жамият барпо этишdir. Айни вақтда мусулмон олами ва жаҳон ҳамжамиятидаги муносиб ўрнимизни янада мустаҳкамлашdir.

Бу, авваламбор, таълим ва маърифат тизимини такомиллаштириш, мамлакатимиз келажаги бўлган ёшларни замонавий билим олишга йўналтириш, баркамол шахсни тарбиялаш билан боғлик эканини биз яхши англаймиз. 1997 йилда қабул қилинган Кадрлар тайёрлаш миллий дастури ва бошқа давлат дастурларининг ҳаётга татбиқ этилиши натижасида маз-

кур соҳа тубдан ислоҳ қилинди, замонавий узлуксиз таълим-тарбия тизими яратилди.

Бугун барча ўғил-қизларимиз ўн икки йиллик бепул мажбурий таълим билан қамраб олинган. Улар 10 мингта реконструкция килинган ёки қайта қурилган кенг ва ёруғ мактаблар, 1,5 мингта академик лицей ва қасб-хунар колледжларида билим олмоқда. Қарийб 300 та мусиқа ва санъат мактаби, 2 минг 200 дан ортиқ спорт обьекти фарзандларимиз ихтиёрида.

Истиклол йилларида мамлакатимизда олий ўкув юртлари сони 2,5 баробар кўпайди. Бугунги кунда олий ўкув юртларимизда 230 мингдан зиёд талаба билим олмоқда.

Ўзбекистонда еттита хорижий етакчи олий ўкув юртининг филиаллари фаолият кўрсатмоқда. Истеъодли ёшларимизнинг минглаб вакиллари дунёнинг нуфузли университетларида таҳсил олмоқда.

Мамлакатимизда давлат бюджетининг ялпи ички маҳсулотга нисбатан 7 фоизи таълим-тарбия соҳасига йўналтирилмоқда.

Мустақилликнинг дастлабки йилларидан бошлилаб юртимизда ёшлар ҳақида эътибор ва ғамхўрлик кўрсатишга давлат сиёсатининг энг асосий ва устувор йўналишларидан бири сифатида караб келинмоқда. Чунки ёшлар – бизнинг келажагимиз. Бу соҳадаги давлат сиёсатини янада чукурлаштириш учун якинда Ўзбекистон Республикасининг «Ёшларга оил давлат сиёсати тўғрисида»ги қонуни янги таҳрирда кабул қилинди.

Буларнинг барчаси бугунги кунда ўз самарасини бермоқда. Ёшларимиз бизнес, илм-фан, маданият, санъат, адабиёт ва спорт соҳаларида оламшумул муваффақиятларга эришмоқда. Бу мамлакатимиз истиқболига, буюк аждодларимиз бошлаган эзгу ишларни келажак авлодлар муносиб давом эттиришига катта ишонч бағишлийди.

Хонимлар ва жаноблар!

Биз бугун инсоният тараккиётининг, таъбир жоиз бўлса, кескин бурилишлар рўй бераётган тарихий босқичида яшамоқдамиз.

Кейинги йилларда Ер юзида кескин геосиёсий ўзгаришлар рўй берди, халқаро миқёсда хавфсизлик ва барқарорлик тизими издан чиқмоқда. Глобаллашув жараёнининг тобора шиддатли тус олиши нафақат инсоният имкониятларини кенгайтирумокда, балки зиддиятларнинг кескинлашуви, ривожланган ва қолоқ давлатлар ўртасидаги тафовутнинг ўсишига олиб келмоқда. Бунинг оқибатида тинчлик ва барқарорликка раҳна солаётган, моҳияти ва кўламига кўра трансмиллий хусусиятга эга турли хатти-ҳаракатлар содир этилмоқда.

Бошпанасиз қолиб, ўзга юртларда сарсон-саргардон юрган одамлар оғир мусибатларни бошдан кечирмоқда, қуролли қарама-қаршиликлар ва терроризм оқибатида бегуноҳ болалар, кексалар, хотин-қизлар ҳалок бўлаётир. Охири кўринмайдиган урушлар туфайли кўплаб мамлакатлар вайронага айланмоқда.

Бундай шароитда Ислом ҳамкорлик ташкилотига аъзо давлатларни мусулмон оламида тинчлик ва

хавфсизликни мустаҳкамлаш ва барқарор ривожланиш йўлида бирлаштириш, ўзаро ҳамкорликнинг ишончли механизмларини, аъзо мамлакатларнинг долзарб масалалар юзасидан мулокот қилиши учун ўзига хос майдон яратишга хизмат қиладиган Ислом ҳамкорлик ташкилотининг роли ва масъулияти янада ортмоқда.

Ташкилот мустаҳкам барқарорлик ва хавфсизликка иктисадий тараккиётсиз, ижтимоий ҳусусиятга эга муаммоларни ҳал этмасдан эришиб бўлмаслигини тушунган ҳолда фаолият юритаётганини биз юкори баҳолаймиз. Ислом ҳамкорлик ташкилотининг фаолият кўламини янада кенгайтириш зарурати юзага келмоқда.

Бу борада мамлакатлар ва ҳалклар ўртасида турли даражадаги мулокотларни кенгайтириш, нафақат ҳукуматлар, балки парламентлар, илм-фан ва маданият намояндлари, жамоатчилик вакиллари ўртасида тизимли алоқаларни йўлга қўйиш муҳим ўрин тутиши зарур. Айнан мана шу мақсадлар Ислом ҳамкорлик ташкилоти доирасида кўп томонлама ҳамкорликни кучайтириши мумкин.

Ўзбекистон Республикаси Ислом ҳамкорлик ташкилоти Ташқи ишлар вазирлари кенгашининг раиси сифатида ташкилот салоҳиятини янада кучайтириш ва эзгу мақсадларга эришишда ўз ҳиссасини қўшиш учун барча имкониятларини ишга солади.

Ўзбекистон Кенгашга раислиги даврида мусулмон давлатларининг самарали ва нуфузли форуми

сифатида ташкилот ролини мустаҳкамлашга ҳаракат қиласи.

Ўзбекистоннинг раислигида ўтаётган ушбу анжуманинг «Таълим ва маърифат – тинчлик ва бунёдкорлик сари йўл» шиори бизнинг устувор йўналишларимизни аниқ ифода этади. Уларнинг энг муҳимлари қўйидагилардан иборат:

Биринчи. Ахоли хаёт даражаси ва сифати кўп жихатдан мамлакат рақобатдошлигининг асосий кўрсаткичига айланган бугунги шароитда тараққиётнинг муҳим омили сифатида таълимнинг роли ортиб бормоқда. Ҳозирги пайтда жамият ва цивилизациялар аввало ижтимоий қадриятлар ва таълим тизимлари билан рақобатлашмоқда.

Шу нуқтаи назардан, буюк аждодларимиз бўлган ислом оламининг мутафаккирлари асарларини, уларнинг бутун жаҳон цивилизацияси ривожига кўшган бебаҳо хиссасини чукур ўрганиш, теран англаш ва кенг оммалаштириш алоҳида аҳамиятга эгадир.

Бу масала ёшларда илм-фанга ва таълим олишга интилиш туйғусини кучайтириш, барча жамиятларда ислом қадриятлари ва маданиятини тўғри англаш ҳамда қабул қилиш, дунёning барча ҳалқларига ислом динининг ҳақиқий мазмун-моҳиятини етказиш учун муҳимдир. Шунингдек, бугунги кунда ҳалқаро миқёсда конфессиялар, миллатлар ва маданиятлар аро мулокотни йўлга қўйиш, тинчлик ва тотувликка эришишда ҳам муҳим аҳамият касб этади.

Иккинчи. Барқарор ижтимоий-иктисодий тараққиётни инновацион ривожланишсиз, кенг кўламли

илмий-техник кооперациясиз ва янги технологиялар, илм-фан ва техника ютукларини жорий этмасдан тасаввур қилиб бўлмайди.

Айнан шунинг учун илм-фан ва техникани янада ривожлантириш, Ислом ҳамкорлик ташкилотига аъзо давлатларнинг интеллектуал салоҳиятини мустаҳкамлаш ташкилотимиз фаолиятида муҳим ўрин эгаллаши лозим, деб ҳисоблаймиз.

Ўзбекистон Ислом ҳамкорлик ташкилоти доирасида ҳамкор мамлакатлар билан илмий-технологик алоқаларни фаоллаштириш, илм-фаннынг турли соҳаларида кўшма тадқиқотлар ўтказишни таклиф этади.

Шубҳасиз, ташкилотга аъзо мамлакатларнинг ҳамкорлигини Ислом тараққиёт банки фаолиятисиз тасаввур қилиш қийин.

Фурсатдан фойдаланиб, 2016 йил 1 октябрдан эътиборан Ислом тараққиёт банкининг президенти этиб сайланган Бандар Ҳажар жаноби олийларини кутлашдан ғамнунман.

Учинчи. Хавфсизлик муаммоси ўта кескин ва фожиали тус олаётгани барчамизни ташвишга солаётганини таъкидламоқчимиз.

Ислом ҳамкорлик ташкилотига аъзо давлатларнинг бирдамлигини таъминлаш, улар ўртасидаги зиддиятларга барҳам бериш, урушлар, терроризм ва экстремизмни бартараф этишда саъй-харакатларни бирлаштириш тобора авж олаётган қарама-қаршиликларни бартараф этиш, тинчлик ва баркарорликка таҳдид солаётган хавфларга қарши курашишда муҳим аҳамият касб этади.

Айниқса, мавжуд ёки юзага келаётган зиддият ва түкнашувларни тинч йўл билан, музокаралар, халқаро хукукнинг умумэътироф этилган принцип ва нормалари асосида сиёсий-дипломатик ҳамда халқаро-хукукий механизмлардан фойдаланган ҳолда ҳал этишга эришиш энг муҳим вазифадир.

Тўртинчи. Ислом олами улкан иқтисодий, инвестицион салоҳият, энергетика ресурсларига эга. Улардан тўғри фойдаланиш, Ислом ҳамкорлик ташкилотига аъзо давлатларнинг халқаро савдо-иқтисодий, молиявий, инвестицион ҳамкорлигини кенгайтириш, мамлакатларимизни бирлаштирадиган транспорт йўлларини ташкил этиш юксак иқтисодий тараққиёт кўрсаткичларига эришиш имконини беради ва бу пировард натижада бошқа барча соҳаларнинг ривожланишида асос бўлиб хизмат қиласди.

Шу муносабат билан бу борада Ислом ҳамкорлик ташкилоти доирасида, шунингдек, Ислом ҳамкорлик ташкилоти камраган худуддаги давлатларнинг дунёning етакчи мамлакатлари билан ҳамкорлик механизмларини такомиллаштириш алоҳида аҳамиятга эгадир.

Бешинчи. Ушбу қулай фурсатдан фойдаланиб ҳамда мамлакатимизнинг Ислом ҳамкорлик ташкилотидаги раислик даври учун таклиф этилаётган устувор максадлардан бирининг ижроси контекстида давлатимизнинг айrim ташабbusларини эълон килмоқчиман.

Биринчи ташаббуснинг моҳияти нафақат ислом маданияти, балки умумбашарий цивилизацияга беназир ҳисса қўшган буюк аждодларимизнинг кўп киррали диний-маънавий меросини ўрганишга ихтисослашган халқаро илмий тадқикот марказини ташкил этишдан иборат.

Бундай марказнинг Самарқанддаги Имом Бухорий ёдгорлик мажмуаси ҳузурида яратилиши мантикий иш бўлур эди. Буни бир қатор қулай омиллар такозо этмоқда:

биринчидан, Самарқанднинг мусулмон маданияти дурдоналаридан бири эканлиги билан боғлиқ дунё цивилизациясидаги мумтоз ўрни;

иккинчидан, энг буюк мусулмон мутафаккирларидан бири, барча муҳаддислар пешвоси Имом Бухорийнинг табаррук мақбараси жойлашган ушбу минтақага хос бўлган алоҳида маънавий-рухий муҳит.

Таклиф этилаётган тадқикот маркази Ислом ҳамкорлик ташкилоти ҳомийлигида «Самарқанддаги Имом Бухорий халқаро тадқикотлар маркази» деган улуғвор ва рамзий номга эга бўлиши мумкин бўлур эди.

Умид қиласизки, бизнинг ушбу ташаббусимизни Ислом ҳамкорлик ташкилотининг Бош котиби Ияд Маданий жаноби олийлари қўллаб-куватлайдилар ва бу лойиҳани амалга оширишда керакли кўмакни берадилар.

Ўзбекистоннинг яна бир ташабbusi – Тошкент ислом университети таркибида таълим, фан ва маданият масалалари бўйича ислом ташкилотининг маҳсус кафедрасини ташкил этиш билан боғлиқдир.

Янги кафедра фаолиятининг асосий йўналишини мусулмон дунёсидаги таълим, илм-фан ва маданият тарихи ҳамда уларнинг ҳозирги ҳолатини ўрганиш ва улар ҳакида талабаларга чукурлаштирилган маҳсус курсларни ўқиш ташкил этиши мумкин бўлур эди.

Хурматли дўстлар!

Мазкур анжуманимиз ва сизларнинг Ўзбекистонга ушбу ташрифингиз давомида Ватанимизнинг бой тарихий ва маданий мероси билан танишишингиз туризм, гуманитар, илмий ва бошқа соҳалардаги алоқаларимизни янада мустаҳкамлашга хизмат қилади, деган умиддамиз.

Бу борада биз ўз томонимиздан ташкилотга аъзо мамлакатларнинг туристлари ва вакилларининг диёримизга келиб-кетиши билан bogлиқ расмиятчиликларни соддалаштиришга қаратилган чора-тадбирларни кўрамиз.

Олтинчи. Оммавий қиргин қуролини тарқатмаслик муаммоси бугунги кунда энг кескин масалалардан бири бўлиб қолмоқда. Ўзбекистон 1993 йилдаёк Марказий Осиёда ядро қуролидан холи ҳудудни ташкил этиш ташаббусини илгари сурган. Мазкур ташаббус Ўзбекистон ва қўшни давлатлар томонидан 2006 йилда имзоланган Марказий Осиёда ядро қуролидан холи ҳудуд тўғрисидаги шартнома, шунингдек, БМТ Хавфсизлик кенгашининг доимий бешта аъзоси 2014 йилда имзолаган Кафолатлар тўғрисидаги протоколда ўзининг амалий ифодасини топган.

Ўзбекистон ядро қуролидан холи ҳудудлар кўла-мини изчил кенгайтириш тарафдори ва Яқин Шарқда ҳам ядро қуролидан холи ҳудудни ташкил этиш ғоясини кўллаб-куватлайди.

Ўзбекистон ташкилотга аъзо мамлакатлар ва, уму-ман, мусулмон олами хавфсиз ва фаровон давлат-ларга айланишига ишонади.

Муҳтарам сессия катнашчилари!

Ислом ҳамкорлик ташкилоти Ташки ишлар вазирлари кенгашининг 43-сессияси халқаро майдонда ташкилотимиз салоҳиятини янада мустаҳкамлаш ва унинг обрўсини ошириш, олдимизда турган умумий вазифаларни самарали ҳал этишга хизмат қилишига ишонаман.

Сўзимни якунлар эканман, сизларни Шарқ дурдо-наларидан бири бўлган Самарқандга таклиф этишидан мамнунман. Самарқандда бебаҳо тарихий-мада-ний объектларни ўз кўзингиз билан кўриш, ҳалқимиз ҳаёти, мактаб, академик лицей ва касб-ҳунар кол-лежларимиз, олий ўқув юртларимиз фаолияти билан бевосита танишишингиз мумкин.

Ислом ҳамкорлик ташкилоти Ташки ишлар вазирлари кенгашининг 43-сессияси ишига муваффақият тилайман.

*Ислом ҳамкорлик ташкилоти Ташки ишлар вазирлари
кенгаши 43-сессиясининг очилиши маросимидағи нутқ.*

2016 йил 18 октябрь

ДЕМОКРАТИК ИСЛОҲОТЛАРНИ ЧУҚУРЛАШТИРИШ, БАРҚАРОР РИВОЖЛАНИШНИ ТАЪМИНЛАШ – ХАЛҚИМИЗ УЧУН МУНОСИБ ҲАЁТ ДАРАЖАСИНИ ЯРАТИШНИНГ КАФОЛАТИДИР

Ассалому алайкум, ҳурматли съезд қатнашчилари!

Фурсатдан фойдаланиб, менга юксак ишонч билдириб, Ўзбекистон Республикаси Президенти лавозимига номзод сифатида кўрсатганингиз учун сиз, муҳтарам партиядошларимга, шу ташаббусни қўллаб-қувватлаган барча юртдошларимизга ўзимнинг чексиз ҳурматимни ва самимий миннатдорлигимни билдираман.

Тадбиркорлар ва ишбилармонлар ҳаракати – Ўзбекистон Либерал-демократик партияси ўз олдига қўйган мақсад ва дастурлари, ташаббус ва амалий ҳаракатлари билан доимо халқимизнинг дарду ташвишлари ва муаммоларини ечишга, юртимиз фаровонлигини янада оширишга муносиб ҳисса қўшиб, кундан кунга катта обрў-эътиборга эришиб бормоқда.

Бугунги кунда ўз сафларида 250 мингдан зиёд аъзони бирлаштирган сиёсий партиямиз Ватанимиз қудрати ва салоҳиятини, юртимиз тинчлиги ва осойишталиги, халқимиз фаровонлигини таъминлашда қудратли кучга айланмоқда.

Ишонаманки, келажакда ҳам партиямиз юртимизнинг гуллаб-яшнаши учун муносиб ҳисса қўшадиган етакчи сиёсий партиялардан бири бўлиб қолади.

Қадрли юртдошлар!

Замонамизнинг буюк давлат арбоби, мамлакатимиз ва ҳалқимизнинг тақдири, баҳту саодати учун ўз ҳаётини бағишилаган улут Йўлбошчимиз Ислом Абдуғаниевич Каримовнинг вафоти барчамиз учун ўрнини тўлдириб бўлмайдиган огир жудолик бўлди.

Бутун дунёда таҳликали вазият, миллатлараро тўқнашувлар, сиёсий ва иқтисодий инқирозлар ҳамда турли хавф-хатарлар авж олган даврда Ислом Каримовнинг мамлакатимизга раҳбарлик қилгани Яратганинг ҳалқимизга кўрсатган бебаҳо марҳамати бўлди.

Муҳтарам Юргбошимизнинг букилмас иродаси, фидойилиги, мардлиги ва ватанпарварлиги, узокни кўриш ва стратегик фикрлаш қобилияти ватандошларимизни ягона мақсад сари бирлаштириди.

Натижада мамлакатимиз мустақил тараққиёт йўлида кўплаб қийинчилик ва синовлардан ўтиб, тарихан кисқа даврда жаҳон ҳамжамиятида ўзининг муносиб ўрнини эгаллади.

Муҳтарам Ислом Абдуғаниевичнинг босиб ўтган умр йўллари, мустақиллигимизни ҳимоя қилиш ва мустаҳкамлаш борасидаги тарихий хизматлари барчамиз учун, шу жумладан, мен учун ҳам энг ёрқин ибрат намунаси ва катта ҳаёт мактаби бўлиб қолади.

Буюк устозимизнинг сиёсий мероси, у киши белгилаб берган тараққиётимизнинг асосий та-мойиллари, устувор йўналишлар, мақсад ва вазифаларни сўзсиз ва тўлик амалга ошириш – биз учун ҳам қарз, ҳам фарздир.

Бу улкан масъулиятни чукур ҳис этган ҳолда, азиз Юртбошимиз Ислом Абдуғаниевич Каримовнинг ғояларини амалга ошириш, мамлакатимизда олиб борилаётган давлат сиёсатини изчил давом эттириш, олдимизда турган стратегик вазифаларни огишмай бажаришни халқимиз олдидағи ўзимнинг асосий бурчим деб биламан.

Барчамизга маълумки, жаҳондаги эркин ривожланаётган, суверен, хукуқий демократик давлатлар томонидан эътироф этилган принциплар ва халқаро хукуқ нормаларига амал қилиш, шунингдек, халқимизнинг миллий манфаатлари, менталитети ва анъаналарини ҳисобга олган ҳолда, Ўзбекистонда инсон хукуқ ва эркинликларини ҳимоя этиш бўйича тизимли ва изчил ишлар амалга оширилмоқда.

Биринчи Президентимиз Ислом Каримов томонидан ишлаб чиқилган Мамлакатимизда демократик ислоҳотларни янада чукурлаштириш ва фуқаролик жамиятини ривожлантириш концепцияси ана шу кўп киррали сиёсатнинг пойдевори бўлиб хизмат килмоқда.

Мамлакатимизда бу борада 70 дан ортиқ халқаро хужжат, жумладан, Бирлашган Миллатлар Ташкилотининг 10 та асосий конвенцияси ратификация килинганини алоҳида тъкидлаш лозим.

Фуқаролик жамияти барпо этиш, юртдошларимизнинг эркинлик ва ташаббусларини, мамлакатимиз ижтимоий ҳаётидаги иштирокини кенгайтириш келгусида ҳам Ўзбекистон сиёсий тизимини ривожлантиришнинг муҳим йўналиши бўлиб қолади.

Давлат ҳокимиюти органлари тизимида Олий Мажлис палаталари ролини кучайтириш, давлатнинг ички ва ташқи сиёсати бўйича муҳим вазифаларни ҳал этиш, ижро ҳокимиюти органлари фаолиятини назорат қилишда парламентнинг ҳуқук ва ваколатларини яна ва яна кенгайтиришга алоҳида эътибор қаратиш зарур.

Биз юртимизда кўппартиявилик тизимини мустаҳкамлаб, иқтисодий ва ижтимоий жараёнларда партияларнинг ролини оширишга кўмаклашамиз.

Қачонки, сиёсий партияларнинг фаоллиги ошиб, парламент фаолияти доирасида улар ўртасида соғлом рақобат ва баҳс-мунозара муҳити шаклланса, шундагина вакиллик ҳокимиюти органлари ҳам самарали фаолият кўрсатади.

Буни ҳаётнинг ўзи ҳаммамизга ҳар куни кўрсата япти. Агар раҳбарларимиз ҳалқ вакиллари билан маслаҳат қилиб иш тутса, хато кам бўлади. Шунинг учун вакиллик ҳокимиюти органлари иши самарали бўлишида партияларимиз фаоллигини оширишимиз шарт.

Ҳалқ депутатлари маҳаллий кенгашларида партия гурухларининг ваколати ва ролини ошириш, айниқса, ижро ҳокимиюти органлари фаолиятини назорат қилиш борасидаги таъсирини янада кучайтириш зарур, деб ҳисоблаймиз.

Хурматли дўстлар!

Биз бошимиздан кечираётган ҳозирги глобаллашув даври ўта шиддат билан ўзгараётгани ва турли таҳдидлар кўплиги билан олдимизга ҳал этишини кечиктириб бўлмайдиган ғоят мураккаб вазифаларни кўймокда.

Шу сабабли Ўзбекистоннинг барқарор ривожига хавф тугдириши мумкин бўлган таҳдидлар, ўз ечи мини кутаётган энг муҳим муаммоли масалаларга эътиборингизни қаратмоқчиман.

Биринчидан, геосиёсий манфаатлар тўқнашуви ҳалқаро алоқаларда ўзаро ишонч ва ҳамкорлик муносабатларига путур етишига, қарама-каршилик ва носоглом рақобат кучайишига сабаб бўлмоқда. Бунга ҳаммамиз гувоҳ бўлиб турибмиз.

Иккинчидан, жаҳон иқтисодий инқирози, дунё бозорларидағи бекарорлик, энергия ресурслари нархларининг пасайиши деярли барча давлатларнинг иқтисодий ривожига салбий таъсир кўрсатмоқда.

Табиий ресурслар учун кураш қатор давлатларда ҳарбий-сиёсий аҳволнинг кескинлашувига олиб келмоқда. Айрим мамлакатларни хомашё базаси ва сифатсиз маҳсулотлар бозорига айлантиришга интилаётган кучлар ҳам йўқ эмас.

Учинчидан, жаҳон иқтисодиётининг глобаллашуви ва баъзи минтақаларда юзага келган нотинч вазият аҳоли миграцияси кучайишига сабаб бўлмоқда. Бу эса жиноятчилик, одам савдоси, террорчилик, экстремизм, наркотрафик каби иллатларнинг ҳамда ўта хавфли юқумли касалликларнинг кўпайишига олиб келмоқда.

Тўртингидан, ахборот-коммуникация тизимларининг кенг қўлланиши, давлат бошқарувининг электрон шаклда ташкил этилаётгани, бу яхши албатта, ўз навбатида, ахборот хавфсизлигини таъминлаш билан боглик кўшимча чора-тадбирлар кўришни ҳаётнинг ўзи такозо этмоқда.

Бешингидан, коррупция, маҳаллийчилик ва уруғаймокчилик каби иллатлар давлат ҳокимиятини обрўсизлантириб, иктисадиётнинг ўсиши ва тадбиркорлик ривожига жиддий тўсиқ бўлмоқда.

Олтингидан, «оммавий маданият» балоси кўплаб ёшларни ўз домига тортиб, миллат ва юрт учун бутунлай бегона бўлган анъаналар кириб келишига сабаб бўлмоқда.

Хурматли партиядошлар!

Давримизнинг даъвати сифатида пайдо бўлган «Ўзбек халқига тинчлик ва омонлик керак» деган теран маъноли сўзларни биз ҳамиша ёдимизда саклашимиз лозим.

Бизнинг энг асосий ютуғимиз – кўп миллатли халқимизнинг вужудга келаётган қийинчилик ва синовларни енгишга қодирлиги, замонавий дунёқарashi, сиёсий онги ва ижтимоий фаоллиги юксалиб бораётгани, атрофимиздаги воқеаларга бепарво бўлмасдан, аксинча, дахлдорлик туйғуси билан яшаётганидир.

Марказий Осиё минтақасида ва бутун дунёда мураккаб вазият юзага келаётган, тероризм, экстремизм ва радикализм хавфи тобора ортиб бораётган бугунги шароитда доимо хушёр ва огоҳ бўлиш,

мамлакатимизнинг мудофаа қобилиятини, Қуролли Кучларимизнинг салоҳиятини ҳар томонлама мустаҳкамлаш хавфсизлик ва барқарорликни, ҳалқимизнинг осойишта ҳаётини таъминлашнинг энг муҳим шарти ва кафолати эканини барчамиз яхши англаймиз.

Бугунги кунда мамлакатимизда 130 дан ортиқ миллат ва элат вакилларининг тинч-тотув ҳаёт кечираётгани – истиклол даврида эришган энг муҳим ютуқларимиздан биридир, десам, ўйлайманки, барчангиз бу фикрга қўшиласиз. Миллатлараро тотувликни таъминлашда мамлакатимизда фаолият юритаётган 138 та миллий маданий марказнинг ўрни бекиёс.

Айнан шу нуқтаи назардан келгусида ҳам миллатлараро тотувлик ва ҳамжиҳатликни мустаҳкамлаш Ўзбекистонда давлат сиёсатининг устувор йўналишларидан бири бўлиб қолади.

Юртимизда ҳукм суроётган диний бағрикенглик муҳити туфайли мамлакатимизда 2 минг 200 дан ортиқ турли диний ташкилотлар фаолият юритмоқда. Турли дин вакиллари ўртасида ўзаро хурмат ва дўстона муносабатларни ривожлантириш, фуқаролар қайси дин ва эътиқодга мансублигидан қатъи назар, уларнинг teng ҳуқуқлилигини таъминлаш бундан буён ҳам энг муҳим вазифаларимиздан бири бўлиб қолади.

Биз мұқаддас динимизни нотүғри талқин этаётган ва уни никоб килиб, бизни орқага, ўрта асрлар ҳаётига қайтаришга уринаётган бузғунчи кучларга қарши кескин курашиб келдик ва бундан кейин ҳам қатъий кураш олиб борамиз.

Халқимизни ишонтириб айтаман: мамлакатимиз суверенитети ва мустақиллигига рахна солишга уринадиган ички ва ташки кучларнинг ҳар қандай харакатларига қарши биз кескин зарба беришга кодирмиз. Бунга ҳеч кимда ҳеч қандай шубҳа бўлмаслиги керак.

Қадрли анжуман иштирокчилари!

Жамиятда конун устуворлигини таъминлаш – амалга оширилаётган барча ислоҳотлар самарадорлигига эришиш, аҳоли турмуш даражасини ошириш, мамлакатда тинчлик, тотувлик ва барқарор вазиятни таъминлашнинг асосий кафолатидир.

Шу сабабли суд-хукуқ тизими фаолияти тўғрисида гапирап эканмиз, амалга оширилган кенг қамровли ишлар билан бир қаторда, соҳада ўз ечимини кутаётган кўплаб муаммолар мавжудлигини ҳам таъкидлаб ўтиш лозим, деб ҳисоблайман.

Бугун оддий одамлар биздан нимани кутаяпти? Энг аввало, давлат идораларига килган мурожаатлари ўз вақтида, холисона ва конуний ҳал этилишини кутмоқда. Лекин, айрим раҳбарларнинг аҳоли ариза ва шикоятларини кўриб чиқишида сансоларлик, масъулиятсизлик, ортиқча расмиятчиликка йўл кўяётгани одамларни бездирмоқда.

Биргина 2016 йилнинг 9 ойида Бош прокуратурага 137 минг, Олий судга 67 минг, Адлия вазирлигига 52 мингдан зиёд келиб тушган мурожаатларнинг салкам 30 фоизи бевосита тергов-суд фаолияти ва суд қарорлари ижроси соҳасидаги масалалар билан боғлик.

Энг ачинарлиси шундаки, мансабдор шахсларнинг ҳаракатсизлиги оқибатида такрорий мурожаатлар сони ортиб бормоқда. Қани, айтинг-чи, бу ахволда ахолининг умуман суд-хукуқ тизимиға ишончи ва уни мустаҳкамлаш тўғрисида гапириш мумкинми ўзи? Ўйлайманки, барчангиз бу масаланинг нечоғлик муҳим эканини яхши тушунасиз. Хўш, вазиятни ўнглаш учун нима қилиш керак?

Биринчи навбатда, барча даражадаги раҳбар ва масъул ходимларнинг оғзаки ва ёзма мурожаатлар билан ишлашга бўлган муносабатини тубдан ўзгартиришимиз шарт. Одамлар билан уларнинг тилида гаплашиш, дардини эшлиши ва муаммоларини ҳал қилишнинг самарали усувларини жорий этиш устида жиддий бош котиришимиз зарур.

Афсуски, биз раҳбар бўлдикми, дарров юриштуришимиз ўзгаради. Одамларнинг дардини гўёки билмаймиз ё билишни хоҳламаймиз. Ўйлайманки, бу масаланинг жуда муҳимлигини инобатга олиб, уни давлат сиёсатининг устувор вазифалари даражасига кўтариш пайти келди. Шунда бизнинг дунё-қарашимиз ҳам ўзгаради, шу билан бирга, ҳаётимиз ҳам ўзгаради.

Мухтарам Биринчи Президентимиз: «Одамлар ҳамма нарсага чидаши мумкин, лекин адолатсизликка чидай олмайди», деб такрор ва такрор таъкидлар эдилар.

Аммо, бугунги кунда судларда ишларни кўриб чиқишида юз берәётган оворагарчилик жойларда фуқароларнинг асосли норозилигига сабаб бўлмоқда.

Айнан шу нуктаи назардан, қабул қилинаётган ҳар бир қарорнинг асосли, адолатли ва қонуний бўлишини таъминлаш муҳим аҳамият касб этади. Бу борада суд ҳокимиятининг чинакам мустақиллигини ҳамда одил судлов фаолиятига аралашганлик учун жавобгарлик мукаррарлигини таъминлаш асосий масаладир.

Энг ачинарлиси, кейинги йилларда судлар томонидан бирорта ҳам оқлов ҳукми чиқарилмаган. Ўзи ҳаётда бундай бўлмайди, бундай бўлиши мумкин эмас.

Бундан биз, барча тергов органлари хатосиз ва жуда сифатли даражада ишлайти, деган хulosа килишимиз мумкинми? Тергов хатосиз бўлган деб ким хulosа беради? Ҳеч ким, ҳеч қачон.

Бундан ташқари, одил судловнинг мазмун-моҳиятига мутлақо тўғри келмайдиган судлар томонидан жиноят ишларини қўшимча терговга қайтариш амалиётидан воз кечиш вакти келди.

Аслида суд нима қилиши керак? Бутун дунёда суд ё оқлов, ё қоралов ҳукмини чиқариши шарт. Тамом. Суд ҳукмининг ортида ким турибди – давлат турибди, ҳалқ турибди.

Шунинг учун судьяларнинг ваколат муддатларини узайтириш орқали судларнинг чинакам мустақиллигини таъминлаш ҳамда ҳалқимиз кутаётган адолатли қарор қабул қилишга ҳар томонлама кодир, мустаҳкам иродали, юксак маънавий ва касбий фазилатларга эга бўлган суд ходимлари таркибини шакллантириш долзарб вазифалардан бири ҳисобланади.

Одил судловнинг муҳим шарти бўлган томонлар тенглиги принципини тўлик ишлатиш учун адвокатура соҳасини ҳам ислоҳ қилиш алоҳида ўрин тутади. Халқаро тажрибага назар ташлайдиган бўлсак, адвокат энг нуфузли, обрўли ва ишончли касб эгаси хисобланади. Миллий қонунчилигимизда ҳам адвокатларнинг самарали фаолият юритиши учун барча етарли асослар яратилган бўлса-да, амалиётда бу нормалар мутлако ишламаётганини афсус билан қайд этишимиз лозим.

Айниқса, тадбиркорлар ва ишбилармонлар партияси адвокатура институтини ривожлантириш учун қатъият ва фаоллик кўрсатиши керак.

Шу билан бирга, суд-хукуқ соҳасида адвокатуранинг ўрни ва ролини янада ошириш, адвокат ваколатларини кенгайтириш бўйича бир қатор қўшимча ва самарали чора-тадбирларни амалга оширишимиз зарур бўлади.

Юқорида қайд этилган муаммоларни ҳал этиш максадида:

биринчидан, суд-хукуқ тизимини янада ислоҳ қилиш;

иккинчидан, фуқароларнинг хукукларини ишончли химоя қилиш;

учинчидан, одил судлов кафолатларини кучайтиришга қаратилган масалалар бўйича фармон лойиҳаси тайёрланмоқда.

Бу фармон тадбиркорлик фаолияти бўйича чиққан фармон билан ҳамоҳанг бўлиб, суд-хукуқ тизимини замон талаблари асосида янада такомиллаштиришни кўзда тутади.

Бугунги кундаги яна бир устувор вазифамиз – мамлакатимиз ривожига тўсик бўлаётган ёвуз иллат, яъни, коррупция ва уюшган жиноятчиликка карши курашиш, хукуқбузарликнинг олдини олиш масалаларини самарали ҳал этишдан иборат.

Эътибор беринг, биргина жорий йилнинг 9 ойида 61 мингдан ортиқ жиноят ва 2,5 миллиондан ортиқ хукуқбузарликлар қайд этилган. Бу рақамлар жамият тақдири учун жавобгарликни ҳис қилган ҳеч бир инсонни ўйлантирмасдан кўймайди, албатта. Чунки, улар кимнингдир фарзанди, ота-она ёки қариндош, колаверса, шу юртнинг фукаросидир.

Жиноят учун жазо мукаррар, албатта. Лекин ўзимизга бир савол берайлик – фукароларимиз жиноят йўлига кириб қолмаслиги учун шахсан ҳар биримиз нима иш қиляпмиз?

Вазиятни қандай ўрганяпмиз? Эртага шу жиноят яна қайтарилмаслиги учун ким нима иш қиляпти? Афсуски, кўпчилигимиз бу масалада фақат томошабин бўлиб турибмиз.

Шу нуктаи назардан, фаолиятимиз, биринчи навбатда, айбдор шахсни жавобгарликка тортиб, унга «судланган» деган тамғани босишга эмас, аксинча, хукуқбузарликларнинг барвакт олдини олиш ва профилактикасига қаратилиши зарур.

Афсуски, жойларда бу масалада маҳалла раиси, профилактика инспектори ва бошқа мутасаддилар ўз масъулиятини мутлақо ҳис этмаяпти, десак, тўғри бўлади.

Шунинг учун жиноятчиликнинг олдини олиш ва ҳар қандай жиноятга адолатли баҳо беришга қаратилган ишларимиз кескин кучайтирилади.

Ҳар бир ҳолат ва вазият бўйича туман ҳокими, вилоят ҳокими ва бошқа масъул раҳбарлар шахсан жавоб берадиган вақт келди. Жиноятнинг сабаби нима ўзи? Ўғирлик бўлган бўлса, у нима учун бўляпти? Қани профилактика нозири? Қани бизнинг ишонған маҳалла раисимиз, қани жамоатчилигимиз? Бу саволларга жавоб йўқ.

Шу сабабли бу борада ҳар бир ҳолат ва вазият бўйича ҳоким, ички ишлар бўлими бошлиги ва прокурорнинг аҳоли вакиллари олдида ҳисбот беришини кўзда тутадиган янги тизим жорий қиласиз.

Халкнинг дарди ва ташвишларини писанд килмайдиган, эл-юртимиз осойишталиги ва жамоат тартибини саклашга, адолат ва қонун устуворлигини таъминлашга қурби етмайдиган ҳар қандай даражадаги раҳбарларга нисбатан жиддий чоралар кўрилади. Лўнда килиб айтганда, бундай лоқайд ва бефарқ шахсларга раҳбарлик лавозимларида мутлақо ўрин йўқ.

Ана шундай қатъий ёндашув асосида жойларда муҳитни ўзгартиролсак, жамиятимиз мутлақо ўзгаради. Одамларнинг қонунга, қонун устуворлигини таъминлашга, давлатга, шу билан бирга, келажагимизга бўлган муносабати, дунёқарashi тубдан ўзгаради.

Профилактик тадбирларни ташкил этишда маҳалла имкониятларидан самарали фойдаланиш, жамиятда хукукий маданиятни юксалтириш, фуқароларда қонунга хурмат ҳиссини кучайтириш ва хукукбузарликларга карши курашишда фаол қатнашайтган инсонларни ҳар томонлама рағбатлантиришга алоҳида эътибор қаратилиши лозим.

Олдимизда турган улкан мақсад ва вазифаларни тұлақонли амалға ошириш учун давлат бошқарув тизими ва унинг аппарати самарали фаолият юритиши зарур, албатта. Бирок, холисона айтганда, бугун аксарият давлат идораларининг иш услуги давр талабига түлік жавоб бермайды. Айрим вазирлик ва идоралар ахоли муаммоларини ҳал этишда расмиятчиликка йўл кўймоқда, улар кўпинча қурук рақам ва маълумотлар тўплаш билан овора. Вазирлик ва идораларда улар масъул бўлган соҳалардаги аҳволни чукур таҳлил қилиб, тизимли камчиликларни аниқлаш ҳамда бартараф этишга қаратилган фаолият етарли даражада йўлга кўйилмаган.

Шу билан бирга, худудларни ҳар томонлама ривожлантириш, ижтимоий-иктисодий дастурларни амалға ошириш, қонунлар ижросини таъминлаш, жойлардаги давлат бошқаруви органлари фаолиятини мувофиқлаштириш борасида маҳаллий ҳокимликларнинг вазифа ва ваколатларини ҳам такомиллаштиришни даврнинг ўзи такозо этмоқда.

Шу ўринда ҳокимлик идораларининг моддий-техник базасини тубдан мустаҳкамлаш, ходимлар меҳнатига ҳак тўлаш тизимини мутлако қайта кўриб чиқиш лозим. Ушбу камчиликларни бартараф этиш ва бутун бошқарув тизимида аниқ тартиб ва қатъий интизомни таъминлаш максадида факат жорий йилда Бош вазирнинг 2 та ўринbosари, 22 та вазир ва идоралар раҳбарлари, Тошкент вилояти, Жиззах, Қарши ва Термиз шаҳарлари ҳамда 21 та туман ҳокимлари лавозимларидан озод этилди. Ишни жамоа бўлиб

бажарсак ҳам, унинг натижаси учун ҳар биримиз шахсан жавоб берадиган вақт-соат келди.

Аравани тортган одам биз билан ишлайди, тортмаган одам ишламайди. Агар биз бошқарувнинг вертикал тизимини жорий қиласиз, десак, бу талабларни сўзсиз бажаришимиз керак. Албатта, ҳамма нарсани биз ҳокимдан сўраймиз, Мўйноқда ҳам, Тошкентда ҳам, Бўзда ҳам ҳокимдан сўраймиз. Бинобарин, ҳокимлик идораларининг обрўйини, иш шароитини ҳам муносиб даражада ташкил этиб беришимиз лозим. Муаммоларнинг асосий сабаби – кадрларни тайёрлаш, тарбиялаш ва жой-жойига қўйиш жараёни билан бевосита боғлиқ.

Янгича ва мустақил фикрлайдиган, масъулиятли, ташаббускор, илғор бошқарув усулларини пухта ўзлаштирган, ватанпарвар, ҳалол кадрларни танлаш ва тайёрлаш бўйича самарали тизим яратилмас экан, давлат бошқарувида сифат ўзгариши юз бермайди.

Мана, бугун шундай муҳташам кошонада, муҳтарам Юртбошимизнинг ташабbusлари билан курилган Давлат бошқаруви академиясининг биносида ўтирибмиз. Албатта, ушбу академиянинг ишини ҳам бошқатдан кўриб чиқишимиз керак. Академия нафакат Тошкентда, балки ҳар бир ҳудудда қайси соҳаларга, давлат бошқарувига қандай кадрлар зарурлигини чукур ўрганиб, аниқ илмий тавсиялар бериши лозим. Нега деганда, бизга ҳеч ким ташқаридан тайёр кадр олиб келиб бермайди. Бу масалани ўзимиз ҳал қилишимиз керак. Шу маънода, Академияда ишлаётган хурматли кафедра мудирларимиз, дом-

лаларимиз ҳаётни ҳар томонлама теран биладиган одамлар бўлиши шарт.

Содда килиб айтганда, халқ давлат органларига эмас, балки давлат органлари халқимизга хизмат киладиган вакт келди.

Бу гапларни мен чин юрагимдан айтяпман. Чунки мен пастдаги ахволни, Худога минг қатла шукр, яхши биламан. Мен ҳам сизлар билан бирга кўчаларда пиёда юрган одамман. Бу фақат менинг фикрим эмас, сизларнинг фикрларингиз.

Афсуски, ҳаётда бунинг аксини кўрсатадиган баъзи бир рақамларга сизнинг эътиборингизни қаратмоқчиман. Шу йилнинг ўзида Вазирлар Маҳкамасига, вазирлик ва идораларга, барча даражадаги ҳокимликларга тушган мурожаатларнинг умумий сони 338 мингтани ташкил этди. Улардан 200 мингдан ортиги ёки 60 фоизи туман ва шаҳарлар ҳиссасига тўғри келмоқда. Бу рақамлар жойларда одамларнинг дарду ташвишлари билан ҳеч бир мутасадди раҳбар астойдил шуғулланмаётганини кўрсатади.

Бу аризалар нима ҳакида? Мана, эътибор беринг.

Ишга жойлаштириш, ер участкалари ажратиш, иш ҳаки ва пенсияларни ўз вактида тўлаш масалалари бўйича мурожаатлар сони кўпайган. Айникса, соғликни саклаш ва таълим соҳаларига доир мурожаатларнинг ошгани ишимиздаги камчиликлардан далолат беради. Шулар қаторида ахолининг хукукни муҳофаза килиш органларига эътиrozлари ҳам талайгина.

Раҳбарларнинг масъулиятсизлиги, баъзан одамларнинг эҳтиёжлари ва ҳакли талабларига бефарқ-

лиги, уларнинг мурожаатларига панжа орасидан карашлари туфайли Қашқадарё, Тошкент, Самарқанд, Сурхондарё вилоятлари ва Тошкент шаҳридан келаётган шикоятларнинг оқими доимий равишида ортиб бормоқда.

Бундан ташқари, Бош вазирнинг яқинда Интернет тармогида ташкил этилган Виртуал, яъни, электрон қабулхонасига ўтган З ҳафта ичидага 50 мингдан ортиқ мурожаат келиб тушди.

Такрор айтаман, З ҳафта ичидага 50 мингдан ортиқ мурожаат келиб тушди.

Хурматли партиядошлар, бу шунчаки кўр-кўронада намойиш ёки чет элдан ўрганганд қандайдир бир масала эмас. Биз буни жуда кўп муҳокама қилиб, фикрлашиб, одамларнинг дардини эшитайлик, деб, шундан кейин бир қарорга келдик.

Бундай масъулиятызиз ва совукқон муносабатга қатъян чек кўйишимиз шарт. Фуқароларнинг ҳар қандай муаммоларини ҳал этиш давлатнинг ҳалқка нисбатан асосий мажбуриятларидан бири эканини унутишга ҳеч кимнинг ҳаққи йўқ.

Шунинг учун раҳбарлар мунтазам равишида ҳалқ орасида бўлиб, шахсий қабулхоналар ташкил этишлари, жойлардаги муаммоларни ҳал қилишлари зарур. Бундан кейин жойлардаги раҳбарлар фаолиятига баҳо бериш биринчи навбатда ўз худудидаги аҳоли мурожаатлари сонига қараб, уларнинг амалий ечимига қараб ва ҳалқ ичидаги юришига қараб белгиланади. Қисқа қилиб айтганда, уларга ҳалқнинг ўзи баҳо беради.

Шу билан бирга, кўплаб давлат хизматчиларининг зиммасига катта масъулият юкланганига қарамасдан, уларнинг иш куни ва иш ҳафтаси аниқ меъёрга солинмагани ҳеч кимга сир эмас. Жаҳон тажрибаси шуни кўрсатадики, давлат хизматчиларига юксак талаблар қўйишдан олдин уларнинг ҳукукларини кафолатлаш ва ҳимоя тизими билан мустаҳкамлаш даркор.

Масаланинг ўта долзарблигини эътиборга олиб, давлат хизмати бўйича қонун қабул қилиш вақти келди, деб ҳисоблаймиз.

Мамлакатимизда демократик ислоҳотларни изчил амалга оширишда фуқаролик жамияти институтлари, нодавлат нотижорат ташкилотлари, оммавий ахборот воситалари алоҳида ўрин эгаллайди. Шу боис жамоатчилик назоратининг таъсирчан механизmlарини ривожлантириш мақсадида зарур чоралар кўришимиз керак. Бу борада «Кучли давлатдан – кучли фуқаролик жамияти сари» концепциясини изчил давом эттириш энг устувор вазифаларимиз қаторига киради.

Муҳтарам Ислом Абдуғаниевич бу концепцияда ҳамма нарсани чукур ифодалаб берганлар. Бунинг замирида энг асосий вазифалар мужассам. Кучли фуқаролик жамияти барпо этиш учун, бугун муҳокама қилаётган масалаларни амалга ошириш учун, албатта, одамларнинг онги, дунёқараши ўзгариши керак.

Маълумки, дунёда ноёб, ўхشاши йўқ маҳалла тизими мустақиллик йилларида ахолига энг яқин ва халқчил тузилмага айланди. Қайси маҳаллада иш

түғри ташкил этилиб, фуқаролар билан яқин ҳамкорлик ўрнатилган бўлса, ўша ерда ҳамжиҳатлик, меҳроқибат муҳити хукм сурмоқда, нохуш ҳолатларга йўл қўйилмаяпти.

Агар маҳаллада раис, профилактика инспектори ўз ишига фидойи бўлса, бу ерда муҳит мутлақо бошқа бўлади. Нега десангиз, агар улар шу ҳудуднинг ҳақиқий эгаси бўлса, маҳаллаларда безорилик содир бўлиши мумкин эмас.

Шуларнинг барчасини эътиборга олиб, биз бу тузилмани янада қўллаб-куватлашимиз ва ҳар томонлама ривожлантиришимиз зарур. Биринчи навбатда, маҳалланинг жамиятдаги ўрни ва ролини янада кучайтириш, хукуқ ва ваколатларини кенгайтириш, моддий-техник базасини мустаҳкамлаш, ушбу тизимда фаолият кўрсатаётган раҳбар ва ходимларнинг малакаси ва савиясини мунтазам ошириб бориш лозим бўлади.

Маҳаллаларда сайловларни ўтказдик. Янги сайланган одамлар ишлашни хоҳлайди, лекин улар қандай ишлаши, нима қилиши, қаердан ўрганиши керак, деган саволларга ҳали тўла жавоб йўқ.

Маҳалла институти шунинг учун чин маънода халқнинг жойлардаги маслакдоши ва кўмакдошига, «адолат тарозиси»га айланиши одамларнинг давлатга бўлган ишончини янада мустаҳкамлайди.

Яна бир муҳим масала – ислоҳотлар жараёнида оммавий ахборот воситаларининг ролини кучайтириш билан бөглиқ. Ахборот соҳасини ривожлантириш борасида ўтган даврда катта ишлар қилинди. Келгусида журналистларнинг профессионал

фаолиятини ҳимоя қилиш, оммавий ахборот вости-
таларининг иқтисодий асослари ва моддий базасини
янада мустаҳкамлашга қаратилган ишларимиз изчил
давом эттирилади.

Азиз дўстлар!

Биринчи Президентимиз, муҳтарам Ислом Абдуға-
ниевич айтгандаридек, «Иқтисодий мустақилликка
эришмасдан туриб, сиёсий мустақилликни таъмин-
лаб бўлмайди». Мустақиллик йилларида иқтисодиёсти-
миз қарийб 6 баробар ўсили. Унда саноатнинг улуши
14 фоиздан 34 фоизга ошди. Охириги 11 йил давомида
ялпи ички маҳсулотнинг ўртача йиллик ўсиши
8 фоиздан кам бўлмаган даражада сақланмоқда. Фаол
инвестиция сиёсати амалга оширилмоқда.

Лекин, ҳаммамизга аёнки, ўсиш суръатлари
бу шунчаки бир мақсад эмас. Бундай ўсиш аввало
халқимизга, ҳар бир фуқарога қандай наф етказиши,
унинг энг аввало дастурхонида, кундалик ҳётида
қандай акс этиши биз учун муҳим масаладир. Мана
шу ўсиш суръатларини биз ҳақиқий жон бошига
етказа олсан, нур устига нур бўлади.

Айни шу нуқтаи назардан, биз келгусида мамла-
катимизни ижтимоий-иктисодий ривожлантириш
борасида асосий диккат-эътиборни куйидаги
стратегик йўналишларга қаратишни зарур, деб ҳи-
соблаймиз.

Биринчидан, макроиктисодий баркарорликни яна-
да мустаҳкамлаш ва кейинги йилларда эришилган
иктисодий ўсиш суръатларини сақлаб қолиш.
Шунингдек, миллий валютамиз, ички бозордаги
нарх-наво баркарорлигини таъминлаш.

Молиявий соҳада эса – тармоқ ва худудларни мутаносиб ривожлантириш ҳисобидан маҳаллий бюджетнинг даромад базасини кенгайтириш лозим бўлади. Энг асосийси, туман ва шаҳарларда маҳаллий бюджетлар имкониятларининг кенгайиши – аҳолининг турмуш даражаси ва шароитлари яхшиланишига, умуман, барқарорликка ва осойишталикка хизмат қилиши лозим.

Агар биз шаҳар, туман бюджетларининг даромад базасини кенгайтирмасак, ҳозирги айтган ўзгаришлар бўлмайди. Ҳозир яхши ишлаган туман ҳам бир, ёмон ишлаётган туман ҳам бир. Ҳеч кимда фарқ йўқ, рақобат йўқ. Биз бундай ҳолни тубдан ўзгартиришимиз керак.

Иккинчидан, иқтисодиётимизнинг жаҳон бозоридаги рақобатдошлигини янада ошириш, унинг соҳа ва тармоқларини модернизация ва фаол диверсификация қилишдир.

Бизнинг олдимиизда 2030 йилга қадар ялпи ички маҳсулот ҳажмини икки баробардан зиёд кўпайтириш, иқтисодиётимиз таркибида саноатнинг улушкини 40 фоизга етказиш бўйича ўта муҳим вазифалар турибди.

Шу мақсадда яқинда кимё саноатини, рангли ва нодир металлар, углеводород хомашёсини қайта ишлаш, тўқимачилик, чарм-пойабзal, фармацевтика, мева-сабзавот маҳсулотлари ва қурилиш материаллари саноатини ривожлантириш бўйича 8 та маҳсус дастур қабул қилинди.

Ана шу дастурлар доирасида яқин беш йил ичида умумий қиймати қарийб 40 миллиард доллар бўлган 657 та инвестиция лойиҳасини амалга

ошириш кўзда тутилмокда. Натижада саноат маҳсулотлари ишлаб чиқариш ҳажми 1,5 баробар ортади.

Маҳаллий хомашёни чукур кайта ишлаш имкониятига эга бўлган тўқимачилик саноатини янада ривожлантириш бўйича алоҳида дастур ишлаб чиқилди. Мазкур дастур қиймати 2 миллиард 300 миллион доллар бўлган 140 та инвестиция лойиҳасини амалга оширишни назарда тутади. Тайёр тўқимачилик маҳсулотлари ишлаб чиқариш ҳажми 3 баробар ошади.

Яна бир муҳим масала. Арzon ва ишончли доридармон билан таъминлаш масаласида бугун биз аҳолимиздан қарздормиз ва ўйлайманки, бу қарзни узиш вақти келди.

Айни пайтда биз тиббиёт ходимлари томонидан bemорларга киммат дориларни асоссиз равишда тайинлашга, дорихона тармоқларида нарх-навонинг бесабаб ошибб кетишига йўл қўймайдиган энг қатъий чораларни кўрамиз. Давлат дорихона тармоқларида ҳаётий муҳим дори воситаларининг аниқ белгиланган нархларда сотилиши таъминланади.

Бу борада тасдикланган дастурдаги ва худудий 100 дан ортиқ лойиҳаларнинг амалга оширилиши 162 та янги, ҳозирги вактда четдан олиб келинаётган дори воситаларини ўзимизда ишлаб чиқариш ва уларнинг умумий ҳажмини 2,5 баробар ошириш имконини беради.

Бу масалани сизлар ҳам яхши биласизлар, ҳозир жойларда одамлар билан учрашганда, улар гўштнинг, картошканинг нархига эътиroz билдиримаяпти, асосан

дори-дармон воситаларининг нархи бўйича эътиrozлар кўп. Албатта, биз бу масалани ҳал қилиш бўйича ишлайпмиз.

Мана, орамизда оқсоқоллар ҳам ўтиришибди, улар яхши эслайди, илгари бир туманда битта дорихона бўлиб, дори-дармон ҳаммага етар эди. Хўш, майли, аҳолимиз кўпайибди, борингки, дорихона иккита бўлсин. Битта туманда юзлаб дорихонанинг нима кераги бор? Дорихона ходими билан савдогарнинг нима фарқи қолди ҳозир? Биз тасдиқланган дастурда одамларга энг зарур бўлган дориларнинг чакана нарх-навоси бўйича юзага келган номутаносибликни тўғрилашни кўзда тутганмиз.

Бизда фармацевтика соҳасида жуда катта имкониятлар бор. Ибн Сино бобомиз кашф қилган қанчаканча доривор гиёҳлар юртимизда ўсади. Лекин биз улардан фойдаланиш борасидаги анъаналарни нега давом эттирмајапмиз, шундай тарихимиз, илмий салоҳиятимиз, имкониятимиз бўла туриб, бунинг жиловини нега кимларгадир бериб кўймоқдамиз?

Ўйлайманки, бу муаммо бугун барчамизни кийнаяпти.

Ҳаммамизга маълумки, ҳозирги вақтда Навоий, Жizzах ва Ангрен ҳудудларида эркин индустрисал зоналар самарали фаолият кўрсатмоқда. Берилган имтиёзлар корхоналар томонидан инновацион лойиҳаларни муваффақиятли амалга ошириш учун имкон яратмоқда.

Бу ижобий тажрибани кенгайтириш мақсадида Ургут туманида ҳам эркин индустрисал-иктисодий зона ташкил этилмоқда.

Мана, яқинда мен Ургутга бориб, ана шу зонанинг иши билан танишдим. Ургут халқининг тадбиркорлигини бутун дунё билади. У ерда 40 гектарлик эркин иктисадий зона ташкил қилғанмиз, «ойнаи жаҳон»да ҳам намойиш этилди, кўрсангиз, койил қоласиз. Қанча одам шу ерда ишляпти. Биз якин келгусида Кўкон шаҳри ва Фиждувон туманида ҳам ана шундай худудларни ташкил этишни режалаштиряпмиз. Улар учун илгари яратилган имкониятларга кўшимча преференция ва имтиёзлар берсак. қанча янги иш жойлари ташкил қилишга эришамиз. Бу худудларга қанча-қанча сармоялар келади. Бозор иктисадиётининг талаби аслида шу.

Учинчидан, аҳолимизнинг сони ва ёши бўйича таркибини хисобга олиб, бандлик муаммосига доир тизимли ишларни давом эттиришимиз зарур.

Яқинда хукумат мажлисида депутат ва сенаторлар иштирокида 2017 йилда янги иш ўринлари ташкил этиш дастури лойиҳаси мухокама қилинди.

Дастур 390 минг кишини доимий иш жойи, 200 минг кишини – кишлок хўжалиги ҳамда курилишда мавсумий ва вактинчалик иш, 309 минг кишини – шахсий ёрдамчи ва деҳқон хўжаликлари, хунармандлик ва оиласвий тадбиркорлик орқали иш билан таъминлашни назарда тутади. Ушбу вазифаларни амалга оширишда ҳар доимгидек Либерал-демократик партия аъзоларининг фаол қўллаб-куватлаши ва ёрдамига умид қиласиз.

Бандликни таъминлаш масаласи – бизнинг энг муҳим, энг долзарб вазифамиздир. Бу масалани

ешиш, янги корхоналар қуриш учун эса ресурслар, биринчи навбатда, электр энергияси етарли бўлиши лозим. Имкониятларимиз бор, ресурсларимиз бор. Иқтисодиётимиз учун зарур бўладиган 30 фоиз электр энергиясини гидроэлектростанциялар орқали ҳосил қилишимиз мумкин.

Хитой бу соҳада жуда яхши ривожланган. Биз ҳозир вакилларимизни шу мамлакатга юбордик. Хитой раҳбари жаноб Си Цзиньпин мухтарам Ислом Абдуғаниевич билан қандай дўст бўлган бўлсак, шу дўстликни яна давом эттирамиз, деяпти. Агар биз мана шу режамизни амалга оширасак, бу тадбиркорларга ҳам, ахолига ҳам жуда катта мадад бўлади.

Тўртинчи масала, қишлоқ хўжалигини янада ислоҳ қилиш бўйича устувор вазифа – аввало ер ва сув ресурсларидан оқилона фойдаланишdir.

Бу борада замонавий интенсив агротехнологияларни кенг жорий этиш, маҳсулотларни саклаш инфратузилмасини такомиллаштириш ҳамда чукур қайта ишлашга алоҳида эътибор қаратилади.

Ҳосилдорлиги паст ерларда пахта экишини қисқартириш сабзавот, дуккакли ва озуқабоп экин майдонларини кенгайтириш, илғор хорижий тажрибаларни қўллаган ҳолда, юқори технологияга асосланган интенсив bog ва узумзорлар барпо этиш билан биргаликда олиб борилади.

Масалан, кейинги йилларда Сурхондарё вилоятида пахта ҳосилдорлиги пастлигича қолмоқда. Фермер хўжаликларининг иқтисодий ахволи йилдан йилга ёмонлашмоқда. Томорқалардан фойдаланиш ҳам

талаб даражасида эмас. Ваҳоланки, Сурхондарё вилоятининг тупрок-иклим шароитида февраль ойидан бошлаб бемалол 3 марта ҳосил олиш имкони бор.

Шунинг учун 2017 йилда тупрок унумдорлиги паст ерлар хисобидан ушбу худуднинг қарийб 18 минг гектар пахта ва 1000 гектар ғалла майдонлари қисқартирилади. Ушбу майдонларда сабзавот ва мева етиштирилади, интенсив боғ ва токзорлар барпо этилади, иссиқхоналар ташкил қилинади. Натижада маҳсулотларни чукур қайта ишлаш ҳажми кескин кўпайиб, кўшимча қийматга эга бўлган экспорт-боғ маҳсулотлар тайёрланади. Бу аҳолининг манфаатдорлиги ошиши ва даромади янада кўпайишига олиб келади. Ана шу масала бошка вилоятларда ҳам боскичма-боскич қайта кўриб чиқилади ва бундай тадбирлар уларда ҳам давом эттирилади.

2017 – 2020 йилларга мўлжалланган кўп тармоқли фермер хўжаликларини ривожлантириш дастурини ишлаб чиқиш якунига етказилади. Дастурга мувофик, экин майдонларини оптималлаштириш, пахта майдонларини боскичма-боскич қисқартириш таъминланади.

Асосий эътибор фактат экспортга йўналтирилган мева-сабзавот ва озик-овқат ҳамда чорвачилик маҳсулотлари етиштиришни кўпайтиришга қаратилади. Шунингдек, кичик ишлаб чиқариш шоҳобчаларини ташкил этиш ва кишлоқ хўжалиги учун сервис хизматлари кўрсатишга қаратилган ишларни мутлақо янги боскичга олиб чиқамиз.

Мана, биз кеча Сурхондарёга бориб, шу борадаги ишлар билан танишиб келдик. У ердагилар карам бўладими, сабзи ёки пиёз бўладими, хоҳлаган маҳсулотини куритиб, чет давлатларга экспорт қиляпти. Қайси маҳсулот экспортбоп бўлса, ўшани қайта ишлайпти. Мана, қандай ишлашимиз керак. У ерда меҳнат килаётган аклли, ташаббускор, ишнинг кўзини биладиган, чет тилида bemalol гаплашадиган ёшларимизни кўриб, одамнинг ҳаваси келади.

Келгуси 5 йилда биз мева-сабзавот маҳсулотларини қайта ишлаш ҳажмини 1,8 баробар ошириб, бугунги 17 фоиздан 30 фоизга кўпайтиришни вазифа килиб қўймоқдамиз. Кўшимча тарзда 200 минг тонна маҳсулот сақлаш кувватига эга бўлган совутгичли омборхоналар курилади. Бу ўз навбатида янги иш ўринлари очиш, ахоли даромадини кўпайтириш ва маҳаллий бюджетга қўшимча маблағ тушириш имконини беради.

Асосий вазифаларимиздан яна бири – қишлоқ хўжалигини молиялаштиришнинг мавжуд тизимини такомиллаштиришдан иборат.

Бу ишларни амалга оширмасдан туриб, биз кафолатланган баркарор ҳосилдорликни, бутун агросаноат комплексини ривожлантиришни ва энг муҳими, фермерларнинг моддий манфаатдорлигини оширишни ва қишлоқ жойларда турмуш даражасини яхшилашни таъминлай олмаймиз. Бу тадбирларнинг амалга оширилиши устувор вазифаларимиздан бири бўлиб қолади.

Биз қишлоқ хўжалигини молиялаштириш тизими-ни ўзгартиришимиз даркор. Ҳалол ишлаган одам албатта даромад топиши керак. Бунинг учун ер унумдорлигини ошириш, ирригация ва мелиорация ишларининг самарадорлигини янада кучайтириш, ресурслардан, аввало, сувдан оқилона фойдаланиш, тежамкор технологияларни жорий этишга алоҳида эътибор беришимиз зарур.

Бешинчидан, олдимизда турган яна бир вазифа – хусусий мулк ва тадбиркорликни ривожлантиришга ҳалакит бераётган барча тўсиқ ва чекловларни бартараф этишдан иборат.

Кичик бизнес, хусусий тадбиркорлик субъектлари ва фермер хўжаликларининг экспортдаги иштирокини янада рагбатлантириш бўйича қўшимча комплекс чора-тадбирлар амалга оширилади.

Партиямизнинг асосий электорати бўлган тадбиркорлар фаолиятини жадал ривожлантириш жамиятимиз тараккиёти ва фаровон ҳаётимизнинг мустаҳкам таянчи, иқтисодиётимиз барқарор ўсишининг энг муҳим кафолатидир. Маълумки, бугунги кунда тадбиркорлик соҳасининг ялпи ички маҳсулотдаги улуши 56,5 фоизга етди. Аҳолининг 78 фоизи айнан шу тармоқда меҳнат қилиб, мамлакатимиз ривожига муносиб ҳисса қўшмоқда.

Бирок, тадбиркорликни жадал ривожлантиришга қаратилган қатор чоралар кўрилишига қарамасдан, доимий текширишлар, молиявий-хўжалик фаолиятига ноконуний аралашувлар оқибатида тадбиркорлар ўз ишини вактинча тўхтатишга, айрим ҳолларда эса умуман тутгатишга мажбур бўлмоқда.

Жиноят ишларини тергов килиш доирасида ўтказилаётган текширишларнинг узоқ муддат давом этиши тадбиркорларнинг ҳакли норозилигига сабаб бўлмоқда. Шунингдек, лицензия ва рухсатномалар бериш жараёни ойлаб чўзилиши туфайли фуқаролар тадбиркорлик билан ноконуний тарзда шуғулланисига ўзимиз замин яратмоқдамиз. Мансабдор шахсларнинг таъмагирлик ҳолатларига тўлиқ чек кўйилмаган.

Текширув тартибларини бузиш ҳолатлари асосан солик, ёнгинга қарши кураш, санитария назорати, кадастр, табиатни муҳофаза килиш ва бошқа назорат килувчи органлар хиссасига тўғри келмоқда.

Жорий йилнинг ўтган даврида хўжалик судларида хусусий тадбиркорлик, кичик бизнес субъектлари ва фермер хўжаликларининг ҳукуқ ва конуний манфаатларини ҳимоя қилишга оид 23 мингта иш кўрилиб, тадбиркорлар фойдасига 640 миллиард сўм ундириш ҳақида қарорлар қабул қилинган, 133 нафар айбдор мансабдор шахсларга нисбатан тегишли суд таъсир чоралари кўрилган.

Режадан ташқари ва муқобил текширишлар назорат органларига тадбиркорлик субъектларини исталган вақтда текшириш имконини беради.

Баъзан шундай ҳам бўладики, хоҳлаган тумандаги кичкина санитария-эпидемия станциясининг ходими ёки солик назоратчиси катта бир корхонага бориб, мен бугун текширияпман, менга сенинг кўринишинг ёқмади, юришинг ёқмади, менга нотўғри салом бердинг, деб асоссиз равишда уни ёпади. Кайфияти бўлса, очади, бўлмаса – йўқ. Ахир, бу корхонада қанча

одам ишләяпти – бу билан унинг иши йўқ. Корхона махсулот экспорт киляпти. Назоратчининг эса бу билан ҳам иши йўқ.

Энг кенғ тарқалган қисқа муддатли текширишга эса текширувчи идоранинг ўзи рухсат бермоқда. Текширишлар тирнок остидан кир қидириш, камчиллик топишга йўналтирилган бўлиб, охир-окибатда тадбиркорларни синдиремоқда.

Шу сабабли текшириш турлари, уларни ўтказиш тартиби ва асосларини танкидий кўриб чиқиш, назорат органларининг ваколатларини катъий чеслаш, тадбиркорлар жавобгарлигини либераллаштириш бўйича аник чоралар кўриш вакти келди, деб ўйлайман.

Бу муаммоларни зътиборга олиб, 2016 йил 5 октябрда кабул килинган «Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя килишга ва ишбилиармонлик мухитини сифат жиҳатидан яхшилашга доир кўшимча чора-тадбирлар тўғрисида»ги фармонга мувофик, кичик бизнес ва хусусий тадбиркорликка кенг эркинлик бериш, улар фаолиятига ноконуний аралашувни тубдан қисқартириш, хукуқбузарликларнинг барвакт олдини олиш ва профилактика самарадорлигини ошириш сиёсатимизнинг устувор йўналиши ва давлат органларининг биринчи даражали вазифаси этиб белгиланди. Шунингдек, тадбиркорлик субъектлари фаолиятини режадан ташкари ва муқобил текширишларнинг барча турлари бекор килинди.

Тушунарли килиб айтганда, мұқобил текшириш дегани – «встречная проверка» дегани. Текширувчи Тошкентда хато тополмаса, шу тадбиркорнинг фалон йил аввал Фаргонада ишлаган жойини топади-да, у ерга бориб текширади. Шунинг учун ҳаммани кийнаб келаётган бундай ҳолатларга чек кўймасак бўлмайди. Энди бу фармон асосида ҳамма нарсани жой-жойига қўйиб, қонунни ўзгартириб олсан, биласизларми, жуда катта масалани ҳал қилган бўламиз. Аслини олганда, бизнинг тадбиркорларимизда бор имконият дунёда бирорта мамлакатда йўқ ўзи. Бу – ҳақиқат. Бизнинг билим ва тажрибамиз, ҳаракат ва интилишимиз етарли. Лекин, афсуски, кўп масалаларда ўзимиз ўзимизни кийнаб, оёгимизга кишан солиб турибмиз.

Биринчи марта ҳукукбузарлик содир этиб, етказилган заарни қоплаган тадбиркорлар маъмурий ва жиноий жавобгарликдан, жарималар ва молиявий санкциялардан озод қилинади.

Тадбиркорлик субъектларига нисбатан тадбиркорлик фаолиятини амалга ошириш ҳукуқидан маҳрум килиш тарзида жиноий жазо қўллаш бекор қилинади.

Биласизларми, бу жуда оғир масала. Бу айтишга осон, лекин ўрганган кўнгил ўртанса кўймас, деб бежиз айтилмаган. Ўша текширувчи ҳам, суд ҳам Ўзбекистонда тинчлик бўлса, хотиржам ишлаши мумкин. Ўзбекистонда қачон тинчлик бўлади? Одамлар ойлик олса. Одамларга ким ойлик беради? Оддий тил билан айтганда, уларни ким бокяпти? Тадбиркор. Шундай экан, мевали шохга болта уриб нимага эришиш мумкин?.. Қани, бир шундай қилиб кўрайлил.

«Одамлар ҳамма нарсага чидаши мумкин, лекин адолатсизликка чидай олмайди», деган гапнинг замиридаги маъно асли ўзи шу – ишлаётган, ҳалол даромад топаётган одамга халақит бермаслик керак.

Хорижий инвестициялар иштирокида янгидан ташкил этиладиган ишлаб чиқариш корхоналарига давлат рўйхатидан ўтган вақтида амалда бўлган солик ва бошқа мажбурий тўловлар ставкаларини беш йил мобайнида кўллаш хукуки берилди.

Тадбиркорлик фаолиятига аралashiш, фаолиятни асоссиз тўхтатиб қўйганлик учун мансабдор шахсларнинг жавобгарлиги, шунингдек, уларга етказилган зарарни бевосита айбдорлардан ундириш тартиби белгиланди.

Агар соликчими, прокурорми, мелисами, тадбиркорнинг фаолиятини ноконуний ёпдими, суд зарарни айбдордан ундириш тўғрисида ҳукм чиқаради. Корхонани асоссиз ёпган одам энди у кўрган зарарни ёнидан тўлайди. Чунки конун шуни талаб қиласди.

Мазкур фармон талабларидан келиб чиқиб, Коррупцияга карши курашиш тўғрисида, Маъмурий тартиб-таомиллар тўғрисида, Давлат харидлари тўғрисида ва Давлат-хусусий шериклик тўғрисидаги каби муҳим қонунларни қабул қилиб, амалга оширишимиз керак.

Олтинчидан, мамлакатимиз иктисадий қудратининг ўсиши, ахолининг турмуш даражаси ва сифатини оширишга, айникса, кишлок жойларда бунга эришиш – авваламбор, мамлакатимиз ҳудудларининг комплекс ва изчил ривожланиши билан белгиланишини яхши тушунамиз. Бу – бизнинг ҳам

якин, ҳам узок муддатли истиқболдаги вазифа-миздир.

Бугунги кунда 14 та ҳудуддан 5 таси ёки уларнинг 36 фоизи, яъни Қорақалпогистон Республикаси, Жиззах, Наманган, Сурхондарё ва Сирдарё вилоятлари республика бюджетидан субвенция олувчи ҳудудлар қаторига киради.

Бундан ташқари, Жиззах ва Янгиер шаҳарлари ҳамда 167 та тумандан 121 тасида ёки уларнинг 72 фоизида маҳаллий бюджет даромадлари субвенция ёрдамида шакллантирилмоқда.

Субвенция дегани – мана шу 121 та туман ҳозир ўзининг бюджети ҳисобидан ўзини боқмаяпти, дегани. Савол туғилади: ана шу туманларда иқти-садиёт нима бўляпти? Уларнинг раҳбарлари қандай харакат киляпти? Муаммо билан мурожаат қилган халққа нима деб жавоб қиласи? Ахвол яхши бўлса, одамлар муаммо кўтариб келмайди. Лекин бюджетида маблаг бўлмаса, ҳоким қаерга боради? Алдайди, эртага кел, индинга кел, деб одамлардан кутулмоқчи бўлади. Нега десангиз, муаммони ҳал қилиш имкони йўқ. Аччик бўлса ҳам, бу – ҳақиқат.

Шу муносабат билан Биринчи Президентимиз томонидан тасдиқланган, бир қатор вилоятлар, Тошкент, Қарши, Шаҳрисабз, Термиз, Наманган, Урганч ва Гулистон шаҳарлари, шунингдек, Булунғур ва Нишон туманларининг саноат салоҳияти ва инфратузилмасини ривожлантириш бўйича қабул қилинган дастурлар ижросини таъминлашимиз зарур.

Шу билан бирға, 2017 йилнинг биринчи ярим йилида Қорақалпоғистон Республикаси, Андижон, Бухоро, Жиззах, Навоий, Самарқанд, Сирдарё ва Фарғона вилоятларини ижтимоий-иктисодий ривожлантириш дастурлари ишлаб чиқилади ва тасдиқларади.

Мамлакатимиз ҳудуд ва минтақаларини замон талаблари асосида тараккӣ топтириш учун биз аниқ режа ва хисоб-китобларга эга бўлишимиз керак.

Шу мақсадда ҳукуматимизнинг ташаббуси билан жорий йилнинг сентябрь-октябрь ойларида мамлакатимиздаги 182 та шаҳар ва тумандаги мавжуд ижтимоий-иктисодий аҳвол атрофлича ўрганиб чиқилди.

Биз 150 га яқин мутахассисни республикамизнинг барча ҳудуд ва минтақаларига юбордик. Улар жойларда ичимлик суви; йўлларнинг ҳолати, табиий газ масаласи, мактаб, боғча, шифохоналардаги аҳволни синчиклаб таҳлил қилиб чиқди. Албатта, бу.– осон масала эмас. Бизда ҳозир нафақат туман, балки маҳаллалар бўйича ҳам ҳар бир вилоятнинг барча муаммолари ҳақида маълумотлар бор.

Биз бу муаммоларни ечишда аввало Қорақалпоғистон Республикаси ва Хоразм вилоятига, умуман, Оролбўйи минтақасида ижтимоий соҳалар ривожига бошқа ҳудудларга нисбатан кўпроқ эътибор берсак, ўйлайманки, адолатдан бўлади.

Бу борадаги янги дастурлар реал воказликни яхши билмасдан, Тошкентда ўтириб ёзиладиган дастурлар бўлмайди. Партиядошларимиз билан, депутатлик

корпусимиз билан бирга бу дастурларнинг ижросини назоратга олсак, бу одамларимизга жуда катта амалий кўмак бўлади.

Биз келгуси икки йил давомида 81 та туманни субвенциядан чиқармоқчимиз. Бу – ниҳоятда қийин масала. Бунинг тагида машаккатли меҳнат, аниқ хисоб-китоб бўлиши, қатъият бўлиши керак. Шулар каторида 41 та туман ва шаҳар бўйича субвенция даражасини кескин камайтириш кўзда тутилмоқда.

Бизнинг келгуси режаларимизда азим пойтахтимиз – Тошкент шаҳрини нафакат минтақамиз, балки дунёдаги энг гўзал ва обод мегаполислардан бирига айлантириш энг муҳим ва устувор масала бўлиб колади.

Шу мақсадда миллий меъморлик ва шаҳарсозликнинг энг илғор ютуқ ва ечимларидан ижодий фойдаланган ҳолда, кенг миқёсдаги қурилиш ва ободонлаштириш ишларини изчил давом эттириш эътиборимиз марказида бўлади.

Тошкент шаҳри учун ўта муҳим аҳамиятга эга бўлган йирик дастур – Сирғали туманида яқин келгусида 500 та кўп қаватли замонавий уй-жой барпо этиш лойиҳасини ишлаб чиқиш режалаштирилмоқда.

Бу эса қарийб 30 минг оилани янги уй-жой билан таъминлаш имконини яратади. Шуниси эътиборлики, бу уйлар имтиёзли ипотека кредитлари асосида берилади ва эски, ҳеч бир шароити йўқ, пастқам уйларда яшаётган аҳолини босқичма-босқич замонавий уйлар билан таъминлаш имконини яратади.

Шаҳарнинг барча туманларида янги маданият ва истироҳат боғлари барпо этиш, яшил майдон ва худудларни янада кўпайтириш, коммунал ва савдо хизматлари сифатини яхшилаш, янги транспорт-коммуникация тармоклари ва хизмат турлари, маданий-маиший обьектлар бунёд этиш, ер устидан ўтадиган тезюарар метро йўналишларини куриш, бир сўз билан айтганда, одамларни ҳаётдан рози қилиш масаласига устувор аҳамият берилади.

Бугунги кунда ўз ечимини кутиб турган социал-ижтимоий масалаларни ҳал қилиш учун биз республика миқёсида 15 та мақсадли дастурни пухта ишлаб чикишимиз ва амалга оширишимиз зарур.

Аввало, кишлоп ахолисининг эҳтиёж ва талабларини эътиборга олиб, **Қишлоқ жойларда арzon уй-жойлар қуриш дастурини** қабул қилиш кўзда тутилмоқда. Ушбу дастурга кўра, биргина келгуси йилнинг ўзида тўрт хил янги намунадаги, қулай ва арzon, бир ва икки қаватли 15 мингта замонавий уй-жой барпо этиш мўлжалланмоқда.

Бошлиғич тўлов ҳажми икки баробар камайтирилиши ҳамда арzon лойиҳалар асосида барпо этилиши натижасида эҳтиёжманд оиласлар алоҳида уй-жой ва хонадонларга эга бўлади.

Бундан ташқари, 2017 – 2020 йилларда шаҳар жойларда 945 та кўп қаватли уйлар қуриш дастури лойиҳаси ишлаб чиқилмоқда. Дастурга кўра, Тошкент шаҳри, Коракалпогистон Республикаси ва вилоятлар марказларида ҳамда йирик шаҳарларда 50 мингга яқин уй-жойга муҳтож оиласлар учун 5.7 ва 9 қаватли арzon уйлар курилади.

Мана, Нукусда ҳам, Навоийда ҳам, Сирдарё, Жиззахда ҳам шароити огир одамлар бор. Уларга ҳам арzon уйлар керак. Шунинг учун Тошкентда ташкил қилинган, 500 та уйни қураётган корхонамиз бу жойларда ҳам 5 қаватли, 7 қаватли уй-жойлар қуришни бошлайди. Бунинг учун ҳамма ҳисоб-китобимиз бор.

Келажакда тасдиқланадиган **Қишлоқ аҳоли пунктларида ичимлик суви тармоқларини кенгайтириш ва модернизация қилиш дастури** биз учун гоят долзарб бўлган муаммоларни ҳал этишга қаратилади.

Бу муаммолар асосан қуйидагилардан иборат: **биринчидан**, бугунги кунда мамлакатимиз аҳолисини марказлашган ичимлик суви билан таъминлаш даражаси 67 фоизни ташкил этмоқда; **иккинчидан**, Коракалпогистон Республикаси, Бухоро, Жиззах, Қашқадарё, Сурхондарё, Сирдарё ва Хоразм вилоятларида марказлашган ичимлик суви таъминотида муаммолар мавжуд.

Бу йўналишда ўтган даврда мамлакатимизда катта ишлар қилинганини албатта эътироф этиш зарур. Айни вақтда аҳолимиз сони ўсиб, охирги 25 йилда 10 миллионга кўпайди ва бугунги кунда 31 миллион 800 минг қишини ташкил этмоқда.

Шунинг учун нафакат янги оиласлар ва маҳаллалар, балки ўнлаб янги-янги қишлоқ ва шаҳарчалар пайдо бўлаётганини ҳисобга оладиган бўлсак, мавжуд вазият бу борада кечиктирмасдан, самарали чоралар қўришни талаб этмоқда.

Буғунги кунда аксарият жойларда одамларни кийнаб келаётган ана шу муаммони ечиш мақсадида келгуси беш йил давомида қарийб 9 минг километр ичимлик суви тармоклари, 1 минг 400 та қудук ва 3 минг 600 та сув иншооти курилади ва реконструкция қилинади.

Бу эса Коралпогистон Республикаси, Андижон, Жиззах, Навоий, Сирдарё, Самарқанд, Тонкент, Хоразм вилоятларида 3,2 миллион аҳолини тоза ичимлик суви билан таъминлаш ва мамлакатимизда ушбу кўрсаткични 67 фоиздан 84 фоизга стказии имконини беради.

Шу мақсадда Молия вазирлиги хузурида «Тоза сув» маҳсус жамғармаси ташкил ўтилади.

Ушбу устувор вазифаларни амалга ошириш учун ҳозирги вактда Уй-жой коммунал хўжалиги вазирлигини ташкил этиш билан боғлиқ чора-тадбирлар кўриб чиқилмоқда.

Кафолатланган ва барқарор электр куввати стказиб бериш мақсадида яна бир хужжат **Шаҳар ва қишлоқ аҳолисининг электр энергияси таъминотини яхшилаш дастури** ишлаб чиқилмоқда.

Ҳозирги кунда мамлакатимиз бўйича 67 фоиз паст кучланишли электр тармоклари эскирган бўлиб, трансформатор пунктлари зўрикиб ишламоқда. Куз-киш мавсумида уларни алмаштириш бўйича бажарилаётган ишлар эса масалани тубдан ҳал этаётгани йўқ.

Беш йил давомида электр энергияси ишлаб чиқариш кувватларини янада ошириш, 25 минг 300 километр паст кучланишли электр тармокларини янгидан

куриш ва реконструкция килиш, 5 минг 600 та эскирган трансформатор подстанцияларини алмаштириш назарда тутиляпти.

Навбатдаги масала транспорт инфратузилмасини янада ривожлантириш билан боғлиқ.

Бугунги кунда аксарият қисми ачинарли ахволга келиб қолган миңтақавий ва маҳаллий аҳамиятга молик йўлларга ҳам эътибор қаратадиган вақт келди.

Баъзи бир рақамларга мурожаат қилсак. 75 минг километр ёки 64 фоиз ички йўлларимиз таъмирталаб ахволда. Умумий фойдаланишдаги автомобиль йўлларининг бир қисми ҳеч қандай қопламасиз, яъни, тупроқ йўллардир. Шунингдек, 9 минг 500 километр йўлларни реконструкция қилиш талаб этилмоқда.

Янги дастурда умумий фойдаланишдаги 1 минг 700 километрлик автомобиль йўлларини куриш ва реконструкция қилиш мўлжалланмоқда. Шунингдек, аҳолимиз учун ўта муҳим бўлган 10 минг 400 километрлик хўжаликлараро қишлоқ автомобиль йўлларини, шаҳарлар, туман марказлари, кичик шаҳарчалар ва қишлоқ жойлардаги маҳалла кўчаларини капитал ва жорий таъмирлаш режалаштирилмоқда.

Биз ҳозир ана шу йўлларни балансга олиш ҳақида карор тайёрлайпмиз. Йўл масаласи худди сувдек, ҳаводек жуда муҳим, у – иқтисодиётимизнинг қон томири. Ушбу дастурни амалга ошириш учун Молия вазирлиги хузуридаги Йўл жамгармаси ва «Ўзавтойўл» компаниясининг ташкилий тузилмасини тубдан қайта кўриб чиқишнинг вақт-соати келди.

Мазкур дастурнинг мантикий давоми сифатида **Кишлоклар ва шаҳарларда транспорт хизматини янада яхшилаш дастури ҳам ишлаб чиқилади.** Бу дастурга асосан 74 та автовокзал ва автостанция реконструкция қилинади ва йўловчиларга қулай шарт-шароитлар яратилиб, уларнинг хавфсизлигини таъминлаш чоралари кўрилади. Янги 3 мингта автобус, 5 минг 700 та микроавтобус сотиб олиниб, 300 дан ортиқ янги автобус йўналишлари очилади ва мавжуд йўналишлардаги эскирган автобуслар янгиланади.

Шу билан бирга, ҳаво ва темир йўл инфра-тузилмасини ривожлантириш мақсадида аввало Тошкент халқаро аэропортининг янги терминалини барпо этиш зарур.

Бухоро – Мискин темир йўл тармоғи қурилишини якунига етказиш ва электрлаштириш, Қарши – Термиз, Поп – Наманган – Андижон – Кўқон темир йўлларини электрлаштириш ишлари ҳам кўзда тутилмоқда.

Муҳтарам Юртбошимизнинг ўзлари қўлларига қалам олиб, Шаҳрисабзни реконструкция қилишнинг лойиҳасини тузган эдилар. Лекин битта армон бор – Ислом Абдуғаниевичга шуни кўрсата олмадик. Янги йилда албатта ўзим бориб очаман, деб айтган эдилар, афсуски, насиб килмади. Лекин буни одамлар кутяпти ва шунинг учун Шаҳрисабзга Биринчи Президентимиздан яна бир тухфа сифатида тезюарар поезд йўлини Қаршидан Шаҳрисабзга етказиши режалаштиряпмиз. Ўйлайманки, шу ишни амалга оширсак, Юртбошимизнинг руҳларини шод қилган бўламиз.

Яна бир мухим масала – Қаттиқ майший чиқиндиларни санитария йўли билан тозалаш ва утилизация қилишни янада яхшилаш дастури. Албатта, мен ҳозир айтадиган бу масала маърузада бор-йўги ярим бет жойни эгаллаган. Лекин бу масалага ҳаётимизда кўп нарса боғлик.

Бу дастурнинг амалга оширилиши шаҳарларимиз ва қишлоқ аҳоли пунктларининг тозалиги ва гўзаллигини ошириш, атроф-мухитни заҳарлайдиган ва аҳоли саломатлиги учун хавф туғдирадиган, ноконуний пайдо бўлган 1,5 мингта чиқиндихонани йўқ қилиш имконини беради.

Айни вактда майший чиқиндилар учун, жумладан, барча вилоятлар марказларида ҳамда йирик шаҳарларда 168 та полигон барпо этилади. Чиқиндиларни тозалаш билан шуғулланадиган ташкилотлар кўшимча равишда 405 та замонавий маҳсус техника билан таъминланади.

Яна бир мухим масала – кўмирнинг таннархи ва аҳолига сотиши нархини камайтириш, айниқса, қиши пайтида унинг баҳоси ошишига ва чайковчиликка йўл қўймаслик бўйича қўшимча чоратадбирлар кўрилмоқда.

Кўмир ишлаб чиқаришнинг ҳозирги ҳажми, афсуски, мавжуд талабни тўлиқ қондириш имконини бермаяпти. Ўтган давр мобайнида мамлакатимиз бўйича кўмир маҳсулоти етказиб бериш режаси 35 фоизга, аҳолини таъминлаш бўйича эса 17 фоизга бажарилган, холос. Шу сабабли аҳолига кўмир етказиб бериш тизимини такомиллаштириш, унинг нархи сунъий равишда ошиб кетишининг олдини

олишга қаратилған чора-тадбирлар ишлаб чиқилиб, амалға оширилади.

Бизнинг биринчи даражали вазифаларимиз қаторида ижтимоий соҳани янада ривожлантириш муҳим аҳамият касб этади.

Ижтимоий сиёсатнинг муҳим йўналиши бўлган мактабгача таълим-тарбия тизимининг моддий-техник базасини мустаҳкамлаш эътиборимиз марказида бўлади. Жумладан, давлатга қарашли 1 миллион 109 минг ўринли – тасаввур қилинглар, 1 миллион 109 минг ўринли 2 минг 200 та болалар боғчаси курамиз. Капитал таъмирлаш ва жиҳозлаш масалалари ҳал этилади. Ўйлайманки, бундан аёлларимиз, ёш оналаримиз ва умуман, аҳолимиз мамнун бўлади.

Соғлиқни саклаш соҳасини янада ислоҳ қилиш, аҳолига тиббий хизмат кўрсатиш сифатини тубдан ошириш мақсадида яқин кунларда қишлоқ врачлик пунктлари, тез тиббий ёрдам станциялари бўйича 4 та қарор чиқарамиз.

Тез тиббий ёрдам станцияларининг иши бўйича аҳолининг эътиrozлари жуда кўплиги ҳеч кимга сир эмас. Биз бу масалада амалий чоралар кўришни режалаشتиргандикан.

Ихтисослашган тиббий марказлар фаолиятини янада яхшилаш ҳам долзарб вазифа бўлиб турибди. Мухтарам Юргбошимиз замонавий ихтисослашган марказлар қуриб берганлар. Дунёда бунинг намунаси йўқ. Лекин Тошкентда жойлашган бу марказнинг фаолияти туман ёки қишлоққа қандай етиб боряпти? Биз мана шу тизимни ҳам бугунги кун талаблари

нуктаи назаридан қайта кўриб чиқишимиз зарур. Бу марказлар факат Тошкент учун эмас, бутун Ўзбекистон учун ташкил қилинганини барчамиз онгли равишда тушуниб олишимиз зарур. Бу марказлардаги энг яхши тиббиёт мутахассислари факат Тошкентда эмас, Бойсунда ҳам, Мўйноқда ҳам, Бўзда ҳам бўлиши керак. Бунинг учун тизимни такомиллаштириш лозим.

Кейинги масала – муҳтарама аёлларимизга эътибор ва ғамхўрлик кўрсатиш мамлакатимизда давлат сиёсати даражасига кўтарилганини барчамиз яхши биламиз.

Жамиятимизда тинчлик, меҳр-оқибат муҳитини мустаҳкамлаш, ёш авлодни соғлом ва баркамол этиб вояга етказишда бекиёс ўрин тутадиган хотин-қизларнинг ижтимоий-сиёсий ҳаётимиздаги нуфузини янада оширишимиз зарур. Улар учун муносиб шарт-шароитлар, янги иш ўринлари яратиш, опасингилларимизнинг огирини енгил қилиш, саломатлигини мустаҳкамлаш, истеъдод ва қобилиятини рўёбга чиқариш бундан кейин ҳам муҳим вазифа ҳисобланади.

Маълумки, хонадонларимизнинг файзу фариштаси бўлган нуроний отахон ва онахонларимизни эъзозлаш, уларни ҳаётдан рози қилиш, қўлимиздан келганича умрларини узайтириш асрлар давомида энг улуғ қадриятларимиздан бири бўлиб келмоқда. Чунки, мўътабар кексаларнинг насиҳатлари, дуолари билан ҳаётимиз файзли, юртимиз тинч ва обод, хонадонларимизда кут-барака барқарор, десак, ҳеч қандай муболага бўлмайди. Доно халқимизнинг

«Кариси бор уйнинг париси бор» деган ҳикматли сўзларида чукур маъно бор.

Ҳакикатан ҳам, бизнинг мана шундай ёруғ кунларга етиб келишимиз учун ўзини аямасдан меҳнат қилган бундай табаррук инсонларга хизмат килиш, дуосини олиш, улар учун муносиб турмуш шароитларини яратиб бериш бўйича қўшимча чоратадбирлар кўришни биз ўзимизнинг эзгу ва савобли вазифамиз деб биламиз.

Бу борада Ёши улуғ инсонлар, ёлғиз кексалар ва имконияти чекланган шахсларга тиббий ёрдам кўрсатиш дастури тайёрланмоқда.

«Нуроний» жамғармасининг мақоми ва мавқеини кўтариш, унинг туман, вилоят ва республика тузилмалари штат бирликларини кўпайтириш, моддий-техник базасини мустаҳкамлашга алоҳида аҳамият берилади.

Масалан, вилоят миқёсида «Нуроний» жамғармаси бор, лекин туман миқёсида кексаларимизнинг муаммоларӣ билан шуғулланадиган одамлар йўқ. Агар биз ота-оналаримизга ҳакикий ёрдам бсраниз, десак, уларни ҳаёт пайтида кадрлашимиз, эъзозлашимиз керак. Мен шу гапларни юрагимдан айтянман, эрталаб ишга кетишимизда, оптимиздан duo қилиб қоладиган, кечқурун очик юз билан кутиб оладиган ота-оналаримиз, бобо ва момоларимизнинг бўлиши – бу ўзи қандай катта баҳт. Шу масалада кўп одамда армон бор. Ҳаётимизда армон бўлмаслиги учун бу ишларни ҳозир қилишимиз керак. Шунинг учун биз мана шу «Нуроний» жамғармасига туман миқёсида штат бирликлари бериб, уларнинг моддий-

техник базасини мустаҳкамлаш, умуман, шу борада йўналишни ўзгартиришни мўлжалляпмиз.

Маълумки, Ўзбекистон – улкан табиий захиралар, иктисадий ва инсоний салоҳиятга бой мамлакат. Аммо Яратганинг ўзи ато этган яна бир бебаҳо бойлигимиз борки, у ҳам бўлса, халқимизнинг бекиёс интеллектуал ва маънавий салоҳиятидир.

Илм-фан намояндадарининг, таъбир жоиз бўлса, «игна билан қудук қазийдиган» заҳматкаш олимларимизнинг машаққатли илмий изланишлари мамлакатимиз, унинг бугунги ва келгуси равнақи учун жуда катта аҳамиятга эга. Бу фидойи инсонлар учун ҳар томонлама қулай шароитлар яратиш мақсадида биз бор куч ва имкониятларимизни сафарбар этамиз.

Бугунги кунда дунёда инновацион ғоясиз, илм-фан ютукларисиз биронта соҳанинг ривожланиши мумкин эмас. Шу маънода, заҳматкаш, фидойи олимларимиз – Худо берган одамлар, десак, хато бўлмайди. Уларни бошқалар билан teng қилиш мумкин эмас. Бундай инсонлар мингтадан, миллионтадан битта туғилади. Уларни асрраб-авайлашимиз, ҳар томонлама кўллаб-кувватлашимиз лозим. Битта илм намояндасини етиштириш учун давлат, жамият 30 йил вакт сарфлайди. Олим бўлиш учун инсон умр бўйи ҳаракат қиласи. Ўзим ҳам бу соҳада бирмунча вакт фаолият кўрсатганим учун буни жуда яхши тушунаман. Доктор бўлиш, академик бўлиш – бу энди Худо берган одамда бўлади. Мана, даврамизда академикларимиз ўтиришибди, мен ёшлигимдан академикни кўрсам, илмнинг одамини кўрсам, нихоятда ҳавасим келарди. Уларнинг муҳити бошқа,

уларнинг маданияти бошқа. Бу ажойиб инсонлардан ўргансак, ёшларимизга уларни ибрат килиб кўрсатсан, ўйлайманки, хеч қайсимиз кам бўлмаймиз.

Бугунги кунда ахборот-коммуникация технологиялари, Интернет тизимини кенг ривожлантирумасдан туриб, мамлакатимизни модернизация килиш ва янгилаш, баркарор тараққиётга эришиш ҳакида сўз юритиш мумкин эмас.

Ҳаётимизнинг энг муҳим жабҳалари учун юксак технологиилар, илмий ишланмалар яратиш, малакали мутахассислар тайёрлаш, жаҳон ахборот технологиялари бозорида муносиб ўрин эгаллаш масаласига устувор аҳамиятга эга вазифа сифатида қарашимиз зарур.

Айни вақтда ахборот-коммуникация соҳасидаги охириги ютукларни ўзлаштириш билан бирга, ёшларимизнинг китоб ўқишига бўлган қизиқишини оширишга, уларнинг китоб билан дўст бўлишига, аҳолининг китобхонлик савиясини янада оширишга алоҳида эътибор қартиш лозим бўлади, деб ўйлайман.

Албатта, компьютер, планшет – яхши. Невараларимиз, болаларимизга одамнинг ҳаваси келади. Бу нарсалар – замон талаби ҳозир. Лекин маданият ёшликтан, инсонни болалар боғчасида, мактабда китоб ўқишига ўргатишдан бошланади. Мана, даврамизда ўтирган иккита машхур шоиримиз – Сирожиддин Сайид ва Иқбол Мирзони кўриб, мен жуда хурсанд бўлдим. Мана шу масалаларни амалга оширишда, халқимизнинг китобхонлигию маданиятини юксалтиришда сизлар яқиндан ёрдам беради.

сизлар, деб ишонаман. Бошқа давлатларда китобни телевизорда ўқитяпти. Масалан, Россияда Лев Толстойнинг «Уруш ва тинчлик» романини ўқитди-ку, нимага биз ўқитмаймиз?

Мана, биз Сурхондарёда бўлганимизда Исо Термизий бобомизнинг макбарасини зиёрат қилдик. Ҳаммамиз биламиз, бу улуғ аллома пайгамбаримиз Мұҳаммад алайхиссалом тўғрисида китоб ёзганлар. Имом Бухорий Термизийнинг устози бўлган экан. Устози вафот этганидан кейин тинимсиз йиглаб, кўзи кўр бўлиб, дунёдан ўтиб кетган. Устозга бўлган меҳр-муҳаббатнинг кучи бу. Исо Термизий ҳаёт пайтларида устози Имом Бухорий: «Сиз менинг шогирдим бўлсангиз ҳам мен сиздан кўп нарса ўрганганман, эзгуликка садоқат, меҳр-муҳаббат ва устозга бўлган хурматни Сиздан ўргандим», деб айтган эканлар.

Бу гаплар қаерда ёзилган? Буларнинг ҳаммаси китобда бор, лекин Интернетда йўқ-ку. Шу ўринда кўпдан буён кўнглимда бўлган бир гапни айтмоқчиман. Агар Термиз университетида бир бўлим очиб, унда ёшларимизга термизийларнинг меросини чукур ўргатсак, мақсадга мувофик бўлар эди.

Аввало, миллий адабиётимиз ва жаҳон адабиётининг энг сара намуналарини ижтимоий тармокларга жойлаштириш ва уларни кенг тарғиб қилишга алоҳида эътибор беришимиз мухим аҳамият касб этади.

Ўзининг ноёб истеъоди ва маҳоратини халқимиз маънавиятини юксалтиришга бағишлаган, инсон қалбининг муҳандислари бўлган ижодкор зиёлиларга

доимий ғамхўрлик масаласи бизнинг дастуримизда алоҳида ўрин эгаллайди.

Ижодий ташкилотлар, бадий уюшмалар фаолиятини қўллаб-кувватлаш, уларнинг моддий-техник базасини, инфратузилма тармоқларини мустаҳкамлаш ишларига эътибор янада кучайтирилади.

Ижодкор зиёлиларимизнинг энг яхши асарларини юртимизда ва чет элларда тарғиб этишни биз маънавий-маърифий соҳадаги сиёсатимизнинг муҳим бир қисми сифатида давом эттирамиз. Айниқса, маданият, санъат, адабиёт ва матбуот оламига кириб келаётган иқтидорли ёшларни моддий ва маънавий жиҳатдан рағбатлантиришга, уларнинг уй-жой шароитларини яхшилашга алоҳида эътибор қаратилилади.

Юртимизда ўтказилаётган ижодий танлов ва фестивалларнинг сифати ва самарадорлигини ошириш, бадий асарлар учун тўланадиган қалам ҳаки миқдорини қайта кўриб чиқиш, ижодий ва интслекстуал мулк эгаларининг манфаатларини ҳимоя қилиш муҳим масалалардан биридир.

Бундай эътибор ва амалий ғамхўрлик нафакат ижод ахлига, айни пайтда, жонкуяр ўқитувчи ва домлаларга, тиббиёт ходимларига, ҳарбий хизматчиларимиз ва ҳукук-тартибот посбонларига, бир сўз билан айтганда, давлат бюджетидан маош оладиган барча фидоий юртдошларимизга тааллукли эканини алоҳида таъкидлашни зарур деб биламан.

Хурматли съезд катнашчилари!

Юксак маънавиятли, замонавий билим ва касб-хунарларга, ўз мустакил фикрига эга бўлган ёшларни

миллий ва умуминсоний қадриятлар руҳида тарбиялаш биз учун энг муҳим масалалардан биридир.

Мамлакатимиз аҳолисининг ярмидан кўпини ёшлар ташкил этишини инобатга олсак, бу нақадар жиддий масала экани янада яққол аён бўлади.

Шу ўринда фарзандларимизнинг қалби ва онгида мафкуравий иммунитетни кучайтириш билан bogлиқ вазифаларга қисқача тўхталиб ўтмоқчиман.

Авваламбор, «оммавий маданият» кўринишида кириб келаётган турли таҳдидлар, гиёҳвандлик, диний экстремизм, миссионерлик каби бало-қазолардан ёшларимизни асраш, уларнинг таълим-тарбиясига ҳар биримиз масъул эканимизни ҳеч қачон унум-маслигимиз керак.

Бу борада биз асрлар мобайнида шаклланган миллий анъаналаримизга, аждодларимизнинг бой маънавий меросига таянамиз.

Ёшларимиз ўртасида хукукий маданият, соғлом турмуш тарзини, жисмоний тарбия ва спортни тарғиб қилишга қаратилган ишларнинг самарасини оширишни бугун даврнинг ўзи талаб этмоқда. Бу борадаги дастурларда белгиланган тадбирларнинг ижроси якинда янгидан қабул қилинган «Ёшларга оид давлат сиёсати тўғрисида»ги конун нормалари асосида катъий давом эттирилади.

Шу ўринда табиий бир савол туғилади. Биз кўплаб дастурларни қабул қилмоқдамиз, лекин уларни амалга оширадиган, ташаббускор ва ватанпарвар, юкори малакали кадрлар етарлими? Олий ўкув юртларида тайёрланаётган мутахассислар олдимизга кўйилган бундай улкан вазифаларни бажаришга

кодирми? Уларга таълим берадётган ўқитувчи ва профессорларнинг билим ва малакаси давр талабига жавоб берадими?

Минг афсус, бу саволларга жавоб бериш анча кийин ва оғир. Нега десангиз, мен ўзим ҳам олий таълим тизимида ишлаганиман, бу соҳада нима бўлаётганини яхши биламан.

Биз бу йўналишдаги ишларимизни танқидий баҳолаган ҳолда, **2017 – 2021 йилларда олий ўкув юртлари тизимини янада ривожлантириш бўйича дастур ишлаб чиқишимиз** ва уни ҳаётга татбиқ этишимиз керак бўлади. Мана, ҳозир мамлакатимизга жуда катта инновациялар, замонавий технологиялар келяпти. Хўш, бу корхоналарда ким ишлайди? Шундай қимматбаҳо ускуналарни бошқаришга кимни кўямиз? Бу технологияларни бошқариши инглиз тилида ким ўрганади? Факат олий ўкув юртларини тутатган ўзимизнинг мутахассисларимиз.

Шу билан бирга, «Камолот» ЁИҲ фаолиятини бугунги куннинг ўткир талаблари нуктаи назаридан танқидий кўз билан қайта кўриб чиқишимиз лозим.

Аввало, «Камолот» ҳаракатининг ўзини мустаҳкамлаш, унинг мамлакатимиздаги барча ёшлар чин дилдан интиладиган ташкилотга, ортиқча тадбирлар ўtkазиш ва расмиятчилик кўринишларидан холи бўлган, ёшлар манфаатларининг ҳақиқий ҳимоячисига айланишига эришиш зарур. Унинг жойлардаги тузилмалари фаолиятини, хусусан, шаҳар ва туманларда, узок қишлоқ ва маҳаллаларда уюшмаган – такрор айтаман, уюшмаган ёшлар ўртасида олиб борилаётган ишларни кучайтириш керак.

Келажакда ёшлар билан ишлаш масаласи ижтимоий сиёсатимизнинг устувор вазифаларидан бири бўлиб, бу борада кенг кўламли чора-тадбирлар дастурини амалга оширишни тақозо этади.

Агар биз ёшлар тарбияси билан, муҳтарам Ислом Абдуғаниевич айтганларидек, мунтазам шугулланиб, бу масалани жой-жойига қўймасак, эртага кеч бўлиши мумкин. Нега деганда, фарзандларимиз эртага бизга ё ташвиш олиб келади, ё манфаат олиб келади. Лекин биз болаларимизнинг ҳақиқий ватан-парвар бўлиши, эртага бизга елкадош, кўмакдош бўлиши учун қилаётган ишларимиз ҳали етарли эмас. Шунинг учун партиямизнинг «Ёшлар қаноти»ни мустаҳкамлаш масаласига бутунги гаплардан кейин каттароқ эътибор берсак, мақсадга мувофиқ бўларди. Биз шу масалада ташаббускор бўлишимиз керак.

Хурматли дўстлар!

Ўзбекистон Республикасининг Биринчи Президенти томонидан ташқи сиёsat бўйича ишлаб чиқилган принцип ва ёндашувларга тўлиқ амал қилиш сайловолди дастуримизнинг муҳим таркибий қисмидир.

Ташқи сиёсатимизнинг асосини тинчликпарварлик, бошқа давлатларнинг ички ишларига аралашмаслик, юзага келадиган зиддият ва қарамакаршиликларни фақат тинч, сиёсий йўл билан ҳал этиш, барча хорижий давлатлар ва жаҳон ҳамжамияти билан амалий ҳамкорлик ташкил этади.

Мамлакатимиз ҳеч қандай ҳарбий-сиёсий блокларга кўшилмайди, бошқа давлатларнинг ҳарбий база ва обьектлари Ўзбекистон худудида жойлашишига,

шунингдек, ҳарбий хизматчиларимизнинг мамлакатимиз ҳудудидан ташқарида бўлишига йўл қўйилмайди.

Биз ташки сиёсатни амалга оширишда барча давлатлар, биринчи навбатда, қўшни мамлакатлар билан дўстона муносабатлар ва ўзаро манфаатли ҳамкорликни янада мустаҳкамлашни ўзимизнинг биринчи даражали вазифамиз деб биламиз.

Айнан шундай сиёсатни давом эттиришни бугунги кунда дунёда вужудга келаётган мураккаб вазиятнинг ўзи тақозо этмоқда.

Мухтарам ватандошлар!

Азиз партиядошлар!

Биз ўтган даврда партиямизнинг сиёсий соҳада ортирган тажрибаси, унинг мамлакатимизда ўрта синф – мулкдорлар синфи деб ном олган янги ижтимоий катламни шакллантириш йўлида амалга оширган кенг кўламли ишларини, ҳалқимиз орзуинтилишларининг ифодачиси сифатида олиб бораётган фаолиятини албатта муносиб баҳолаймиз.

Айни вактда мамлакатимизда сиёсий партиялар ўртасида ракобат кучайиб бораётган ҳозирги боскичда Ўзбекистон Либерал-демократик партиясининг жамиятимиздаги нуфузи ва таъсирини ошириш, эл-юртимизнинг ҳар томонлама ишончини қозониш энг муҳим ва долзарб вазифага айланмоқда.

Айниқса, партиямизнинг «Ёшлар қаноти»ни янада кучайтириш, унинг азму шиҷоатли, ташаббускор йигит-қизларимизни ўз атрофида бирлаштиришга каратилган фаолиятини жонлантиришимиз зарур.

Буюк соҳибқирон Амир Темур бобомиз биз – авлодларга колдирган васиятида гоят муҳим бир

фикрга алоҳида ургу бериб, «Эл дардига дармон бўлмоқ – эзгу вазифангиздир», деб таъкидлагани албатта бежиз эмас.

Партиямиз ана шундай улуғ вазифани ўз зиммасига олишга интилар экан, бунга ҳар жиҳатдан муносиб бўлиши даркор.

Шу маънода, Бош вазирнинг яқинда ташкил этилган Виртуал қабулхонасига юртдошларимиздан кўплаб ҳақли мурожаатлар тушаётгани ва уларда кўтарилиган кўпгина масалалар ўз ечимини топаётганини бугун алоҳида қайд этиш лозим.

Такрор бўлса-да, айтиш керакки, бу вактинчалик эмас, балки доимий равишда ишлайдиган тизим сифатида ўз фаолиятини давом эттиради.

Мен ҳар куни ўз номимга электрон шаклда келиб тушаётган ҳар бир мурожаатни ўқиб, мутасаддиларга уларнинг ечими бўйича аниқ топшириқ беряпман. Бу мурожаатларнинг орқасида қанча одамларнинг тақдири, ҳаёти, келажаги турибди.

Шунинг учун бир фикрни сизлар билан ўртоқлашмоқчиман: агар сизлар қўллаб-кувватласангиз, якин кунларда ҳар бир туман ва шаҳарда, барча вилоятларда бундай қабулхоналарни ЎзЛиДепнинг «Халқ қабулхоналари» сифатида ташкил этсан, қандай бўлади? Бу шунчаки расмиятчилик учун эмас. Балки одамларимизга шу тариқа ўзини давлат тизимида қатнашчи деб билиши учун шароит ва имконият яратиб беришимиз даркор.

Ҳеч шубҳасиз, бу ишларнинг тўғри йўлга қўйилиши партиямизнинг аҳоли ва сайловчилар ўртасидаги обрў-эътибори ошишига хизмат қиласи. Энг асосийси,

бундан эл-юртимизга наф бўлади, халқимиз барчамиздан ва давлатдан рози бўлади.

Муҳтарам ватандошлар!

Азиз партиядошлар!

Биз сизлар билан биргаликда сайловолди дастуримизда давлат ва жамият ҳаётининг барча жабҳаларини ислоҳ қилиш борасидаги энг муҳим мақсад ва устувор вазифаларни белгилаб олдик.

Улкан режаларимизни ҳаётга татбиқ этишда биз, Ўзбекистон Либерал-демократик партияси аъзолари, биринчи навбатда, барча юртдошларимиз, бутун халқимизнинг ақл-заковати ва бунёдкорлик салоҳиятига таянамиз.

Фақатгина халқимизнинг азму шижоати ва қудрати, букилмас иродаси ва катъияти, энг муҳими, мустақил таракқиётга бўлган мустаҳкам ишончи буюк мақсадларимизга эришишнинг бирдан-бир кафолатидир.

Азиз юртдошлар!

Барчамиз учун Ватан битта!

Битта мақсад бизни бирлаштиради.

У ҳам бўлса, Ватан таракқиёти ва халқимиз фаровонлигидир.

Бетакрор юртимизга, олижаноб халқимизга садоқат билан хизмат қилиш – барчамизнинг энг шарафли ва муқаддас бурчимиздир.

*Тадбиркорлар ва ишбилармонлар ҳаракати –
Ўзбекистон Либерал-демократик партиясининг*

VIII съездидаги маъруза.

2016 йил 19 октябрь

ОНА ВАТАНИМИЗНИНГ ЮКСАК ЭЪТИРОФИ

Ассалому алайкум, азиз юртдошлар!
Қадрли дўстлар!

Авваламбор, сиз, азизлар билан бугун мана шундай кўтаринки, самимий кайфиятда кўришиб турганимдан ғоят хурсандман. Барчангизга қалбимда, юрагимда бўлган чукур ҳурмат ва эҳтиромимни изхор этишга рухсат бергайсиз.

Бугун биз қувончили бир воқеа муносабати билан тўпланиб турибмиз.

Ҳаммангизга маълум, мустақиллик йилларида юртимизда кўплаб яхши анъаналар пайдо бўлди. Ва улар эзгу одатга айланиб, ҳалқимиз ҳаётидан мустаҳкам ўрин олди.

Сизлар билан бўлаётган бугунги учрашувимиз ҳам айни шундай анъаналарнинг давомидир. Бу гўзал маросимга Ўзбекистон Республикасининг Биринчи Президенти, муҳтарам Ислом Абдуганиевич томонидан асос солинганини барчамиз яхши била-миз.

Азиз Юртбошимизнинг фармонларига биноан мустақиллигимизнинг 25 йиллиги арафасида юртдошларимизнинг катта бир гурухи Ватанимизнинг юксак мукофотлари билан тақдирланган эди.

Бугун сиз, ҳурматли ватандошларимизга давлатимизнинг ана шу юксак фаҳрий унвонлари, орден ва

медалларини топширишни ўзим учун катта шараф деб биламан.

Айни пайтда шу кунларда жойларда давлат мукофотларини қабул қилиб олаётган барча ватандошларимизни ҳам самимий қутлайман.

Азиз дўстлар!

Маълумки, биз бугун юртимизда эркин ва озод, адолатли, инсонпарвар жамият барпо этмоқдамиз. Шу борада, аввало, одамларимизнинг ҳалол меҳнатига хурмат билан қараш, уларнинг қадр-қимматими муносиб баҳолашни биз ўзимизнинг бош максадимиз, деб биламиз.

Бугунги кунда жамиятимиз ҳаётида инсонга айнан мана шундай муносабат мустаҳкам қарор топди. Шунинг учун ҳам мамлакатимиз улкан ютукларни кўлга киритмоқда. Ва бу ютуклар жаҳон ҳам жамиятининг ҳайрати ва ҳавасини уйғотмоқда.

Ана шундай ижобий ўзгаришлар асосида одамларимизнинг дунёкараши, онгу тафаккури юксалмоқда. Уларнинг ҳаётга, меҳнатга муносабати тубдан ўзгармоқда. Ўз кучи ва имкониятларига, эртанги кунга бўлган ишончи мустаҳкамланмоқда.

Шу ўринда истиклол йилларида жами 29 минг 170 нафар юртдошимиз давлатимизнинг нуфузли мукофотлари билан тақдирланганини айтиш лозим.

Албатта, гап фақат мукофотларнинг сонида эмас. Бу мукофотлар, аввало, она Ватанимизнинг равнақига бекиёс ҳисса кўшиб келаётган минглаб юртдошларимизни муносиб тақдирлашга хизмат килаётгани билан ғоят аҳамиятлидир.

Ана шундай муҳтарам инсонлар орасида Ўзбекистоннинг саховатли заминида яшаётган барча миллат ва элат вакилларининг борлиги ҳаммамизни кувонтиради.

Бугунги хурсандчилик кунда омилкор дехқон ва фермерларимизга, саноат корхоналари ва курилиш майдонларида тер тўкиб ишлаётган ишчи-муҳандисларимизга, тинчлигимиз посбони бўлган жасур ҳарбийларимизга ҳар қанча тасаннолар айтсак, арзиди.

Ватанимизнинг энг олий мукофоти – «Ўзбекистон Қаҳрамони» унвони билан тақдирланган фидойи муаллима Муҳаббат Шароповани, моҳир темир йўл курувчиси Эркин Умматовни, уста дехқон, фермер Шарипбой Ражабовни, машҳур шифокор Равшанбек Курбоновни барчамиз чин қалдан муборакбод этамиз.

Давлат ва жамоат ишларидаги кўп йиллик меҳнати билан эл-юртимиз ўртасида катта обрў қозонган Миллий олимпия қўмитаси президенти, хурматли сенаторимиз Мираброр Зуфарович Усмоновни юксак мукофот билан кутлаб, у кишига сиҳат-саломатлик, узок умр, янги ютуклар тилаймиз.

Мамлакатимиз, айниқса, пойтахтимиз зиёлилари ўртасида машҳур бўлган моҳир шифокор, академик Турғунпўлат Обидович Даминовнинг тибиёт ва муносиб шогирдлар тайёрлаш йўлидаги улкан хизматларини барчамиз юксак баҳолаймиз.

Бутун умрини буюк Алишер Навоий бобомиз ижодини ўрганишга бағишлаб келаётган муҳтарам

домламиз – Самарқанд давлат университети профессори Муслихиддин Мухиддиновга эзгу тилакларимизни изҳор этамиз.

Гўзал инсоний туйғулар кўйчиси, Ўзбекистон халқ шоири Энахон Сиддиқованинг дилбар шеърлари барчамизнинг кўнглимиздан чуқур жой олган, десак, айни ҳақиқат бўлади.

Шулар қаторида таникли ижодкор Гулистон Анна-киличева, театр санъатининг фидойилари Эркин Комилов, Гавҳар Зокирова, Ўзбекистон рус маданий марказининг фаол аъзоси Елена Шавердова, шунингдек, Станислав Югай, Гулбаҳор Аймуратова сингари ўнлаб, юзлаб юртдошларимизнинг номларини хурмат билан тилга оламиз.

Мана шу кувончили айёмда Бразилияда бўлиб ўтган Олимпиада ўйинларида Ватанимиз байроғини баланд кўтарган Фазлиддин Фойибназаров, Руслан Нуриддинов, Шахрам Фиёсов, Ҳасанбой Дўстматов, Шаҳобиддин Зоиров, Бектемир Меликўзиев, Муроджон Аҳмадалиев, Элмурат Тасмурадов каби мард ўглонларимизга яна ва яна бир бор раҳмат айтсак, албатта, ўринли бўлади.

Ҳаммамизнинг тилагимиз, истагимиз битта: сизлар мана шундай юксак галабаларни қўлга киритишдан хеч качон чарчаманг. Биз эса сизларга давлатимизнинг мана шундай мукофотларини топширишдан чарчамайлик.

Хурматли дўстлар!

Энди рухсатингиз билан сизларга ана шу юксак увон, орден ва медалларни топширишга ўтсак.

Азиз ва муҳтарам ватандошлар!

Бугун сизларнинг кўксингизда яраклаб турган мана шу орден ва медаллар барчангизга буюрсин, сизларни янги марраларга чорласин.

Фурсатдан фойдаланиб, барчангизни Конституциямизнинг 24 йиллик байрами билан яна бир бор самимий табриклайман.

Ҳамиша соғ-омон бўлинг! Оилавий фаровонлик, баҳт-саодат сизларга доим ёр бўлсин!

*Бир гуруҳ юртдошларимизга Ватанимизнинг юксак
мукофотларини топшириши маросимидағи нутқ.*

2016 йил 7 декабрь

ҚОНУН УСТУВОРЛИГИ ВА ИНСОН МАНФААТЛАРИНИ ТАЪМИНЛАШ – ЮРТ ТАРАҚҚИЁТИ ВА ҲАЛҚ ФАРОВОНИГИНИНГ ГАРОВИ

Ассалому алайкум, азиз ватандошлар!

Хурматли хонимлар ва жаноблар!

Ватанимиз ҳётидаги кутлуғ сана – Конституциямиз қабул қилинган кунни нишонлаш арафасида гўзал ва муҳташам «Ўзбекистон» анжуманлар саройида сизлар билан учрашиб турганимдан ғоят мамнунман.

Барчангизга, бутун ҳалқимизга ўзимнинг чексиз хурмат ва эҳтиромимни изхор этиб, Ўзбекистон Республикаси Конституцияси қабул қилинганинг 24 йиллик байрами билан чин қалбимдан самимий муборакбод этишга рухсат бергайсиз.

1992 йил 8 декабрда мустақил Ўзбекистонимиз Конституциясининг қабул қилиниши мамлакатимиз ҳётида муҳим тарихий воеа бўлди.

Конституциянинг яратилиши ва ҳётилизга татбик этилишида замонамизнинг буюк давлат арбоби, улуғ Йўлбошчимиз муҳтарам Ислом Абдуғаниевич Каримовнинг хизмати бекиёс эканини барчамиз яхши биламиз.

Ҳалқимизнинг онгу тафаккури, дунёқараши ва бутун ҳётини тубдан ўзгартирган ушбу муҳим

сиёсий хужжатни ишлаб чиқишида Ислом Абдуганиевичнинг концептуал аҳамиятга эга, теран фикрлари мустаҳкам замин бўлди.

Олий Кенгаш депутати сифатида мен ҳам Конституциявий комиссия таркибида Бош қомусимизни яратиш ва қабул қилиш жараённида бевосита иштирок этганимни доимо фахрланиб эслайман. Конституциямизнинг қандай қилиб ҳозирги мазмун ва шаклга келгани, бу мураккаб жараёнда кечган қизгин тортишув ва баҳс-мунозаралар бугунгидек ёдимда.

Ҳақиқатан ҳам, 90-йиллардаги ўта оғир даврда Асосий қонунимиз лойиҳасини ишлаб чиқишида Ислом Абдуганиевичдек кенг миқёсда, стратегик фикрлайдиган, узоқни кўра оладиган буюк сиёсий арбобнинг бу ишга раҳбарлик қилгани ҳал қилувчи аҳамият касб этди.

Ёш давлатимиз эндиғина оёққа туриб келаётган қалтис ва нозик бир вазиятда турли тор манфаатлар, маҳаллийчилик, сепаратизм ва миллатчилик каби салбий ҳолатларга мутлақо йўл қўйиб бўлмасди.

Асосий қонунимизда умумэътироф этилган демократик принциплар билан бирга, ҳалқимизнинг бебаҳо қадриятлари ва бой давлатчилик тажрибасини ифодалаш мухим эди.

Айнан Биринчи Президентимизнинг саъиҳаракатлари билан Конституциямизда «Инсон ва унинг қадр-қиммати» деган улуғ тушунча марказий ўринга қўйилди.

Мухтарам Ислом Абдуганиевич Конституциямизнинг лойиҳаси бўйича 1992 йил 8 декабрда,

Олий Кенгашнинг тарихий сессиясида сўзлаган нуткида қуидаги фикрни алоҳида таъкидлаган эдилар: «Биз сўнгги етмиш йил мобайнида давлатга қарамлик ва сифиниш ҳолатида яшадик. Мамлакатнинг, ундан барча бойликларнинг, мулкнинг эгаси давлат, деб ҳисоблаб келдик. Ана шу масалада ҳам Конституцияда туб бурилиш ясалган.

Яъни, Асосий қонунимизга «давлат, унинг идоралари ва мансабдор шахслари жамият ва фуқаролар олдида масъулдирлар», деган модда киритилган.

Эндиликда инсон, унинг ҳаёти, озодлиги, шаъни, қадр-қиммати ва бошқа ажралмас ҳуқуқ ҳамда эркинликлари муқаддас саналиб, улар давлат томонидан кафолатланади».

Биринчи Президентимизнинг ана шу фикрлари у кишининг давлат, жамият ва инсон ҳаёти билан боғлиқ ҳар бир масалага нақадар теран ёндашганидан, шу асосда Конституциямизда энг мураккаб саволларга ҳам жавоб топиш мумкин эканидан далолат беради.

Бир сўз билан айтганда, Ислом Каримовни ҳақли равишда Ўзбекистон Республикаси Конституциясининг муаллифи, деб эътироф этиш учун барча асосларга эгамиз.

Қадрли дўстлар!

Мустакил тараққиёт йилларида Конституциямиз юртимизда ҳуқукий демократик давлат, кучли фуқаролик жамияти, эркин бозор муносабатлари

ва хусусий мулк устуворлигига асосланган иқтисодиётни қуриш, ҳалқимиз учун тинч, обод ва фаровон ҳаёт барпо этиш, Ўзбекистоннинг ҳалқаро майдонда муносиб ўрин эгаллашида мустаҳкам пойдевор бўлиб хизмат қилмоқда.

Асосий конунимиз фуқаролик жамиятининг таркибий қисми бўлган нодавлат нотижорат ташкилотлари ва сиёсий партияларнинг шаклланиши, уларнинг эркин фаолият юритиши учун кенг имкониятлар яратди, сайлов тизимининг асосий тамойил ва қоидаларини мустаҳкамлади.

Бош қомусимиз Инсон ҳуқуқлари умумжаҳон декларацияси ва бошқа асосий ҳалқаро ҳужжатлар талабларига тўла мос ҳолда, фуқароларнинг шахсий ҳуқук ва эркинликлари, сиёсий, иқтисодий ва ижтимоий ҳуқуқларини кафолатлаб берди. Инсоннинг маънавий камол топиши ва ҳар томонлама уйғун ривожланиши учун зарур шарт-шароитлар яратди.

Ўтган давр мобайнида Конституциямизда муҳрлаб кўйилган тамойил ва қоидалар негизида юртимизда миллий қонунчилик тизими барпо этилди. Мамлакатимиз ижтимоий-иқтисодий, сиёсий ва ҳарбий салоҳияти юксалишига, ҳаётимизнинг барча соҳаларида амалга оширилган самарали ислоҳотларга асос бўлди.

Фуқароларимиз ҳукукий онги ва маданиятини юксалтириш, уларнинг сиёсий фаоллигини оширишда ҳам Конституциянинг ўрни ва аҳамияти бекиёс эканини алоҳида таъкидлаш жоиз.

Куни кеча мамлакатимизда бўлиб ўтган муҳим сиёсий воқеа – Ўзбекистон Республикаси Прези-

денти сайловида халқимизнинг фаол иштироки эса бунинг яққол далилидир.

Азиз дўстлар, биз бу сайловни Биринчи Президентимиз Ислом Абдуганиевич Каримовнинг сиёсий меросига ва у киши ўзининг чексиз меҳрини берган халқимизга муносиб тарзда ўтказдик.

Сайлов сиёсий партиялар ўртасида соғлом ракобат ва кураш, президентликка номзодларнинг сайловолди дастурларини эркин мухокама қилиш шароитида ҳамда демократик принципларга тўлиқ мос келадиган ошкоралик ва очиқлик руҳида ўтганини мамнуният билан қайд этамиз.

Сайловни мана шундай юқори савияда ташкил этган Марказий сайлов комиссиясига, округ ва участка сайлов комиссиялари аъзоларига, уларга кўмак берган барча фукаролик жамияти институтларига, сиёсий партиялар фаолларига самимий ташаккур билдиришга ижозат бергайсиз.

Шуни алоҳида таъкидлаш керакки, сайлов жараёнида 5· та халқаро ташкилот ҳамда 46 та давлатдан 600 нафарга яқин кузатувчи иштирок этди. Жумладан, илк бор Европада хавфсизлик ва ҳамкорлик ташкилотининг Демократик институтлар ва инсон хукуклари бўйича бюросининг 32 та мамлакатга мансуб 200 нафарга яқин таркибдаги тўлақонли миссияси кузатувчилари қатнашдилар.

Халқаро кузатувчилар Ўзбекистон Республикаси Президенти сайловига тайёргарлик кўриш ва уни ўтказиш билан боғлиқ ишларга юксак баҳо бердилар. Барча сайлов участкаларида сайловчиларга кулай шароитлар яратилганини, айниқса,

жисмоний имконияти чекланган фуқаролар, турли миллат вакиллари учун сайлов хукуқини амалга ошириш имконияти юқори даражада ташкил қилинганини эътироф этдилар.

Барча чет эллик кузатувчилар томонидан сайлов тенглик ваadolat принциплари асосида, очиқ ва ошкора ўтгани бир овоздан тан олингани ҳаммамизга мамнуният багишлайди.

Фурсатдан фойдаланиб, Ўзбекистондаги демократик ўзгаришларга катта эътибор бериб, сайлов жараёнида иштирок этган барча халқаро кузатувчиларга, маҳаллий ва хорижий оммавий ахборот воситалари ходимларига ташаккур изҳор этамиз.

Азиз ватандошлар!

Мана шу юксак минбардан туриб, аввало, бўлиб ўтган сайловда менга юксак ишонч билдириб, мен учун овоз берган барча сайловчиларга, нуроний отахон ва онахонларимизга, мухтарама опа-сингилларимизга, навқирон ёшларимизга, кўп миллатли бутун халқимизга ўзимнинг чексиз миннатдорлигимни билдириб, таъзим қиласман.

Халқимиз ўзининг хоҳиширодаси билан мени мана шундай юксак лавозимга муносиб кўрганини ўзим учун олий шараф деб биламан. Сизларнинг менга билдирган юксак ишончингизни оқлаш учун бор куч ва салоҳиятим, билим ва тажрибамни, бутун борлигимни сафарбар этаман.

Қадрли дўстлар!

Конституциямизда белгиланган қонун устуворлиги принципи жамиятимизда инсон хукуқ ва

эркинликларини таъминлаш, барча ислоҳотларни самарали амалга оширишнинг муҳим кафолатидир.

Ўтган даврда қабул қилинган 400 га яқин яхлит қонунлар ҳәётимизнинг барча соҳаларини ҳукуқий тартибга солиш билан бирга, фуқароларнинг ҳукук ва манфаатларини таъминлашга хизмат қилмоқда.

Айни вактда қонунларнинг тўлиқлиги, ҳәётийлиги ва тўғридан-тўғри амалга ошириш механизмиларига эга экани ҳақида сўз юритганда, бу борада ҳали кўп иш қилишимиз кераклигини таъкидлаш зарур.

Афсуски, ҳозирги кунда қонунларнинг ислоҳотлар самарасига таъсири етарлича сезилмаяпти. Уларнинг ижтимоий муносабатларни бевосита тартибга солишдаги роли пастлигича қолмоқда.

Бу ҳолат фуқароларимиз, тадбиркорлар, қолаверса, чет эл инвесторларининг мамлакатимиз қонунчилик тизимиға ишончсизлигини келтириб чиқариши мумкинлигини унутмаслигимиз керак.

Аминмаёнки, хурматли Сенат аъзолари ва Қонунчилик палатаси депутатлари бу масалага жиддий эътибор қаратадилар.

Бу борадаги ишларни ташкил этишда авваламбор қонун лойиҳаларини пухта ва ижтимоий муносабатларни тўғридан-тўғри тартибга соладиган даражада ишлаб чиқиш, айниқса, идоравий ҳужжатларни кескин қисқартириш зарур, деб хисоблайман.

Шу ўринда ҳукуматнинг парламент билан қонун ижодкорлиги ва назорат-таҳлил соҳасидаги ҳамкорлигини янада самарали ташкил қилиш мак-

садида **Вазирлар Маҳкамасининг Олий Мажлисда доимий асосда фаолият кўрсатадиган вакили лавозимини таъсис этиш мақсадга мувофиқ бўлади.**

Ҳаммамиз яхши тушунамизки, қонунларни қабул қилиш – бу ишнинг бир қисми, холос.

Асосий масала – қонунларнинг мазмун-моҳиятини ҳалқимизга ва масъул ижрочиларга ўз вақтида етказиш, уларнинг ижросини тӯғри ташкил этиш ҳамда қонун талабларига қатъий амал қилишни таъминлашдан иборатdir.

Афсуски, мазкур йўналишдаги ишлар талаб даражасида эмас. Бунинг оқибатида охирги уч йилда давлат органларининг 157 та қарори ўз кучини йўқотган қонунлар асосида чиқарилган.

Энди ўйлаб кўрайлик, қонунчиликка киритиляётган янгиликлар ўз вақтида жойларга, айниқса, ижрочиларга етказилмайдиган бўлса, уларнинг бажарилиши хақида нима дейиш мумкин?

Бу муаммони самарали ҳал қилининг бирдан-бир йўли – қонунлар ижросини ташкил этиш бўйича соатдек аниқ ишлайдиган механизм яратишdir.

Қонунларнинг мазмун-моҳиятини ҳалқимизга етказиша Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситаларида битта-иккита мақола ёки кўрсатув билан чекланиш мумкин эмас. Қабул қилинган қонунлар атрофлича муҳокама қилинадиган, юртдошларимизнинг уларга муносабатини ифода этадиган таҳлилий материаллар, кўрсатув ва эшиттиришлар, афсуски, жуда кам.

Янги қабул қилинган конунлар, фармон ва қарорларнинг асосий маъносини аҳолига етказиш бўйича самарали механизм яратиш керак.

Хозирги кунда Адлия вазирлигининг бу борадаги фаолиятини талаб даражасида деб бўлмайди. Шу муносабат билан ушбу вазирлик ва унинг жойлардаги бўлинмалари фаолиятини танқидий кўриб чиқиш зарур.

Адлия вазирлиги мутасадди идоралар билан биргаликда бир ой муддатда конунларнинг маъномазмунини жойларга етказиш, уларни кенг тарғиб килишга қаратилган аниқ таклифларни ишлаб чиқиши лозим.

Иккинчидан, қонун устуворлигини таъминлашда хукукий маданиятни юксалтириш, фуқароларни конунга ҳурмат руҳида тарбиялаш муҳим аҳамият касб этади.

Айнан шу нуқтаи назардан қараганда, 20 йил аввал бу борада қабул қилинган Миллий дастурни янгидан ишлаб чиқиши даврнинг ўзи тақозо этмоқда.

Парламентимиз жамиятда хукукий маданиятни юксалтириш бўйича янги Миллий дастурни яраттиша бош-кош бўлиши мақсадга мувоғик, деб хисоблайман.

Ҳурматли анжуман иштирокчилари!

Конституциямизда олий қадрият сифатида белгилаб қўйилган инсон хукукларини таъминлаш масаласи бундан буён ҳам эътиборимиз марказида бўлади. Бунинг учун **суд ҳокимиятининг чинакам**

мустақиллигига эришиш нақадар мухим аҳамиятга эга эканини албатта барчамиз яхши тушумиз.

Бу борада 2017 йил 21 октябрда қабул қилинган «Суд-хукуқ тизимини янада ислоҳ қилиш, фуқароларнинг хукуқ ва эркинликларини ишончли химоя қилиш кафолатларини кучайтириш чоратадбирлари тўғрисида»ги фармон ижросини таъминлаш биринчи даражали вазифамиздир.

Хусусан, судьяларнинг ваколат муддатини узайтириш, суд ишларида адолатли қарорлар қабул қилишга кодир бўлган, юксак малакали суд ходимлари корпусини шакллантиришимиз лозим.

Суд хокимиятининг мустақиллиги тўғрисидаги конституциявий нормаларга ва одил судловни амалга ошириш фаолиятига аралашганлик учун жавобгарлик муқаррарлигини таъминлаш олдимизга кўйган мақсадларга эришишнинг мухим кафолатидир.

Судларда ишларни кўриш сифатини ошириш, айниқса, фуқаролик ишларида овора бўлиб юришларнинг олдини олиш, айнан бир инстанция судида ишни бир неча маротаба кўриб турли қарорлар қабул қилиш амалиётига чек кўйиш вақти келди.

Қонунчилигимиизда адвокатларнинг самарали фаолият юритиши учун барча асослар яратилган. Лекин, афсуски, адвокатура ҳанузгача фуқаролар хукукларини ишончли химоя қилиш институтига айлангани йўқ.

Шу боисдан ҳам суд-хукуқ соҳасида адвокатуранинг ўрни ва ролини янада ошириш, унинг

ваколатларини кенгайтириш бўйича қўшимча чоратадбирларни амалга оширишимиз керак.

Биз «Адолат – қонун устуворлигига» деган тамойил асосида жамиятимизда қонунга ҳурмат, хукуқбузарлик ҳолатларига муросасизлик ҳиссини кучайтиришга қаратилган ишларимизни жадал давом эттирамиз.

Бу борада хукуқбузарлик ҳолатларининг олдини олишга алоҳида эътибор қаратилади. Бунинг учун аввало маҳалла имкониятларидан кенг фойдаланиш, профилактика инспекторларининг иш самараси ва масъулиятини ошириш, улар учун муносаб хизмат ва турмуш шароитини яратиб бериш чораларини кўришимиз даркор.

Хукуқни муҳофаза қилиш фаолиятида очиқлик ва ошкораликни таъминлаш учун биз фуқаролик жамияти институтлари, оммавий ахборот воситалари ва аҳоли билан самарали ҳамкорликни кенг йўлга қўямиз.

Айниска, хукуқни муҳофаза қилувчи органларнинг ўзлари томонидан қонунни бузиш билан боғлиқ ҳар қандай ҳолатга принципиал баҳо берилади ва қатъий чора кўрилади. Бунга ҳеч кимда шубҳа бўлмаслиги керак.

Жамият ривожига ғов бўлаётган яна бир иллат – бу коррупция балосидир. Бундай хатарга қарши курашиш мақсадида яқинда Қонунчилик палатаси томонидан қабул қилиниб, Сенатга юборилган «Коррупцияга қарши курашиш тўғрисида»ги қонуни тезроқ амалиётга жорий этиш чора-тадбирларини кўришимиз лозим.

Буларнинг барчаси, ўз навбатида, инсон ҳукуқ ва манфаатларини ишончли ҳимоя қилиш тизимини такомиллаштиришга, халқимизнинг давлат ҳокимиятига бўлган ишончини янада мустаҳкамлашга хизмат қиласди.

Мухтарам юртдошлар!

Сизларга яхши маълумки, 2016 йил Биринчи Президентимиз ташаббуси билан **«Соғлом она ва бола йили»** деб эълон қилинган эди.

Бу борада Давлат дастури тасдиқланиб, кўплаб тадбирлар амалга оширилди. Бу ҳар томонлама соглом авлодни вояга етказиш йўлидаги ишларимизни изчил давом эттириб, янада юксак босқичга кўтаришга хизмат қилмоқда.

Биринчи навбатда, оналик ва болаликни муҳофаза қилиш, барқарор ривожланаётган давлатнинг негизи бўлган оила институтини мустаҳкамлаш мақсадида қонунчилик ва норматив-ҳукукий база янада кучайтирилди.

Хусусан, жорий йилда қабул қилинган «Ёшларга оид давлат сиёсати тўгрисида»ги Қонун ушбу соҳанинг асосий йўналишлари бўлган ижтимоий, иқтисодий, ҳукукий ва ташкилий чора-тадбирларни аниқ белгилаб берди.

Соглом болани вояга етказишнинг муҳим шарти бўлган репродуктив саломатликни яхшилаш, туғма нуқсон ва хасталиклар билан тугилишларнинг олдини олиш, тиббиёт масканларининг моддий-техник базаси ва кадрлар салоҳиятини янада мустаҳкамлаш учун тизимли ишлар амалга оширилди.

Бу ҳақда кўп гапириш мумкин, лекин мен факат-гина баъзи бир мисолларга тўхталиб ўтмоқчиман.

Мамлакатимиздаги тиббиёт муассасаларини замонавий диагностика ва даволаш ускуналари билан жихозлаш учун жорий йилда 80 миллион доллар кийматидаги кредит ва грант маблағлари йўналтирилди.

Дастурда белгиланган тадбирлар бўйича 9 миллионга якин фарзанд кўриш ёшидаги аёллар ва 10 миллионга якин болалар тиббий кўрикдан ўтказилиб, соғломлаштирилди.

Жумладан, Республика ихтисослаштирилган педиатрия илмий-амалий тиббиёт марказида эшитиш бўйича нуқсони бўлган 350 дан ортиқ болада кохлеар имплантация операциялари амалга оширилди. Бунинг учун 21 миллиард сўм маблағ сарфланди. Лекин биз учун қанча маблаг кетгани эмас, балки юзлаб болаларимизнинг саломатлиги тиклангани муҳимдир.

Ана шундай ишлар қаторида 700 минг нафар бола пневмококк инфекцияси ва бошқа юқумли касалликларга қарши эмланди.

Дастур доирасида аёлларимиз учун зарур шароитлар яратиш, қишлоқ жойларда намунавий лойиҳалар асосида замонавий уй-жойлар, ижтимоий инфратузилма обьектлари барпо этиш борасида ҳам катта ишлар қилинди.

Айни вактда хорижий сармоялар иштирокида қишлоқ аҳоли пунктларини ичимлик суви билан таъминлаш, туман ва шаҳарлардаги сув тармок-

ларини модернизация қилиш мақсадида 100 миллион доллар маблағ жалб этилди.

Юртимизда болалар спортини ривожлантириш, айникса, қиз болалар ўртасида спортни оммалаштириш борасидаги ишларнинг давоми сифатида умумтаълим мактабларида 220 дан зиёд спорт заллари барпо этилди.

Ёш оиласлар, тадбиркор аёллар, коллеж битирувчилари, оиласвий бизнес ва хунармандликни кўллаб-куватлаш учун тижорат банклари томонидан йил давомида 2 триллион сўмдан ортиқ кредитлар ажратилди.

Албатта, «Соғлом она ва бола йили» Давлат дастури доирасида амалга оширган ишларимиз ҳақида яна узоқ гапириш мумкин. Лекин, муҳтасар килиб айтадиган бўлсак, ана шу мақсадлар учун барча манбалар ҳисобидан 7 триллион 480 миллиард сўм ва 190 миллион доллардан зиёд маблаг сарфланди.

Шунинг ўзи, ўйлайманки, бу борадаги фаолиятимизнинг кўлами ва миёси нақадар улкан эканидан далолат беради.

Фурсатдан фойдаланиб, шу йўлда фидокорона меҳнат қилаётган тиббиёт ходимларига, бу олижаноб ишга ҳисса қўшган барча ватандошларимизга чин қалдан миннатдорлик билдирамиз.

Бугун мана шу залда ўтирган, бу масалада ўзининг ёрдам ва кўмагини аямаган халқаро ташкилотлар вакилларига, хорижий давлатларнинг муҳттарам элчиларига, келинглар, ҳаммамиз биргаликда

самимий ташаккур ва эзгу тилакларимизни билдирайлик.

Азиз юртдошлар!

Бугун ҳаётимизнинг ўзи Конституциямизда ифодасини топган энг асосий мақсад – инсон манфаатларини **хар томонлама таъминлаш** масаласини долзарб вазифа қилиб қўймоқда.

Инсон манфаатларини таъминлаш учун эса, аввало, одамлар билан, халқ билан мулоқот килиш, уларнинг дарду ташвишлари, орзу-ниятлари, ҳаётий муаммо ва эҳтиёжларини яхши билиш керак.

Яқинда бўлиб ўтган сайловолди учрашувларида мен бир нарсага амин бўлдим. Биз кейинги пайтда одамлар билан мулоқот килишни унугтиб қўйдик. Уларнинг ичига кириб, очик ва самимий гаплашиш, дардини эшитиш бизнинг фаолиятимизда, афсуски, охирги ўринга тушиб қолди.

Хозирги вақтда одамлар давлат идораларидан нимани истаяпти? Бу ҳақда гапиргандা, эътиборингизни муҳим бир масалага қаратмоқчиман.

Хабарингиз бор, шу йил 25 сентябрда Бош вазирнинг Интернет тармоғида электрон қабулхонаси ташкил этилган эди. Ўтган даврда ушбу қабулхонага фукароларимиздан 218 мингдан ортиқ мурожаат келиб тушди. Мурожаатларнинг қарийб 59 фоизи ечимини топган бўлса, 41 фоизи кўриб чиқилмоқда.

Очиқ айтишим керак, бу мурожаатлар тахлиидан кўп нарса аён бўлди. Таъбир жоиз бўлса, улар ҳаётимизда мавжуд бўлган ўткир муаммоларга кўзимизни очиб берди.

Мана, одамлар нималар ҳақида мурожаат қилмоқда. Аввало, улар турли соҳалардаги бюрократик тўсиқларни олиб ташлаш, қонунга зид бўлган кўплаб идоравий йўрикномаларни бекор қилиш, ставкаси оптимал бўлган банк кредитлари ажратиш, тадбиркорлик бўйича ноконуний текширишларга барҳам бериш, ҳукук-тартибот идораларининг фаолияти ҳақида мурожаат қилмоқда.

Шу билан бирга, аҳолимиздан уй-жой курилиши, коммунал, транспорт ва савдо хизмати, энергия таъминотини, йўлларнинг ҳолатини яхшилаш бўйича ҳам кўплаб мурожаатлар келиб тушмоқда.

Кўриб турибсизки, азиз дўстлар, бу талабларнинг барчаси қонуний ва адолатли. Бу борада ортиқча изохнинг ҳожати йўқ, деб ўйлайман.

Лекин шу ўринда бир савол туғилади: мана шу мурожаатларда кўтарилиган ҳаётий муаммоларни жойлардаги ҳокимлик ва идоралар, тегишли мутасаддилар ўз вақтида ҳал этиши зарур эмасми? Ҳолбуки, бу масалада алоҳида қонун, яъни, «Жисмоний ва юридик шахсларнинг мурожаатлари тўғрисида»ги Қонун қабул қилинган. Лекин, минг афсуски, бу қонуннинг ижросини назорат қилиш ўз ҳолига ташлаб кўйилган.

Шу сабабли ана шу қонун талабларини бажармаётган раҳбар ва мансабдор шахсларни нафақат маъмурий, балки жиноий жавобгарликка тортиш зарур, деб хисоблайман.

Халқ давлат идоралариға эмас, давлат идоралари халқимизга хизмат қилиши керак ва бу хақиқатни аввало барча бўғиндаги раҳбарлар яхши тушуниб олиши зарур.

Шу муносабат билан 2016 йил 5 октябрда қабул килинган «Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилармонлик мухитини сифат жиҳатидан яхшилашга доир қўшимча чора-тадбирлар тўғрисида»ги фармон талабларига сўзсиз амал қилишни таъминлаш шарт. Нега деганда, халқ бой бўлса, давлат ҳам албатта бой ва қудратли бўлади.

Шу нуқтаи назардан қараганда, халқ билан мулокот ва инсон манфаатлари тушунчалари ўзаро шунчалик боғланиб кетганки, уларни бир-биридан асло ажратиб бўлмайди.

Ана шу заруратдан келиб чиқкан ҳолда, барча конун хужжатларида халқ билан мулокот тизими ҳақидаги нормаларни аниқ белгилаб қўйиш лозим, деб ҳисоблайман.

Ана шу фикр-мулоҳазаларнинг барчасини ҳисобга олиб, кириб келаётган 2017 йилни юртимиизда «**Халқ билан мулокот ва инсон манфаатлари йили**» деб эълон қилишни таклиф этаман.

Энди, ижозатингиз билан, бу борадаги энг долзарб ва устувор вазифаларга атрофлича тўхталиб ўтсан.

Аввало, «Халқ билан мулокот ва инсон манфаатлари йили»нинг асосий мақсад ва вазифаларидан

келиб чиққан ҳолда, давлат органларининг фуқаролар билан ўзаро муносабатлари юзасидан ёндашувни тубдан қайта кўриб чиқиш зарур. Бу борада аҳоли билан доимий мулокот қилиш, уларни қийнаётган муаммоларни ҳал этишнинг янги механизмлари ва самарали усулларини жорий этишимиз даркор.

Биз аҳоли энг кўп мурожаат қиладиган давлат идоралари фаолиятида одамлар билан ишлаш бўйича сифат жиҳатидан мутлақо янги тизимга ўтиш ҳакида ўйлайпмиз. Хусусан, 2017 йилдан бошлаб барча даражадаги ҳокимлар, прокуратура ва ички ишлар органлари раҳбарларининг аҳоли олдида ҳисобот бериш тизими жорий этилади.

Шу билан бирга, ҳар бир туман ва шаҳарда «Халқ қабулхоналари»ни ташкил этиш ва уларнинг тўлақонли фаолият кўрсатишини таъминлашимиз зарур.

Айтиш керакки, бундай қабулхоналар сиёсий партиялар, жумладан, Ўзбекистон Либерал-демократик партияси тизимида фаолият кўрсатиши мақсадга мувофиқдир. Чунки сиёсий партия фуқароларнинг мақсад ва манфаатларини рўёбга чиқарадиган куч сифатида одамлар ҳаётидаги муаммолардан доимо хабардор бўлиши керак.

Айни вактда бу қабулхоналарнинг ҳуқукий мақомини, уларнинг ваколат ва мажбуриятларини ҳам аник белгилаб кўйиш мақсадга мувофиқдир.

Бизнинг асосий мақсадимиз – «Халқ қабулхоналари»га килинган ҳеч бир мурожаат эътиборсиз қолмайдиган тизим яратишдан иборат.

Мухтасар айтганда, одамларнинг дардини эшитиш, улар билан очик мулокотда бўлиш, оғирини енгил қилиш – аҳолининг давлат ва жамиятга ишончини мустаҳкамлашга хизмат киласи.

Шу максадда аҳолига кундалик ва энг зарур бўлган давлат хизматларини «ягона дарча» принципи бўйича бир идора орқали кўрсатиш тизимини такомиллаштиришимиз керак.

Бундан ташқари, ҳар бир худуддаги вазиятни, аввало, фармон ва қарорлар ижросини, уларнинг самарадорлигини доимий равишда ўрганиб, бу борада давлат органлари масъулиятини ошириш бўйича таклифлар ишлаб чиқадиган тизимни шакллантиришимиз лозим.

Фурсатдан фойдаланиб, Олий Мажлис Сенати ва Конунчилик палатаси раҳбарияти, депутатлар ва сенаторларга бир таклиф билан мурожаат қилмоқчиман. Яъни, парламент ва жамоатчилик назоратининг таъсирчан механизмларини шакллантириш мақсадида шаҳар ва туманларда ҳақиқий аҳволни ўрганиб, тегишли раҳбарларнинг ҳисботини халқ депутатлари Кенгашлари сессияси муҳокамасига киритиш тартибини жорий этишни ҳаётнинг ўзи такозо қилмоқда.

Ҳар кайси вилоятдан, масалан, Сурхондарёдан сайланган Олий Мажлис депутатлари ва сенаторлар ҳар ойда 10-12 кун давомида бир туманда, айтайлик, Музработ туманида бўлиб, ўзлари сайланган худуддаги ижроия ҳокимият органи, прокуратура ва ички ишлар бўлимининг фаолиятини ўрганиб,

тахлил қилиши ва тегишли хulosса бериши мақсадга мувофиқ бўлур эди.

Маълумки, ҳозирги кунда Олий Мажлисимииз Сенати томонидан ҳар йили Бош прокуратуранинг ҳисботи эштилади. Бу албатта муҳим, лекин жойлардаги, масалан, узоқ Олот туманида маҳаллий ҳокимликлар, прокуратура ва ички ишлар бўлимларининг ҳисботини ким эшитади?

Шу нұктаи назардан қараганда, Биринчи Президентимиз жорий этган тизим асосида ҳурматли Қонунчилик палатаси Спикери ва Сенат Раиси жойларга чиққанларида маҳаллий ҳокимликлар, прокуратура ва ички ишлар органлари раҳбарларидан улар ўз зиммасидаги вазифаларни қайдаражада ижро этаёттганига, аҳолини ўйлантираётган муаммоларни, уларнинг мурожаатларини қандай ҳал қилаёттганига алоҳида эътибор қаратишлари лозим.

Бу борадаги ишларни ташкил этишда парламент сўрови, тегишли давлат идоралари раҳбарлари ахборотларини эшитиш каби ваколатлардан кенг фойдаланиш керак.

Ўтказилган барча ўрганишлар натижаларини умумластириб, ҳар йили бир марта ички ишлар вазирининг энг аввало профилактика соҳасидаги фаолияти юзасидан ҳисботини Сенатда эшитиш амалиётини жорий этиш ҳам тўғри бўлади, деб ўйлайман.

Шу мақсадда Олий Мажлис 2017 йилдан бошлаб ҳар қайси вилоят бўйича бир йилга мўлжалланган иш режасини белгилаб олиши ўринли бўларди.

Келгусида биз маҳаллий ҳокимларни бевосита халқ томонидан сайлаш масаласи ҳақида ҳам ўйлаб, муҳокама килиб кўришимиз керак. Ҳар бир худуд ўз раҳбарини ўзи сайласа, раҳбарларнинг халқ ва жамият олдидаги масъулиятини кескин оширишга эришиш мумкин.

Хозиргина баён қилинган устувор вазифалар давлат бошқаруви тизимини бугунги ва эртанги кун талабларидан келиб чиқиб, янада такомиллаштиришни тақозо этади.

Бу борада 2017 – 2021 йилларга мўлжалланган Ўзбекистон Республикасида маъмурий бошқарув соҳасидаги ислоҳотлар концепциясини қабул қилиш кўзда тутилмоқда.

Ушбу концепцияга мувофиқ, давлат бошқаруви органлари тузилмасини, вазифа ва ваколатларини оптималлаштириш, уларнинг ўзига хос бўлмаган, такрорланадиган функцияларини ҳамда ходимлар умумий сонини қисқартириш, шунингдек, давлатнинг иктисадиётни бошқаришдаги ролини кескин камайтириш бўйича аниқ тадбирлар амалга оширилади.

Президент девони ва Вазирлар Маҳкамаси ижро аппарати фаолиятини такомиллаштиришга, қабул қилинаётган конун, фармон ва қарорлар самарали амалга оширилишини таъминлашга алоҳида эътибор каратамиз.

Шу билан бирга, давлат хизмати институтини ислоҳ этиш, давлат хизматчиларининг моддий ва ижтимоий таъминоти, уларнинг касбий тайёргарлигини тубдан такомиллаштириш, бу соҳага

янгича фикрлайдиган, масъулиятли, ташаббускор, ватанпарвар кадрларни жалб этиш бўйича самарали тизим яратилади.

Ана шу масалаларнинг барчаси яқинда ишлаб чиқиладиган «Давлат хизмати тўгрисида»ги қонунда ўз ифодасини топади.

Хурматли дўстлар!

Инсон манфаатларини таъминлашда иқтисодиётизмнинг юксак суръатлар билан барқарор ривожланиши қандай катта аҳамиятга эга эканини барчамиз яхши тушунамиз.

Самарали меҳнат учун зарур шароитлар, муносиб иш ҳақи, замонавий уй-жойлар, сифатли таълим ва тиббий ёрдам, дам олиш ва ҳордиқ чиқариш учун кенг имкониятлар яратиш – буларнинг барчаси иқтисодий соҳадаги ислоҳотларимиз моҳияти ва мазмунини белгилаб берадиган муҳим омиллардир.

Шу борада нафақат энг кам ойлик иш ҳақини, балки бюджет ташкилотларида ҳам, хўжалик юритувчи субъектларда ҳам ўртача иш ҳақи миқдорини, пенсия, стипендия ва ижтимоий нафақалар ҳажмини босқичма-босқич кўпайтириш эътиборимиз марказида бўлади.

Аҳолини иш билан таъминлаш биз учун нафақат иқтисодий, айни пайтда катта ижтимоий аҳамиятга эгадир. Ҳокимликлар, вазирлик ва идоралар, иш берувчи ташкилотлар билан бир қаторда банк муассасалари ҳам бу ишга янада фаол жалб этилиши керак.

Аҳоли бандлигини ҳал этишда туризмни ривожлантириш бўйича катта имкониятларни ҳам ишга солишимиз лозим.

Шу мақсадда яқинда ташкил этилган Туризмни ривожлантириш давлат қўмитаси ўз маблағларини ва хорижий сармояларни ҳалқаро стандартларга мос келадиган инфратузилмаларни ривожлантиришга йўналтириши зарур.

Мамлакатимизда инвестиция сиёсатини кучайтириш масаласига биз алоҳида устувор аҳамият қаратамиз.

Хорижий сармояларни ва илгор технологияларни иқтисодиётга жалб этиш учун чет эллардаги дипломатик ваколатхоналаримиз жиддий иш олиб бориши лозим.

Бунинг учун Ташки ишлар вазирлиги фаолиятини кучайтириш, чет мамлакатлардаги элчиларимиз нафакат сиёсий, айни вактда юртимизга инвестицияларни жалб қилиш масалалари билан ҳам фаол шуғулланишлари даркор. Уларнинг бу борадаги фаолиятини назорат килиш учун Олий Мажлис Сенатининг Ташқи сиёsat масалалари қўмитасининг фаолият соҳаси ва ваколатларини кенгайтириш зарур, деб ҳисоблайман.

Бу қўмита ҳалқаро иқтисодий ҳамкорлик, чет эл инвестицияларини фаол жалб этиш масалалари бўйича парламент назоратининг муҳим бўғинига айланиши лозим.

Қўмита мамлакатимизга инвестициялар жалб қилиш борасидаги ишларнинг самарадорлиги, бу соҳадаги муаммолар, тўсик ва ғовларни бартараф

этиш, инвестициявий мұхитни яхшилаш бўйича тегишли идораларнинг масъулиятини ошириш чораларини кўриши мақсадга мувофиқ бўлади.

Инсон манфаатларини таъминлаш яна бир мұхим масала – аҳолимизнинг ярмидан кўпи яшайдиган қишлоқ жойларда ҳаёт даражаси ва сифатини ошириш билан бевосита боғлиқдир. Шу сабабли биз бундан буён ҳам қишлоқ хўжалиги соҳасидаги ислоҳотларни чукурлаштиришга, ер ва сув ресурсларидан самарали фойдаланишга, илгор технологияларни жорий этишга асосий зътиборни қаратамиз. Шу билан бирга, хомашёни, энг аввало пахта хомашёсини чукур қайта ишлаш бўйича аниқ режалар белгиланмоқда.

Яна бир устувор вазифа – янги 2017 йилдан бошлаб қишлоқ жойларда янгиланган намунавий лойиҳалар бўйича арzon ва қулай уй-жойлар қуриш дастурини амалга оширишга киришамиз.

Азиз дўстлар!

Барчамизга аёнки, юртимиздаги ҳар қайси инсон, ҳар қайси оиланинг энг эзгу орзу-мақсадлари, ҳаётий манфаатлари авваламбор унинг фарзандлари тимсолида намоён бўлади, рўёбга чиқади. Албатта, бу борада юртимизда улкан ишлар қилинмоқда ва улар амалда ўзининг ижобий натижасини бермоқда.

Бу ҳақда гапирганда, барчамизга чексиз гуур va ифтихор бағишлайдиган бир мисолни айтиб ўтмоқчиман. Жорий йилда Бразилияда ўтказилган Олимпия ва Паралимпия ўйинларида спортчи-

ларимиз 44 та медаль, жумладан, 12 та олтин медални қўлга киритғани мамлакатимиз ҳаётида тарихий воқеа бўлди.

Фурсатдан фойдаланиб, халқаро майдонларда юртимиз байроғини баланд кўтариб келаётган спортчи ёшларимизга, уларнинг ота-оналари ва устоз-мураббийларига чукур миннатдорлик билдираман.

«Халқ билан мулокот ва инсон манфаатлари йили» дастуридан ёшларимизни соғлом ва баркамол этиб тарбиялаш масаласи алоҳида ўрин эгаллаши табиийдир.

Бу борада фарзандларимиз учун зарур шароитлар яратиш, янги-янғи таълим-тарбия, маданият, санъат ва спорт масканларини барпо этиш, ёш оиласалар учун уй-жойлар қуриш, ёшларни иш билан таъминлаш, уларни тадбиркорлик соҳасига кенг жалб этиш бўйича бошлаган ишларимизни янги, юксак боскичга кўтарамиз.

Биз таълим ва тарбия тизимининг барча бўғинлари фаолиятини бугунги замон талаблари асосида такомиллаштиришни ўзимизнинг биринчи даражали вазифамиз деб биламиз.

Ёш авлод тарбияси ҳақида гапирганда, Абдурауф Фитрат бобомизнинг мана бу фикрларига ҳар биримиз, айникса, энди ҳаётга кириб келаётган ўғил-қизларимиз амал килишларини жуда-жуда истардим. Мана, улуғ аждодимиз нима деб ёзганлар: «Халқининг аниқ мақсад сари ҳаракат килиши, давлатманд бўлиши, баҳтли бўлиб иззатхурмат топиши, жаҳонгир бўлиши ёки заиф бўлиб

хорликка тушиши, бахтсизлик юкини тортиши, зътибордан қолиб, ўзгаларга тобе ва қул, асир бўлиши уларнинг ўз ота-оналаридан болаликда олган тарбияларига боғлиқ».

Қаранг, қандай бебаҳо, олтинга тенг сўзлар!

Бугунги кунда ён-атрофимизда диний экстремизм, терроризм, гиёхвандлик, одам савдоси, ноқонуний миграция, «оммавий маданият» деган турли балоқазоларнинг хавфи тобора кучайиб бораётганини ҳисобга оладиган бўлсак, бу сўзларнинг чукур маъноси ва аҳамияти янада яққол аён бўлади.

Ҳақиқатан ҳам, ҳозирги вактда ёшлар тарбияси биз учун ўз долзарблиги ва аҳамиятини ҳеч қачон йўқотмайдиган масала бўлиб қолмоқда.

Бугунги тез ўзгараётган дунё инсоният олдида, ёшлар олдида янги-янги, буюк имкониятлар очмоқда. Шу билан бирга, уларни илгари кўрилмаган турли ёвуз хавф-хатарларга ҳам дучор қилмоқда. Фаразли кучлар содда, ғўр болаларни ўз ота-онасига, ўз юртига қарши қайраб, уларнинг ҳаётига, умрига зомин бўлмоқда.

Бундай кескин ва таҳликали шароитда биз, отаоналар, устоз-мураббийлар, жамоатчилик, маҳалла-кўй бу масалада хушёрлик ва огоҳликни янада оширишимиз керак. Болаларимизни бировларнинг кўлига бериб қўймасдан, уларни ўзимиз тарбиялашимиз лозим.

Бунинг учун ёшларимиз билан кўпроқ гаплашиш, уларнинг қалбига қулок солиш, дардини билиш, муаммоларини ечиш учун амалий кўмак

беришимиз керак. Бу борада уюшмаган ёшлар билан ишлашга алоҳида эътибор қаратишимиш зарур.

Бу вазифаларни амалга оширишда биз асрлар мобайнида шаклланган миллий анъаналаримизга, аждодларимизнинг бой меросига таянамиш. Фарзандларимиз, айниқса, қиз болаларнинг замонавий билим ва қасб-хунарларни, хорижий тилларни эгаллашлари, ҳар томонлама соғлом ва баркамол бўлиб, ҳаётдан муносиб ўрин топишлари учун барча куч ва имкониятларимизни сафарбар этамиш.

Бизнинг навқирон авлодимиз манфаатларини таъминлаш борасидаги фаолиятимиз яқинда қабул килинган «Ёшларга оид давлат сиёсати тўғрисида»ги конун асосида катъий давом эттирилади.

«Камолот» ёшлар ижтимоий ҳаракати барча ёшларимиз интиладиган, уларнинг қобилият ва иктидорини рўёбга чиқарадиган ва манфаатларини ҳақиқий ҳимоя қиласидиган ташкилотга айланиши учун барча чораларни кўрамиз.

Азиз дўстлар!

Барчамишга яхши аёнки, инсон манфаатларини юрт тинчлиги, жамиятимиздаги ўзаро ҳурмат, меҳр-оқибат ва ҳамжиҳатлик муҳитидан ажратган ҳолда тасаввур этолмаймиз. Буларнинг барчаси бизнинг бебаҳо бойлигимиз ва уни кўз қорачигидек саклаш ҳар биримизнинг муқаддас бурчимиздир.

Бу борада маҳалла идоралари, хотин-қизлар, нуронийлар, ёшлар ташкилотларининг ўрни ва

ролини янада кучайтириш эътиборимиз марказида бўлади.

Айни вақтда ҳозирги мураккаб замон тинчосойишта ҳаётимизни асраш ва мустаҳкамлаш, халқимизнинг кафолатланган хавфсизлигини таъминлаш масаласини янада долзарб килиб қўймоқда. Шу мақсадда биз ҳозирги вақтда Ички ишлар вазирлиги тизимини тубдан ўзгартириш чоратадбирларини кўряпмиз.

Ўз пайтида ички ишлар органларининг энг қуи тизимида профилактика инспекторлари тузилмаси ташкил қилинган эди. Аммо бугун бу инспекторлар профилактика, яъни жиноятларнинг олдини олиш билан шуғулланмаяпти, аксинча, содир бўлган жиноятларни рўйхатга олиш, юқори идораларга ҳисобот ёзиш билан банд.

Шу сабабли бу масалага қарашимизни тубдан ўзгартириб, маҳалладаги участка нозирларига самарали фаолият кўрсатиши учун барча зарур иш ва турмуш шароитларини яратиб берамиз.

Шунингдек, ҳар бир туман ҳокими ва туман ички ишлар бўлимлари раҳбарларининг ёшлар билан ишлаш бўйича ўринбосари лавозими жорий этилади. Бу раҳбарларнинг асосий вазифаси маҳаллада участка инспекторлари билан ишлашни ташкил этишдан иборатдир.

Ҳурматли мажлис иштирокчилари!

Мамлакатимизда инсон манфаатлари билан боғлиқ масалаларни ҳал этишда бизнинг сайловолди

дастуримиздан жой олган, ҳозирги кунда ишлаб чикилаётган мақсадли дастурлар мухим ўрин тутади. Бу дастурлар одамларнинг турмуш дарајаси ва сифатини янада оширишни таъминлашга қаратилган.

Шу мақсадда мамлакатимиз ҳукумати Олий Мажлис Конунчилик палатаси ва Сенати билан биргаликда ва жамоат ташкилотлари, нодавлат ташкилотлар иштирокида 2017 – 2021 йилларда Ўзбекистонни янада ривожлантириш бўйича Ҳаракатлар стратегиясини ишлаб чиқмокда.

Ушбу стратегияда давлат қурилиши, судхукук тизимини такомиллаштириш, иқтисодиётни эркинлаштириш ва ижтимоий соҳани ривожлантириш, миллатлараро дўстлик ва ҳамжиҳатликни мустаҳкамлаш бўйича энг долзарб вазифалар аниқ белгилаб берилади.

Азиз дўстлар!

Биз ташки сиёsat соҳасидаги фаолиятимизни аввало ҳалқимиз, Ватанимиз манфаатларини ҳар томонлама ҳисобга олган ҳолда амалга оширамиз.

Бу сиёsatнинг асосини тинчликпарварлик, бошқа давлатларнинг ички ишларига аралашмаслик, юзага келадиган зиддият ва қарама-қаршиликларни факат тинч, сиёсий йўл билан ҳал этиш ташкил этади.

Биз бундан буён ҳам узок-яқиндаги барча хорижий мамлакатлар, жаҳон ҳамжамияти билан самарали ҳамкорлигимизни давом эттирамиз. Бу борада очик, дўстона ва прагматик сиёsat олиб бориш тамойилига содик қоламиз.

Бирлашган Миллатлар Ташкилоти, Шанхай ҳамкорлик ташкилоти, Мустақил Давлатлар Ҳамдўстлиги, Ислом ҳамкорлик ташкилоти ва бошқа халқаро тузилмалар билан фаол муносабатлар ва ҳамкорлик олиб бориш Ўзбекистоннинг миллий манфаатлариға хизмат қиласи.

Биз Жаҳон банки, Осиё тараққиёт банки, Ислом тараққиёт банки, Халқаро валюта жамгармаси, бошқа халқаро молия ва иқтисодий ташкилотлар билан амалий ҳамкорликни янада ривожлантирамиз.

Азиз ва муҳтарам юртдошлар!

Биз янги – 2017 йилга эзгу ва олижаноб мақсадлар билан қадам қўймокдамиз.

Буни ҳозиргина эълон қилинган «Халқ билан мулоқот ва инсон манфаатлари йили» бўйича барчамиз, бутун халқимиз қалбидаги орзу-интилишлар ифодаси бўлган режа ва мақсадларимиз яққол тасдиклаб турибди.

Ишончим комил, ана шу олижаноб вазифаларни ҳал этишда давлат ва нодавлат ташкилотлар, маҳалла, хотин-қизлар, ёшлар вакиллари, кенг жамоатчилик, бутун халқимиз фаол иштирок этади.

Кириб келаётган Янги йил сиёсатимизнинг бош мақсадини, яъни, «**Инсон манфаати ҳар нарсадан улуг'** деган эзгу гояни изчил давом эттириш, ҳаётимизни янада обод ва фаровон этиш йўлида яна бир улкан қадам бўлади.

Барчангизни Конституциямиз байрами билан
самимий табриклаб, сизларга сиҳат-саломатлик,
баҳт ва омад, хонадонларингизга файзу барака
тилайман.

*Ўзбекистон Республикаси Конституцияси
қабул қилинганининг 24 йилтигига бағишланган
тантанали маросимидағи маъруза.
2016 йил 7 декабрь*

ЭРКИН ВА ОБОД, ДЕМОКРАТИК ЖАМИЯТНИ БАРЧАМИЗ БИРГАЛИКДА БАРПО ЭТАМИЗ

Ассалому алайкум, қадрли ватандошлар!
Мухтарам Сенат Раиси ва сенаторлар!
Хурматли Спикер ва депутатлар!
Хонимлар ва жаноблар!

Аввало, сиз, азизларга, сизларнинг тимсолингизда бутун халқимизга мурожаат қилиб, менга юксак ишонч билдириб, Ўзбекистон Республикаси Президенти лавозимиға сайлаган барча ватандошларимга чин қалбимдан яна бир бор миннатдорлик изҳор этишга ижозат бергайсиз.

Бугун, мана шу юксак минбардан туриб, юртимизда яшайтган барча миллат ва элат вакилларига, мухтарам отахон ва онахонларимизга, мунис аёлларимиз, навқирон ёшларимизға самимий ташаккур билдираман. Юксак инсоний фазилатлар сохиби бўлган, меҳнаткаш ва бағрикенг халқимиз олдида бош эгиб таъзим қилишни ўзим учун ҳам қарз, ҳам фарз деб биламан.

Сиз, азизларнинг, эл-юртимизнинг менга билдиран мана шундай юксак ишончини ўзим учун катта шараф ва улкан масъулият деб хисоблайман.

Ҳеч нарса билан қиёслаб, ўлчаб бўлмайдиган бундай олий ишончни оқлаш учун бор куч-

ғайратим, билим ва тажрибамни, бутун борлигимни багишлишга ваъда бераман.

Менинг номзодимни Ўзбекистон Республикаси Президенти лавозимига кўрсатган ва бутун сайлов кампанияси давомида қўллаб-қувватлаган Ўзбекистон Либерал-демократик партиясининг барча аъзоларига алоҳида миннатдорлик билдираман.

Шу билан бирга, муқобиллик асосида ўтган ушбу сайловда иштирок этган Ўзбекистон Халқ демократик партияси Марказий кенгаши раиси Ҳатамжон Кетмоновга, «Миллий тикланиш» демократик партияси Марказий кенгаши раиси Сарвар Отамуротов ва «Адолат» социал-демократик партияси Сиёсий кенгаши раиси Наримон Умаровга яна бир бор ўз ташаккуримни изҳор этаман.

Фурсатдан фойдаланиб, менга ўз табрик ва кутловларини йўллаган барча хорижий давлатлар, халқаро ташкилотлар етакчиларига, сиёsat ва жамоат арбобларига, шунингдек, сайлов жараёнида ва ҳар доим бизга хайриҳоҳ бўлиб келган, бугунги йигилишимизда иштирок этаётган хорижий давлатларнинг юртимиздаги дипломатик ваколатхоналари раҳбарларига ўзимнинг чукур миннатдорлигимни, юксак ҳурмат-эҳтиромимни билдираман.

Қадрли юртдошлар!

Барчамизга маълумки, ҳар бир суверен давлат ўзининг бетакрор тарихи ва маданиятига эгадир. Бу тарих, бу маданиятнинг ҳақиқий ижодкори, яратувчиси эса ҳақли равишда шу мамлакат халқи ҳисобланади.

Ўзбекистонимизнинг кўп асрлик тарихи ва кеъйинги 25 йиллик ривожланиш даври, ўз давлат мустақиллиги ва суверенитетини мустаҳкамлашга қаратилган тараққиёти бу ҳақиқатни яна бир бор яккол тасдиқлаб берди. Ана шу бунёдкорлик жараёнининг кудратли ва ҳал қилувчи кучи, ҳеч шубҳасиз, кўп миллатли халқимиздир.

Ўзбек халқининг неча минг йиллик тарихида қандай мураккаб даврлар, оғир синовлар бўлганини барчамиз яхши биламиз.

Ўзбекистоннинг энг янги тарихи ва биз эришган оламшумул ютуклар мард ва матонатли халқимиз ҳар қандай қийинчилик, тўсик ва синовларни ўз кучи ва иродаси билан енгиб ўтишга қодир, деб баралла айтишга тўла асос беради.

Биз аждодларимизнинг ёрқин хотирасини асрлаб-авайлаб, қалбимизда, юрагимизда абадий саклаймиз. Букилмас ирода, фидойилик ва жасорат намунасини амалда намоён этиб, ўз ҳаётини азиз Ватанимизнинг ҳар томонлама равнақ топишига багишлаган устоз ва мураббийларимиз, замондошларимиз билан биз чексиз фаҳранамиз.

Мен бугун Олий Мажлис палаталари, сиёсий партиялар ва ҳаракатлар, жамоат ташкилотлари, бутун халқимизнинг саъй-ҳаракатларини Ўзбекистон Республикасининг Биринчи Президенти, барчамиз учун азиз ва қадрли бўлган Ислом Абдуганиевич Каримов бизга васият қилиб қолдирган ягона мақсад йўлида бирлашгирини даъват этаман.

Бу олижаноб мақсад – изчил ва барқарор ривожланаётган, эркин ва фаровон, демократик Ўзбекистон давлатини барпо этишдан иборатdir.

Бугунги кунда Ўзбекистон жаҳон ҳамжамиятида ўзининг муносиб ўрни ва мавкеига эга. Биз дунёдаги барча давлатлар билан яқиндан ҳамкорлик килиш ва амалий мулоқот учун очиқмиз. Бўлиб ўтган демократик сайлов жараёни бунинг яна бир ишончли ва якқол тасдиғи бўлди.

Сайловни кузатиш учун дунёдаги 5 та нуфузли халқаро ташкилот ҳамда 46 та давлатдан 600 нафарга яқин кузатувчи қатнашгани сизларга яхши маълум. Айниқса, Европада хавфсизлик ва ҳамкорлик ташкилотининг Демократик институтлар ва инсон хуқуклари бўйича бюросининг тўлақонли миссияси биринчи марта юртимизга ташриф буюрди. Яъни, ушбу халқаро тузилманинг 32 та мамлакатдан келган 200 нафарга яқин вакили – бу албатта кичкина гап эмас – айнан демократик тамойиллар талаблари асосида сайлов жараёнини синчиклаб кузатиб борди.

Сайловда халқимиз ўзининг хоҳиш-иродасини, юксак сиёсий онги ва фаол фуқаролик позицияси-ни ёркин намоён этди. Бу, ўз навбатида, эл-юртимизнинг ўз тақдирни ва келажагига қандай катта ишонч ва масъулият билан қараётганини якқол ифода этади.

Сайлов натижаларини биз аввало ватандошларимизнинг Ўзбекистонда амалга оширилаётган демократик ислоҳотларга, яқин ва олис истиқбол

учун белгилаб олинган стратегик таракқиёт дастуримизга берган холис ва ҳаққоний баҳоси, деб қабул киласиз.

Сайлов сиёсий партиялар ўртасида соғлом рақобат ва кураш, миллий қонунчилигимиз талабларига, сайлов бўйича умумэътироф этилган халқаро стандартларга тўла мос ҳолда, эркинлик ва очиқлик руҳида ўтганини барча чет эллик кузатувчилар очик ва барадла таъкидладилар.

Куни кеча Марказий сайлов комиссияси ҳам ўзининг сайлов натижалари бўйича якуний холосаларида шу ҳақиқатни яна бир бор қайд этди. Ҳеч шубҳасиз, бундай юксак эътироф, бундай юксак баҳо барчамизни кувонтиради.

Муҳтарам дўстлар!

Бугун мен Ўзбекистон Республикаси Президенти вазифасини бажаришга киришар эканман, буюк давлат ва сиёsat арбоби, азиз устозимиз Ислом Каримовнинг ишларини давом эттирган ҳолда, 32 миллионлик катта халқ, катта мамлакатни бошқариш қанчалик масъулиятли ва мураккаб эканини, давлат раҳбари сифатида зиммамдаги жуда улкан жавобгарликни ҳар томонлама чукур ҳис қилиб, англаб турибман.

Биринчи Президентимиз ўзининг серқирра сиёсий фаолияти, олижаноб инсоний фазилатлари билан Ватанимизнинг кўп асрлик тарихида ўчмас ва ёрқин из қолдирди.

Буюк Юртбошимиз нафақат Ўзбекистонда, балки бутун жаҳон миқёсида катта хурмат ва обрў-эъти-

борга сазовор бўлган улкан шахс ва арбоб сифатида танилган эди. Шунинг учун ҳам устозимизнинг хотирасини абадийлаштириш бўйича минглаб юртдошларимиздан кўплаб таклиф ва тавсиялар келиб тушмоқда. Уларнинг барчаси айни пайтда атрофлича ўрганилмоқда ва бу борада алоҳида карор қабул қилинади.

Хурматли мажлис иштирокчилари!

Бугун дунёдаги шиддатли глобаллашув шароитида, халқаро майдонда турли манфаатлар тўкнашуви кучайиб бораётган, жаҳон иқтисодий-молиявий инқирози давом этаётган кескин бир вазиятда Ўзбекистонга раҳбарлик қилишдек улкан масъулиятни зиммамга олаётган эканман, мен аввало кўпни кўрган, донишманд халқимизга, сиз, азизларнинг ёрдам ва кўмагингизга таянаман ва ишонаман.

Барчангиз хабардорсиз, сайлов арафасида мен сайловчилар ҳамда ахолининг турли қатламлари вакиллари билан кўплаб учрашув ва сухбатлар ўтказдим.

Ана шундай очик мулокотларда билдирилган амалий таклифлар, қонуний талаблар, уларни амалга ошириш учун кўрилган аниқ чора-тадбирлар, очигини айтаман, мен учун яна бир катта ҳаётий мактаб бўлди.

Ана шу учрашув ва сухбатларнинг якуний хулосалари мамлакат Президенти лавозимидағи ўта муҳим ва масъулиятли фаолиятимда мен учун дастурий қўлланма бўлиб хизмат қиласди.

Бугун замоннинг ўзи барчамизнинг олдимизга, биринчи навбатда, Ўзбекистон Президенти сифатида менинг олдимга янги ва ғоят масъулиятили вазифаларни қўймоқда. Ана шу асосий вазифалар ҳакида буғун ушбу йигилишимизда қисқача ахборот берини ўринли, деб хисоблайман.

Биринчидан, биз муҳтарам Биринчи Президентимиз Ислом Абдуганиевич Каримов бошлаб берган кенг кўламли сиёсий, иқтисодий ва ижтимоий ислоҳотлар йўлини оғишмасдан, қатъий ва изчил давом эттирамиз.

Бу йўл – эркин, демократик, инсонпарвар давлат қуриш, фуқаролик жамиятини шакллантириш, Ватанимиз иқтисодий кудратини юксалтириш ва янада равнақ топтиришнинг мустаҳкам заминидир.

Мен мамлакат Президенти сифатида Ўзбекистон Республикаси Конституцияси талабларини қатъий ва сўзсиз бажариш, конун устуворлигини таъминлаш, фуқароларнинг ҳукуқ ва эркинликларини таъминлайдиган ички ва ташки сиёsatни амалга оширишни ўзимнинг энг асосий бурчим ва вазифам, деб хисоблайман.

Ана шу фундаментал тамойилларни рўёбга чиқаришга доир амалий саъи-ҳаракатлар тўғрисида мен Конституциямизнинг 24 йиллигига бағишлиланган тантанали йигилишдаги маърузамда ўз фикрларимни баён қилганимдан албатта барчангиз хабардорсиз, деб ўйлайман.

Шу муносабат билан Қонунчилик палатаси Спикери ва депутатлар, Сенат Раиси ва сенаторлар-

дан Президентнинг давлат маслаҳатчилари хизматлари ҳамда ҳукумат билан биргаликда мамлакатимизда келажакда амалга ошириладиган ислоҳот ва ўзгаришларнинг ҳуқуқий асосларини янада такомиллаштириш ва мустаҳкамлаш бўйича аниқ чора-тадбирлар комплексини ишлаб чиқишни сўрайман.

Иккинчидан, мамлакатимизда ҳукм суроғтган миллатлар ва фуқаролар тотувлиги, ўзаро ҳурмат ва меҳр-оқибат мухитини кўз қорачигидек саклаш ҳамда мустаҳкамлашни ўзимнинг устувор вазифам, деб ҳисоблайман.

Маълумки, юртимизда виждан ва эътиқод эркинлиги, турли миллат вакилларининг ҳуқуклари кенг кафолатланиб, диний бағрикенглик мухити мустаҳкамланмоқда.

Хозирги вактда диёримизда 130 дан зиёд миллат ва элат вакиллари ўзаро ҳамжиҳат яшамоқда, 16 та конфессияга мансуб диний ташкилотлар эркин фаолият юритмоқда.

Жамиятимизда ҳукм суроғтган ўзаро дўстлик ва ҳамжиҳатликни янада ривожлантириш, қайси миллат, дин ва эътиқодга мансублигидан қатъи назар, барча фуқаролар учун тенг ҳуқукларни таъминлаш эътиборимиз марказида бўлади. Уларнинг ўртасига нифок соладиган экстремистик ва радикал гояларни тарқатишга Ўзбекистонда мутлако йўл қўйилмайди.

Бугунги кунда дунёning айрим минтақаларида тобора кескинлашиб бораётган конли можаро ва

зиддиятлар, терроризм ва экстремизм хавфи биздан доимий огоҳ ва хушёр бўлишни талаб этмоқда.

Шу борада Ўзбекистон чегараларининг хавфсизлиги ва дахлсизлигини таъминлаш, мамлакатимиз мудофаа қобилиятини мустаҳкамлаш, юртимиз остонасига ҳеч қандай бало-қазони яқин келтирмаслик каби ҳал қилувчи вазифалар ҳамиша дикқатимиз марказида бўлади.

Бугун принципиал жиҳатдан ғоят муҳим бўлган бир фикрни яна таъкидлаб айтишни зарур деб биламан: Ўзбекистон ва унинг бағрикенг ҳалқи тинчликсевар сиёsat юритиш, миллий ва умуминсоний қадриятларга ҳурмат билан қараш тамойилларини амалга ошириш позициясида доимо мустаҳкам туриб келмоқда. Лекин, зарур бўлса, биз мамлакатимиз суверенитети ва мустақиллигига, ҳалқимизнинг тинч ва осуда ҳаётига таҳдид соладиган ҳар қандай уринишларга қарши кескин зарба беришга кодирмиз. Шунинг учун мен, ҳалқимизга мурожаат қилиб, шуни айтмокчиманки, бу масалада ҳеч кимда ҳеч қандай иккиланиш ва шубҳа бўлмаслиги лозим. Бунинг учун бизнинг кучимиз ҳам, курдатимиз ҳам етарли.

Фурсатдан фойдаланиб, Куролли Кучлар, Миллий хавфсизлик хизмати, чегара ва ички қўшинларнинг аскар ва сержантлари, офицер ва генералларига, барча ҳарбий хизматчиларимизга ўзининг ҳарбий қасамёди ва муқаддас бурчига садоқати учун самимий миннатдорлик билдираман.

Ишончим комилки, сизлар бундан буён ҳам юксак профессионал маҳорат, мардлик ва жасорат намунасини кўрсатиб, юртимида тинчлик ва баркарорликни саклаш ва мустаҳкамлаш бўйича ўз ватанпарварлик бурчингизга содик бўлиб қоласиз.

Ўзбекистон Республикаси Президенти ҳузуриданаги Хавфсизлик кенгашидан Мудофаа вазирлиги ва бошқа тузилмалар раҳбарияти билан биргаликда Куролли Кучларимизнинг 25 йиллигига тайёргарлик кўриш ва уни муносиб нишонлашга доир чоратадбирлар комплексини яқин кунларда тақдим этишни сўрайман.

Бу борада муносиб ҳарбий хизматчиларни нафакат яқинда таъсис этилган кўкрак нишонлари билан, балки юксак давлат мукофотлари билан тақдирлаш бўйича ҳам таклифлар киритиш максадга мувофиқдир.

Учинчидан, халқимиз азалдан юксак қадрлаб келадиган, ҳамма нарсадан устун қўядиган адолат туйғусини ҳаётимида янада кенг қарор топтиришини биз биринчи даражали вазифамиз, деб хисоблаймиз.

Бу борада буюк соҳибқирон Амир Темур бобомизнинг: «**Адолат ҳар бир ишда ҳамроҳимиз ва дастуримиз бўлсин!**» деган чуқур маъноли сўзлари ҳар биримиз учун ҳаётий эътиқодга айланishi зарур.

Бу масала, энг аввало, давлат ҳокимияти ва бошқаруви органлари, бутун суд тизими, прокуратура, ички ишлар, назорат органлари раҳбарлари

ва ходимларининг, шунингдек, Олий Мажлиснинг Инсон хукуқлари бўйича вакилининг бевосита вазифасидир.

Жамиятимизда коррупция, турли жиноятларни содир этиш ва бошқа хукукбузарлик ҳолатларига қарши курашиш, уларга йўл кўймаслик, жиноятга жазо албатта муқаррар экани тўғрисидаги қонун талабларини амалда таъминлаш бўйича қатъий чоралар кўришимиз зарур.

Депутатлар ва сенаторлар, кенг жамоатчилик, бутун ҳалқимиз хукукий демократик давлат куришнинг ана шу муҳим соҳасидаги давлатимизнинг саъй-ҳаракатларини албатта қўллаб-кувватлайдилар, деб ўйлайман ва бунга ишонаман.

Мамлакатимизда демократик ислоҳотларни яна-да чукурлаштириш ва фуқаролик жамиятини ривожлантириш концепциясини амалга оширишда биз, илгаригидек, фуқароларнинг ўзини ўзи бошқариш органлари – маҳаллалар, шунингдек, нодавлат нотижорат ташкилотлар, эркин ва холис оммавий ахборот воситалари фаол ўрин эгаллайди, деб ишонамиз.

«Кучли давлатдан – кучли фуқаролик жамияти сари» деган муҳим тамойилни амалга оширишда биз аввало ана шу ижтимоий институтларнинг куч ва имкониятларига таянамиз.

Шу муносабат билан ҳалқ ҳокимиятининг энг муҳим пойдевори сифатида жамоатчилик назорати институтини кучайтириш бўйича мамлакатимиз Конституциясининг 32-моддасида, шунингдек,

«Давлат ҳокимияти ва бошқаруви органлари фаолиятининг очиқлиги тўғрисида», «Ижтимоий шериклик тўғрисида»ги қонунлар ва бошка хужжатларда муҳрлаб кўйилган талабларнинг ижросини таъминлашга алоҳида эътибор карата-миз.

Бу муҳим ишда биз барча фуқароларимиз, энг аввало, ёши улуғ, улкан ҳаётий тажрибага эга нуроний оқсоколларимиз, катта авлод вакилларининг маслаҳатлари ва фаол кўмагига умид қиласиз ва таянамиз.

Айнан шу авлоднинг фидокорона меҳнати туфайли ўз пайтида мамлакатимиздаги йирик индустрия комплекслари барпо этилди ва модернизация қилинди. Уларнинг акл-заковати ва саъй-харакатлари билан саноатнинг янги, юқори технологияларга асосланган тармоқлари ташкил этилди, ноёб инфратузилма обьектлари қурилди, фермерлик ҳаракати шакллантирилди, шаҳар ва қишлоқларимизнинг қиёфаси тубдан ўзгарди.

Айнан ана шундай табаррук инсонларнинг Ватанимизга бўлган буюк меҳр-мухаббати ва жонкуярлиги туфайли мустақил Ўзбекистон давлатининг мустаҳкам замини яратилди.

Бугунги имкониятдан фойдаланиб, юртимиз равнақи йўлидаги фидокорона хизматлари учун муҳтарам нуронийларимизга, қадрли меҳнат фахрийларига ўзимнинг юксак ҳурмат-эҳтиромим ва самимий тилакларимни билдиришга, уларнинг барчасига узок умр, мустаҳкам

соглик, бахту саодат ва фаровонлик тилашга рухсат бергайсизлар.

Шу борада бир фикрга алоҳида урғу бериб таъкидламоқчиман: ёши улуғ инсонлар, катта авлод вакилларига эътибор ва амалий ғамхўрликни кучайтириш, уларнинг пенсияларини ошириш, тиббий хизмат ва ижтимоий-маиший таъминотини яхшилаш бундан бўён ҳам Президент учун, ҳукуматимиз ва барча ҳокимликлар учун энг муҳим устувор вазифалардан бири бўлиб қолади.

Шу мақсадда пенсионерлар, ёлғиз қария ва ногиронларга давлат кўмагини кучайтириш бўйича айни пайтда кенг камровли чора-тадбирлар комплекси ишлаб чиқилди ва улар сўзсиз амалга оширилади.

«Нуроний» ва «Маҳалла» жамғармаларининг ходимлар штатларини кўпайтириш ва моддий-техник базасини мустаҳкамлаш, жамиятимиз ҳаётида уларнинг ўрни ва мавқенини янада ошириш бўйича кўшимча зарур чоралар кўрилади.

Яратганинг бебаҳо мўъжизаси бўлган азиз аёлларимиз, қадрли оналаримиз, меҳрибон рафиқаларимиз, муnis опа-сингилларимиз, севимли кизларимиз ва набираларимиз ҳаётда бизга барча тўсикларни енгиб ўтиш, олдимизга қўйган мақсадларимизга эришиш йўлида доимо ғамхўрлик қилиб, ҳамиша чексиз ишонч, куч ва мадад берадилар.

Сизларнинг оналик меҳрингиз ва саховатингиз, аёллик тароватингиз ва меҳр-оқибатингиз учун биз сизлардан умрбод қарздормиз.

Шу сабабли оналар ва болалар соғлигини муҳофаза қилиш, аёлларнинг турмуш шароитларини хисобга олган ҳолда, иш билан таъминлаш, опасингилларимизнинг оғирини енгил қилиш учун ҳар томонлама имконият яратиш, хотин-қизларнинг ижтимоий-сиёсий ҳаётимиздаги ўрни ва нуфузини ошириш бўйича давлат сиёсатини фаол давом эттиришни биз ўзимизнинг энг муҳим вазифамиз, деб биламиз.

Барчамизга аёнки, Ўзбекистон бой қазилма ва табиий ресурсларга, қудратли иқтисодий ва инсоний салоҳиятга эга. Бироқ бизнинг энг катта бойлигимиз – бу ҳалқимизнинг улкан интеллектуал ва маънавий салоҳиятидир.

Бу салоҳиятни яратиш ва янада кўпайтиришда ҳурматли зиёлиларимиз – илм-фан ва техника намояндлари, биринчи навбатда қадрли ҳамда ҳурматли академикларимиз, маданият, адабиёт ва санъат, спорт соҳаларининг вакиллари бутун вужудини бериб, фидокорона меҳнат қилаётганларини биз яхши биламиз ва юксак қадрлаймиз.

Ана шу заҳматкаш инсонларнинг илмий ва ижодий изланишларини ҳар томонлама қўллаб-куvvatлаш, улар учун зарур шарт-шароитлар яратишни биз ўзимизнинг бирламчи вазифамиз сифатида кўришимиз даркор.

Шу максадда хукуматимиз томонидан аник чора-тадбирлар ишлаб чиқилади ва амалга оширилади.

Бугунги кунда «Фарзандларимиз биздан кўра кучли, билимли, доно ва албатта баҳтли бўлиш-

лари шарт!» деган ҳаётий даъват ҳар биримизнинг, ота-оналар ва кенг жамоатчиликнинг онги ва қалбидан мустаҳкам ўрин эгаллаган.

Ҳозирги вактда мамлакатимиз ахолисининг 32 фоизини ёки 10 миллионини 30 ёшгача бўлган ёшларимиз ташкил этади.

Ёшларимиз хақли равишда Ватанимизнинг келажаги учун жавобгарликни зиммасига олишга кодир бўлган, бугунги ва эртанги кунимизнинг ҳал этувчи кучига айланиб бораётғани барчамизга гуур ва ифтихор бағишлайди.

Бу соҳада олиб бораётган кенг микёсли ишларимизни, хусусан, таълим-тарбия бўйича қабул килинган умуммиллий дастурларимизни мантиқий якунига етказишимиз зарур.

Шу мақсадда ҳукуматнинг, тегишли вазирлик ва идоралар ҳамда бутун таълим тизимининг, ҳурматли домлаларимиз ва профессор-ўқитувчиларнинг энг муҳим вазифаси – ёш авлодга пухта таълим бериш, уларни жисмоний ва маънавий етук инсонлар этиб тарбиялашдан иборатдир.

Фарзандларимиз учун замонавий иш жойлари яратиш, уларнинг ҳаётда муносиб ўрин эгаллашини таъминлашга қаратилган ишларимизни янги босқичга кўтаришни даврнинг ўзи тақозо этмоқда.

Биз ёшларга доир давлат сиёсатини ҳеч оғиши масдаи, қатъият билан давом эттирамиз. Нафақат давом эттирамиз, балки бу сиёсатни энг

устувор вазифамиз сифатида бугун замон талаб килаётган юксак даражага кўтарамиз.

Ёшларимизнинг мустақил фикрлайдиган, юксак интеллектуал ва маънавий салоҳиятга эга бўлиб, дунё миқёсида ўз тенгдошларига ҳеч қайси соҳада бўш келмайдиган инсонлар бўлиб камол топиши, баҳтли бўлиши учун давлатимиз ва жамиятимизнинг бор куч ва имкониятларини сафарбар этамиз.

Тўртингидан, иктисадиётимизнинг баркарор суръатлар билан ўсишини таъминлашдек мухим тамойил ва устувор вазифани амалга ошириш, давлат раҳбари сифатида мен учун стратегик вазифа бўлиб колади.

Биз аввало иктисадиётни ислоҳ қилиш ва эркинлаштириш борасидаги ишларимизни янада чукурлаштириш, унинг соҳа ва тармокларини таркибий жиҳатдан ўзгартириш бўйича бошланган ишларни жадаллаштиришимиз керак.

Тармоклар ва ҳудудларни модернизация қилиш, уларнинг ракобатдошлиқ даражасини ошириш, экспорт салоҳиятини ривожлантириш масалалари доимий эътиборимиз марказида бўлиши лозим. Бунинг учун хорижий сармоялар ва илғор технологияларни ҳамда ахборот-коммуникация тизимларини барча соҳаларга янада фаол жалб этишимиз зарур бўлади.

Айнан шу асосда 2030 йилгача мамлакатимиз ялпи ички маҳсулотини 2 баробардан зиёд кўпайтиришга эришишимиз даркор.

Кишлоқ хўжалигини ислоҳ килиш ва озиқовқат хавфсизлигини таъминлаш масалалари, ҳеч шубҳасиз, биз учун энг муҳим вазифалардан бири бўлиб қолади. Энг аввало, агросаноат комплекси ва унинг локомотиви, яъни ҳаракатга келтирувчи кучи бўлган кўп тармоқли фермер хўжаликларини изчил ривожлантиришга катта эътибор каратилади.

Иқтисодиётда давлат иштирокини стратегик асосланган даражада кисқартириш, хусусий мулкни янада ривожлантириш ва уни ҳимоя қилишга доир комплекс масалаларни ҳал этиш – ҳукумат, давлат бошқаруви органлари ва барча даражадаги ҳокимликлар учун энг муҳим устувор вазифа сифатида белгиланади.

Бизнинг яна бир муҳим вазифамиз – кичик бизнес ва тадбиркорлик соҳасини қўллаб-куватлаш ва рағбатлантириш, мамлакатимиз иқтисодий кудратини, юртимизда тинчлик ва барқарорлик, ижтимоий тотувликни мустаҳкамлашдан, бу соҳа улушкини янада ошириш учун қулай шарт-шароитлар яратиб беришдан иборат. Нега деганда, тадбиркор нафакат ўзини ва оиласини, балки ҳалқни ҳам, давлатни ҳам боқади. Мен такрор бўлса ҳам, айтишдан ҳеч қачон чарчамайман, яъни, ҳалқ бой бўлса, давлат ҳам бой ва қудратли бўлади.

Шунинг учун бундан кейин тадбиркорликни ривожлантиришга тўсқинлик қилиш – давлат сиёсатига, Президент сиёсатига тўсқинлик қилиш,

деб баҳоланади. Принципial жиҳатдан ғоят муҳим бўлган бу позициямизни яна бир бор алоҳида таъкидлаб ўтишни муҳим ва зарур деб ҳисоблайман.

Сайловчилар билан учрашувларда нафақат тадбиркорлар, балки аҳолимизнинг кенг қатлами ана шу талабни катъий қўллаб-кувватлаганига шахсан ўзим чукур ишонч ҳосил килдим.

Бешинчидан, биз амалга ошираётган иқтисодий ислоҳотлар ва ижтимоий ўзгаришларнинг самараси, биринчи навбатда, аҳолининг моддий аҳволи ва фаровонлигини, унинг ҳаёт даражаси ва сифатини оширишга қай даражада таъсир кўрсатаётгани билан ўлчанади.

Шу мақсадда иш ҳаки, пенсия, нафақа ва стипендиялар микдорини босқичма-босқич ошириб бориш бўйича биз аниқ чора-тадбирларни режалаштирганимиз ва улар албатта амалга оширилади.

2017 йилдан бошлиб аҳолини, авваламбор, лицейлар, касб-хунар коллежлари ва олий ўкув юртлари битирувчиларини иш билан таъминлаш масаласи бўйича янги тизим жорий этилади.

Истеъмол товарлари ишлаб чиқаришни кенгайтириш ва аҳолининг уларга бўлган эҳтиёжини тўлиқ кондириш, жумладан, мақбул нархлар бўйича кенг турдаги озиқ-овкат маҳсулотлари билан халқимизни тўлиқ таъминлаш олдимизда турган муҳим вазифалар каторига киради.

Биз учун бебаҳо бўлган инсон саломатлигини асраш максадида соғлиқни саклаш соҳасини, энг аввало, унинг бирламчи бўғинидаги бўлинмалари ва қишлоқ врачлик пунктлари фаолиятини тубдан такомиллаштириш, тез тиббий ёрдам ва юкори технологиялар асосида хизмат кўрсатадиган, ихтисослашган маҳсус марказларни янада ривожлантириш юзасидан чора-тадбирлар комплексини амалга ошириш ҳукуматнинг эътибор марказида бўлиши даркор.

Бу масалада куни кеча Соғлиқни саклаш вазирлиги тизимидағи раҳбар кадрлар тўлиқ янгиланди ва айтиш мумкинки, уларнинг таркиби кучайтирилди.

Барчангизнинг хабарингиз бор, дори воситалари ва тиббий буюмларга нархларни шакллантириш тизимини такомиллаштириш бўйича кейинги пайтда аник чоралар кўрилмоқда ва биз бу ишларни қатъий давом эттирамиз.

Бу борадаги ислоҳотлар аҳолига тиббий хизмат кўрсатиш ва дори воситалари билан таъминлаш сифатини тубдан яхшилашга қаратилгани билан алоҳида аҳамиятга эга.

Хабарингиз бор, 2017 – 2021 йилларга мўлжалланган 15 та мақсадли дастурнинг айримлари қабул қилиниб, уларнинг ижросига киришилди ва яқин вакт ичida шу йўналишдаги бошқа дастурларнинг барчасини тасдиқлаш бўйича ишлар тўлиқ якунланади.

Мазкур дастурларнинг барчасини ягона мақсад бирлаштириб туради. Яъни, улар яқин 5 йилда

аҳоли пунктларини, айниқса, қишлоқ жойлар, туман ва шаҳарларни комплекс ривожлантириш, замонавий мұхандислик-коммуникация, ижтимоий ва бозор инфратузилмасини шакллантиришга доир бир қатор долзарб масалаларни ҳал этишга қартилади.

Олтинчидан, аҳоли билан доимий мулокот қилиш, унинг конуний талаблари, сүров ва таклифларини амалга ошириш учун аник чоралар күришни мен ўзим учун энг мухим ва устувор вазифа, деб хисоблайман.

Энди нафақат ҳукумат, балки мутасадди вазирлик ва идоралар, хўжалик бирлашмалари, шунингдек, ҳокимларнинг ҳам бу борадаги фаолияти якунлари бўйича ҳисобот бериш тизими жорий этилади ва шунга қараб уларнинг ишига баҳо берилади. Шу сабабдан ҳар бир раҳбар ва мансабдор шахсдан айни шу асосда тизимли ва самарали иш олиб боришни талаб этаман.

Сизларга яхши маълумки, биз 2017 йилни юртимизда «Халқ билан мулокот ва инсон манфаатлари йили» деб эълон қилдик. Лекин, ҳаммамиз тушунамизки, халқ билан мулокот, одамларнинг ичига кириш, уларнинг дарду ташвишлари билан яшаш, инсон манфаатларини таъминлаш – бу биз учун факат бир йиллик иш эмас.

Бу масала келгуси беш йиллик фаолиятимизда ҳам энг устувор вазифа бўлиб колади ва бу ҳакикатни ҳаммамиз чукур тушуниб, яхши англаб олишимиз шарт. Чунки, биз юртимизда янги

давлат, янги жамият куриш йўлида қандай иш килсак, уларнинг барчасини халқимиз билан бамаслаҳат қиласиз.

Ҳаммамизни тарбиялаган, вояга етказган – шу халқ. Барчамизга туз-насиба берган ҳам – шу халқ. Бизга ишонч билдирган, раҳбар қилиб сайлаган ҳам айнан шу халқ.

Шундай экан, биз биринчи навбатда ким билан мулокот қилишимиз керак – одамларимиз билан.

Ким билан бамаслаҳат иш тутишимиз керак – аввало халқимиз билан. Шунда халқимиз биздан рози бўлади.

Халқ рози бўлса, ишимизда унум ва барака бўлади.

Халқ биздан рози бўлса, Яратган ҳам биздан рози бўлади.

Шу маънода, буюк Алишер Навоий бобомизнинг «Одамий эрсанг, демагил одами, Ониким, йўқ халқ ғамидин гами» деган сатрларида қанчалик чукур ҳаётий ҳикмат, фалсафа бор. Яъни, бу дунёда инсонларнинг дарду ташвишларини ўйлаб яшаш – одамийликнинг энг олий мезонидир, халкнинг гамидан узок бўлган инсонни одам категорига кўшиб бўлмайди, деб таъкидламокда улуг бобомиз.

Бу ўлмас сатрлар бизнинг буғунги ҳаётимиз билан, бизнинг орзу-интилиш ва амалий ҳаракатларимиз билан накадар ҳамоҳанг экани одамни ҳайратга солади.

Биз барча давлат идоралари фаолиятида аҳолининг мурожаатлари билан ишлаш бўйича сифат жиҳатидан мутлако янги тизимга ўтишимиз даркор. Хусусан, 2017 йилдан бошлаб барча даражадаги ҳокимлар, прокуратура ва ички ишлар органлари раҳбарларининг аҳоли олдида ҳисобот бериш тизими жорий этилади.

Шу билан бирга, илгари ҳам айтганимиз каби, ҳар бир туман ва шаҳарда «Халқ қабулхоналари»ни ташкил этиш ва уларнинг тўлақонли фаолият кўрсатишини таъминлашимиз зарур бўлади.

Бу қабулхоналарнинг хукукий мақомини, уларнинг ваколат ва мажбуриятларини аниқ белгилаб, бирорта ҳам мурожаат эътиборсиз қолмайдиган тизим фаолиятини йўлга кўйиш даркор.

Давлат органлари ва мансабдор шахслар фаолиятига баҳо беришда конунийликни таъминлаш, фуқароларнинг хукук ва эркинликлари қандай ҳимоя қилинаётгани, уларга давлат хизматлари кўрсатишнинг сифати ва очиқлиги биз учун энг асосий мезон бўлиши шарт. Шу борада бир фикрни яна такрорлаб айтмокчиман: **халқ давлат органларига эмас, балки давлат органлари халқимизга хизмат қилиши керак.**

Шу муносабат билан энг муҳим ижтимоий-иктисодий вазифалар, тармок ва худудлар бўйича мақсадли дастурлар, устувор инвестиция лойиҳалари ва бошка долзарб вазифалар бажарилишини танқидий таҳлил қилиш юзасидан амалдаги мавжуд тизим самарадорлигини оширишимиз лозим.

Айни вактда Вазирлар Маҳкамасининг комплекслари ва иқтисодиёт тармоклари раҳбарлари ҳамда ҳокимларнинг Президент хузурида шахсий ҳисоботини эшлишиш амалиёти янгидан жорий этилади.

Хукуматга, ҳокимликларга сайловчилар ва ахолининг кенг қатламлари вакиллари билан учрашувлар якунлари бўйича 2017–2021 йилларда Қорақалпоғистон Республикаси, барча вилоятлар ва Тошкент шаҳрини ривожлантириш борасидаги муаммоли масалаларни ҳал этиш юзасидан ишлаб чиқилган комплекс чора-тадбирларни вазирлик ва идоралар билан биргаликда сўзсиз амалга ошириш топширилади.

Бугунги кунда нафақат Бош вазирнинг электрон почтаси ва кабулхонасига, балки Президент номига келиб тушаётган фуқароларнинг қонуний мурожаат ва шикоятларини батафсил ўрганиш ва уларда кўтарилиган масалаларни ечиш бўйича ишларни фаол давом эттириш ғоят муҳим, деб ҳисоблайман.

Умуман олганда, бундан кейин вазирлик ва идоралар, хўжалик бирлашмалари раҳбарлари ва ҳокимларнинг фаолияти натижаси куруқ иқтисодий ракамлар билан эмас, балки уларнинг одамлар билан қандай мулокот олиб бораётгани ва ишни ташкил этгани, фуқароларнинг муаммоларини қай даражада ҳал килаётганига қараб баҳоланади ва тегишли хуносалар чиқарилади.

Айни шу масалада уларнинг фаолияти ижобий бўлса, ҳалқ улардан рози бўлса, раҳмат деймиз, акси бўлса – биз бундай раҳбарлар билан хайрлашамиз.

Хурматли дўстлар!

Олдимизда турған кенг кўламли вазифаларни самарали ҳал этиш, энг аввало, давлат раҳбари сифатида шахсан мендан, давлат ҳокимиятининг учта тармоғидан, шунингдек, барча раҳбар ва мансабдор шахслардан қатъий интизомни талаб этади.

Ишимизни тўғри ташкил этиш, унинг самарадорлигини таъминлаш, бутун бошқарув тизими фаолиятини сифат жиҳатидан замон талаблари даражасига кўтаришни бугун ҳаётнинг ўзи талаб этмоқда.

Албатта, биз режалаштираётган барча ўзгаришларнинг ниҳоятда кўп қиррали ва ўта муҳим эканини мен чукур тушунаман.

Бирок йўлимизда қандай тўсик ва қийинчиликлар, кескин ва долзарб муаммоларга дуч келсак ҳам, шошма-шошарлик билан, пала-партиш қарорлар қабул килишга, яхши ўйлаб кўрилмаган хатти-ҳаракатларга йўл қўйишга ҳаккимиз йўқ.

Бизнинг вазифамиз – тўпланган тажриба ва илғор ҳалқаро амалиётга суюнган ҳолда, ўзимизнинг тараққиёт ва янгиланиш моделимизни қатъий амалга оширишдан иборат. Шу борада яқин ва ўрта муддатга белгиланган марраларга эришиш учун қатъият билан ҳаракат қилишимиз зарур.

Шу мақсадда 2017 – 2021 йилларда Ўзбекистонни янада ривожлантириш бўйича Ҳаракатлар стратегиясини ишлаб чикиш яқин кунларда якунланади.

Бу стратегия давлат қурилиши, суд-хукук тизимини такомиллаштириш, иқтисодиётни эркинлаш-

тириш, ижтимоий соҳани ривожлантиришни жадаллаштириш ва фаол ташқи сиёсатни амалга оширишга оид бешта асосий устувор йўналишни қамраб олади.

Халқимиз билан доимий мулоқот қилишга доир талабни амалда бажариш учун ушбу Стратегияни қабул қилишдан олдин уни оммавий ахборот воситаларида эълон қилиб, эл-юртимиз ўртасида кенг муҳокама қилишни таклиф этаман.

Ишончим комилки, бундай муҳокамалар халқимиз манфаатларини янада тўлиқ инобатга олиш учун хизмат қиласди.

Азиз дўстлар!

Маълумки, Конституциямизнинг 98-моддасига мувофиқ, иктисадий ва ижтимоий ислоҳотларнинг устувор вазифаларини муваффақиятли ҳал этиш учун жавобгарлик Вазирлар Маҳкамаси, ҳукуматнинг ҳар бир аъзоси, давлат ва хўжалик бошқаруви органлари раҳбарлари зиммасига юклатилган.

Бу, биринчи навбатда, Бош вазир ва унинг ўринbosарларидан юксак даражадаги шахсий масъулиятни, шунингдек, уларнинг зиммасига юкланган вазифаларни самарали ва тўлиқ бажаришни талаб этади.

Шу муносабат билан бир таклиф киритмоқчиман. Яъни, Олий Мажлис палаталарининг 2015 йил 23 январдаги ва жорий йилнинг 8 сентябрдаги қўшма мажлисларида таклиф этилган Вазирлар Маҳкамасининг харакат дастурини янада аниклаштириб,

хозирги талаблардан келиб чиқкан ҳолда, унга кўшимчалар киритиш лозим. Бу – кечиктириб бўлмайдиган вазифадир.

Умид киламанки, бугунги мажлисимиzinинг иккинчи қисмида Бош вазир лавозимига кўрса-тиладиган янги номзод ушбу дастурниng яқин ва узок истиқболга мўлжалланган асосий йўналишлари ва устувор вазифалари тўғрисида ахборот беради.

Бу борада асосий дикқат-эътиборни куйидаги стратегик йўналишларга қаратиш мақсадга мувофиқ бўлади, деб ўйлайман.

Биринчидан, иқтисодиётимизда юкори ўсиш суръатларини саклаб қолиш, макроиқтисодий баркарорлик ва миллий валютамизни янада мустаҳкамлашни таъминлаш.

Иккинчидан, мамлакатимиз худудларини, яъни шаҳар, туман ва маҳаллаларни, айниқса, иқтисодий ва ижтимоий ривожланишда нисбатан орқада колаётган туман ва шаҳарларни комплекс ва жадал ривожлантириш.

Учинчидан, аҳолининг реал даромадларини, турмуш даражаси ва сифатини оширишга алоҳида эътибор қаратиш.

Хукumat ва шахсан унинг янги раҳбарияти фаолияти самарасини биз айнан шу мезонлар асосида баҳолашимиз зарур.

Шу мақсадда яқин кунларда Вазирлар Маҳкамасининг ижро этувчи тузилмаси қайта кўриб чиқилади ва тасдиқланади. Бундай ўзгартиришлардан асосий мақсад тўплланган тажриба асосида ва мамлакатимизни ижтимоий-иқтисодий ривожлан-

тириш бўйича олдимизда турган кенг кўламли янги вазифаларга мувофиқ, давлат ва хўжалик бошқаруви органларининг энг оптималь ва самарали тизимини ишлаб чиқишдан иборат.

Ана шу тизим марказида нафақат иқтисодиётнинг таянч тармокларини, балки, энг аввало, худудларни комплекс ривожлантириш ва мамлакатимиз барча фуқароларининг ҳаётий манфаатларини таъминлашга ва уларнинг даромадларини кўпайтиришга доир истиқболдаги муҳим вазифалар туриши керак.

Олдимизда марказий бошқарув органлари – Иқтисодиёт вазирлиги, Молия вазирлиги, Ташки иқтисодий алоқалар, инвестициялар ва савдо вазирлиги, Хусусийлаштириш, монополиядан чиқариш ва ракобатни ривожлантириш давлат қўмитаси, божхона тизими ва бошка идоралар фаолиятини тубдан яхшилашга доир комплекс чора-тадбирларни амалга ошириш вазифаси ҳам турибди.

Мамлакатимиз банк тизими ва бозор инфратузилмасининг бошка органлари фаолияти самарадорлигини ошириш ҳам долзарб масала бўлиб қолмоқда.

Афсуски, хозирги кунда уларнинг фаолияти бугунги ҳаёт ва иқтисодий ислоҳотлар талабларидан анча ортда қолмоқда. Шунинг учун биз бугунги йигилишимизга барча йирик тижорат банклари раҳбарларини ҳам таклиф этганмиз. Уларнинг бош вазифаси – бундан кейин ўз иш услубларини тубдан ўзгартириб, фуқароларимиз ва тадбиркорларнинг

ҳақиқий ишончини қозонишга ва уларга ҳақиқий кўмакдош бўлишга эришишдан иборат.

Шу боис давлат банклари олдига қуйидаги вазифалар қўйилмоқда. Улар ҳар бир оила билан мулокот ташкил қилиш орқали фуқароларнинг тадбиркорлик билан шуғулланиши учун кулай имкониятлар яратиши керак.

Шу мақсадда тижорат банклари ва уларнинг жойлардаги филиаллари, ўз имкониятларидан келиб чиқиб, тадбиркорларга молиявий кўмак ва мадад беришни зиммасига олади.

Лўнда қилиб айтадиган бўлсак, банклар энди халқимизни тадбиркорликка, ишбилармонликка ўргатиши ва шунга етаклаши лозим бўлади.

Шунда одамлар боғдорчилик, чорвачилик, хунармандлик, касаначилик, хизмат кўрсатиш, сервис ва бошқа соҳаларда тадбиркорлик билан шугулланиб, кичкина бўлса ҳам ўзининг корхонасини ташкил этиб, конуний асосда даромад топади, ўзини ҳам, оиласини ҳам молиявий жиҳатдан мустаҳкамлаб, маҳалламиз, туманимиз ва шаҳримиз, вилоятимиз ва мамлакатимиз ривожига муносиб хисса кўшади.

Бу сиёсатнинг асосий мақсади шундан иборатки, биз ҳар бир фуқаро ўзининг куч ва имконияти, кобилияти ва салоҳиятини рўёбга чиқариши учун кенг шароит ва имконият яратиб беришимиз керак.

Мана, 2016 йил якунига етишига ҳам 15 кун колди. Биз йилни муваффакиятли якунлаш, белгиланган

мақсадларга эришиш, янги – 2017 йилда мамлакатимиз барқарор ривожланиши ва жадал ўсиш суръатларини таъминлаш учун мустаҳкам замин яратиш мақсадида барча воситаларни сафарбар этишимиз лозим.

Вазирлар Махкамаси раҳбариятидан бу вазифаларни ҳар томонлама пухта бажаришни ва келгуси йил январь ойида ўтказиладиган ҳукумат мажлисида бу ҳақда батағсил ҳисобот беришни сўрайман.

Хурматли мажлис иштирокчилари!

Мамлакатимиз Асосий қонунининг 78-моддасига мувофиқ, мамлакатни модернизация қилиш, жамиятимизни ислоҳ этиш ва демократлаштиришни таъминлашда муҳим ўрин ва жавобгарлик Олий Мажлис Конунчилик палатаси ва Сенатига юклangan.

Бунинг учун учта вазифани амалга ошириш зарур.

Биринчи вазифа – 2016 йил 7 декабрдаги тантанали мажлисда белгилаб берилган топширикларнинг аник бажарилишини таъминлаш керак.

Хабарингиз бор, мен Конституциямиз қабул килинган кунга бағишлиб ўтказилган ўша йигилишда депутатлар ва сенаторларга бир таклиф билан мурожаат қилган эдим. Яъни, парламент ва жамоатчилик назоратининг таъсирчан механизmlарини шакллантириш мақсадида шаҳар ва туманларда ҳақиқий ахволни ўрганиб, тегишли раҳбарларнинг ҳисоботини халқ депутатлари кенгашлари сессияси муҳокамасига киритиш тартибини жорий этишни таклиф этган эдим.

Бунинг учун ҳар қайси вилоятдан сайланган Олий Мажлис депутатлари ва сенаторлар ҳар ойда 10-12 кун давомида бир туманда бўлиб, ҳокимият идоралари, прокуратура ва ички ишлар бўлимининг фаолиятини пухта ўрганиб, таҳлил қилиши ҳамда тегишли хулоса беришлари лозим бўлади. Шу асосда хурматли Спикер ва Сенат Раиси жойларда ўзлари бош бўлиб, маҳаллий кенгашларда ана шундай муҳокамалар ўтказиш тизими жорий этилса, бу ишлар эртага албатта ўзининг самарасини беради.

Иккинчи вазифа – «Парламент назорати тўғрисида»ги конуннинг амалдаги ижросини барча соҳаларда мониторинг қилиш, шунингдек, бу борада хорижий мамлакатларнинг илғор тажрибасини ўрғаниш ва жорий этиш зарур.

Шунинг учун кеча Олий Мажлис Сенати йигилишида муҳим бир масала муҳокама қилиниб, тегишли қарор қабул қилинди.

Маълумки, мамлакатимизнинг чет давлатлар билан иқтисодий алоқаларини янада мустаҳкамлаш ва хорижда республиканизнинг иқтисодий имкониятларини кенг тарғиб қилиш орқали унинг халқаро нуфузини янада ошириш, инвестициялар жалб қилишни жадаллаштириш, туризм соҳасини янада ривожлантириш иқтисодий соҳадаги устувор вазифаларимиздан бири хисобланади.

Шу боис Ташки ишлар вазирлиги ва бошқа давлат идораларининг бу йўналишлардаги фаолияти устидан самарали парламент назорати тизимини яратиш мақсадида Сенат Раисининг биринчи ўринbosари лавозими жорий этилди ва бундан бўён

Сенатнинг тегишли кўмитаси фаолияти тубдан такомиллаштирилади.

Учинчи вазифанинг аҳамияти ва муҳимлигини алоҳида таъкидламоқчиман – конун талабларини бажармаслик билан bogлиқ ҳар бир ҳолат юзасидан аниқ хукуқий таъсир чораларини кўриш керак.

Жойлардаги давлат ҳокимияти органлари – барча даражадаги ҳокимликлар, ҳалқ депутатлари кенгашлари фаолиятини такомиллаштиришни давом эттиришимиз зарур. Шунинг учун Олий Мажлис Сенати томонидан ҳар бир вилоятда навбатма-навбат намунавий ҳалқ депутатлари кенгашлари ишини ташкил этиш тажрибаси жорий этилиши мақсадга мувоғик бўлади. Уларнинг асосий мақсади ва вазифаси – аҳолининг барча тоифалари билан доимий мулокотда бўлиш, фуқароларнинг конуний талаб ва эҳтиёжларини нафақат ўрганиш, балки уларни таъминлашдан иборат.

Мавжуд муаммоларни амалда ҳал этиш, шунингдек, аҳоли учун эркин меҳнат қилиш, мазмунли дам олиш ва муносиб турмуш даражасини таъминлаш бўйича ҳар томонлама қулай шароитлар яратиш лозим. Айнан ана шу мезонлардан келиб чиқиб, маҳаллий ҳокимият органларининг мамлакатимиз Конституциясининг 100- ва 101-моддалари талабларини бажариш бўйича фаолияти самараадорлиги тўгрисида хulosha чиқариш мумкин ва зарур. Шунинг учун ҳам 2017 йил юртимизда «Ҳалқ билан мулокот ва инсон манфаатлари йили» деб эълон килинганини алоҳида таъкидлаб айтмоқчиман.

Ҳаммамиз яхши тушунамизки, олдимизда турган кенг кўламли вазифаларни бажариш учун кадрлар билан ишлашнинг бутун тизимини такомиллаштиришга доир бир катор ишларни албатта амалга оширишимиз керак.

Ҳозирги вактда давлат ва ҳокимият идораларида кўп ҳолларда кадрлар салоҳиятидан фойдаланиш, уларнинг вазифа ва ваколатлари тақсимоти окилона ва самарали йўлга кўйилмагани сезилмоқда.

Энг ёмони, бу ҳолат ишимиизга халакит бермоқда. Бир идорани қарасангиз, юзлаб одам номига ишлаб ўтирибди. Бошқа идорани қарасангиз, иш кўп, вазифа кўп, лекин ишлайдиган одам, кадр етишмайди.

Бундай нотўғри иш тақсимотига мутлақо чек кўйишнинг вақти етди. Ҳар бир давлат хизматчиси ўзининг бурчи ва мажбуриятини аник-равшан билиши, содда қилиб айтганда, ўз аравасини ўзи тортиши лозим.

Бу – замон талаби. Олдимизга қўйган мақсад-муддаоларга етиш учун бу ишларни ўзимиз килмасак, бошқа ҳеч ким бизга четдан келиб қилиб бермайди. Шу нуктаи назардан караганда, кадрларнинг амалий захирасини шакллантириш, уларни тайёрлаш ва кайта тайёрлашнинг муҳим масалаларини ўз ичига оладиган мақсадли дастурни ишлаб чикиш вақти келди, деб ўйлайман.

Асосий вазифа – бу юкори касб маҳорати ва замонавий тафаккурга эга, пухта ўйланган, ҳар томонлама тўғри қарорлар қабул кила оладиган,

белгиланган мақсадларга эришадиган раҳбарлар ва мансабдор шахсларнинг янги таркибини шакллантиришдан иборат.

Бу борада ҳудудий бошқарув органлари, энг аввало, мамлакатимиз туман ва шаҳарлари ҳокимликлари учун малакали кадрлар тайёрлашга алоҳида эътибор қаратиш зарур. Бунинг учун олий таълим муассасалари тизими билан бирга, мамлакатимиздаги б та академия, Вазирлар Маҳкамаси хузуридаги Корпоратив бошқарув илмий-таълим маркази каби ташкилотларнинг илмий-амалий салоҳияти ва имкониятларини янада фаол сафарбар этиш даркор.

Шу ўринда айтиш керакки, Президент хузуридаги Давлат бошқаруви академияси ўзига юклатилган вазифани мутлако уддаламаяпти, десак, тўгри бўлади. Шунинг учун ушбу академияни ҳам, унинг иш услубини ҳам тубдан ўзгартириш ва раҳбар кадрларини қайта кўриб чиқиши лозим.

Айни вактда маҳаллий ҳокимликларнинг вазифа ва ваколатларини ҳам такомиллаштириш талаб этилмокда.

Ҳудудларни ҳар томонлама ривожлантириш, ижтимоий-иктисодий дастурларни амалга ошириш, қонунлар ижросини таъминлаш, жойлардаги давлат бошқаруви органлари фаолиятини самарали мувофиқлаштириш борасидаги ролини ҳисобга олиб, бугунги кунда маҳаллий ҳокимликларга қўшимча ваколатлар бериш борасида тегишли таклифлар тайёрланмокда.

Хурматли дўстлар!

Давлатимизнинг ташқи сиёsat соҳасидаги ёндашув ва позицияси Конституция куниға бағишиланган маърузада атрофлича баён этилгани сизларга яхши маълум.

Ана шу фикрларга кўшимча қилиб айтмоқчиманки, биз жаҳондаги илғор тажрибаларни чуқур ўрганиш ва амалда жорий этишни олдимиизда турган кенг кўламли вазифаларни муваффакиятли амалга оширишнинг муҳим шартларидан бири, деб ҳисоблаймиз.

Биз ўзаро ишонч ва манфаатларни ҳисобга олиш асосида хорижий давлатлар, энг аввало, қўшни давлатлар, шу билан бирга, халқаро институтлар билан яқиндан ҳамкорлик қилишни бугунги кун талаблари даражасида ташкил этамиз.

Ўзбекистонда ўзини ишончли шерик сифатида кўрсатган ишбилармонлар билан ҳамкорлик муносабатлари албатта давом эттирилади.

Бу борада янгидан ташкил этилган Сенат қўмитасидан зиммасига юкландиган вазифаларни изчил амалга ошириш талаб этилади.

Азиз ва муҳтарам юртдошлар!

Ҳозирги вақтда олдимиизда нақадар улкан вазифалар турғанини барчамиз яхши тушунамиз. Биз Ватанимизнинг буюк келажагини сиз, азизлар билан, мард ва олижаноб халқимиз билан биргаликда барпо этамиз, кўзлаган мақсадларимизга албатта эришамиз.

Шу борада барчамизга Яратганинг ўзи мададкор бўлсин!

Барчангизга мустаҳкам соғлик, баҳт ва омад,
хонадонларингизга тинчлик-хотиржамлик, файзу
барака тилайман.

Юртимиз тинч, осмонимиз мусаффо, халқимиз ха-
миша омон бўлсин!

*Ўзбекистон Республикаси Президенти лавозимига
киришиш тантанали маросимига багишланган
Олий Мажлис палаталарининг қўйши
мажлисидаги маъруза.
2016 йил 14 декабрь*

ИЛМ-ФАН ЮТУҚЛАРИ ВАТАНИМИЗ РАВНАҚИГА ХИЗМАТ ҚИЛСИН

Ассалому алайкум, учрашувимизнинг муҳтарам иштирокчилари!

Азиз илм-фан фидойилари!

Сўзимни аввало юрагимда ардоклаб юрадиган бир туйғуни сизларга изхор килишдан бошласам, ўйлайманки, нур устига нур бўлади. Мен доимо зиёли, олим, ижодкор инсонлар билан сұхбатлашишга интиламан ва бундай мулокотларни ҳамиша согинаман. Нега десангиз, олимлик Оллоҳ нурини согланган улуғ бир мартаба. Бу мартабадан жамиятнинг бутун вужудига нур, зиё таралади.

Олимларнинг сұхбатидан инсон ўзига бекиёс маънавий бойлиқ олади, қалб кенгликларини, тафаккур теранлигини ҳис қиласди. Шу боисдан бугун сизлар билан учрашиб турганимдан, сизларни мана шундай хуш кайфиятда, бардам ва тетик, юз-кўзларингиздан нур ёғилиб турганини кўрганимдан ниҳоятда мамнунман.

Тан олишимиз керак, узок вактдан буён сизлар билан учрашмадик, мамлакатимизда илм-фанни қўллаб-кувватлаш, уни бугунги замон талаблари асосида ривожлантириш масалаларини давлат сиёсати даражасига кўтариш бўйича сизларнинг маслаҳатларингизни олишни унутиб қўйдик. Бунинг учун барча раҳбарлар

қатори мен ҳам ўзимнинг масъулияти тимни яхши хис киламан. Шунинг учун бундан кейин мана шундай учрашувларни мунтазам равишда ўтказиб туришни таклиф этаман.

Хурматли устозлар!

Барчамизга маълумки, биз кириб келаётган 2017 йилга юртимизда **Халқ билан мулоқот ва инсон манфаатлари йили**, деб ном бердик. Бу қароримизнинг моҳияти Конституциямизнинг 24 йиллигига бағишлиланган йигилишда ҳамда шу йил 14 декабря бўлиб ўтган Олий Мажлис палаталарининг кўшма мажлисидағи маърузаларимда батафсил баён қилинди.

Мухтасар қилиб айтганда, бизлар ҳаммамиз – давлат раҳбаридан тортиб, энг қуий поғонадаги раҳбар – маҳалла раисигача она ҳалқимизнинг тинч ва фаровон ҳаётини таъминлаш йўлида хизмат қиласиз.

Агар мана шу вазифа бўлмаса, бизнинг раҳбарлигимиздан маъно ҳам қолмайди. Жумладан, сиз, азиз зиёлиларимиз ҳам ҳалқимизга катта меҳр ва садоқат билан хизмат қилиб, илм-фанни ривожлантириш, юртимиз келажагини таъминлаш, миллатимизнинг ақл кўзини очишдек эзгу максадга умрингизни бағишилагансиз. Бунинг учун аввало сизларга ҳалқимиз номидан чексиз миннатдорлик билдираман.

Халқ билан мулоқот ва инсон манфаатлари йили бўйича қабул қилинадиган давлат дастурини ишлаб чикиш ва уни юкори даражада амалга оширишда биз ҳаммамиз биргаликда фаоллик қўрсатишимииз айни муддао бўлур эди.

Ҳозирги кунда халқимизнинг турмуш даражасини янги босқичга олиб чиқиш, давлатимизни ижтимоий-иктисодий жиҳатдан ривожлантиришга қаратилган кенг кўламдаги чора-тадбирларни қамраб олган Ҳаракатлар стратегияси ишлаб чиқилмоқда. Стратегия лойиҳасида илм-фан, таълим-тарбия соҳаларини ривожлантиришга ҳам алоҳида ўрин ажратилган. Ўйлайманки, сизлар кўп йиллик тажрибаларингиздан келиб чиқиб, ушбу лойиҳага киритиш учун жиддий таклифлар берасизлар.

Ҳаммамиз яхши биламиз, бугунги давр юқори технологиялар, инновациялар замонидир. Дунёдаги ривожланган мамлакатлар ўз олдига нафақат қўплаб маҳсулотлар ишлаб чиқариш ва уларни бозорга олиб чиқиши, балки чукур билим ва илмий ютукларга асосланган инновацион иктисодиётга ўтиш вазифасини кўймоқда. Яъни, ўз иктисодиётини мавжуд табиий ресурсларни сарфлаш эвазига эмас, инновацион маҳсулотлар яратиш, ўзлаштириш ва илфор технологияларни ишлаб чиқаришга жорий қилиш орқали ривожлантириш тараққиётнинг асосий омилига айланмоқда.

Мамлакатни инновацион ривожлантириш стратегияси ва механизмлари энг аввало шу давлатда яратилган интеллектуал ва илмий-техникавий салоҳиятдан қанчалик самарали фойдаланиш билан чамбарчас боғлиқ.

Ҳозирги вактда мамлакатимизда 300 дан ортиқ илмий-тадқиқот муассасалари, олий ўкув юртлари, тажриба-конструкторлик ташкилотлари, илмий-иш-

лаб чиқариш корхоналари, кичик инновацион марказлар ва бошқа илмий-техникавий тузилмалар фаолият юритмоқда.

Сўнгги йилларда олимларимиз фундаментал фан ва унинг натижаларини амалиётга татбиқ этиш борасида бир қатор ютукларни қўлга киритдилар. Табиий фанларнинг асосий соҳалари – астрономия, физика, математика, кимё, биология, фармацевтика, геология, сейсмология ва бошқа жабҳаларда жаҳон миқёсида қизиқиши уйготаётган натижаларга эришилди.

Иқтисодиётнинг минерал хомашё ресурсларини чиқиндисиз ва самарали қайта ишлаш, қуёш энергетикиси ва бошқа қайта тикланадиган энергия манбалидан фойдаланиш, ахборот-коммуникация технологиялари, кимё ва биотехнология, генетика, экология, қишлоқ хўжалиги маҳсулотлари ишлаб чиқариш, фармакология, тиббий диагностика каби ҳаётий муҳим тармокларида маҳаллий инновацион технологияларни ишлаб чиқиш ва жорий этиш ишлари амалга оширилмоқда.

Ижтимоий-гуманитар фанлар – тарих, археология, шарқшунослик, Ўзбекистон халқлари маданий мероси, тилшунослик ва адабиётшунослик, санъатшунослик ва бошқа соҳаларда ҳам салмоқли натижаларга эришилмоқда.

Мамлакатимиз иқтисодиётининг бозор ислоҳотларига ўтиши илмий ва инновацион фаолиятни ривожлантиришга бўлган янгича ёндашувларга йўл очиб берди. Мустакиллик йилларида Ўзбекистон Президенти ва ҳукуматининг бир қатор муҳим қарор

ва фармойишлари қабул қилинди. Улар мамлакатимизнинг илмий салоҳиятини саклаб қолиш ва илмий муассасалар фаолиятини мамлакатимизнинг долзарб илмий-техник ва ижтимоий-иктисодий муаммоларини ҳал этишга йўналтириш имконини берди.

Фундаментал тадқиқотлар натижасида тўпланган янги билимлар олимларнинг амалий ва инновацион ишланмаларида ўз ифодасини топмокда. Жумладан, юртимизнинг йирик кимё ва нефть-кимё корхоналарида маҳаллий инновацион технологиялар асосида ишлаб чиқариш корхоналари ташкил этилди. Натижада 2006 – 2015 йиллар мобайнида импорт ўрнини босадиган маҳсулотлар ишлаб чиқариш имконияти пайдо бўлди (ўгит, дефолиантлар, ўсишга ёрдам берадиган стимуляторлар, юкори маркали авиация ёқилғиси ва бошқалар).

Бир қатор радиоизотоплар технологияси яратилди ва уларни ишлаб чиқариш йўлга кўйилди. Ўзбекистондаги даволаш муассасалари ушбу дори воситалари билан таъминланди ва уларни экспорт килишга ҳам эришилди.

Дунёда биринчи бўлиб ген-нокаут технологияси ёрдамида пахтанинг бир қатор фойдали хусусиятларга эга бўлган ноёб трансген нави – «Порлок» сиряси яратилгани мамлакатимиз пахтачилигидаги энг йирик илмий ютуқ бўлди.

Селекционер олимлар мамлакатимизнинг тури иклим ҳудудларида ғўзанинг 20 та янги маҳаллий навини районлаштиришга эришдилар.

Үттиздан ортиқ номдаги янги маңаллий дори воситалари яратилди ва ишлаб чиқаришга татбиқ этилди. Улар хозирги кунда ички эхтиёж учун истеъмолга чиқарилмоқда, айримлари эса хорижий мамлакатларга экспорт қилинмоқда.

Шу билан бирга, фундаментал тадқиқотларни янада ривожлантириш масаласи бироз эътиборимиздан четда қолгани бугун яққол намоён бўлмоқда. Чунки фундаментал тадқиқотлар жадал ривожланаётган мамлакатлар иқтисодий таракқиёт бўйича бошқа давлатлардан сезиларли равишда илгарилаб бораётганини кўриб турибмиз. Дунёда илм-фан соҳасидаги ютуқлар айнан фундаментал тадқиқотлар йўналишида кўлга киритилгани тасодифий эмас. Шунинг учун эндиликда фундаментал фанларни ҳар томонлама кўллаб-куватлаш, соҳани иқтидорли ёш кадрлар билан таъминлаш давлатимизнинг муҳим вазифаларидан бири сифатида кун тартибига кўйилмоқда.

Хозирги пайтда Фанлар академияси ва академик илм-фан тармоқларини ривожлантиришга қаратилган концепция ишлаб чиқилмоқда. Ушбу концепцияда Фанлар академиясининг фундаментал ва амалий фан, таълим ва янги технологияларни яратиш соҳаларидағи ролини янада ошириш назарда тутилмоқда. Шунингдек, Фанлар академияси тизимидағи илмий-тадқиқот муассасалари, олий ўкув юртлари, тармок институтлари, илмий ва инновацион марказлар ҳамда корхоналарнинг ўзаро ҳамкорлигини мустаҳкамлаш, илм-фан ва таълим соҳаларидағи илмий, инновацион фаолиятни рағбатлантирадиган

шарт-шароитларни яратишга асосий эътибор картилоқда.

Эндиғи вазифа – нафақат илмий тадқиқотлар ва ишланмаларни молиявий қўллаб-куватлаш, балки уларнинг натижаларини амалиётга татбик этишга каратилган самарали механизмларни яратишдан иборат.

Фанлар академияси тизимида мамлакатимиз иктисодиёти эҳтиёжларига йўналтирилган бир қатор янги илмий институт ва бўлимларни, жумладан, Фанлар академияси ҳамда Қишлоқ ва сув хўжалиги вазирлигининг институтлари негизида Қишлоқ хўжалиги фанлари бўлимини шакллантириш лозим. Шунингдек, академиядан бошқа вазирлик ва идоралар тасарруфига ўтказилган институтлар фаолияти қайта кўриб чиқилади ва зарур бўлганда уларни Фанлар академияси таркибига қайташир чоралари кўрилади. Улар жумласига, биринчи навбатда, Ядро физикаси институти, Ион-плазма ва лазер технологиялари институти, Шарқшунослик, Тарих ва бир қатор бошқа институтлар киради.

Ўйлайманки, ана шу тадбирларни амалга ошириш билан бирга Фанлар академиясининг вице-президенти лавозимларини ҳам қайта тиклаш максадга мувофиқ бўлади.

Бу ишларнинг мантикий давоми сифатида биз амалий ва инновацион илмий тадқиқотларни тадбиркорлик фаолияти билан бирлаштириш имкониятини берадиган амалий механизмни ташкил этишимиз лозим. Бу эса, бир томондан, инновацион бизнес-

ни ривожлантиришга имконият яратса, иккинчи томондан, илмий тадқиқотларнинг самарасини ошириш учун инвестициялар оқимини кўпайтиришни таъминлайди. Шу мақсадда келгуси йилда Тошкентда иккита технопарк ҳамда Академиклар шаҳарчасида эркин иқтисодий худуд мақомига эга бўлган Инновацион марказ ташкил этиш режалаштирилмоқда.

Худди шундай асосда Навоий, Ангрен, Жиззах каби эркин иқтисодий худудлардаги илмий-инновацион фаолиятни кучайтириш лозим. Бу тузилмаларга хорижий инвестицияларни жалб этиш ҳамда илм-фан, таълим ва инновациялар соҳаларидағи ҳалқаро илмий-техник ҳамкорлик шаклларини ривожлантириш керак бўлади.

Мамлакатимизда илмий ва инновацион фаолиятни ривожлантириш учун аввало ёш, иқтидорли кадрлар зарур. Шуни назарда тутган ҳолда, биз сизларнинг бой билим ва тажрибангизга таянамиз. Шу мақсадда сизларни, илмий йўналишларингиздан келиб чиқиб, республикамиздаги олий ўкув юртлари, ўрта махсус, касб-хунар таълими муассасаларига ҳамда ишлаб чиқариш корхоналарига, вазирлик ва идораларга, йирик банкларга бириктиришни лозим топдик.

Сизларнинг ҳар бирингиз бириктирилган таълим муассасаларида илмий мактабларингизни ташкил этишингиз, юқорида зикр этилган технопарк ва инновацион марказда эса инновацион ишланмаларни жорий этиш бўйича зарур маслаҳатлар бериб боришингиз кўзда тутилмоқда.

Бу ишларни амалга оширишни моддий таъминлаш учун бириктирилган ишлаб чиқариш корхоналари, вазирлик ва идоралар ҳамда банклар масъул бўлади.

Хурматли устозлар, ҳозиргина айтиб ўтилган фикрлардан келиб чикиб, мамлакатимизда илм-фанни, илмий-инновацион фаолиятни барқарор ривожлантириш мақсадида қуидаги чора-тадбирларни амалга ошириш кўзда тутилмоқда.

Биринчидан, илмий-инновацион фаолиятни кафолатли молиялаштириш учун давлат бюджети, илмий-техникавий, инновацион фондлар, инвестициялар, шунингдек, инвесторлар, ҳомийлар маблағларини кенг жалб килиш чоралари кўрилади.

Шу мақсадда Инновацион фаолиятни кўллаб-кувватлаш республика фонди ташкил этилади.

Фонд маблаглари ҳисобидан замонавий илмий асбоб-ускуналар, жихозлар сотиб олиш, шунингдек, ёш олимларнинг дунёнинг етакчи илмий марказлари ва университетларида стажировкадан ўтишини ташкил этиш учун ҳар йили камида 10 миллион АҚШ доллари микдорида маблағ ажратилади.

Иккинчидан, инновацион изланишларни қуидаги соҳаларда кучайтириш режалаштирилмоқда:

кимё саноати соҳасида:

– маҳаллий хомашёни қайта ишлаш ҳисобидан янги, самарали ҳамда озиклантириш даражаси юкори бўлган ўғитлар ва суспензиялашган мураккаб ўғитлар ишлаб чиқариш;

– ўсимликлар уруғига кимёвий ишлов берувчи препаратлар, юмшок таъсир килувчи кўпфункционал дефолиантлар ишлаб чиқаришни кенгайтириш зарур.

Нефть-газ саноати соҳасида:

- корхоналарда технологик жараёнларни комплекс автоматик бошқариш тизимини ўрнатиш;
- мураккаб шароитларда қидирув ва кудукларни бурғулаш жараёнларини енгиллаштириш учун сувда эрийдиган реагентлар ишлаб чиқариш;
- нефть фракцияларини ва табиий газни гидротозалаш учун ҳимоя қатлами катализаторларини ишлаб чиқариш технологиясини жорий қилиш лозим.

Кишлок ҳўжалиги соҳасида:

- ҳужайралар технологияси асосида вируссиз, касаллик ва зарапкунандаларга чидамли кишлок ҳўжалиги экинлари (мева, сабзавот, дон ва бошқалар) навларини етиштириш;
- тезпишар, сувсизликка чидамли, юкори сифатли ва узун толали транс-ген ғўза навларини кенгайтириш;
- маҳаллий хомашё асосида ветеринария препараторларини ишлаб чиқаришни ташкил этиш;
- ҳосилдорлиги паст яйловларни яхшилаш учун озукабоп ўсимликлар уруғларини кўпайтириш талаб этилмоқда.

Фармацевтика соҳасида:

- доривор ўсимликлар турлари ва улар етиштириладиган майдонларни кенгайтириш;
- доривор ўсимликларни қайта ишлаш ва фармацевтика саноатида дори воситалари субстанцияларини ишлаб чиқаришни кенгайтириш.

Енгил саноат соҳасида:

- пахта ва таркибида ипак бўлган ип-калава асосида икки қатламли трикотаж маҳсулотлари олиш;

– маҳаллий хомашёлардан самарали фойдаланиб, трикотаж мато ишлаб чиқариш технологияларини яратиш.

Қайта тикланадиган энергия манбалари соҳасида:

– олис ва чекка қишлоқларда энергия таъминотини яхшилаш ва сейсмик станция тармокларининг узлуксиз ишлашини таъминлаш учун табиат инъоми бўлган қуёш, шамол, сув ва бошқа манбалардан самарали фойдаланишни ташкил қилиш бўйича муҳим вазифалар турибди.

Учинчидан, мамлакатимиз иктисадиёти учун муҳим ва истиқболли, ноёб хусусиятларга эга бўлган материаллар, нанотехнологиялар, қайта тикланувчи энергия манбалари, янги кимё ва биотехнология соҳалари фундаментал ва амалий изланишларнинг устувор йўналишлари этиб белгиланиши лозим.

Тўртинчидан, етакчи олимлар, истеъододли ёш илмий ходимларнинг фаолияти ва илмий тадқиқотларини кўллаб-куватлаш, жамиятда илм-фан намояндаларининг обрў-эътибори ва нуфузини ошириш давлатимизнинг устувор вазифаларидан бири бўлади. Шу максадда мамлакатимиз Президенти ва ҳукуматининг бир қатор қарорлари кабул килинади. Жумладан, куни кеча бу борадаги биринчи фармонга имзо чекилганини маълум қилмоқчиман. Ана шу фармон асосида академик унвони учун бериладиган гонорар микдори энг кам иш ҳакининг 4 баробаридан 10 баробарига қадар кўтарилди.

Энг муҳими, бу пул маблағларидан умуман солик олинмайди.

Хурматли академикларимиз ўз саломатликларини тиклашлари учун йилига бир марта ўзларига қулай вактда давлат ҳисобидан юртимиздаги санаторийларга бепул йўлланмалар билан таъминланади.

Бир сўз билан айтганда, Фанлар академиясини ислоҳ килиш ва ривожлантириш пайти келди. Ўйлайманки, бу фикрга сизлар ҳам кўшиласиз.

Шу ўринда яна бир муҳим масалага эътиборингизни қаратмоқчиман.

Маълумки, битта фан доктори, профессор, айниқса, академикнинг хақиқий олим бўлиб камол топиши учун давлат ва жамият унга камида 30 – 40 йил вакт, катта меҳнат ва маблағ сарфлайди. Академик деган юксак даражага эришиш – бу албатта осон эмас. Бундай бахт ҳар кимга ҳам насиб қиласермайди. Академиклар миллатнинг фахри, ғурури, халқнинг юзи, десак, ҳеч қандай муболаға бўлмайди.

Афсуски, биз кейинги вактда захматкаш олимларимизнинг илмий изланишлари ва эришаётган ютукларини кенг ёритиш, атрофлича тарғиб қилиш масаласини эътиборимиздан бироз четда колдираётганимизни ҳам очик айтиш керак. Илм-фан ютукларини жамоатчилик, аввало, ёшларимиз ўртасида кенг оммалаштириш, бу соҳага уларнинг эътибори ва кизикишини кучайтириш бўйича биз ҳали кўп иш килишимиз зарур.

Бир вактлар «Фан ва турмуш» деган журнализм бутун юртимизда қандай машҳур бўлганини ҳаммамиз яхши эслаймиз.

Шу муносабат билан хукуматга мамлакатимизда илм-фан ютуқларини ҳар томонлама оммалаштириш мақсадида Фанлар академияси, Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситалари ни жалб этган ҳолда, бу масала бўйича аниқ чоратадбирлар режасини ишлаб чиқиш ва амалга ошириш вазифаси топширилади. Ушбу режада «Фан ва турмуш», «XXI аср технологиялари» каби илмий-оммабоп журналлар, шунингдек, маҳсус илмий журналлар ва бюллетенларнинг моддий-техник базасини, кадрлар салоҳиятини мустаҳкамлаш масалалари ҳам кўзда тутилиши керак.

Мухтарам учрашув катнашчилари!

Мамлакатимизда илм-фани дунёда ҳеч кимдан кам бўлмаган даражада ривожлантириш учун сизларга ва барча олимлар, илмий жамоаларга замонавий шарт-шароитларни яратиб бериш биз учун ҳам қарз, ҳам фарздир.

Энг муҳими, сиз, мухтарам олимларимизнинг Ўзбекистон илм-фанининг бугунги ва эртанги кунига бефарқ эмаслигингиз, бу масалада астойдил жон куйдираётганингизни биз юксак қадрлаймиз.

Мамлакатимизда ташкил этилган электрон қабулхона орқали аксарият олимларимиз бу борада ўз фикр-мулоҳазаларини билдирганлари албагта эътиборга лойик.

Мен шахсан ўзим ҳурматли академикларимиз Махмуджон Салоҳиддинов, Шавкат Солиҳов, Оқил

Салимов, Турсунбай Рашидов, Аҳмадали Асқаров, Турғунпўлат Даминов, Мухтор Саидов ва бошқалар томонидан билдирилган фикрлар, таклиф ва тавсиялар билан якиндан танишиб чиқдим. Бу таклифлар ҳозирги вактда тегишли вазирлик ва идоралар, мутасадди ва мутахассислар томонидан синчиклаб ўрганиб чиқилмоқда ва биз бу масалалар бўйича албатта аниқ карорларга келамиз.

Азиз устозлар!

Сизлардек қалби дарё, улуг инсонлар билан бирга она Ватанимизни равнақ топтириш, юртимизда илмий мухитни юксалтириш, халқимизда, айниқса, ёшларда илму фанга интилишни кучайтириш, илмий-техникавий, инновацион соҳаларни янада тараққий эттириш учун келажакда ҳали кўплаб эзгу ишларни амалга оширамиз.

Халқимизда «Оккан дарё оқаверади» деган дононакл бор. Шу маънода, эл-юртимизнинг қон-конида азалдан бўлган акл-заковат, илму маърифат туфайли, сиз каби заҳматкаш ва фидойи инсонларнинг хизматларингиз туфайли Ўзбекистонимиз заминидан янги хоразмийлар, берунийлар, улуғбеклар етишиб чиқади ва Ватанимиз шуҳратини бутун дунёга юксалтиради, деб ишонаман.

Мана шундай олижаноб мақсадларимизга етишда сизларга куч-кувват, бардамлик, сиҳат-саломатлик, оиласвий баҳт, илмий-ижодий ютуқлар тилайман.

Қалбимиздаги Ватанимиз ва халқимизга бўлган эзгу туйгулар, меҳр-муҳаббат янада зиёда бўлсин.

Машаққатли мекнатингиз натижасидан баҳраманд бўлиш ўзингизга, оилангиз, фарзанд ва невараларингизга, бутун эл-юртимизга буюрсин!

*Мамлакатимиз илмий жамоатчилиги
вакиллари билан учрашувдаги нутқ.
2016 йил 30 декабрь*

ЎЗБЕКИСТОН ХАЛҚИГА ЯНГИ ЙИЛ ТАБРИГИ

Азиз ва муҳтарам ватандошлар!

Бетакрор диёrimизга янги – 2017 йил кириб келмоқда.

Сиз, муҳтарам отахон ва онахонлар, меҳрибон опа-сингилларимиз, навқирон ёшларимиз, бутун халқимизни янги йил байрами билан чин қалбимдан табриклайман.

Барчангизга сиҳат-саломатлик, баҳт ва кувонч тилайман.

Поёнига етаётган 2016 йилда юртимиз ҳаётида яхши кунлар, улкан ютуқ ва марралар кўп бўлди. Шу билан бирга, афсуски, бошимизга оғир ташвиш ва синовлар ҳам тушди.

Лекин бу синовлар эл-юртимизни янада бирлаштириди. Мард халқимизнинг матонати туфайли биз бу синовлардан ҳам муносиб ўтдик.

Якунига етаётган йил аввало мустакил Ватанимиз 25 ёшга тўлган йил сифатида тарихимизда ўчмас из қолдирмоқда.

Ўтаётган йилни дехқон ва фермерларимиз, ишчи ва курувчилар, ўқитувчи ва шифокорлар, жасур ҳарбийларимиз, олимлар, ижодкор зиёлилар – барча касб эгалари ўз соҳалари бўйича ёруг юз билан якунладилар.

Айниқса, юртимиз спортчилари Олимпиада ва Паралимпия ўйинларида эъишган бекиёс ютуклар

мамлакатимиз шухратини бутун дунёда янада юксалтириди.

Бир сўз билан айтганда, ўтиб бораётган йилдан рози бўлиб, ҳар қанча шукронга айтсак арзиди.

Кадрли дўстлар!

Биз кириб келаётган 2017 йилга «Халқ билан мулокот ва инсон манфаатлари йили» деб ном бердик.

Бунинг негизида **«Инсон манфаатлари ҳамма нарсадан улуг»** деган олижаноб мақсад ва вазифалар ётибди.

Янги йилда бу борадаги дастурий вазифаларни амалга оширишда барчамизнинг, аввало, раҳбар ва етакчиларнинг бир жону бир тан бўлиб, астойдил меҳнат килишларига ишонаман.

Юртимизда тинчлик ва барқарорлик, тараккиёт, ўзаро ҳурмат ва меҳр-оқибатни мустаҳкамлаш бундан буён ҳам асосий вазифамиз бўлиб колади.

Азиз ватандошларим, кадрдонларим!

Мана шу кувончили дамларда барчангизни Янги йил байрами билан самимий муборакбод этаман.

Юртимиздаги ҳар бир оиласига тинчлик-хотиржамлик, баҳт ва омад ҳамда фаровонлик тилайман.

Янги – 2017 йилнинг қадами жонажон Ватанимизга қутлуғ ва баракали келсин!

Янги йил барчамизга муборак бўлсин!

*Шавкат МИРЗИЁЕВ,
Ўзбекистон Республикаси Президенти*

ТИББИЁТ СОҲАСИНИ ТУБДАН ИСЛОХ ҚИЛИШ – КЕЧИКТИРИБ БЎЛМАЙДИГАН ЭНГ МУҲИМ ВАЗИФАМИЗДИР

Ўзбекистон Республикаси Президенти Шавкат Мирзиёев 2017 йил 5 январь куни соғликни саклаш соҳасининг бир гурӯҳ етакчи мутахассислари билан учрашди.

Видеоконференция шаклида ўтган учрашувда ҳукумат аъзолари, сенаторлар, вилоят ҳокимлари, вазирлик ва идоралар, давлат ва жамоат ташкилотлари раҳбарлари, тиббиёт олий таълим муассасалари ректорлари, соғликни саклаш тизими масъул ходимлари иштирок этди.

Соғликни саклаш соҳасини ислоҳ қилиш давлат сиёсатининг энг муҳим йўналишларидан биридир, деди Шавкат Мирзиёев. Мамлакатимизда соғликни саклаш тизимини янада такомиллаштириш, тиббиёт ходимлари меҳнатини рағбатлантириш, даволашнинг замонавий технология ва усусларини кенг жорий этишга алоҳида эътибор қаратилмоқда.

Биринчи Президентимиз Ислом Каримов раҳнамолигида амалга оширилган ҳалқимизнинг муносаб ҳаёт сифатини таъминлаш, оналик ва болаликни муҳофаза қилиш, ҳар томонлама соғлом авлодни тарбиялаш, тиббий хизмат сифатини юксалтиришга

қаратилган тизимли ишлар изчил давом эттирилмоқда. Мустакиллик йилларида ҳаётга татбик этилган кенг кўламли ислоҳотлар туфайли соғликни саклаш тизими тубдан ўзғарди. Ахолининг сифатли тиббий хизматдан фойдаланиши Ўзбекистон Республикасининг «Фуқаролар соғлигини саклаш тўғрисида»ги конуни билан мустахкамланди.

Шифокорлик касбини улуғлаш, уларнинг машакқатли меҳнатини муносиб рағбатлантиришга алоҳида эътибор қаратилмоқда. 1998 йил 10 ноябрда қабул килинган «Ўзбекистон Республикаси соғликни саклаш тизимини ислоҳ қилиш давлат дастури тўғрисида»ги Президент фармони замонавий талабларга жавоб берадиган ва мамлакатимизнинг барча худудларида ахолига малакали хизмат кўрсатадиган, жумладан, оналик ва болаликни муҳофаза қилиш бўйича яхлит тизимни шакллантиришда муҳим омил бўлди. Мазкур хужжатга мувофиқ мамлакатимизда бирламчи тиббий ёрдам кўрсатиш бўйича замонавий тиббий хизмат тизими ташкил қилинди. Ушбу хизмат қишлоқ врачлик пунктлари ва шаҳарлардаги оиласиий поликлиникалар тармогини камраб олган.

Бугунги кунда кардиология, жарроҳлик, кўз микрохирургияси, урология, терапия ва тиббий реабилитация, эндокринология, пульмонология ва фтизиатрия, акушерлик ва гинекология, дерматология ва венерология, педиатрия ва бошка йўналишлардаги маҳсус илмий-амалий тиббиёт марказларида юкори сифатли хизмат кўрсатилмоқда. Ушбу

шифо муассасаларида ҳар йили юкори технологиялар асосида 50 мингга яқин мураккаб операциялар бажарилади, 600 мингдан кўпроқ bemorга амбулатор хизмат кўрсатилади. Олимларнинг долзарб мавзулардаги илмий изланишлари натижасида тиббиётнинг йигирмадан зиёд йўналишлари бўйича 1000 дан ортиқ даволаш-диагностика стандартлари ишлаб чиқилди.

2016 йил – Соғлом она ва бола йилида мамлакатимиз тиббиёт муассасаларини замонавий диагностика ва даволаш ускуналари билан жиҳозлаш учун 80 миллион доллар кийматидаги кредит ва грант маблағлари йўналтирилди, фарзанд кўриш ёшидаги аёллар ва болалар тиббий кўрикдан ўтказилиб, согломлаштирилди. Республика ихтисослаштирилган педиатрия илмий-амалий тиббиёт марказида эшлиш бўйича нуқсони бўлган 350 дан ортиқ болада коклеар имплантация операциялари амалга оширилди. 700 минг бола пневмококк инфекцияси ва бошқа юкумли касалликларга қарши эмланди.

Аммо бугун замон ўзгармоқда, одамларнинг талаби ошиб бормоқда. Халқимизнинг тиббий маданияти юксалиб, энг сўнгги усул ва русумлардаги тиббий хизматдан баҳраманд бўлишни истайди. Бизга шу ҳам бўлаверади, деган тушунча энди ўз умрини ўтаб бўлди. Бу барча соҳалар қатори тиббиёт соҳасига ҳам бевосита дахлдор, деди Президентимиз. Шу боис соҳа ходимлари тиббиётнинг энг илғор, замонавий ютукларини, даволаш усулларини ўзлаштирмоғи за-

пур. Эришилган ютуқларга маҳлиё бўлиб ўтириш – тараккиёт йўлидаги энг катта ғовдир.

2017 йилнинг Халқ билан мулоқот ва инсон манфаатлари йили деб эълон қилинганида ҳам катта маъно мужассам. Чунки, инсон манфаатлари деганда, аввало инсоннинг саломатлиги, замонавий тиббий хизматдан тўлақонли фойдаланиши ҳам назарда тутилади.

Шавкат Мирзиёев ўзининг сайловолди учрашувларида одамлар ичига кириб, уларнинг дарди, муаммолари, таклифларини эшлиши лозимлигини алоҳида қайд этди. Бош вазирнинг Виртуал қабулхонасига келган мурожаатларнинг 7 мингдан зиёди айнан тиббиёт соҳасига тегишли экани ҳам мазкур соҳада муайян муаммолар йигилиб қолганини кўрсатмоқда. Ахолининг мурожаатлари, фикр-мулоҳазалари ва таклифлари соғлиқни сақлаш тизимини янги босқичга кўтаришни тақозо этмоқда.

Президентимиз тиббиёт соҳасида бажарилиши лозим бўлган ишлар, ечимини кутаётган муаммолар ҳақида атрофлича тўхталди. Қишлоқ врачлик пунктлари фаолиятига оид қўйидаги масалаларга алоҳида эътибор қаратилди. Бугунги кунда қишлоқ врачлик пунктлари бирламчи тиббий кўрикни ўтказиш учун лаборатория таҳлили воситалари, қатор диагностика аппаратлари билан жиҳозлангани ахоли учун кулагийлик яратмоқда. Лекин тиббий ускуналарни ишлатадиган малакали мутахassisлар етарли даражада эмас. Баъзи чекка ҳудудларда оддий қон топ-

шириш учун туман марказига ёки шаҳарга боришга тўғри келаётганини ҳам инкор эта олмаймиз.

Айрим жойларда тиббий кўриклар номигагина ўтказилмоқда, деб фикрини давом эттириди Президентимиз. Чекка худудларда малакали мутахассислар етишмаётгани кадрлар масаласида қилинадиган ишлар кўплигини англаатади. Қишлоқ врачлик пунктлари туну кун ишламоғи зарур. Бунинг учун пункт ёнидан шу жойда ишлайдиган врачга уй қуриб бериш лозим.

Аҳолига тез тиббий ёрдам кўрсатиш сифатини юксалтиришга қаратилган бир қатор чора-тадбирлар кўрилди. Лекин бугун ҳалқимиз бу хизмат сифатидан рози, дея олмаймиз. Тизимни мутлақо ўзгартириш – давр талаби.

Тадбирда Ўзбекистон Республикаси Президентининг 2016 йил 31 октябрдаги «Аҳолини дори-дармон вositалари ва тиббиёт буюмлари билан таъминлашни янада яхшилашга доир чора-тадбирлар тўғрисида»ги қарори ижроси юзасидан олиб борилаётган ишлар танқидий кўриб чиқилди.

Аёлларимиз иболи, ҳаёли. Баъзи масалаларда шифокорга бориб дардини бемалол айтавермайди. Шу боис хотин-қизлар учун алоҳида поликлиника ташкил килишимиз керак, деди давлатимиз раҳбари. Токи улар бориб ўзини кийнаётган масалада бемалол фикрлашсин. Чунки эртанги кунимизнинг давомчиларини соғлом дунёга келтириш кўп жиҳатдан аёлларимизнинг саломатлигига боғлиқ.

Соғлиқни саклаш соҳаси ҳакида гапирганда, бир ҳакиқатни эсимиздан чикармаслигимиз лозим: тиббиёт ходимлари – саломатлигимиз посбонларидир. Уларга ҳалқ ишониши, улар эса ҳалқни ишонтира олиши керак, деб таъкидлади Шавкат Мирзиёев.

Ихтисослаштирилган тиббиёт марказлари фаолиятида ҳам ечимини кутаётган масалалар кўп. Мавжуд марказларнинг ҳаммаси Тошкент шаҳрида жойлашган. Бу, айниқса, қишлоқ аҳолисига муайян ноқулайликлар туғдирмоқда. Ихтисослаштирилган тиббиёт марказлари мутахассислари жойларга чиқиб, аҳолига тиббий хизмат кўрсатмоғи, жарроҳлик амалийтарини ўтказмоғи лозим, деди Президентимиз.

Тадбирда мамлакатимиз соғлиқни саклаш соҳасини янада ривожлантириш, кўрсатилаётган тиббий хизматлар сифатини ҳалқаро стандартлар даражасига кўтариш, ёш мутахассисларни тарбиялаш жараёнига илғор таълим технологияларини кенг жорий этиш, дунёнинг етакчи тиббиёт марказлари ва ўкув муассасалари, таниқли олимлар ва мутахассислар билан ҳамкорликни кенгайтириш ва бошка долзарб масалалар юзасидан мутасаддиларга аник топшириклар берилди.

Ўзбекистон Республикаси Бош вазирининг ўринбосари, соғлиқни саклаш вазири А.Икромов, соғлиқни саклаш вазирининг биринчи ўринбосари А.Хожибосев, соғлиқни саклаш вазири ўринбосарлари Э.Боситхонова, С.Сайдалиев, Республика ихтисослаштирилган урология маркази директори Ф.Оқилов, Республика

лика ихтисослаштирилган терапия ва тиббий реабилитация илмий-амалий тиббиёт маркази директори А.Аляви, Республика иммунология илмий маркази директори Т.Арипова, сенатор З.Низомхўжаев, «Соғлом авлод учун» халқаро хайрия фонди бошқаруви раиси С.Иномова, Коракалпогистон Республикаси Жўқорги Кенгеси раиси М.Ерниязов, Андижон вилояти ҳокими Ш.Абдураҳмонов, Бухоро вилояти ҳокими Ў.Барноев ва бошқалар Президентимизнинг тиббиёт соҳасига қарататётган алоҳида эътибори соҳа ривожида муҳим омил бўлаётганини қайд этдилар. Билдирилган танқидий фикрлардан зарур хуласалар чиқариб, кўрсатиб ўтилган камчиликларни бартараф этиш, соҳа олдида турган долзарб вазифаларни бажариш юзасидан тизимли ишлар олиб борилишини, барча куч ва имкониятлар ишга солинишни таъкидладилар.

2017 йил 5 январь

ХАЛҚИМИЗ БИЗДАН ҚОНУН ВА АДОЛАТ УСТУВОРЛИГИНИ АМАЛДА ТАЪМИНЛАШНИ КУТМОҚДА

Ассалому алайкум, азиз ватандошлар!

Хурматли прокуратура ходимлари ва фахрийлари!

Аввало, сизларни, сизлар орқали прокуратура тизимида хизмат қилаётган барча юртдошларимизни, муҳтарам фахрийларни қуттуғ сана – Ўзбекистон Республикаси прокуратураси ташкил топганининг 25 йиллиги билан самимий табриклайман.

Сизларга яхши маълум, юртимизда 8 январь Прокуратура органлари ходимлари куни этиб белгиланди. Бу ҳақда гапирганда, биринчи навбатда, бу сананинг тарихи тўғрисида қисқача тўхталиб ўтиш жоиз.

Аввало, Биринчи Президентимиз, муҳтарам Ислом Абдуғаниевич Каримов томонидан 1992 йил 8 январда «Ўзбекистон Республикаси прокуратура органлари тўғрисида»ги фармон қабул килингани, шу асосда илгари собик Иттифокка бўйсунган Ўзбекистон ССР прокуратураси мустакил Ўзбекистон Республикаси прокуратурасига айлантирилганини эслаш лозим.

Бу эса, хеч шубҳасиз, мамлакатимизда янги прокуратура тизимини яратиш йўлидаги тарихий қадам бўлди.

Юртимизда мустақилликнинг дастлабки йилларидан бошлаб ҳукукий демократик давлат ва фуқаролик жамиятини барпо этиш, иқтисодиётни барқарор ривожлантириш, аҳоли турмуш даражасини юксалтиришга қаратилган тизимли ислоҳотлар жараёнида суд-ҳукуқ соҳаси ҳам тубдан ислоҳ қилинди. Биринчи навбатда, ҳалқаро ҳукуқ талабларига жавоб берадиган қонунлар яратишга, инсон ҳукуқ ва эркинликларини таъминлашга устувор аҳамият қаратилди. Миллий анъана ва қадриятлар ҳамда ҳалқаро ҳукуқ нормаларини ўзида мужассам эттан Конституциямиз ва қонунларимиз қабул қилинди. Айни вактда фуқаролар ҳукуқ ва манфаатларини ишончли ҳимоя қилиш мақсадида ҳукукни муҳофаза қилувчи ва назорат идоралари фаолияти қайта кўриб чиқилди. Жумладан, прокуратура органлари фаолиятини ислоҳ қилиш ва янада такомиллаштириш бўйича ҳам кенг кўламли ишлар амалга оширилди. Бу борада «Прокуратура тўғрисида»ги қонун қабул қилинганини алоҳида кайд этиш лозим.

Давлатимизнинг Асосий қонуни – Конституцияда прокуратура органлари зиммасига қонун устуворлигини таъминлашдек масъулиятли вазифа юклатилди.

Шу билан бирга, прокуратуранинг тадбиркорлик фаолияти эркинлиги, қишлоқ хўжалигини ислоҳ қилишга оид қонунлар сўзсиз ижро этилишини таъминлаш, солик, валютага оид жиноятларга ҳамда жиноий даромадларни легаллаштиришга карши курашиш бўйича роли ва масъулияти янада кучайтирилди.

Қадрли дўстлар!

Бундан икки йил олдин сизлар билан Бош прокуратурада ўтказилган учрашувда прокуратура органлари олдида турган асосий вазифалар ҳакида атрофлича фикрлашиб олган эдик.

Шу ўтган даврда конунийлик ва хукуқ-тартиботни мустаҳкамлаш, юкори малакали кадрларни тарбиялаш, конунчилик ва хукукни қўллаш амалиётини такомиллаштириш, ходимларнинг моддий ва ижтимоий ҳимоясини кучайтириш ва меҳнат шароитларини яхшилаш борасида бирмунча ишлар амалга оширилди. Жумладан, прокуратура ташаббуси билан жамият ва давлат ҳаётида муҳим аҳамиятга эга бўлган 17 та қонун, Ўзбекистон Республикаси Президентининг 6 та фармон ва қарорлари ҳамда Вазирлар Маҳкамасининг 3 та қарори қабул қилинди.

Фуқароларнинг мурожаатлари билан ишлаш тизими такомиллаштирилди. Прокуратура органларининг тадбиркорлик субъектлари хукукий ҳимоясини таъминлаш борасидаги фаолиятидан барчамиз хабардормиз.

Назорат тадбирларида 13 мингдан ортиқ тадбиркорнинг хукуклари, 7 мингдан зиёд ўз ишини тўхтатган тадбиркорлик субъектлари фаолияти қайта тиклангани прокуратура органлари томонидан бу йўналишга устувор вазифа сифатида каралаётганидан далолат беради.

Ўтказилган тадбирлар ва жиноятларни тергов килиш жараёнида 1 триллион 859 миллиард сўмлик етказилган зарар ундирилганини қайд этиш лозим.

Хурматли йиғилиш қатнашчилари!

Бугунги кунда жаҳон миқёсидаги глобаллашув жараёнлари, бошимиздан кечираётган ҳаётнинг ўзи олдимизга кўяётган, тобора кучайиб бораётган талабларни хисобга олмасак, шиддатли давр билан ҳамкадам бўлиб яшамасак, ўз-ўзидан аёнки, стратегик мақсад ва вазифаларимизни амалга оширишимиз, тарақкий топган замонавий демократик давлатлар каторига киришимиз қийин бўлади. Бу юксак талабни, биринчи навбатда, сиз, прокуратура ходимлари яхши тушунасиз, деб ўйлайман.

Шу нұктай назардан қараганда, гарчи бугун сизларнинг профессионал байрамингизни биринчи марта нишонлаётган бўлсак-да, эришилган ютукларга маҳлиё бўлиб, ўзимиздан мамнун бўлиб, хотиржамликка берилишга бизнинг ҳаққимиз йўқ.

Шу сабабли биз прокуратура ва бутун ҳуқукни муҳофаза килиш тизими фаолияти самарадорлигини янада оширишга қаратилган устувор вазифаларни, мавжуд камчилик ва нұқсонларни бартараф этиш йўлларини аник белгилаб олишимиз зарур.

Халқимиз ҳамма нарсадан устун қўядиган адолат туйгусини ҳаётимизда том маънода карор топтириш – энг асосий вазифамизга айланиши шарт.

Биз барпо этаётган ҳуқукий давлатда, адолатсизликнинг ҳеч кандай кўринишига йўл қўйилмаслиги даркор. Нега деганда, «**Одамлар ҳамма нарсага чидаши мумкин, лекин адолатсизликка чидай олмайди**». Бу чукур маъноли сўзлар бугунги кунда ҳар качонгидан ҳам кўра мухим ва долзарб аҳамият касб этаётганини сезиш, англаш қийин эмас.

Масалага шу кўз билан караб баҳо берадиган бўлсак, ислоҳотларни самарали амалга оширишнинг муҳим шарти бўлган қонун устуворлигини таъминлаш ва қонунийликни мустаҳкамлаш борасида прокуратуранинг бугунги фаолияти талабга жавоб берадими?

Мана шу мураккаб ва оғир савол бугун олдимизда кўндаланг турибди. Ва қанчалик қийин, қанчалик аччик бўлмасин, биз бу саволга ўзимиз, сизлар билан бирга, виждонимиз олдида очик жавоб беришимиз зарур.

Шу ўринда яна бир табиий савол туғилади: кўрилаётган чораларга қарамасдан, нима учун жамиятимизда қонунни бузиш ҳолатлари кескин камаймаяпти?

Агар хисоботларга назар ташласак, кейинги иккى йилда прокуратура органлари томонидан 264 мингдан ортиқ прокурор назорати хужжатлари қўлланганини кўрамиз. Бу рақамлар, бир қараганда, гўёки прокуратура органлари фаолиятида олиб борилаётган кенг миқёсдаги ишлардан далолат беради.

Айни вактда, афсус билан айтиш керакки, кўп ҳолларда қонун устуворлигини таъминлаш бўйича прокурор назорати хукуқбузарлик содир этилганидан сўнг намоён бўлмоқда.

Бир сўз билан айтганда, асосий эътибор хукуқбузарликларни барвақт аниклаб, уларнинг олдини олишга эмас, балки оқибатлари билан курашишга қаратилмоқда. Бундай ҳолатга чек кўйиш вакти келди.

Фуқароларнинг ҳуқук ва эркинликларини таъминлаш масаласи бундан бўён ҳам диққатимиз марказида бўлиши, бунинг учун суд-хуқук соҳасидаги ислоҳотларни изчил давом эттиришимиз лозим. Ана шу ислоҳотлар жараёнида прокуратура фаол иштирок этиши, авваламбор, фуқароларнинг ижтимоий ҳуқуқларини таъминлашга қаратилган назорат фаолиятини кучайтириши керак. Лекин инсон ҳуқуқларининг ҳимоячиси сифатида прокуратура органлари томонидан бу соҳада қонунийликни тўлик таъминлашга эришилмаяпти. Буни очик айтишимиз лозим.

Айникса, ахолини ижтимоий ҳимоя қилиш ва соғликни сақлаш, меҳнат ҳуқуқларини таъминлаш соҳаларида конун бузилишларига барҳам берилмагани кўплаб эътиrozларга сабаб бўлмокда.

Шу борада баъзи мисолларни келтириб ўтмоқчи-ман. Ўтган йили очилган Бош вазирнинг Виртуал қабулхонасига киска давр мобайнида фуқаролари-миздан 311 мингдан зиёд мурожаат келиб тушди. Уларнинг 111 мингдан ортиғи ёки ҳар уттадан биттасида ижтимоий соҳадаги ўткир масалалар кўтарилиган.

Жойларда иш ҳақи ва пенсия тўловларини кечикитириш, ахолини ижтимоий ҳимоя қилиш учун ажратилаётган бюджет маблагларини ноқонуний сарфлаш ва талон-торож қилиш ҳолатлари мунтазам равишда давом этиб келаётгани ҳаммамизни ташвишга солади. Масалан, ўтган йили 5 минг 925 та фуқаролар йигинида кам таъминланган оиласларни

ижтимоий кўллаб-куватлаш учун ажратилган 41 миллиард 300 миллион сўмга якин нафака ва моддий ёрдам пули ноконуний тўлангани аниқланган.

Бундан ташкари, накд пулнинг банкдан ташкари айланиши билан боғлик салбий ҳолатларга карши етарлича кураш олиб борилмаяпти.

Аслида бу масалалар Прокуратура хузуридаги департаментнинг бевосита вазифасига киради. Лекин, афуски, департамент ва унинг жойлардаги бўлинмалари бу ишни ўз ҳолига ташлаб қўйган. Шунинг учун, департамент янги раҳбариятининг эътиборини ушбу муҳим масалаларни алоҳида назоратга олиш зарурлигига қаратаман.

Яна бир муҳим масала – оналик ва болаликни ҳимоя қилиш, ахоли репродуктив саломатлигини мустаҳкамлаш борасида ҳам етарли назорат ўрнатилмаган.

Окибатда оналар ўлими Сурхондарё (Сандов), Фарғона (Абдураҳмонов) ва Хоразм (Турдиев) вилоятларида, гўдаклар ўлими эса Тошкент (Файзиев) ва Сирдарё (Облокулов) вилоятларида кўпайгани кузатилмоқда.

Прокуратура идоралари томонидан тўлов интизомига оид конунлар ижроси устидан етарли назорат олиб борилмаяпти. Бунинг окибатида ўтган йили Тошкент шахри (Кудратхўжаев), Сирдарё (Облокулов), Тошкент (Файзиев) ва Хоразм (Турдиев) вилоятларида дебитор карздорлик даражаси ошган.

Ёқилғи ва энергия ресурсларидан оқилона фойдаланиш ҳамда коммунал ҳўжалик соҳасида

прокурор назорати талаб даражасида ўрнатилмагани туфайли ёқилғи-энергетика ва энергиядан фойдаланиш тизимида кўплаб конунни бузиш ҳолатлари кўзга ташланмоқда.

Коммунал тўловлар соҳасида умумий қарздорлик кун сайин ўсиб бораётгани ва жуда катта ракамларни ташкил этаётгани, албатта, ҳаммамизни ташвишга солиши керак. Бундай қарздорлик, айникса, Тошкент (Файзиев), Жиззах (Мухаммаджонов), Андижон (Эгамбердиев), Сирдарё (Облокулов) вилоятлари ва Тошкент шаҳрида (Кудратхўжаев) кескин ошиб кетганини афсус билан айтишга тўғри келади.

Шу ўринда ҳакли савол туғилади, конун посбонлари – хурматли прокурорларимиз қаёқка қараган? Нима учун бундай салбий ракамлар бўла туриб, сизлар томошабин бўлиб ўтирибсиз? Шунинг учун бугун яна бир марта сизларни огоҳлантириб айтаман, бундай кейин бу масалаларда бошқа раҳбарлар катори прокурорлар ҳам бошлари билан жавоб берадилар.

Мамлакатимиз иктисодиётида муҳим ўрин тутадиган **кишлок хўжалиги соҳасида қонунийликни таъминлаш** бўйича, юкорида айтилганидек, прокуратура органлари томонидан бирмунча ишлар килинди. Айни вактда бу соҳада ҳам қатор камчиликлар борлигидан кўз юмиб бўлмайди. Масалан, ердан ноконуний ва мақсадсиз фойдаланиш, уни талон-торож килиш, уй-жой қуриш ва бошқа мақсадлар учун ер участкаларини асоссиз ажратиб

бериш ҳолатларига, афсуски, чек қўйилмаяпти. Ўтған йили қарийб 7 минг 665 гектар ер майдонидан ноконуний ва мақсадсиз фойдаланиб келингани аниқланди.

Шу билан бирга, мансабдор шахслар томонидан 74 минг гектардан зиёд ер ноконуний ажратиб берилгани бу соҳада тартиб ва назорат сусайиб кетганидан далолат беради.

Шу муносабат билан прокуратура органлари ўз фаолиятида қуидаги долзарб масалаларга алоҳида эътибор қаратиши шарт:

- иш ҳаки, пенсия ва нафакаларни тўлашдаги кечикиришларга, меҳнат ва ижтимоий хукукларнинг бузилишига муросасиз бўлиш;

- электр, табиий газ ва бошқа коммунал тўловларнинг конунийлиги ва асосли экани устидан самарали назорат ўрнатиш;

- ахолини ижтимоий ҳимоя қилиш, соғлиқни саклаш ва бандликни таъминлаш соҳасидаги назоратни кучайтириш;

- фуқароларнинг ўзини ўзи бошқариш органлари фаолиятида конунийлик ҳамда алоҳида ҳимояга муҳтож бўлган, кам таъминланган ва кўп болали оиласаларга нафака тайинлашда ижтимоий адолат принципини таъминлашимиз зарур.

Агар туман ёки шаҳарда прокурор кайд этилган масалаларда конунийликни таъминлаш юзасидан ҳар ойнинг бешинчи ёки ўнинчи кунида мутасадди идоралар, банклар ва тегишли ташкилотлар раҳбарларини йиғиб, профилактика билан шуғулланса, олам гулистон бўлади.

Сизлар эса, муаммо тагига олиб кетганидан кейин шугулланасизлар ва натижа ҳам шунга яраша қоникарсиз бўлади.

Муҳтарам дўстлар!

Инсон ҳукук ва эркинликларини ҳимоя килиш ҳакида гапирганда, гоят муҳим бир масалага эътиборингизни қаратмоқчиман. Яъни, фуқароларнинг мурожаатлари билан ишлаш тизимини тубдан такомиллаштириш, ҳалқ билан очик мулоқотни йўлга қўйиш, содда килиб айтганда, эл-юрт ичиға кириш, унинг дарди ва ташвиши билан яшаш прокуратуранинг энг долзарб вазифасига айланиши зарур.

Жорий йилни Ҳалқ билан мулоқот ва инсон манфаатлари йили, деб эълон қилганимизнинг асл мақсади ҳакида мен ўз чиқишиларимда атрофлича сўз юритганман. Лекин бугунги имкониятдан фойдаланиб, бу ҳақда яна бир бор тўхталиб ўтишни ўринли, деб биламан.

Биз одатда инсоннинг ҳаётий эҳтиёж ва манфаатларини таъминлаш – энг олий қадрият, бу – давлат идораларининг асосий вазифаси, деган мазмундаги гапларни кўп тақрорлаймиз. Буларнинг ҳаммаси албатта тўғри. Лекин ҳакли савол пайдо бўлади: **одамнинг манфаатини таъминлаш учун аввало у билан гаплашиш, мулоқот қилиш керак эмасми? Мулоқот ва манфаат деган тушунчалар ўзаро чамбарчас боғлиқ эмасми?**

Шу маънода, биз – эл-юрт ишонч билдирган раҳбарлар ҳалқимиз билан аввало ўзимиз мулоқот килмасак, унинг дарду муаммоларини эшишиб,

ўзимиз ҳал этмасак, жамиятимизнинг ижтимоий кайфиятидан доимо хабардор бўлиб яшамасак, бизнинг ўрнимизга четдан келадиган, қўштирнок ичидаги «мехрибон»лар албатта топилади. Улар ҳам ўзича ҳалқ билан мулокот килишга уринади. Лекин бу «мулокот» жамиятимизда вазиятни издан чиқаришга, бузғунчилик, қарама-қаршилик, ҳатто, Худо сакласин, кон тўкилишига олиб келиши мумкин. Бунга мисол кидириб, узокка боришнинг ҳожати йўқ. Дунёнинг турли минтакаларида рўй бераётган зиддият ва хунрезликларни эслашнинг ўзи кифоя.

Шу боис одамларнинг оғирини снгил килиш, аҳолининг давлат идораларига ишончини мустаҳкамлаш максадида ҳар бир ҳудудда Ўзбекистон Республикаси Президентининг Ҳалқ қабулхоналари ва Виртуал қабулхона ташкил этилганидан хабардорсиз, албатта.

Шу ўринда яна бир фикрни афсус билан айтишга тўғри келади. Агар прокуратура органлари ва бошка тегишли идораларимиз ўз вазифасини вижданан, конуний асосда бажарганида, биз Ҳалқ қабулхоналарини ташкил этишга мажбур бўлмас эдик. Бу прокуратура ишига берилган ўзига хос бир баҳо, десак, бу ҳам тўғри бўлади.

Мана шу танқидий фикрлардан хулоса килган холда, прокурорлар тегишли ҳокимликлар ва бошка мутасадди идоралар билан биргаликда марказда ва жойларда бу ишларни тўғри ташкил этиши, фукаролардан тушган мурожаатлар тўлик ва муддатида кўриб чиқилишини таъминлаши шарт.

Қадрли мажлис иштирокчилари!

Мамлакатимиз иктисадиётини ривожлантириш, халқимизнинг фаровон турмушини таъминлашда мухим ўрин туваётган тадбиркорликни кўллаб-куватлаш масаласи давлат сиёсатининг стратегик йўналишларидан биридир.

Шу нуктаи назардан қараганда, прокуратура органлари тадбиркорлик фаолияти ва хусусий мулкни ҳимоя килиш юзасидан ўтган йили 5 октябрда қабул килинган «Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя килишга ва ишбилармонлик мухитини сифат жиҳатидан яхшилашга доир кўшимча чора-тадбирлар тўғрисида»ги фармон талабларига сўзсиз амал килинишини таъминлаши зарур.

Минг афсуски, тадбиркорлик субъектлари бўйича ноконуний текширишлар ўтказиш ва уларнинг фаолиятига асоссиз аралашиб ҳолатлари ҳамон учрамоқда. Жумладан, охириги икки йилда давлат органлари томонидан тадбиркорлик субъектлари бўйича 209 та ноконуний текшириш ўтказилган ва 702 та ҳолатда уларнинг фаолиятига асоссиз аралашилган.

Айни вактда ўтган йили Жиззах, Қашқадарё, Тошкент вилоятларида тадбиркорлар фаолиятини ноконуний текшириш билан бодлик бор-йўғи биттадан ҳолат аникланган. Сирдарё вилоятида эса бирорта ҳам бундай ҳолат аникланмаган.

Билмадим, балки ушбу вилоятларда прокуратура идоралари бу борада ҳаммаси жойида, ҳеч қандай

камчилик йўқ, деган кайфият билан юргандир. Лекин биздаги маълумотлар бунинг тамоман аксини кўрсатмоқда.

Таҳлилларга кўра, мамлакатимиз бўйича кичик бизнес субъектларидан қариб 16 мингтаси ёки 7 фоизи ўз фаолиятини тўхтатган. Бундай корхоналар барча худудларда мавжуд. Мисол учун, Тошкент вилоятида тадбиркорлик субъектларининг 15 фоизи, Сирдарё вилоятида 13 фоизи, Жizzах вилоятида эса 10 фоизи фаолият кўрсатмаяпти. Энг ёмони, бунинг оқибатида мавжуд иш ўринлари йўқотилмоқда.

Маълумки, тадбиркор ўзининг, бола-чақасининг насибасидан қийиб, тўплаган пули, молу мулкини янги иш очишга сарфлайди. Банкдан кредит олса, уни ҳам фоизи билан ўзи тўлайди. Унга ҳеч ким ҳар ўн беш кунда бюджетдан аванс ёки ойлик бермайди. Шунга қарамасдан, таваккал килиб, хузур-ҳаловатидан кечиб, бор имконияти, маблагини хавф-хатарга қўйиб, ўз иши учун кечаю кундуз жонини бериб ишлайди. Шу йўл билан, у нафақат ўзини, оиласини, балки эл-юртни ҳам боқади.

Шу маънода, тадбиркор – бу ҳакикий фидойи инсон. Шахсан мен бундай одамларни ёки, майли, иккита бўлса ҳам иш ўрни яратган тадбиркорни бошимга кўтаришга тайёрман. Шунинг учун, тадбиркор бой бўлса, давлат ҳам, халк ҳам бой бўлади, деган фикрни қайта-қайта такрорлашдан мен чарчамайман. Билиб қўйинглар, бизнинг бундан бошка йўлимиз йўқ.

Шу муносабат билан яна бир бор таъкидлаб айтмокчиман: тадбиркорлик йўлига қарши чиқиш – давлат сиёсатига, Президент сиёсатига қарши чиқишидир.

Афсуски, шу борада айтилаётган гаплар, кўрилаётган чора-тадбирларга қарамасдан, мансабдор шахслар томонидан тадбиркорларга нисбатан таъмагирлик ҳолатлари ҳали-бери учраб турибди. Бу эса тадбиркорларда ҳакли норозилик уйготмокда. Бундай ҳолатларнинг ҳар бири бўйича айбдор шахсларни аниқлаб, сўзсиз жиноий жавобгарликка тортиш шарт.

Биз бундан буён ҳар қайси туман ва вилоят прокурорининг фаолиятига у ишлаётган худудда канча янги тадбиркорлик субъекти ташкил этилганига, канча тадбиркорнинг конуний хукуқ ва манфаатлари химоя килинганига қараб баҳо бериладиган тизимни жорий этамиз.

Яна бир долзарб масала шундан иборатки, айрим худудлар ҳанузгача субвенция олади, лекин прокурорлар ва департамент ходимлари тегишли масъул шахслар билан биргаликда худуд иктисолиётини кўтариш, солик ва бошқа мажбурий тўловларни тўлиқ ва ўз вактида ундириш масаласига етарлича аҳамият бермаяпти. Ваҳоланки, прокуратура ва департамент органлари худудларнинг ижтимоий-иктисодий аҳволи билан доимий қизишилари, бу борада тегишли чора-тадбирларни амалга оширишда фаол қатнашилари керак.

Вояга етмаганлар ва ёшларнинг хукуқ ва эркинликлари, қонуний манфаатларини таъминлаш, уларнинг ҳаёти ва соғлигини сақлаш, маънавий, интеллектуал, жисмоний ва ахлоқий жиҳатдан камол топтириш каби муҳим масалалар бўйича конунлар ижроси устидан прокурор назорати устувор аҳамият касб этади.

Бу борадаги тадбирлар натижасида вояга етмаганлар ўртасида жиноятчилик 7,8 фоизга камайишига эришилган. Лекин бизни жиддий ташвишга солаётган бир муаммо – академик лицей ва касбхунар коллажлари, олий ўкув юртларидағи давомат, битиruvchilarнинг кейинги тақдири, уларни ишга жойлаштириш билан боғлик.

Прокурорлар битиruvchilarни ишга жойлаштиришдаги кўзбўямачилик ҳолатларига принципial муносабат билдиrmаяпти.

Шу ўринда мамлакатимиз бўйича кейинги йилларда содир этилаётган барча жиноятларнинг 25 – 30 фоизи ёшлар хиссасига тўғри келаётгани, умуман олганда, ҳар йили 30 – 34 минг нафар ёшлар, жумладан, 3,5 минг хотин-киз жиноят содир этаётгани барчамизни ташвишга солиши зарур.

Биргина 2016 йилнинг 11 ойида 815 нафар коллаж ва лицей ўкувчиси, 318 нафар талаба жиноятга кўл урганига кандай баҳо бериш мумкин?

Айни вактда вояга етмаганлар ўртасида жиноятчилик Бухоро ва Фарғона вилоятлари ҳамда Коракалпоғистон Республикасида ошганини кайл этиш лозим.

Мактаб ўкувчилари ўртасида жиноят содир этгандар сони Тошкент, Жиззах, Навоий, Андижон, Сурхондарё вилоятлари ва Қорақалпогистон Республикасида кўпайгани кузатилмоқда.

Вояга етмаганлар ўртасида боскинчилик жиноятлари мамлакатимиз бўйича айниқса Тошкент, Фарғона, Андижон ва Наманган вилоятларида ошгани барчамизни хавотирга солади.

Буларнинг барчаси прокуратура органларидан ушбу йўналишдаги ишларни жиддий қайта кўриб чикишни талаб этади.

Хурматли мажлис катнашчилари!

Биз учун ўта муҳим бўлган **аҳолини иш билан таъминлаш масаласи** кўпгина худудларда ўткир муаммо бўлиб қолмоқда.

Савол туғилади: бу муаммони ҳал қилишга прокурорлар қандай ҳисса кўшмоқда? Аслида бу масала сизлар учун одамларни, ҳалқ ишончини қозонишда энг муҳим мезон бўлиши керак эмасми?

Яратилган янги иш ўринлари ва иш билан таъминлаш ҳакидаги хисоботларда сохта маълумотлар орқали мавжуд салбий аҳволни ижобий қилиб кўрсатиш давом этмоқда.

Маълумки, ишсизлик биринчи навбатда жиноятчиликнинг ўсишига сабаб бўлади. Андижон ва Наманган вилоятларида жиноят содир этгандарнинг ярми, Тошкент, Қашқадарё вилоятлари ва Қорақалпогистон Республикасида эса деярли ҳар учтадан биттаси ишсиз одамлар экани аникланган. Бу эса ана шу худудларда аҳолини иш билан таъминлашда жиддий нуқсонлар борлигидан далолат беради.

Бир ўйлаб кўрайлиқ: жиноят қачон камаяди? Қачонки одамлар ишли бўлса, даромад манбаига эга бўлса. Шундагина инсон ҳайтдан, давлат ва жамиятдан рози бўлади. Халқ розн бўлиши учун прокурор тадбиркор билан дўст бўлиши керак. Прокурорнинг кабинети тадбиркор учун доимо очик бўлиши лозим.

Тадбиркорни факат жазолаш учун повестка билан чақириш эмас, балки унга амалий ёрдам бериш, унинг хуқуқ ва манфаатларини ҳимоя қилиш – прокуратура идоралари учун асосий вазифа бўлиши зарур.

Кадрли дўстлар!

Ҳаммамизга маълумки, хозирги вактда ён-атрофимиизда диний экстремизм, терроризм, гиёхвандлик, одам савдоси, ноконуний миграция, «оммавий маданият» деган турли бало-қазоларнинг хавфи тобора кучайиб бормоқда.

Шу нуктаи назардан караганда, ҳар бир туман хокими ва туман ички ишлар бўлимлари раҳбарларининг ёшлар билан ишлаш бўйича ўринбосари лавозимини жорий этиш – давр талаби, деб ўйлайман.

Прокуратура органлари ана шу тузилмалар фаолиятини йўлга кўйишда яқиндан кўмак бериши, ёшлар билан олиб бориладиган ишлар «Махалла» ва «Нуроний» жамғармалари, хотин-кизлар, ёшлар ташкилотлари билан ҳамкорликда амалга оширилиши лозим.

Олдимизда турган навбатдаги муҳим вазифа яратиб берилған имконият ва ваколатлардан тўлиқ

фойдаланиб, фуқароларимиз, жамият ва давлатимиз хавфсизлигини ҳамда конституциявий тузум химоясини таъминлашдан иборат.

Шу боисдан ҳам бебаҳо бойлигимиз бўлган тинчлик ва осойишталикни кўз қорачигидек саклашимиз, юртимиздағи миллатлар ва динлар вакиллари ўртасида тотувлик, ўзаро ҳурмат ва меҳр-оқибат мухитини янада мустаҳкамлашимиз зарур.

Қадрли дўстлар!

Энди, руҳсатингиз билан, прокуратура фаолиятининг асосий йўналишларидан бири – **жиноятчиликка қарши қураш** масаласига тўхталиб ўтсак.

Албатта, дунёнинг аксарият мамлакатларида криминоген вазият кескинлашиб бораётган вазиятда юртимизда тинч ва осойишта ҳаёт ҳукм сураётгани, бунда прокуратура органларининг ҳам муносиб хиссаси борлигини барчамиз эътироф этамиз.

Айни вактда бу борада прокуратура фаолиятида жиддий камчиликлар кўзга ташлананётганини ҳам айтмасдан ўтолмаймиз. Аввало, ҳукукни муҳофаза килувчи органларнинг фаолиятини мувофиқлаштириш ишлари аксарият ҳудудларда тўғри ташкил этилмаган.

2016 йилда умумий жиноятчилик кўрсаткичлари Қоракалпогистон Республикаси (Таджиев), Бухоро (Эшбаков) ва Андижон (Эгамбердиев) вилоятларида сезиларли равишда ошган.

Бу эса мазкур ҳудудларда профилактика соҳасидаги ишлар талаб даражасида эмаслигини кўрсатади.

Мамлакатимиз бўйича жиноятларнинг 6 минг 440 таси ёки 18,4 фоизи очилмасдан қолган. Бу кўр-

саткич Сурхондарё (Саидов) ва Андижон (Эгамбердиев) вилоятларида 24 фоизни, Сирдарё (Облақулов) вилоятида 23 фоизни ташкил этмоқда.

Бугунги кунда жиноят содир этган ва кидирувда бўлган шахсларнинг 12 минг 249 нафари ёки 55 фоиздан ортиги қўлга олинмаганини, ўзингиз айтинг, кандай баҳолаш мумкин?

Тошкент шаҳри (Кудратхўжаев), Андижон (Эгамбердиев) ва Фарғона (Абдураҳмонов) вилоятлари бўйича ана шундай жиноятчилар сони энг юкори эканига карамасдан, уларни кидириб топиш кўрсаткичи энг паст даражада қолаётганини мутлако оқлаб бўлмайди. Шунингдек, Хоразм (Турдиев) ва Наманган (Умаров) вилоятларида ҳам бу борадаги ишлар талабга умуман жавоб бермайди.

Шуни афсус билан айтиш керакки, процессуал конун нормалари асосида холисона тергов ўтказишни таъминламаслик, уни зўравонлик билан олиб бориш ва чўзиш орқали фуқароларни сарсон қилиш каби салбий амалиётга батамом чек қўйилгани йўқ.

**Маълумки, судларда прокурор ваколатини са-
марали таъминлаш**, шу максадда конунларга зид бўлган суд хужжатларини ўз вактида аниклаб, уларни конунга мувофиқлаштириш чораларини кўриш прокуратура фаолиятида муҳим йўналиш хисобла-
нади.

Бу борада якинда қабул қилинган фармон ижросини таъминлаш биринчи даражали вазифадир.

Жиноят ишини суддан қўшимча терговга қайта-риш институти батамом тутатилади.

Бундан кўзланган мақсад фуқароларнинг ортиқча овора бўлишига чек қўйиш, лўнда қилиб айтганда, судда окни – окка, қорани – қорага ажратишдан иборат.

Табиийки, бу амалиётнинг жорий этилиши натижасида айби тасдиқланмаган судланувчиларга нисбатан оклов ҳукмлари чиқариш ҳолатлари учун ҳам йўл очилади.

Бугунги кунда оклов ҳукми чиқдими, бунга алоқадор прокуратура ходими жазоланиши лозим, деган эскича қарашлардан воз кечиш зарур.

Албаттa, бундай ёндашув тергов ҳаракатларини қасдан ва фақат айблов нуқтаи назаридан бир томонлама олиб борган ҳамда шунга йўл қўйган ходимларга тегишли бўлмаслиги керак. Бундай шахсларга нисбатан жазонинг мукаррарлиги таъминланиши шарт.

Яна бир долзарб вазифа – қонун устуворлигини таъминлашда ҳуқуқий маданиятни юксалтириш, фуқароларни қонунга ҳурмат руҳида тарбиялаш, қонунлар мазмун-моҳиятини халқимиз ва ижро чиларга ўз вақтида етказиш, уларнинг ижросини тўғри ташкил этиш муҳим аҳамиятга эга.

Айниқса, маҳаллий ижро ҳокимияти, назорат ва ҳуқуқни муҳофаза килувчи органларнинг ходимлари томонидан қонунни бузиш билан боғлиқ ҳар қандай ҳолат бўйича қатъий чора кўриш шарт.

Бу ҳақда гапирганда, прокуратура тизимида сўнгги икки йил ичида 7 нафар ходим томонидан жиноят содир этилганини афсус билан айтишга мажбурмиз.

Бундан ташкари, 2015 – 2016 йилларда ўз хизмат вазифасини талаб даражасида бажармаган ёки ножӯя хатти-харакатлар содир этган 643 нафар ходим интизомий жазога тортилган, 461 нафар ходим эса эгаллаб турган лавозимидан озод этилган. Шу даврда ўз хизмат вазифасини талаб даражасида бажармагани учун Жиззах, Сирдарё, Хоразм вилоятлари ва Қорақалпоғистон Республикаси прокурорлари лавозимидан озод этилди.

Шу билан бирга, 29 та туман прокурори хизмат лавозимидан озод этилгани, 11 нафари эса прокуратура органларидан бўшатилгани кадрлар масаласида жиддий хатоларга йўл қўйилганидан дарак беради.

Ҳар бир прокуратура ходими бундан ўзига тегишли хулоса чиқариши, прокуратура органи ходими деган шарафли номга лойик бўлиш учун ўз хизмат вазифасини масъулият билан бажариши, бергап қасамёдига ва хизмат бурчига доимо содик колиши шарт. Бу масалалар бўйича энди талаб ва сўров каттиқ бўлади.

Ҳурматли мажлис катнашчилари!

Ҳукуқбузарлик ҳолатларининг олдини олиш, прокурорлар фаолиятида очиклик ва ошкораликни таъминлаш мақсадида **халқ вакиллари** олдида прокурор хисоботини эшитиш тизимини йўлга қўйиш, прокуратура фаолияти устидаи жамоатчилик назоратини янада кучайтириш зарур.

Ҳақиқатан ҳам, давлат томонидан беш йилга ваколат берилган прокурор нима учун бирор марта жамоатчилик, халқ олдида хисобот бермайди?

Яна бир карра таъкидлайман: халқ давлат идоралариға эмас, давлат идоралари халқимизга хизмат қилиши керак ва бу ҳақиқатни аввало прокурорлар қулоғига күргөшиндең күйиб олиши зарур.

2017 йилдан бошлаб парламент ва жамоатчилик назорати бўйича таъсирчан механизмларни шакллантириш мақсадида шаҳар ва туманларда ҳақиқий аҳволни ўрганиб, тегишли раҳбарлар хисботини халқ депутатлари кенгашлари сессияси муҳокамасига киритиш тартиби жорий этилди. Яъни, ҳар ойда 10 – 12 кун давомида ҳар қайси вилоятнинг маълум бир туманида депутат ва сенаторлар томонидан худуддаги ижро ҳокимияти органи, прокуратура ва ички ишлар бўлими фаолияти ўрганилади ҳамда тегишли халқ депутатлари кенгашлари сессияларида муҳокама қилинади. Бу эса, ўз навбатида, ҳар бир прокурордан ўз фаолиятини танқидий кўриб чикиб, натижадорликни кучайтиришни талаб этади.

Прокуратура органлари зиммасига юклатилган вазифаларни самарали амалга ошириш салоҳиятига ҳамда юксак маънавий-ахлоқий фазилат ва масъуллиятга эга бўлган **профессионал кадрларни тарбиялаш ва тайёрлаш** масаласи мухим вазифаларимиздан биридир.

Бу ҳақда сўз юритганда, мазкур вазифага бевосита масъул бўлган Бош прокуратура Олий ўкув курсларининг фаолияти талабга жавоб бермайди.

Ана шу ўкув курслари фаолиятини такомиллаштириш, моддий-техник базасини мустаҳкамлаш, прокурор ва тергов ходимлари малакасини узлуксиз ошириш ва уларни қайта тайёрлашнинг самарали тизимини жорий этиш бўйича **2 ой муддатда аниқ чора-тадбирлар ишлаб чиқишимиз ва амалға оширишимиз зарур.**

Қадрли юртдошлар!

Биз сайловолди дастуримизда ҳалқимизни ўйлантириб, безовта қилаётган, унинг кундалик ҳаётига бевосита таъсир кўрсатаётган ғоят муҳим масалаларни, биринчи навбатда, адолат ва қонун устуворлигини таъминлаш масаласини ўртага қўйдик.

Аҳолимиз, эл-юртимиз энди биздан ана шу вазифаларнинг амалий ижросини кутмоқда. Агар биз мана шундай муаммоларни ўз вақтида, қонуний асосда бажармасак, бизга инониб, ишониб яшаётган миллион-миллион одамларга хиёнат қилган бўламиз. Барчамизга билдирилган юксак ишончни оқламасак, ҳалқимиз · биздан рози бўлмайди. Жумладан, бугун нишонлаётган байрамдан ҳам одамлар рози бўлмайди. Буни ҳеч ким ҳеч қачон эсидан чиқармаслиги керак.

Бундан кейин прокуратура тизимида иш натижаларини баҳолаб бориш бўйича чораклик рейтинг тизимини жорий этиш мақсадга мувофиқ. Яъни, биринчи, иккинчи ва учинчи ўринларни ким эгаллади ёки ким умуман рейтингга илинмади – буларнинг барчаси таҳлил этиб борилиши керак.

Ишда яхши натижадорликка эришиб, рейтингда биринчи ва иккинчи ўринларни эгаллаган раҳбар

ва масъул ходимлар рағбатлантирилади. Аксинча, рейтингда учинчи поғонани эгаллаган шахсга ҳайфсан зълон килинади. Рейтингга илинмаган ходим билан эса хайрлашишга тўғри келади. Кимгадир ёқадими-ёқмайдими, биз айни шундай йўл тутишга мажбурмиз.

Намунали иш қилиб, юкори натижаларга эришган прокурор ва милиция ходимларининг фаолиятини намуна сифатида телевидение, радио ва газеталарда ёритиб, уларнинг тажрибасини кенг тарғиб қилиш ва ўзларини рағбатлантириш керак. Шунда адолат бўлади, ходимлар яхшиларга караб интилади ва эргашади.

Мұхтарам дўстлар!

Биз бугун прокуратура органлари фаолиятини танқидий нұктай назардан баҳолаб, олдимизда турган мухим ва устувор вазифалар ҳакида ҳеч нарсани яширмасдан, очиқласига гаплашиб олдик.

Ўйлайманки, биз бир-биrimizni тўғри тушумиз. Халқимизнинг «Дўст ачитиб гапирав» деган мақолида чукур маъно борлигини сизлар яхши англайсиз. Чунки, ҳамма нарсани ўз номи билан, ютукни – ютуқ, камчиликни – камчилик деб иш олиб бормасак, биз ўз мақсадларимизга етолмаймиз.

Такрор айтаман, ишимизда йўл қўйилган хато ва нуксонларни ўзимиз тузатмасак, муаммоларни ўзимиз ечмасак, ҳеч ким четдан келиб бу ишларни биз учун килиб бермайди.

Бу масалалар қанчалик қийин ва оғир бўлмасин, уларни ҳал қилишга бизнинг кучимиз ҳам, билим

ва тажрибамиз, салохиятимиз ҳам етади. Мен бунга ишонаман.

Ҳаммамиз яхши тушунамизки, прокуратура тизимидағи бундай нохуш ахвол, бундай вазият бугун пайдо бўлгани йўқ.

Бундай яроқсиз иш услуби йиллар давомида шаклланиб келган ва уни бирданига тубдан ўзгартириш ҳам қийин масала. Буни ҳам тан олиш керак.

Прокуратура соҳасидаги олдинги раҳбарлар бу масалаларга совукконлик билан, бефарқ қарагани туфайли биз бугун мана шундай ахволга тушиб ўтирибмиз.

Бу ҳолатни тузатиш, ушбу тизимни замон талаблари, демократик тамойиллар асосида ўзгартириш учун нима қилишимиз керак?

Энг аввало, прокуратура илгаригидек фақат жазолайтидан, репрессия органи бўлиб қолмаслиги, аксинча, **фуқароларнинг ҳуқуқ ва эркинликларини қоғозда эмас, амалда ҳимоя қиласидиган тизимга айланиши зарур**. Бунинг учун ҳаммамиз биргаликда, тизимли асосда ҳали қўп-қўп иш қилишимиз керак.

Барчангизга маълум, биз ҳозирги вактда прокуратура тизимида жиддий ўзгаришларни амалга оширмоқдамиз. Жумладан, соҳанинг кўпгина раҳбар ва ходимларини янгиладик ва ёшларни бу тизимга кўпроқ жалб этдик.

Бош прокуроримиз Иҳтиёр Бахтиёрович Абдуллаев ҳам ишни янгича асосда ташкил этиш учун астойдил ва фидокорона, кечаю кундуз ҳаракат

қилмоқда. Лекин бир фикрни очык айтишим керак: раҳбар ҳар қанча кучли, билимли ва ғайратли бўлмасин, агар унинг ўринбосарлари, бошкарма бошликлари, вилоят ва туман прокурорлари, бутун жамоа уни қўллаб-қувватламаса, бугунги қўйилган вазифаларни самарали ва натижали бажариш учун, чин маънода фидойилик ва қатъият кўрсатмаса, кутилган натижага эришиш мумкин эмас.

Шу нуктаи назардан караганда, сизлар бугунги йигилишимизда билдирилган фикр-мулоҳазалардан тўғри хulosа чиқариб, қонун устуворлигини таъминлашдек мураккаб ва айни вақтда шарафли вазифани бажариш учун бор билим ва салоҳиятингизни, куч-ғайратингизни сафарбар этасизлар, деб ишонаман.

Ватанимиз тараққиёти ва халкимиз фаровонлиги йўлидаги масъулиятли фаолиятингизда барчангизга сихат-саломатлик, ғайрат ва матонат ҳамда янги ютуқ ва зафарлар тилайман.

*Прокуратура ходимлари ва фахрийлари
билин учрашувдаги маъруза.
2017 йил 7 январь*

ҚУРОЛЛИ КУЧЛАР – ВАТАНИМИЗ ВА ХАЛҚИМИЗНИНГ МУСТАҲКАМ ҚҮРҒОНИ

Хурматли аскар ва сержантлар, офицер ва генераллар, Қуролли Кучларимиз фахрийлари!

Қадрли юртдошлар!

Шу кунларда бутун халқимиз мамлакатимиз ҳаётидаги буюк тарихий санани байрам қилмоқда. Яъни, Ватан ҳимоячилари куни ва Ўзбекистон Республикаси Қуролли Кучлари ташкил этилганининг 25 йиллиги юртимизда кенг нишонланмокда.

Ана шу кутлуг айём билан ўз ҳайтини Ватанни ҳимоя қилишдек энг улуғ ва олижаноб ишга багишлиган сиз, азизларни, сизларнинг тимсолингизда бутун халқимизни чин қалбимдан самимий табриклайман.

Бугун, мағана шу шонли байрам кунида буюк давлат ва сиёsat арбоби, Ўзбекистон Республикасининг Биринчи Президенти мухтарам Ислом Абдуғаниевич Каримовнинг ёркин хотирасига барчамиз яна бир бор хурмат бажо келтирамиз. Ўтган 25 йил давомида Қуролли Кучларимизни барпо этиш йўлида қўлга киритган бекиёс ютукларимиз азиз Юртбошимизнинг номи билан чамбарчас боғлик эканини чукур миннатдорлик билан эсга оламиз.

Ўзбекистон мустақилликка эришган биринчи кунларда айнан Ислом Абдуғаниевич намоён этган принципиал позиция, сиёсий ирода ва азму шижаог

туфайли миллий армиямизга асос солинди. 1992 йил 14 январда юртимиз ҳудудида жойлашган барча ҳарбий тузилмалар Ўзбекистон Республикаси юрисдикциясига ўтказилди. Мана, 25 йилдирки, ана шу тарихий кун Куролли Кучларимиз пойдевори қўйилган, истиклолимиз солномасига олтин ҳарфлар билан ёзилган буюк сана сифатида байрам қилинмоқда.

Биринчи Президентимиз ўша оғир йилларда «Ўзининг буюк тарихи ва аждодларига муносиб ворис бўлган ҳалқимиз мамлакат хавфсизлигини таъминлашга қодир армияни яратади олади», деб катта ишонч билан айтган эдилар.

Бугунги кунда ана шу улкан ишончга ҳар томонлама лойик бўлган Куролли Кучларимиз ташкил этилганини барчамиз кўриб турибмиз.

Ҳақиқатан ҳам, тарихан қисқа муддатда мамлакатимиз мустақиллиги, ҳудудий яхлитлиги, чегараларимиз дахлсизлигини, ҳалқимизнинг тинч ва осоиишта ҳаётини ишончли ҳимоя қилишга қодир бўлган миллий армия барпо этилди, деб гурур ва ифтихор билан айтишга бугун барча асосларимиз бор.

Собиқ Иттифок ҳудудида турли қуролли тўқнашув ва қарама-қаршиликлар юз бераётган гоят мураккаб шароитда Ўзбекистон Куролли Кучларига асос солингани, ҳеч муболагасиз айтиш мумкин, ёш давлатимизни қуриш жараёнида ҳал этилган буюк вазифалардан бири бўлди. Айнан миллий армиямиз мамлакатимизда эркин, озод ва фаровон ҳаёт бунёд этиш, демократик ислоҳотларни самарали амалга ошириш йўлида ишончли кафолат, тоғдек таянч бўлиб келмоқда.

Албатта, мустақилликнинг ilk йилларида барча соҳалар каби ҳарбий йўналишда ҳам кўплаб оғир муаммолар тўпланиб қолган эди. Аввало, қўшинларнинг моддий-техник таъминот тизими талаб даражасида эмас эди. Ҳарбий тузилмалар ўзининг курилиши ва жанговар таркиби бўйича янги пайдо бўлган таҳдидлар олдида заиф эди. Энг мушкул муаммо малакали ҳарбий кадрлар етишмасди. Шунинг учун миллий армиямизни барпо этиш ва ислоҳ килиш бўйича ҳар томонлама чукур ўйланган ва узок муддатга мўлжалланган стратегия ишлаб чикилди.

Ўтган чорак аср давомида ана шу стратегия асосида, Миллий хавфсизлик концепцияси ва Мудофаа доктринаси доирасида кўп ишлар килинди. Юз бериши мумкин бўлган ҳарбий ҳаракатлар театри ва унинг реал хусусиятлари, илғор хорижий тажрибалар ҳар томонлама хисобга олинди. Шу асосда ихчам, яхши таъминланган, юксак жанговар рухга эга бўлган миллий армиямиз барпо этилди.

Қиска муддатда ҳарбий округлар, чегара минтақалари, шунингдек, жанговар кобилиятга эга кўшин гурухлари, биринчи навбатда, мураккаб жанговар операцияларни амалга оширишга кодир бўлган Ички вазифалар корпуси ва Maxsus операциялар бўйича кучлар ташкил этилди.

Бугунги кунда ҳарбий бошқарувнинг самарали тизими шакллантирилди. Куролли Кучлар таркибида турли кўшинларнинг ўзаро мувофик ҳолда ва ҳамкорликда ҳаракат килишини таъминлайдиган механизмлар фаолият кўрсатмоқда.

Ҳарбий кадрларни тайёрлаш ва қайта тайёрлаш ҳамда малакасини ошириш тизими принципиал жихатдан мутлақо янги асосга ўтказилди.

Мустакилликнинг дастлабки йилларида маҳаллий офицер кадрлар юртимиздаги ҳарбий хизматчилар умумий сонининг – шунга эътибор беринг – атиги 0,6 фоизини ташкил этарди. Офицерларни тайёрлаш эса учта ҳарбий билим юртида ва бор-йўғи учта ҳарбий мутахассислик бўйича олиб борилар эди. Амалга оширилган ишлар натижасида қўшимча ра-вишда янги, замонавий учта ҳарбий таълим муассаси ташкил этилди, курсантларни ўқитиш тизими эса кўп тармоқли асосда йўлга кўйилди.

Юкори бўғин кўмондонлик офицерларини тайёрлаш ҳамда мудофаа қурилиши соҳасида илмий-тадқиқотлар ва ишланмаларни амалга ошириш бўйича энг зарур вазифалар самарали ҳал этилмоқда. Бу борада айникса 1995 йилда ташкил этилган Куролли Кучлар академияси ғоят мухим ўрин эгаллаб келмоқда.

Шунингдек, армиянинг асосий таянчи бўлган сержантлар корпусини шакллантиришга алоҳида эътибор қаратилди. Сержантларни ўқитиш 2001 йилда илгор халқаро стандартлар асосида ташкил этилган сержантлар тайёрлаш мактабларида 26 та йўналиш ва мутахассислик бўйича олиб борилмоқда.

Қадрли дўстлар!

Мустакилликка эришганимиздан сўнг фуқароларни муддатли ҳарбий хизматга чакириш тизимини ислоҳ қилиш бўйича ҳам улкан ишлар амалга оши-

рилди. Бунинг натижасида жамиятимизнинг армияга бўлган муносабати тубдан ўзгарди.

Миллий армиямиз ташкил этилган дастлабки йилларда ҳарбий кисмларни ёш аскарлар билан тўлдиришда жиддий муаммолар мавжуд эди. Собиқ шўро тузумида армияда хизмат килган катта авлод вакиллари яхши билади, ўша пайтда ҳарбий хизматни ўташ, айникса, Ўзбекистон ёшлари учун оғир ташвиш ва машаққат эди. Чунки, юртимиз ёшлари асосан курилиш батальонларига кора ишчи сифатида юбориларди.

Ҳарбий кисмлардаги носоғлом маънавий-рухий мухит, устав коидаларига зид бўлган муносабатлар туфайли қанча-қанча навқирон йигитлар, ота-оналар жабр чеккани – булар ҳаммаси ҳақиқат.

Янги миллий армияни яратишда бундай салбий иллатларга мутлақо чек қўйиш керак эди. Шу максадда бир неча йиллар давомида изчил иш олиб борилди. Жумладан, муддатли ҳарбий хизмат бир йил этиб белгиланди, ҳарбий хизматчиларнинг ижтимоий-маиший шароитлари, озиқ-овқат таъминоти тубдан яхшиланди. Муддатли ҳарбий хизматни ўтаб, резервга бўшатилган ёшларнинг ишга жойлашиши ва олий ўкув юртларига ўқишига кириши билан боғлик имтиёзлар тизими белгиланди. Буларнинг барчаси ҳарбий жамоаларда соғлом маънавий-ахлоқий мухит шаклланиб, ёшлар ўртасида ҳарбий хизматнинг нуфузи кескин ошишида мухим омил бўлди.

Ана шу ислоҳотларнинг мантикий давоми сифатида фуқароларнинг сафарбарлик-чакирув-резерв хизматини ўташини назарда тутадиган ўзига хос ноёб тизим яратилди. Бу тизимда ёшлар нафакат зарур ҳарбий тайёргарликдан ўтади, балки жисмоний ва маънавий жиҳатдан чиниқади. Улар ўзларининг фуқаролик масъулияти, Ватан ҳимоячиси сифатидаги муқаддас йигитлик бурчини чукур англаб, ўз юртига фидойи инсон бўлиб етишади.

Бугунги кунда миллий армиямиз минг-минглаб ўғлонларимиз учун чинакам мардлик, фидойилик, ҳакиқий ватанпарварлик мактабига айлангани, ҳеч шубҳасиз, шу йўлда эришган энг катта ютуғимиздир. Бу ҳакиқатни юртимиздаги барча ота-оналар, бутун ҳалқимиз ғурур билан, миннатдорлик билан эътироф этмоқда.

Ҳозирги кунда оналар ўз фарзандларини армияга кўзда ёш, юракда хавотир билан эмас, балки менинг ўғлим ҳакиқий Ватан ҳимоячиси бўлади, деб, юксак ишонч ва фахр туйғуси билан кузатмоқда.

Оналар кўнглидаги розилик – бу бутун ҳалқимиз қалбидаги розилик ифодаси, десам, айни ҳакиқатни айтган бўламан.

Хурматли юртдошлар!

Миллий армиямиз ривожланиб бориши билан уни курол-ярог ва техника билан таъминлаш бўйича ҳам кенг кўламли чора-тадбирлар амалга оширилмоқда. Кўшинлар замонавий ва модернизация қилинган

ўк отар ва оғир қуроллар, вертолётлар, самолётлар, ҳаво ҳужумидан мудофаа воситалари, автомобиль ва зирхли техника, алоқа воситалари билан таъминланмокда.

Ҳарбий хизматчилар ва уларнинг оила аъзоларини ижтимоий ҳимоя қилиш, ҳарбий шаҳарчаларда замон талабларига жавоб берадиган ижтимоий-маиший шароитлар яратишга алоҳида эътибор қаратилмоқда. Шу мақсадда комплекс дастурлар амалга оширилмоқда. Ана шу дастурлар доирасида 15 мингдан ортиқ ҳарбий хизматчилар оиласи уй-жой билан таъминлангани, айниқса, эътиборлидир.

Ҳеч шубҳасиз, биз бу йўналишдаги тизимли ишларни келгусида ҳам изчил давом эттирамиз.

Мустақиллик йилларида Куролли Кучлар устидан фуқаролик назоратини амалга ошириш бўйича самарали механизм ишлаб чиқилди. Бу механизм миллий армия фаолиятида очиқликни таъминлашда катта аҳамиятга эга бўлмоқда. Шунингдек, ҳарбий курилиш соҳасидаги сиёсатни ишлаб чиқиш ва амалга ошириш, ҳарбий хизматчилар ва чакирув ёшидаги фарзандларимизни тарбиялашга фуқаролик институтлари ва жамоат ташкилотларини кенг жалб этишда муҳим роль ўйнамоқда. Мудофаа ва хавфсизлик масалалари бўйича Олий Мажлис палаталари қўмиталари, Мудофаа вазирлиги хузурида 2012 йилда ташкил этилган Жамоатчилик кенгаши бутунги кунда Куролли Кучлар билан фаол ҳамкорлик олиб бормоқда.

Буларнинг барчаси миллий армиямизни халқимизга, халқимизни миллий армиямизга янада яқинлаштиришдек гоят муҳим мақсадга хизмат қилмоқда.

Фурсатдан фойдаланиб, Қуролли Кучларимизни барпо этиш, унинг жанговар кудратини ошириш йўлида фидокорона меҳнат килган ҳарбийларимизга, шу эзгу ишга ҳисса қўшган барча юртдошларимизга чуқур миннатдорлик билдираман.

Мухтарам дўстлар!

Хозирги вактда жаҳонда ва минтақамизда ҳарбийсиёсий вазият кескин ўзгариб, миллий ва глобал хавфсизлик соҳасида хатар ва таҳдидлар тобора кучайиб бормоқда. Ана шундай ўта масъулиятли вазият ва ҳаётнинг ўзи эришган барча ютуқларимизни, шу билан бирга, йўл кўйган камчиликларимизни чуқур ва таңқидий таҳлил қилишни барчамиздан талаб этмоқда. Шу асосда миллий армиямизни янада ривожлантириш ва такомиллаштириш борасида пухта ўйланган ва изчил ҳаракатларни давом эттиришимиз даркор.

Биринчидан, миллий хавфсизлик каби ўта муҳим соҳани қонун талаблари асосида бошқариш самарасини ошириш бизнинг устувор вазифаларимиз каторига киради. Афсуски, бу соҳадаги кўплаб хужжатларимиз ҳозирги давр талабларига жавоб бермаяпти.

Биз миллий хавфсизликни таъминлашда стратегик режалаштириш бўйича аник давлат тизимини барпо этишга объектив зарурат сифатида эҳтиёж сезмокдамиз.

Ушбу тизимда доимо янгиланиб борадиган Миллий хавфсизлик концепцияси марказий ўринни эгаллаши шарт. Мазкур концепцияда Ўзбекистон ташки сиёсатига хос мослашувчанлик ва очиқлик тамойиллари, бизнинг яқин қўшниларимиз билан конструктив муносабатларни ривожлантириш устувор вазифа экани акс эттирилиши даркор. Айни вактда Ватанимиз мустақиллиги ва суверенитети, ҳалқимизнинг маданий-тарихий ўзига хослигини асрash бўйича қатъий кўрсатмалар белгилаб берилиши керак.

Шу муносабат билан муҳим бир ёндашувни яна бир бор таъкидлашни ўринли, деб биламан: ҳеч қандай ҳарбий-сиёсий блокларга қўшилмаслик, Ўзбекистон Республикаси ҳудудида хорижий давлатларнинг ҳарбий база ва объектларини жойлаштиришга йўл қўймаслик, ҳарбий хизматчиликаримизнинг хориждаги тинчлиқпарварлик операцияларида иштирок этмаслиги сиёсатига содик қолиш бундан бўён ҳам мамлакатимизнинг принципиал позицияси бўлиб қолади.

Жаҳонда ва минтақада вазиятнинг ривожланиш динамикасини хисобга оладиган бўлсак, вужудга келадиган хавф-хатар ва таҳдидларга муносиб зарба бериш зарурати, шунингдек, бизнинг устувор вазифа ва имкониятларимиз Ўзбекистон Республикаси Мудофаа доктринасини қайта ишлаб чиқишини талаб этади.

Фақат ана шундай тизимли ёндашув биз учун миллий хавфсизликни таъминлаш соҳасида ягона,

мувофикаштирилган ва изчил стратегияни ишлаб чикиш, мавжуд ресурс ва маблағларни устувор максадларга йўналтириш, уларни бехуда сарфламаслик, иккинчи даражали вазифаларга чалгиб кетмаслик имконини беради.

Иккинчидан, Куролли Кучлар қурилишининг ташкилий тизимини янада такомиллаштириш лозим. Ҳарбий қурилиш соҳасида тўпланган тажрибани ҳисобга олган ҳолда, ҳар қайси ҳарбий округнинг таркибий тузилиши ва вазифаларини аниклаш даркор. Бу борада улардан айнан қайси вазифаларни ҳал этиш учун фойдаланиш кераклиги, қўшинларнинг қўлланиш ва шунингдек, операцияларни ўтказиш йўналишлари бўйича ўзига хос хусусиятларига алоҳида эътибор қаратиш зарур. Шу билан бирга, бизнинг «ҳаво қалқонимиз» – Ҳаво ҳужумидан мудофаа ва Ҳарбий ҳаво кучлари қўшинларини оптималлаштириш вазифаси ҳам катта эътибор ва ресурсларни сафарбар этишни талаб қиласди.

Қиска муддатда уларнинг ташкилий тузилиши ва бошқарув тизимини такомиллаштириш, шунингдек, уларни замонавий техника ва қурол-ярог билан таъминлаш бўйича комплекс тадбирларни амалга ошириш лозим.

Учинчидан, қўшинларни тайёрлаш борасидаги тадбирларни режалаштиришга оид янгича ёндашувни ишлаб чикиш муҳим аҳамиятга эгадир. Бу тадбирлар авваламбор ҳарбий бўлинмаларга юклангандан вазифаларга, уларнинг тайёргарлик ва таъминланиш даражасига мос бўлиши зарур.

Биз учун бу борадаги якуний мезон – амалий натижа, яъни, бутун эътиборни Куролли Кучларнинг жанговар кобилияти ва тайёргарлигини реал оширишга, уларнинг юқори даражадаги уюшқоқлиги ва самарали ҳамкорлигига қаратишдан иборат.

Тўртингчидан, барча бўғиндаги профессионал ҳарбий кадрлар тайёрлаш тизимини такомиллаштириш бизнинг эътиборимиз марказида бўлиб колиши зарур.

Шу нуктаи назардан қараганда, мутлақо янги Куролли Кучлар академиясини ташкил этиши бу йўналишдаги биринчи қадам бўлиши даркор. Ушбу ўкув маскани Тошкент олий умумкўшин кўмондонлик билим юртининг шонли ҳарбий анъаналарини ва ҳозирги мавжуд академия ҳамда мамлакатимиздаги етакчи илмий-таълим муассасаларида тўпланган фаолият тажрибасини ўзига қамраб олиши керак.

Ишончим комил, бу академия ҳарбий таълимнинг ягона тизимида ҳакиқатан ҳам асосий ўринни эгаллайди, том маънода ҳарбий илм-фан марказига айланади. Академияда лейтенантлар тайёрлаш, фаолият кўрсатаётган офицерлар малакасини ошириш ва шунингдек, армиямиз бошқарув таркибидаги кўмондонлик кадрларини маҳсус тайёргарликдан ўтказиш давом эттирилади.

Бу вазифани амалга оширишда биз таълим жараёнига энг янги усул ва технологияларни жорий этишимиз, аудиторияларни замонавий тренажёрлар, ўкув ва лаборатория асбоб-ускуналари ва компьютер техникаси билан жиҳозлашимиз лозим.

Академия тингловчиларининг умумий маданиятини ошириш, уларнинг дам олиши ва спорт билан шуғулланиши учун барча кулай шароитларни яратишимиз даркор.

Бу жараёнда ҳарбий билим юртида ҳақиқатан ҳам таълим олишга муносаб, юксак ақл-заковат ва етакчилик қобилиятига эга бўлган ёшларни аниқлаш учун уларни ўқишга танлаб олишда талабни ошириш лозим. Шу мақсадда мамлакатимизнинг ҳар бир минтақасида икки-учтадан коллеж ва лицейни белгилаб қўйиш керак. Ана шу коллеж ва лицейлар ўзларининг асосий вазифалари билан бирга, олий ҳарбий ўкув юртларига кирадиган ёшларни чукур тайёрлаш билан ҳам шуғулланади.

Бундан ташқари, барча олий ҳарбий таълим муассасалари профессор-ўқитувчилари таркибини тайёрлаш, жумладан, уларнинг хориждаги етакчи олий таълим муассасаларида малака ошириш имкониятларидан кенг фойдаланиш мақсадга мувофиқдир.

Бешинчидан, қўшинларни замонавий қуроляроғ ва ҳарбий техника билан қайта таъминлаш – бугунги ва истиқболдаги энг муҳим вазифамиздир.

Афсуски, бу масала биз кутган даражада жадал суръатлар билан амалга оширилмаяпти.

Шу муносабат билан биринчи галдаги вазифа сифатида 2017 – 2021 йилларга мўлжалланган комплекс дастур ишлаб чиқишимиз керак. Унда ҳарбий аҳамиятга эга маҳсулотлар сотиб олиш, мавжуд техника воситаларини таъмирлаш ва модернизация

килиш, бу борадаги ишларни мақсадли молиялаштириш бўйича аник тадбирлар кўзда тутилиши даркор.

Мамлакатимизда ҳарбий саноат мажмуасини барпо этиш вакти келди, деб ҳисоблайман. Шу нунктаи назардан, Бош вазирнинг биринчи ўринбосари А.Ж.Раматов бошлигига мудофаа саноати соҳасида ягона сиёсатни амалга ошириш учун масъул бўлган тегишли давлат органини ташкил этиш масаласини кўриб чиқиш керак. Унинг таркибига Мудофаа вазирлигининг таъмирлаш бўйича барча корхоналарини, шунингдек, Чирчик авиация таъмирлаш заводи ҳамда ўқ-дори тайёрлайдиган «Восток» илмий-ишлаб чиқариш бирлашмасини ўтказиш зарур.

Келгусида ана шу корхоналар фаолияти самарадорлигини ошириш билан бирга, илмий-ишлаб чиқариш базасини яратиш, сервис марказлари ва кўшма корхоналар ташкил этишга, шунингдек, мамлакатимизнинг етакчи корхоналарида ҳарбий аҳамиятга эга бўлган айрим турдаги маҳсулотларни ишлаб чиқаришни маҳаллийлаштиришга алоҳида эътибор каратиш керак.

Олтинчидан, ҳарбий хизматчиларни ижтимоий ҳимоя қилиш бўйича чора-тадбирлар самарадорлигини ошириш дикқатимиз марказида бўлиши даркор. Бу соҳада қабул қилинган давлат дастурини амалга ошириш бўйича янги механизmlарни ишлаб чикиш объектив заруратга айланганини бугун яккол ҳис этмоқдамиз.

Шу мақсадда хизматни ўташ тартиби, фронт орти таъминоти, ҳарбий хизматчиларни уй-жой билан таъминлаш, уларга тиббий хизмат кўрсатишни такомиллаштиришга қаратилган, кўпдан буён ҳаёт талабига айланган норматив-хукукий ҳужжатларни ишлаб чиқиши тезлаштириш муҳим аҳамиятга эга. «Ҳарбий хизматни, ички ишлар ва божхона идораларида хизматни ўтаган шахслар ҳамда уларнинг оила аъзоларини пенсия билан таъминлаш тўғрисида»ги Ўзбекистон Республикаси қонунини қабул килиш зарур, деб ҳисоблайман.

Маълумки, мамлакатимизда якка тартибда уй-жойлар куриш учун узок муддатли имтиёзли ипотека кредитлари ажратиш бўйича жорий этилган янги тизим бугунги кунда ижобий натижа бермоқда.

Ана шу тизимни ҳарбий хизматчиларни уй-жой билан таъминлаш бўйича ҳам кенг жорий этиш зарур.

Шу йилнинг ўзида мамлакатимизнинг барча минтақаларида ҳарбий хизматчиларнинг оиласлари учун уларга имтиёзли ипотека кредитлари бериш йўли билан уч қаватли 56 та уй-жой биносини барпо этамиз.

Еттинчидан, ёшларимизни ватанпарварлик руҳида тарбиялаш бўйича узлуксиз олиб бориладигай ишлар биз учун долзарб аҳамиятга эгадир.

Барчамизга яхши маълумки, ватанпарварлик ҳар бир давлат ҳаётининг маънавий асоси ҳисобланади ва жамиятни ҳар томонлама ривожлантириш борасида энг муҳим сафарбар этувчи куч сифатида намоён

бўлади. Шунинг учун ҳам фуқароларимизда бизга мутлако ёт бўлган заарли таъсирларга қарши мустаҳкам иммунитетни шакллантириш ва Ватанимиз тақдири учун масъулият туйғусини мустаҳкамлаш бўйича аник чора-тадбирларни кўришимиз шарт.

Ана шу мураккаб ишда армия сафларида мардлик ва матонат, Ватанга садоқат билан хизмат қилиш мактабини ўтаган навқирон ўғлонларимиз ишончли таянч ва суюнч бўлиб хизмат қилади.

Шу муносабат билан мудофаа ишлари бўйича бошкарма ва бўлимлар бундай ёшлар билан доимо алокада бўлиши керак. Мазкур бошкарма ва бўлимларнинг бу йўналишдаги ва маҳаллий ҳокимият органлари билан ҳамкорлик қилиш соҳасидаги ваколатларини кенгайтириш муҳим аҳамиятга эгадир.

Шу борада Бош вазир А.Н.Арипов бошчилигида муддатли ҳарбий хизматни ва сафарбарлик-чақиурв-резерв хизматини ўтаган фуқароларни ишга жойлаштириш бўйича республика комиссиясини, жойларда эса бевосита ҳокимлар раҳбарлигида вилоят, шаҳар ва туман комиссияларини ташкил этиш яна бир амалий қадам бўлур эди.

Сизларга яхши маълумки, Мудофаа вазирлиги хузуридаги Жамоатчилик кенгаши ёшларни ватан-парварлик руҳида тарбиялаш бўйича кўпгина ютукларга эришмоқда. Шуни эътиборга олган ҳолда, вилоят ҳокимларни таркибида ушбу кенгашнинг минтақавий бўлинмаларини тузиш орқали унинг имкониятларини кенгайтириш зарур. Бу бўлин-

маларнинг ишини ҳарбий округлар кўмондонлиги билан яқин ҳамкорликда ташкил этиш мақсадга мувофиқдир.

Қадрли дўстлар!

Ҳозиргина баён қилинган барча вазифаларни катъий ва изчил амалга ошириш биздан миллий армиямизни янада ислоҳ этиш, унинг салоҳияти ва жанговар кобилиятини ошириш бўйича тизимли ишларни давом эттириш ва чукурлаштириш борасида бутун куч ва имкониятларимизни сафарбар этишни талаб килади. Айнан шунинг учун мамлакатимиз ижтимоий-сиёсий ҳаётининг бошқа соҳалари каби ушбу йўналишдаги долзарб вазифалар ҳам ҳозирги кунда ишлаб чиқилаётган **Ўзбекистон Республикасини 2017–2021 йилларда ривожлантириш Ҳаракатлар стратегиясида** аниқ белгилаб берилмоқда.

Ана шу ўта мухим хужжатга биноан мудофаа соҳасидаги конунчилик базаси, қўшин гурухларининг жанговар таркиби, ташкилий тузилмаси, ҳарбий қадрлар тайёрлаш ва уларнинг сафини тўлдириш самарадорлигини ошириш чоралари кўрилади. Шунингдек, қўшинларни замонавий қурол-ярог ва техника билан қуроллантириш ҳамда уларни ҳар томонлама таъминлаш масалаларини яхшилашга йўналтирилган аниқ чора-тадбирлар кабул килинади ва амалга оширилади.

Азиз ва муҳтарам юртдошлар!

Мана шу куттуғ айёмда ҳарбий соҳада ўзининг масъулиятли ва шарафли бурчини муносиб адо этაётган мард ўғлонларимиз – аскар ва офицерлар,

барча Ватан посбонлари, уларнинг ота-оналарига ўз номидан, халқимиз номидан самимий миннатдорлик билдираман.

Сиз, азизларни, сизларнинг тимсолингизда бутун халқимизни бугунги улуғ байрам – Куролли Кучларимиз ташкил топганининг 25 йиллик санаси билан яна бир бор чин қалбимдан муборакбод этаман.

Барчангизга мустаҳкам соғлик, оиласарингизга баҳту саодат, Ватанни ҳимоя килишдек олижаноб фаолиятингизда куч-ғайрат ва ютуклар тилайман.

*Ватан ҳимоячилари куни ва Ўзбекистон Республикаси
Куролли Кучлари ташкил этилганининг 25 йилтигига
багишланган тантанати маросимдаги табрик нутқи.*

2017 йил 13 январь

**ТАНҚИДИЙ ТАҲЛИЛ,
ҚАТЪИЙ ТАРТИБ-ИНТИЗОМ
ВА ШАХСИЙ ЖАВОБГАРЛИК –
ҲАР БИР РАҲБАР ФАОЛИЯТИНИНГ
КУНДАЛИК ҚОИДАСИ
БЎЛИШИ КЕРАК**

Ҳурматли мажлис иштирокчилари!

Мана, 2016 йил якунига етди.

Бу йил Ўзбекистон ва унинг халқи учун кўп жиҳатдан мураккаб йил бўлди. Охирги беш ойда юз берган воқеалар буни якқол тасдиклаб турибди.

Юртимизда бўлиб ўтган Президент сайлови ва Ўзбекистон Конституциясининг 24 йиллигига бағишланган байрам тадбирлари давлатимиз тизими мустаҳкамлигини, ҳокимиятнинг барча бўғинлари, жамиятимиз ва халқимизнинг жиспслигини бутун дунёга яна бир бор намоён этди.

Барчамиз учун азиз ва қадрли бўлган Ислом Абдуғаниевич Каримов бугун орамизда йўқ. Бироқ Биринчи Президентимиз томонидан ишлаб чиқилган тараққиётнинг «ўзбек модели»ни амалга ошириш ва замонавий давлат барпо этиш борасидаги стратегик тамойилларга биз ўз ишимизда доимо суюнамиз.

Бу тамойиллар Ўзбекистонда бундан буён ҳам сиёсий, иқтисодий ва ижтимоий ўзгаришларни таъминлашнинг мустаҳкам пойдевори хисобланади.

2017 йилни биз Халқ билан мулокот ва инсон манфаатлари йили, деб эълон қилдик. Бугунги мажлисизмизнинг асосий мазмунини айнан шу талабдан келиб чиқкан ҳолда белгилашни таклиф этаман. Шу муносабат билан сизларнинг эътиборингизни куйидаги энг муҳим масалаларга қаратишни зарур, деб хисоблайман.

Биринчидан, нима сабабдан ўтган йилда иқтисодиёт тармоқлари ва худудларни ривожлантиришнинг айрим кўрсаткичларига эришилмади? Бунинг учун ким шахсан жавоб беради?

Иккинчидан, 2017 йилга мўлжалланган иқтисодий дастурнинг энг муҳим йўналишлари ва устувор вазифаларини белгилаб олишимиз зарур.

Учинчидан, келгуси беш йил давомида қандай стратегик вазифаларни амалга оширишимиз керак?

Мажлис иштирокчиларини огохлантириб айтмоқчиман: «ғалаба рапортлари» ва қилинган ишга доир хисботларга берилмасдан, асосий дикқат-эътиборни мавжуд камчиликлар ва уларнинг илдизларини пухта таҳлил килишга қаратиш зарур. Шунингдек, мамлакат Президенти ва ҳукумати даражасида ечиладиган аник таклифлар ва муаммоли масалаларга эътибор бериш шарт.

Мажлисни асосан мулокот тарзида ўтказишини таклиф этаман. Кўйилган саволларга бериладиган жавоблар аник-равшан ва тушунарли бўлиши керак. Бу нафақат Бош вазир ўринбосарлари, ҳукумат аъзолари ва шу залда ўтирган мажлис иштирокчиларига, балки барча шаҳар ва туман раҳбарларига ҳам бирдек тегишлидир.

Бугун мамлакатимизнинг барқарор ривожланиш йўлида изчил илгарила боришини таҳлил қилас эканмиз, ўтган йили принципиал муҳим ислоҳотларни амалга ошириш бўйича қатъий қадамлар қўйилди, деб айтишга барча асосларимиз бор.

Бу ислоҳотларнинг асосий мақсади – аҳоли учун муносаб ҳаёт даражаси ва сифатини таъминлашдир.

Жадал ва барқарор ривожланишга қаратилган бу сиёsat бундан кейин ҳам сўзсиз давом эттирилади.

Танқидий таҳлил, қатъий тартиб-интизом ва шахсий жавобгарлик ҳар бир раҳбарни – бу Бош вазир ёки унинг ўринбосарлари бўладими, хукумат аъзоси ёки худуд ҳокими бўладими, улар фаолиятининг кундалик қоидаси бўлиб қолиши керак.

Энди ҳар биримиз, энг аввало, давлат бошқаруви органлари раҳбарларининг вазифаси – ўзимиз масъул бўлган соҳа ва тармоқда ишларнинг ахволини танқидий баҳолаш асосида зиммамизга юклатилган вазифаларни масъулият билан бажаришни таъминлашдан иборат. Шундай давр келди.

Ана шу талабни, шунингдек, 2017 – 2021 йилларда Ўзбекистонни янада ривожлантириш бўйича Ҳаракатлар стратегияси лойиҳасини кенг муҳокама қилиш давомида келиб тушган таклифларни инобатга олган ҳолда, 2017 йил учун мўлжалланган иқтисодий ва ижтимоий дастурнинг ўн битта энг муҳим устувор вазифасини белгилашни таклиф этаман.

Ушбу устувор вазифалар бугунги мажлисимиз баённомаси лойиҳасида кўрсатилган. Шу муносабат

билан Бош вазир А. Ариповга ана шу йўналишларни амалга ошириш бўйича ўзаро боғлик чора-тадбирлар комплексини бир ой муддатда тақдим этиш топширилади.

Энг асосий устувор вазифа – «Халқ билан мuloқot va инсон манфаатлари йили» Давлат дастурини амалга ошириш, **«Инсон манфаатлари ҳамма нарсадан устун»** деган олижаноб гояни изчиллик билан ҳаётга татбик этишдан иборат.

Айнан ана шу энг муҳим вазифалар иқтисодий ислоҳотларни чуқурлаштиришнинг асосий йўналишлари ва устувор вазифаларига жиддий ўзгартиришлар киритиш учун пойдевор бўлиши керак.

Бунинг учун куйидаги вазифаларни бажаришимиз лозим.

Биринчи – фуқаролар билан очик мuloқotни йўлга кўйишининг янги самарали усул ва механизmlарини татбик қилиш, жумладан, барча даражадаги ҳокимлар, прокуратура ва ички ишлар органлари раҳбарларининг аҳоли олдида ҳисобот бериш тизимини жорий этиш керак. Ўйлайманки, ана шу муҳим ишда Конунчилик палатаси ва Сенат қўмиталари фаол иштирок этади.

Жорий йилнинг 1 февралидан бошлаб Конунчилик палатаси Спикери – Нуриддинжон Мўйдинхонович Исмоилов ва Сенат Раиси – Нигматилла Тўлқинович Йўлдошев ҳам жойларга чиқиб, мавжуд ахволни шахсан ўрганиш асосида аҳолининг энг

мухим эҳтиёжларини ҳал этишда амалий ёрдам кўрсатишлари мақсадга мувофиқдир.

Иккинчи – Ўзбекистон Республикаси Президентининг Коралпоғистон Республикаси, вилоятлар ва Тошкент шаҳридаги, ҳар бир туман ва шаҳардаги Халқ қабулхоналари, Ўзбекистон Республикаси Президентининг Виртуал қабулхонаси фаолиятини самарали ташкил этишни таъминлаш даркор.

Ана шу ишларнинг бош мақсади – фуқароларнинг қонуний мурожаатларини қисқа муддатда синчилаб кўриб чиқишини ва ҳал этишни таъминлашдир. Бу борада рақамлар ва силлиқ ҳисоботларнинг орқасидан қувиб, навбатдаги кампаниябозликни уюштириш керак эмас.

Буни ҳалқ ҳеч қачон кечирмайди!

Бундан буён агар аризачи олган жавоб хатидаги ўз қонуний муаммоси ечимидан қаноат ҳосил қиласа, бундай мурожаат назоратдан олинмайди.

Учинчи – Бош вазир бошчилигига тузилган маҳсус комиссия бир ҳафта муддатда «Халқ билан мулокот ва инсон манфаатлари йили» Давлат дастури лойиҳасини яна бир бор қайта кўриб чиқиб, тасдиқлаш учун киритиши керак.

Макроиқтисодий барқарорликни янада мустаҳкамлаш ва иқтисодий ўсишнинг юқори суръатларини сақлаб қолиш, жумладан, Давлат бюджети барча даражада мутаносиб, миллий валюта ва ички бозордаги нарх даражаси барқарор бўлишини таъминлаш – энг муҳим устувор вазифамиздир.

Бош вазирнинг барча ўринбосарлари, иқтисодиёт вазири Г.Саидова, молия вазири Б.Хўжаев, Давлат солик қўмитаси раиси Б.Парпиев ва Давлат божхона қўмитаси раиси М.Тоҳирийни 2017 йил учун белгиланган асосий макроиқтисодий кўрсаткичларга эришиш борасида шахсан жавобгар эканликлари тўғрисида яна бир бор огохлантираман.

Макроиқтисодиёт комплекси раҳбари Р.Азимов, иқтисодиёт вазири Г.Саидова ва молия вазири Б.Хўжаевнинг жорий йил якуни бўйича Давлат бюджети дефицити прогнозига доир таклифлари га қўшилиб бўлмасликии алоҳида таъкидламоқчи-ман.

Бу борада фақат бюджет профицити ҳақида сўз бориши мумкин ва зарур. Бу муҳокама қилишни эмас, балки сўзсиз бажаришни талаб этадиган стратегик вазифадир.

Бунинг учун жойларга чиқиш, ҳар бир хонадоннинг тадбиркорлик борасидаги имкониятини ўрганиш, молиялаштиришни кенгайтириш билан боғлик муаммоларни ҳал этиш, тадбиркорларни ишонтириш ва уларга амалий ёрдам бериш – бутун Макроиқтисодиёт комплекси фаолиятидаги кундالик қоидага айланиши керак.

Фақат шундагина натижага эриша оламиз. Шу муносабат билан ҳокимлар ва уларнинг биринчи ўринбосарлари ўз иш услуби ва дунёкарашини тубдан ўзгартириши шарт.

Ҳар бир туман ва шаҳарда, республика аҳамиятига молик йирик корхоналар хиссасини эътиборга

олмаган ҳолда, солиққа тортиш базасини кенгайтириш бўйича амалий чора-тадбирларни ишлаб чиқиш хисобидан Қорақалпоғистон Республикаси ва Тошкент вилоятининг барча туманларини субвенциядан чиқаришни сўзсиз таъминлаш керак.

Бу йил бошка ҳокимликлар ва тегишли органлар учун ҳам субвенциядан кутулиш масаласида синов иили бўлади. Бунинг учун Макроиктисодиёт комплекси таркибидаги вазирлик ва идоралар ҳар куни, ҳар ҳафта самарали ва тинимсиз иш олиб бориши керак. Бусиз натижага эришиб бўлмайди.

Шунинг учун Макроиктисодиёт комплекси рахбари Р. Азимов иктисодиётни бошқариш бўйича ҳозирги замонавий янги тизимлар самарадорлигига қўйи бўғиндаги раҳбарларни ишонтириши, уларни шу асосда ишлашга ўргатиши, бу борадаги натижа учун жавоб бериши ва уни кафолатлаши керак.

Хурматли дўстлар!

Ҳаётнинг ўзи ва ҳалкнинг талаблари бизнинг олдимизга амалий ечимини топиш лозим бўлган янги ва янада мураккаб вазифаларни қўймоқда.

Бу ўринда асосий муаммо, менинг назаримда, қўйидагилардан иборат:

Биринчидан, айрим идоралар ва уларнинг раҳбарлари реал ҳаётдан ва ҳалк эҳтиёжларидан маълум даражада узилиб қолмоқда.

Иккинчидан, тармок ва ҳудудларни ривожлантириш концепциялари ва дастурларини ишлаб чиқиша юзаки ёндашувга йўл қўйилмоқда.

Ва ниҳоят, учинчи **асосий камчилик** – кўпчилик раҳбарларнинг мураккаб муаммоларни кабинет-

дан чикмасдан, иктисодиёт тармоклари, ҳар бир корхонадаги, шаҳар ва туманлардаги, айникса, қишлоқ жойлардағи ишлар қандай ахволда эканини чукур ўрганмасдан ҳал этишға одатланиб колгани билан боғлиқ.

Шунинг учун бугун Бош вазир ўринbosарларидан ўзларига қарашли вазирлик ва идораларнинг адвокати бўлиб эмас, балки, энг аввало, давлат манфаатларидан келиб чиқкан ҳолда ана шу саволларга ғоят аниқ ва равshan жавоб беришни талаб қиласман. Шунингдек, комплекс таркибидаги ҳар бир бошқарув органи раҳбарига жиддий ва аниқ баҳо беришни сўрайман.

Барқарор иктисодий ривожланиш пойдевори бўлган таянч тармоклардаги ишларимиз қай ахволда?

Давлат томонидан бу тармоклар доимо қўллаб-кувватланаётган бўлса-да, нима сабабда изчил ва барқарор ўсиш таъминланмаяпти? Ва нихоят, нима сабабдан тажрибали комплекс раҳбари F.Ибрагимов томонидан самарали бошқарув жилови қўлдан чикариб юборилган?

Аниқ далилларга мурожаат қиласлик.

«Ўзбекнефтгаз» компанияси тизимида – А.Султонов – 2010 – 2016 йилларда кариб 20 миллиард долларлик катта капитал кўйилмалар киритилганига қарамасдан, суюк углеводород ва табиий газ қазиб олиш камайган.

Шу билан бирга, бу борада хомашё импорт килиш 1,3 баробар кўпайган. Йирик ва ҳаётй мухим

лойиҳаларни амалга ошириш муддатлари доимо барбод қилинмоқда. 40 минг киши ишлайдиган «Ўзтрансгаз» компанияси тизимида муддати ўтган дебитор қарздорлик 14 фоизга ошган.

Нима сабабдан, Гулом Иномович, сиз илгари ўзингиз раҳбарлик килган «Ўзкимёсаноат» акциядорлик жамияти тизимида ишлар ахволига сусткашлиқ билан ёндашяпсиз? Нима сабабдан ушбу тармоқдаги ишлар доимий равишда издан чиқмоқда? Қишлоқ хўжалигига фосфорли ўғитларни тўлиқ етказиб бермаслик ва уларнинг танқислиги учун шахсан ким жавоб беради? Охирги 10 йилда минерал ўгитларнинг нархи неча баробар ўсган?

Табиий савол туғилади: ўғитнинг таннархи неча марта камайган? Афсуски, бундай ҳақли саволларга жавоб йўқ. Бундан ким зарар кўряпти? Албатта, дехқон ва фермерларимиз.

«Ўзбекэнерго» акциядорлик жамиятида 67 минг киши, жумладан, қўштирнок ичидаги «пул йиғувчи»лар мавжуд бўлса-да, нима сабабдан улкан дебитор қарздорликнинг тагига етиб бўлмайди? Кўмир қазиб олиш тармоғи, таъбир жоиз бўлса, «ёнбошлаганича ётиди».

Сизга уч йил олдин ходимлар штати ҳаддан ташкари кенгайиб кетган, жумладан, кариндошлиқ асосида ишга олиш ва жуда юкори иш ҳаки белгилаш авж олган ўнлаб лойиҳа гурухлари фаолиятини пухта ўрганиб чиқиб, тартибга солиш топширилган эди. Нима учун топширикни охиригача бажармадингиз?

Сиз ва сизга бўйсунувчи раҳбарлардан бугун ана шу саволларга жавоб беришингизни талаб қиласман. Шу билан бирга, биринчи ярим йилда асосий эътиборни куйидаги вазифаларни амалга оширишга каратиш зарур:

биринчи – Навоий ва Олмалиқ кон-металлургия комбинатларида маҳсулот ишлаб чиқариш ҳажмини кўпайтириш бўйича яқинда тасдикланган дастурни сўзсиз амалга ошириш учун К. Санакулов ва А. Фармоновнинг шахсий жавобгарлигини таъминлаш шарт. Бир-икки фоиз микдордаги ўсиш суръатлари билан чегараланиб қолиш мумкин эмас.

Шу муносабат билан F.Ибрагимов қимматбаҳо металлар ишлаб чиқаришни кўпайтириш ва янги фабрикалар қуришга доир топширикни бажариш бўйича карор лойиҳасини киритишни тезлаштириши зарур;

иккинчи – нафакат жорий йилда, балки яқин 3–5 йилда фойдаланишга топшириладиган барча стратегик мухим объектларни ўз вақтида ишга тушириш даркор;

учинчи – нефть-газ маҳсулотлари экспортини кўпайтириш, импортни кескин камайтириш ва асбобускуналар ишлаб чиқаришни маҳаллийлаштириш ҳажмини ошириш учун кўшма корхона ташкил этиш бўйича пухта ишлаб чиқилган аник чора-тадбирлар комплексини тақдим этиш зарур.

Кейинги 10 йилда Вазирлар Махкамаси комплексларига карашли вазирлик ва идоралар томонидан

олиб кирилган асбоб-ускуналар импорти таҳлил қилинмаган. Уларни маҳаллийлаштиришдан ҳеч ким манфаатдор эмас, бу масала билан ҳеч ким астойдил шуғулланмаяпти. Бундай ёндашув замирида нима ётибди, деган ҳақли савол туғилади.

Шунинг учун бундан буён Вазирлар Маҳкамасининг ҳар чорак якуни бўйича мажлисларидан олдин алоҳида йигилишлар ўтказилиб, уларда ҳар қайси Баш вазир ўринбосарининг импортни ва таннархни камайтириш, маҳаллийлаштиришни кенгайтириш борасидаги ишларнинг аҳволи тўғрисидаги ҳисоботи эшитилади. Уларнинг фаолиятига холисона баҳо берилади.

Давлат геология қўмитаси тизими, шунингдек, унинг раҳбари И.Тўрамуратов фаолияти самарадорлиги алоҳида эътиборни талаб қиласди. Яқин вақт ичиди 2017 – 2021 йилларда минерал-хомашё базасини ривожлантириш ва тиклаш дастури лойиҳасини тақдим этиш зарур.

Баш вазир ўринбосари У.Розукулов раҳбарлик килаётган Машинасозлик комплексида юзага келган аҳвол бизни жiddий ташвишлантирумокда.

Энг аввало, сиз раҳбарлик килаёттан автомобилсозлик саноатида ишлаб чиқариш ҳажми кейинги уч йилда 2,8 баробар камайган. Бу нафакат саноат маҳсулоти ўсиш суръатига, балки мамлакатимиз ялпиички маҳсулоти ўсишига ҳам жiddий таъсир кўрсатмоқда. Бу соҳада импорт ҳажми экспортдан бир неча баробар юкори бўлиб, маҳаллийлаштириш даражаси эса импортта нисбатан 20 фоиздан ҳам паст бўлиб колмоқда.

Бутун кишлоқ хўжалиги машинасозлиги тизими-ни тубдан қайта қуриш таъминланмаган. Бу тизим ўз моҳиятига кўра нафақат кишлоқ хўжалигини механизациялаш ва фермер хўжаликлари меҳнатини енгиллаштиришнинг мустаҳкам пойдевори, айни вактда мамлакатимиз валюта балансини тўлдириш бўйича кафолатланган манба бўлиши керак эди.

Охирги йилларда шахсан сиз кадрлар билан ишлашни бўшаштириб юбордингиз. Сизнинг таклифингизга кўра «Ўзэлтехсаноат» компанияси раҳбари этиб Э.Иминов тайинланган эди. Бирок унинг иш натижалари ва бутун тармоқдаги аҳвол қандай?

Кўпгина инвестиция лойиҳаларини ишлаб чиқиш чўзиб юборилмоқда. Ички бозоримизнинг кўплаб товорларга бўлган эҳтиёжи 50 фоиз даражасида ҳам қондирилмаяпти. Экспорт бўйича топшириклар барбод қилинган.

Сиз ва компания раиси хорижий инвестиция ва замонавий ўскуна олиб келиб, замонавий ракобатдош ишлаб чиқариш корхоналари ташкил этганингизни мен эслай олмайман ҳам.

Сиз хусусий тадбиркорларнинг ўзи ташабbus кўрсатаётганидан қаноатланиб юрибсиз. Тармоқда эса ҳалигача зарур силжиш йўқ.

Сиз томонингиздан «Ўзстандарт» агентлиги раҳбарлигига тавсия қилинган А.Курбонов номзоди ва унга нисбатан талабчанлик кўрсатилмагани туфайли соҳада аниқ иш ва якуний натижа бўлмади. Халқаро стандартлаштириш ташкилотининг 21 минг

стандартидан атиги 13 фоизи мамлакатимизда жорий этилган, холос.

Шунинг учун ҳам сиздан ва тармок раҳбарларидан бугун куйидаги вазифаларни амалга ошириш бўйича комплекс чора-тадбирлар тўғрисида ахборот беринингизни талаб қиласман:

биринчи – автомобилсозлик саноатини ривожлантириш, унинг маҳсулотлари ракобатдошлигини, энг аввало, яқин ва узок хорижий мамлакатлар бозорларида ошириш бўйича принципиал жиҳатдан янги тизим зарур.

Бу борада мен «отвертка билан машина йигиши» эмас, балки асосий ва ёрдамчи тармоқларни барқарор ривожлантириш, ортиқча харажатлар ва таннархни камайтириш, маҳаллийлаштириш даражасини ошириш ва импортни қисқартиришни назарда туяпман;

иккинчи – аҳоли учун мақбул нархда турли маишӣ электр техника буюмлари ишлаб чиқаришни таъминлашимиз керак;

учинчи – ўтган йили биз «Ўзагротехсаноатхолдинг» акциядорлик жамиятини қайта ташкил этиш бўйича мухим ҳужжатлар қабул қилдик. Савол: уларни муваффакиятли амалга ошириш ва бу ўта мухим тармоқнинг барқарор иш юритишини таъминлаш бўйича сиз томонингиздан қандай аниқ чора-тадбирлар кўрилади?

тўртинчи – бутун стандартлаштириш тизимини тубдан қайта қуриш керак. Бундан кўзланган мақсад – мамлакатимизда ишлаб чиқарилган маҳсу-

лотлар замонавий халқаро стандартларга жавоб бериші лозим.

Сиз ва Баш вазирнинг бошқа ўринбосарлари учун мамлакатимиз иқтисодиёти тармоқлари ва худудларнинг экспорт салоҳиятини янада ривожлантириш бўйича комплекс чора-тадбирларни амалга ошириш 2017 йилда сўзсиз ҳал қилувчи фаолият йўналишига айланиши зарур.

Бу ўринда гап факат экспорт ҳажмининг ўсиш кўрсаткичлари ҳакида бораётгани йўқ. Кун тартибida ўта жиддий масалалар турибди. Булар – мамлакатимизда яратилган технологияларнинг ракобатдошлигини таъминлаш, «ноу-хау» намуналарини яратиш, замонавий ахборот-коммуникация технологияларини жорий этиш, яъни юқори сифатли маҳсулот ишлаб чиқаришни таъминлаш бўйича тизимли чора-тадбирларни амалга оширишdir.

Бизда улкан резервлар бор. Лекин шунга қарамасдан, ўтган йили жами 1 миллиард 540 миллион долларлик прогноз кўрсаткичлари бажарилмай қолди. Шундан 570 миллион доллари Вазирлар Маҳкамаси комплексларига қарашли корхоналарга тўғри келади. 970 миллион доллар миқдоридаги кўрсаткичлар эса худудлардаги хўжалик юритувчи субъектлар томонидан бажарилмаган. Бизнинг маҳсулотимиз экспорт килинадиган мамлакатлар сони 2010 йилга нисбатан 176 тадан 138 тага камайган.

Айни вактда машинасозлик комплекси, «Ўзфармсаноат» концерни ва «Ўзбекэнерго» акциядорлик

жамияти тизимидағи корхоналарда импорт ҳажми экспорт ҳажмидан ўнлаб марта кўп.

«Ўзқурилишматериалари» акциядорлик жамияти ва «Ўзбекнефтгаз» компанияси тизимида маҳаллийлаштирилган маҳсулотлар ҳажми импорт мидорига нисбатан 25 – 30 фоиздан ошмайди.

Нима сабабдан сиз ушбу муҳим вазифадан ўзини четга олаётган ва прогноз кўрсаткичи атиги 42 фоизни ташкил этган Тошкент шаҳри ҳокими Р.Усмонов ва туманлар ҳокимларининг шахсий жавобгарлигини белгилаш бўйича аниқ таклифлар киритмаяпсиз?

Ёки Ш. Абдураҳмонов, З. Рўзиев, Ш. Фаниев каби тажрибали ҳокимлар раҳбарлик қилаётган Андижон, Қашқадарё ва Фарғона вилоятларида прогноз кўрсаткичлари атиги 65 – 85 фоиз бажарилганини қандай тушуниш мумкин?

Энди, рухсатингиз билан, 2017 йилда олдимизда турган вазифалар тўғрисида тўхталсак. Биз 10 миллиард 800 миллион доллар ҳажмидаги маҳсулот экспортини таъминлашимиз керак. Бу борада қандай кечиктириб бўлмайдиган вазифаларни ҳал этишимиз зарур?

Биринчи – 15 кунлик муддатда комплекслар бўйича эмас, чунки бу ўзини оқламаяпти, балки экспортга маҳсулот чиқарадиган барча корхоналар бўйича харакат дастурини пухта ишлаб чиқиш ва У.Розукулов раҳбарлигидаги маҳсус комиссия мажлисида тасдиқлаш керак.

Иккинчи вазифа – 2016 йилда Тошкент шаҳри ва хорижда ўтказилған ҳалқаро саноат ярмаркаларида жами 7,7 миллиард долларлик маҳсулотни экспорт килиш бўйича тузилган шартномаларни амалга ошириш зарур.

Россия, Қозоғистон, Туркманистон, Украина ва Беларусь Республикасида, шунингдек, бошқа давлатларда маҳсулот сотишнинг янги бозорларини излаш бўйича бошланган ишларни янада фаол давом эттириш керак. Болгария билан бу борада яқиндан ҳамкорлик қилиш бўйича берилган топширик, афсуски, натижасиз қолди.

Бу ишларга бизнинг хориждаги дипломатик ва колатхоналаримиз ҳам ўз ҳиссасини қўшиши лозим. Буни Сенат раисининг биринчи ўринбосари С.Сафоев ва ташки ишлар вазири А.Комилов назоратга олсин.

Учинчи вазифа – «Ўзтадбиркорэкспорт» ва «Ўзсаноатэкспорт» акциядорлик жамиятлари, шунингдек, Миллий банк хузуридаги Кичик бизнес ва хусусий тадбиркорлик субъектларининг экспортини қўллаб-куватлаш жамғармаси йўналиши бўйича кичик бизнес ва хусусий тадбиркорлик субъектлари экспорти билан боғлик. Бу борада камида 1 миллиард 500 миллион долларлик экспортни таъминлаш керак.

Тўртинчи вазифа – мева-сабзавот маҳсулотларини экспорт килиш. Бош вазир ўринбосари З.Мирзаевга 15 кун муддатда ўтган йили 650 миллион долларлик

мева-сабзавот экспорт қилинмай қолгани сабабларини атрофлича таҳлил қилиб, аниқ таклифлар киритиш топширилади.

Бу борада мамлакатимиздаги мева-сабзавот етиштиришга ихтисослашган 66 та туманнинг салоҳияти ва имкониятларини ҳам сўзсиз ҳисобга олиш зарур. Энди ушбу туманлар ҳокимлари, уларнинг ўринbosарлари ва тумандаги барча раҳбарлар прогноз кўрсаткичларига эришиш учун тўғридан-тўғри жавобгардир.

Бош вазир ўринbosари, маҳсус комиссия раиси У.Розукулов ва янги департамент бу амалий вазифаларни ҳал этиш учун давлат ва хўжалик бошқаруви органлари, шунингдек, вилоятлар, шаҳар ва туманлар ҳокимларининг иқтисодиёт ва тадбиркорлик бўйича биринчи ўринbosарлари фаолиятини мувофиқлаштириши шарт.

Мазкур иккита комплексдаги ишларнинг ҳолатини, шунингдек, F.Ибрагимов ва У.Розукуловнинг шахсий жавобгарлигини танқидий таҳлил қилишга эътиборингизни алоҳида қаратдим. Бунинг сабаби – бу соҳаларга нафқат саноат, балки бутун иқтисодиёт ривожида ҳал қилувчи ўрин тутади, деб гоят катта ишонч билан қарайпмиз. Уларни ва комплекслар таркибидаги ташкилотлар раҳбарларини шахсан огоҳлантираман: агар жорий йил биринчи ярим йиллиги якунлари бўйича реал натижалар таъминланмаса, сизларга нисбатан қаттиқ чора кўрилади.

Ҳурматли мажлис иштирокчилари!

Маълумки, биз ижтимоий соҳада аҳоли саломатлиги, оналик ва болаликни муҳофаза қилиш,

дори воситалари билан ишончли таъминлаш, жисмоний бақувват ва маънавий жиҳатдан соғлом авлодни камол топтириш масалаларига алоҳида устувор аҳамият бермоқдамиз.

Ана шу муҳим соҳаларда қандай муаммолар бор? Бундан илгари ҳам соғликни саклаш вазири лавозимида ишлаган Бош вазир ўринбосари А.Икромовга мурожаат килиб сўрамокчиман:

бириинчидан, нима сабабдан ўтган шунча йил мобайнинда согликни саклаш тизимининг бирламчи бўғини, энг аввало, кишлок врачлик пунктларини ислоҳ килиш самарадорлиги таъминланмади? Бугунги кунда уларда 2 минг 500 нафар врач етишмайди, бу масканларни замонавий ускуналар билан жиҳозлаш ва дори воситалари билан таъминлаш даражаси жуда паст;

иккинчидан, диагностика даражаси пастлиги ва врачларнинг малакаси етарли эмаслиги натижасида йилига 30 мингдан зиёд юртдошимиз даволаниш учун хорижий мамлакатларга боришга ва оила бюджетидан катта маблағ сарфлашига мажбур бўлаётганидан сизнинг хабарингиз йўқми?

учинчидан, сиз қачон тез тиббий ёрдамнинг барча тузилмаларида тартиб ўрнатиб, уларнинг барқарор ишилашини таъминлайсиз? Нима сабабдан улар аксарият ҳолатларда bemорларга ҳақиқий тез ёрдам кўрсата олмайди?

тўртинчидан, тиббиёт ходимлари ўртасидаги салбий ҳолатларга қачон барҳам берилади? Бу борада **факатгина ўтган йилнинг ўзида 174 та**

жиноят иши қўзғатилган. Согликни саклаш ходимлари билан яқинда бўлиб ўтган учрашувда туғурукхоналардаги таъмагирлик билан bogлиқ салбий ҳолатлар тўғрисида сизга ва тизим раҳбарларига алоҳида айтган эдим;

бешинчидан, сиз нима сабабдан экологиянинг жиддий муаммолари билан етарлича шуғулланмаяпсиз? Ахир, бу соҳа одамларнинг соғлиғига ва мамлакатимиздаги эпидемиологик ҳолатга таъсир килмайдими?

олтинчидан, шахсан сиз ва «Дори-дармон» компанияси раҳбари А. Комилов нима сабабдан дорихоналар тармогидаги жиддий камчиликларга панжа орасидан қараб, уларни бартараф этиш учун таъсирчан чораларни кўрмаяпсиз? Ахир, бу соҳада қиммат дориларнинг 45 фоизини импорт дорилар, бунинг устига, нархи ҳаддан ташқари ошириб юборилган дорилар ташкил этади.

Адҳам Илҳомович, сиз раҳбарлик қилаётган комплекснинг яна бир мухим тармоги – жисмоний тарбия ва спортни ривожлантириш билан bogлиқ. Албатта, бу соҳада, айниқса, олий маҳорат спорти борасида кейинги йилларда муайян ютуқларимиз бор. Биз улар билан ҳақли равишда фахрланамиз. Лекин охирги Олимпиадада фақатгина оғир атлетика, бокс, кураш ва дзюдо бўйича совринли ўринлар эгалланди. Бунинг сабаби нимада?

Сўнгги беш йилда жисмоний тарбия ва спортни ривожлантириш, шунингдек, унинг моддий-техник базасини мустаҳкамлаш учун бюджетдан 1 триллион

230 миллиард сўм ажратилган. Бу – Миллий олимпия кўмитаси маблағларидан ташқари.

Бизда болалар спорти, олий спорт маҳорати ва олимпия резервларини ривожлантириш бўйича кудратли база яратилган. Яна қандай база, қўшимча шарт-шароит ва воситалар керак?

Ана шу муаммоларнинг ичига чуқур кириб бориш зарур. Шу муносабат билан қуйидаги вазифаларни амалга ошириш талаб этилади:

биринчи – кишлок врачлик пунктлари, юкори технологиялар асосидаги ихтисослашган марказлар ва тез тиббий ёрдам станциялари бўйича мавжуд камчиликларни бартараф этиш ва уларга доир топширикларни амалга ошириш юзасидан таклифларни ва тегишли хужжатлар лойиҳаларини тайёрлашни тезлаштириш зарур;

иккинчи – врачлар ва тиббиёт ходимлари мала-касини ҳам мамлакатимизда, ҳам етакчи хорижий клиникаларда ошириш бўйича таъсирчан тизим яратишга қаратилган комплекс чора-тадбирларни ишлаб чиқиш даркор. Зарур бўлса, уларни моддий рағбатлантириш бўйича таклифлар киритиш керак;

учинчи – 340 номдаги дори воситалари ва тиббиёт буюмлари чегараланган нарх бўйича сотилишини назорат қилувчи органлар билан бирга қатъий тартибга солиш зарур. Ҳар бир фуқаро қабул қилаётган карорларимиз реал фойда берётганини сезиши керак.

Шу билан бирга, ўтган йили сентябрь ойида тасдикланган 2016–2020 йилларда фармацевтика саноа-

тини янада ривожлантириш бўйича дастур самарали бажарилишини таъминлаш даркор;

тўртингчи – қариялар ва ногиронларни давлат томонидан қўллаб-кувватлаш бўйича тасдикланган дастурни амалга ошириш алоҳида назоратга олиниши керак. Ҳар бир имтиёз ва ижтимоий ҳимоя чораси ўз эгасига етиб бориши даркор;

бешинчи – Бош вазирнинг биринчи ўринbosари А.Раматов билан биргаликда экология соҳасидаги ишлар аҳволини яхшилаш, энг аввало, жойларда чиқиндилар билан ишлаш соҳасида давлат назоратини кучайтириш бўйича таклифларни яқин вақт ичидан тақдим этиш зарур;

олтинчи – сиз ва шахсан маданият ва спорт ишлари вазири Б.Аҳмедовнинг эътиборини жисмоний тарбия ва спорт соҳасида яратилган қудратли базадан самарали фойдаланиш зарурлигига каратаман.

«Умид ниҳоллари», «Баркамол авлод» ва Универсиада мусобақалари билан чегараланиб қолиш керак эмас. Иктидорли ўсмир ва кизларни танлаб олиш ва тарбиялаш бўйича жиддий селекция ишларини амалга ошириш зарур.

Таъкидлаш керакки, вазир Б.Аҳмедовнинг бугунги мажлисимизга тайёрлаб келган жонсиз ҳисботи ҳеч қандай танқидга чидамайди. Бу ҳисботда на таҳлил, на аниқ таклиф бор. Афтидан айнан шунинг учун ҳам сизнинг маданиятни ривожлантириш соҳасидаги ишларингиз асосан юбилей тадбирларини ўтказиш билан чекланиб қоляпти. Сиз

ҳам, ўринбосарларингиз ҳам бу соҳага янгича мазмун киритиб, вазиятни тубдан яхшилашга ҳаракат килмаяпсизлар.

Қадрли дўстлар!

Ҳаётнинг ўзи ва ўтган йиллар тажрибаси худулларни комплекс ривожлантиришни ва инфратузилма фаолиятини тубдан ўзгартиришни таъминлашдаги жиддий камчиликларни бартараф этишни талаб қилмоқда. Шу сабабли Вазирлар Маҳкамаси тузилмасида Бош вазирнинг биринчи ўринбосари раҳбарлик қиласиган янги комплекс ва департамент ташкил этилди. Уларнинг бош вазифаси куйидаги икки йўналиш бўйича барқарор ишлайдиган тизимни ташкил этишdir:

биринчи – туманлар, шаҳарлар, вилоятлар ва Коракалпогистон Республикасидаги кечиктириб бўлмайдиган ва истиқболли вазифаларни амалга ошириш юзасидан ҳокимлик ва тармокларни бошқариш органларининг куч ва ҳаракатини аник мувофиқлаштириш. Максад – иқтисодиёт ва ижтимоий соҳадаги, энг муҳими, одамларнинг ҳаёт даражасидаги жиддий тафовутни бартараф этишdir;

иккинчи – йўл-транспорт, мухандислик-коммуникация ва ижтимоий инфратузилмани ривожлантириш ва модернизация қилиш бўйича дастурларнинг прогноз параметрларини ишлаб чиқиш ва амалга оширишни назорат қилиш ҳамда уларга эришиш.

Якуний мақсад – иқтисодиёт тармоклари учун ишончли инфратузилмани шакллантириш, шаҳар ва кишлoқ аҳолисига кулай шарт-шароит яратиб беришdir.

А.Раматовнинг эътиборини шахсан ундан ва иккита департаментдан талаб этиладиган куйидаги вазифаларга қаратаман:

биринчидан, комплекс таркибиға кирадиган барча идораларнинг самарали фаолият юритишини таъминлаш. Пала-партиш таклифларни бериш ва шошма-шошарлик билан қарорлар қабул қилиш керак эмас. Яқинда шу сабабларга кўра Оролбўйи муаммоларини ҳал этиш бўйича комплекс дастурни қайтаришга мажбур бўлдим. Бу каби хатоликлар такрорланмаслиги шарт;

иккинчидан, 14 та худудда сайловчилар билан учрашувда кўтарилган йирик муаммоли масалаларни ҳал этишга доир қарорлар лойихаларини ишлаб чикишни якин вакт ичида якунлаш ва тақдим этиш зарур;

учинчидан, 2017 – 2021 йилларга мўлжалланган 12 та ижтимоий ва инфратузилма дастурини амалда бажариш. Шундан 8 та дастур тасдиқланган. Якин вакт ичида транспорт ва савдо хизматини яхшилаш, автомобиль йўлларини ва ичимлик сув таъминоти тизимини реконструкция қилиш бўйича ҳужжатлар тўпламини қайта ишлаб чикиб, тақдим этиш керак.

Кун тартибида Уй-жой ва коммунал хизмат вазирлигини ташкил этиш масаласи ҳам турибди. Ана шу лойихаларни тасдиқлаш жараёни сиз томонингиздан асоссиз равишда чўзиб юборилди;

тўртинчидан, мамлакатимиз худудларига салмокли инвестициялар киритишга доир муаммоларга

алоҳида эътибор қаратиш зарур. Шу сабабли тажриба лойиҳаси тариқасида Миллий банк мисолида қуйидаги тизимни жорий этиш бўйича таклиф киритаман.

Банк инвестиция фаолиятига ўз маблаглари билан бирга, ташқаридан молиялаштириш манбаларини жалб этиш бўйича чора-тадбирлар ишлаб чиқиши керак. Банк раҳбари С.Рахимов бугун ўз таклифларини бериши лозим.

Бундан ташқари, кечиктириб бўлмайдиган бир қатор ўта муҳим вазифалар бор. Улар орасида Давлат архитектура ва қурилиш қўмитаси тизимини тубдан қайта ташкил этиш, шаҳарсозликнинг эскирган методология ва нормативлари, капитал қурилишдаги номутаносиблиқ ва муаммоларни бартараф этиш, шунингдек, лойиҳа институтларининг самарасиз фаолиятини қайта кўриб чиқиш масалалари бор.

Айрим фактларни келтирмоқчиман. Шаҳарсозликни такомиллаштириш бўйича бир қатор хужжатлар қабул қилинган бўлса-да, уларнинг кўпчилиги назоратсиз қолган. 2012 – 2015 йилларда ишлаб чиқилган 18 та шаҳар ва посёлканинг бош режалари ҳалигача тасдиқланмаган.

Қўмита раҳбарияти бундан 3 йил аввал туман архитекторлари фаолиятини такомиллаштириш бўйича кенгашлар ташкил этиш, уларнинг моддий-техник базасини мустаҳкамлаш ва уларга «Дамас» автомобиллари ажратиш бўйича берилган топшириклар ижроси устидан назоратни таъминламади.

Лицензияга эга бўлган 850 та лойиха ташкилотларининг атиги 147 таси ёки 17 фоизи мамлакатимиз миқёсидаги инвестиция дастурларини амалга оширишга жалб этилган.

Очик тан олишимиз керак, бизнинг энг жиддий камчиликларимиздан бири – замонавий талабларга жавоб берадиган лойиха институтларининг йўклигидир. Уларнинг моддий-техник базаси ўтган асрнинг 80-йиллари даражасида колиб кетган. Улар томонидан ахборот технологияларини, замонавий илм-фан, архитектура ва дизайн ютукларини кўллаш даражаси хакида гапирмаса ҳам бўлади.

Шу сабабли ҳаётнинг ўзи ҳар бир вилоятда биринкита замонавий лойиха институтини ташкил этишни талаб этмоқда.

Давлат маблағлари ва ресурслари талон-торож килинмоқда. Ўтган йили инспекциялар томонидан пудрат ишлари ҳажми 4 миллиард 700 миллион сўмга камайтирилган. 24 мингта лойиха экспертиздан ўtkазилганида уларнинг нархи 1 триллион 500 миллиард сўмга камайтирилган.

Савол: бундай жиддий камчиликларни Б.Зокиров ва унинг биринчи ўринбосари А.Тўхтаев билмайдими? Нима сабабдан сиз иккалангиз факатгина айрим обьектлар билан чекланиб, кўрсатилган муаммоларнинг ичига кириш ва уларни ечишга умуман эътибор бермаяпсиз?

Бутун тизимни тубдан қайта ташкил этиш бўйича 20 кун муддатда аниқ таклифларни киритиш керак.

Бизни йўл қурилишидаги ишлар аҳволи ҳам қониктиrmайди. Молия вазирлиги ва унинг Йўл жамғармаси айби билан маблағларнинг кескин етишмаслиги доим сезилиб турибди. Битумни баркарор етказиб бериш масаласи ҳал этилмаган. Ўгирилликлар тугамаяпти. Кадрлар кўнимсизлиги юкорп.

Ўтган йили «Ўзкоммунхизмат» агентлиги ва «Ўзкурилишматериаллари» акциядорлик жамияти раҳбариятини алмаштирилди. Бирок бу ташкилотларнинг янги раҳбарлари – И.Маҳкамов ва Б.Зарипов зарур даражада ташаббус кўрсатмаяпти.

Умид қиласманки, А.Раматов ва бошқа раҳбарлар ўз ҳисоботида ана шу саволларга аник жавоб беришади. Шу йил бошида жорий қилинган хукумат аъзоларининг Президентга ҳисобот бериш тартиби доирасида бошқа раҳбарлар билан ҳам албатта учрашаман. Бунга барча раҳбар ходимлар ва ҳудудлар ҳокимлари пухта тайёргарлик кўришини сўрайман.

Жойлардаги аҳволнинг жиддийлиги ва оғирлигидан келиб чиқкан ҳолда, А.Раматовни Бош вазирнинг биринчи ўринбосари лавозимига тайинладик ва унга шу оғир участкани топширилди. Шунинг учун Бош вазирнинг барча ўринбосарлари, ҳокимлар, вазирлик ва идоралар раҳбарлари ўз саъй-харакатини бирлаштириб, унга ёрдамчи бўлиб фаол кўмак бермаса, кутилган натижага эришиш қийин бўлади.

Агар жойларда инфратузилма ва ижтимоий объектларда ўта ачинарли аҳволга дуч келсангиз,

мавжуд ҳолати улардан кўра яхшироқ бўлган объектлар ўрнига ана шу ёмон аҳволдаги объексларни киритиш йўли билан, А.Раматов, сизга тасдиқланган манзилли дастурларга ўзгартириш киритиш хукуки берилади. Буни барча раҳбарлар билиб олсин.

Ҳурматли мажлис иштирокчилари!

Барчамиз сўзсиз тушунамиз, иқтисодий ислоҳотлар ва ижтимоий ўзгаришларни муваффакиятли амалга ошириш энг аввало иқтисодий ва молиявий органларнинг фаолияти самарадорлигига боғлиқдир. Улар якин ва узок истиқболга мўлжалланган, мамлакатимиз иқтисодий кудратини мустаҳкамлашга доир стратегик вазифаларни нафакат ишлаб чикиши, балки амалга оширишни таъминлаши зарур.

Бундан бир неча йил олдин хукумат мажлисида Иқтисодиёт вазирлиги ва унинг собиқ раҳбари Р.Фуломовнинг фаолияти қаттиқ танқид қилинган эди. Иқтисодиёт вазирлиги мамлакатимиздаги бошқа вазирлик ва идоралар учун ҳаракатлантирувчи куч, яъни локомотив вазифасини бажара олмаётгани таъкидланган эди. Афсуски, бугун очик айтиш керак, ана шу вазифа ҳалигача бажарилмади.

Аниқ далил ва муаммоларга мурожаат қиласман.

Биринчи – ислоҳотларнинг қай даражада самара беряётганини кўрсатадиган мақсадли дастурларни амалга ошириш натижадорлиги. Булар қаторида саноат ва бошқа тармоқларни ривожлантиришнинг куйидаги иқтисодий ва молиявий кўрсаткичларини келтириш мумкин: ишлаб чиқариш қувватларининг ахволи, харажатларни ва таннархни пасайтириш,

маҳаллийлаштириш ва рентабеллик даражасини, маҳсулот ракобатдошлигини сўзсиз ошириш.

Тармоклар бўйича таннарх ўртача 10 фоизга кискартирилган бўлса-да, кимё ва енгил саноат, автомобилсозлик, курилиш материаллари ва бошқа бир катор тармокларнинг айрим маҳсулотлари кимматлиги сабабли ташки бозорларда ракобатдош бўла олмаяпти. Айрим корхоналар заар билин ишламоқда.

Маҳаллийлаштириш дастурини шакллантиришининг аввалги усуллари эскирди. Экспортни прогноз килиш билан бирга, импортни пухта ва синчиклаб прогноз килмаслигимизни қандай тушуниш мумкин?

Факат ўтган йилнинг ўзида мамлакатимизда маҳаллийлаштирилган кариб 400 миллион долларлик маҳсулот четдан импорт килинган. Айниқса, «Ўзбекэнерго», «Ўзкурилиш материаллари» акциядорлик жамиятлари, Олмалик кон-металлургия комбинати, «Ўзфармсаноат» концерни бунга берилиб кетган.

Энди, хурматли Галина Каримовна, бундан кейин хар ой, хар чорак якуни билан, мавжуд ахволни чукур тахлил килган холда, таннархни ва импортни кискартириш, маҳаллийлаштириш даражасини ошириш бўйича хўжалик бирлашмалари ва ҳокимликлар томонидан амалга оширилаётган ишлар тўғрисида Президентга шахсан маълумот киритасиз.

Бу маълумотномада чукур тахлил, кўрилаётган ёки кўрилмаётган чоралар ёритилиши, шунингдек,

аниқ таклифлар берилиши керак. Айрим раҳбарларнинг чилдирмасига ўйнаш даври ўтди энди. Шу асосда ҳар ойда бир марта Президент раҳбарлигига селектор йиғилиши ўтказилади ва тегишлича баҳо берилади.

Ўз вактида, Галина Каримовна, шахсан сиз ва жаноб Э.Фаниев эркин иқтисодий зоналар ташкил этишни таклиф этган эдингиз. Бу – яхши ташаббус, лекин у охиригача аник харакатлар билан мустаҳкамланмади.

Исбот тариқасида «Навоий» эркин иқтисодий зонаси бўйича маълумотларни келтираман. Ўтган 8 йил мобайнида бу ерда атиги 24 та лойиха амалга оширилиб, уларда тўғридан-тўғри хорижий инвестициялар улуши жуда паст ва атиги 900 та одам ишга жойлаштирилган. Ўтган йили эса маҳсулот ишлаб чиқариш ҳажми 24 фоизга пасайган.

Принципиал жиҳатдан янги асосларда «Ургут», «Фиждувон», «Қўкон» ва «Ҳазорасп» эркин иқтисодий зоналарини ташкил этиш бўйича куни кеча фармон қабул қилинди. Ўтган йиллардаги хатоларни яна тақрорлашга энди йўл кўйиб бўлмайди.

Бундан деярли 10 йил олдин Иқтисодиёт вазири лигининг собиқ раҳбарияти мева-сабзавот балансини ишлаб чиқмасликни ва тасдиқламасликни қатъий таклиф этган эди. Бу нимага олиб келиши мумкинлигини, энг аввало, ички истеъмол бозорига таъсири қандай бўлишини биз бугун бошқалар мисолида кўриб турибмиз. Бунинг устига,

валюта балансининг мухим тушум манбаидан ажралган бўлар эдик.

Хорижий инвестицияларни, биринчи навбатда, тўғридан-тўғри хорижий инвестицияларни жалб этиш бўйича ишлар қандай ахволда экани танқидий таҳлилни талаб этади. Бундай инвестицияларнинг улуши 30 фоизга тушиб колган.

Халқаро молия институтларининг кредитлари, айниқса, лойиҳалар буюртмачилари бўлмиш Республика йўл жамғармаси ва «Ўзкоммунхизмат» агентлиги томонидан самарасиз ишлатилмоқда. Чунки уларнинг фаолиятида тизим, назорат ва масъулият йўқ.

Лойиҳаларни экспертиза қилиш ва тендерларни ўтказиш бюрократлашиб кетгани энг асосий тўсиклардан бири ҳисобланади. Лойиҳаларнинг техник-иктисодий асосланишини экспертиза қилиш агентлиги ташкил этилганидан кейин ҳам ссзиларли ўзгариш ва натижалар йўқ. Агентлик раҳбари Ш.Хошимовда ташаббус етишмайди.

Ушбу масалага доир хукумат қарори ишламасдан, таъбир жоиз бўлса, жойида тошдек қотиб колган ва ўн йилдан буён қайта кўриб чиқилгани йўқ. Бундан экспертиза органларининг айрим қўли эгри раҳбарлари ва мутахассислари усталик билан нопок мақсадларда фойдаланмоқда.

Сиздан, Галина Каримовна, 15 кун муддатда ушбу қарорга ўзгартиш киритиш бўйича таклиф киритишни сўрайман.

Маҳаллий ҳокимларнинг айби билан мамлакатимиз худудларига хорижий инвестициялар жалб этиш ўта қониқарсиз ахволда қолмокда.

Биргина мисол келтираман. Қашқадарё, Наманган, Сурхондарё вилоятларида атиги 18 та лойиҳани амалга оширишга 55 миллион доллар ёки ҳар бир лойиҳага ўртача 3 миллион доллардан хорижий инвестиция жалб этилган.

Ана шу худудларнинг саноати ва инфратузилмасини ривожлантириш бўйича мамлакат Президенти томонидан тасдикланган маҳсус дастурлар амалга оширилаётган бир шароитда бу албатта етарли эмас.

Шунинг учун вилоят ҳокимлари ҳар чорак якунiga қўра тижорат банклари билан биргаликда хорижий инвестициялар олиб кириш бўйича ишларнинг қандай ахволда экани тўғрисида шахсан Президентга ахборотнома киритади. Буни Давлат маслаҳатчisi У.Исмоилов алоҳида назоратга олсин.

Юкорида зикр этилган масалаларнинг барчаси Иктисолиёт вазирлиги ва унинг раҳбарияти вазифасига кирмайдими?

«Биз ишлаб чиқдик ва тасдикладик, энди сизлар амалга ошириш ва натижа учун жавоб беришга мажбурсиз» деган кайфият билан яшаб, уни одат қилиб олиш мумкин эмас. «Бизнинг қароримиз – энг юкори боскичдаги хақиқат ва конун» деган яроқсиз, қўштириноқ ичидаги «принцип»га асоссиз равишда таяниш ва амал қилиш мумкин эмас.

Шу муносабат билан Баш вазир А.Ариповдан вазирликнинг бутун тизимини қайта ташкил этишини таъминлайдиган хужжатлар тўпламини ишлаб чикишни ва тақдим этишини тезлаштиришни сўрайман. Бунда унинг таркибий тузилмасига хокимликларнинг тугатилган Йиғма бошқармалари ва иктисодиёт бўлимларини киритишни назарда тутиш керак.

Бирок, энг асосийси – Иктисолиёт вазирлигининг вазифа ва функцияларини тубдан қайта кўриб чикиш зарур. Бунда ушбу ташкилотнинг энг муҳим вазифаси сифатида вазирлик, унинг раҳбарияти, жумладан, шахсан вазирнинг якуний натижалар, шунингдек, таклиф этилаётган концепциялар, дастурлар ва улар бўйича қабул килинган карорларнинг иктисолий ва ижтимоий оқибатлари учун жавобгарлиги бслгилиниши лозим. Ҳукумат ушбу таклифнинг хукукий асосларини Қонунчилик палатаси ва Сенат билан бирга пухта ўрганиб чиксин.

Солик-бюджет сиёсатига қатъий амал килиш, давлатнинг ижтимоий мажбуриятларини бажариш, иш ҳаки, пенсия, нафака ва стипендиялар ҳажми, йирик инвестиция лойиҳалари ва мамлакат мудофаа кобилиятини мустаҳкамлашни молиялантириши ушбу энг муҳим вазифаларни амалга ошириш, аввало, Молия вазирлиги ва шахсан вазирнинг фаолияти самарадорлиги билан белгиланади.

Мажлисимиз иштирокчиларига мурожаат килар эканман, куйидаги саволларни беринши зарур, деб

хисоблайман. Ушбу масалалар қай даражада самарали ҳал этилмоқда?

Нима сабабдан Молия вазирлигининг низоми 1992 йилда тасдиқланган бўлса-да, 25 йилдан буён асосий вазифа ва функциялари тубдан қайта кўриб чикилмаган? Ахир, ислохотлар вазирлик ва унинг раҳбарларига тааллукли эмасми? Нима сабабдан вазирлик ўзига юклатилган энг муҳим вазифаларни самарали бажаришни, иктисадиёт ва ижтимоий соҳанинг молиявий барқарорлигини мустаҳкамлашни таъминламаяпти? Ахир, вазирлик таркибида 16 мингдан ортиқ ходим ишлайди, ҳаддан ташқари кенгайиб кетган марказий аппарат, худудий органлар, Ғазначилик, Назорат-тафтиш бошқармаси, Пенсия жамғармаси ва яна 4 та маҳсус жамғарма мавжуд. Уларни саклаш учун бюджетдан ҳар йили 350 миллиард сўм харажат килинади.

Энг муҳим дастурлар, лойиха ва вазифалар бўйича қабул қилинган айrim қарорлар ёки умуман реал молиялаштириш манбалари билан таъминланмаган ёки колдик принципи бўйича молиялаштирилади. Нима сабабдан тўлов интизоми оксаяпти?

Жами 18 триллион сўмлик дебитор қарздорликдан 11 триллион сўми ёки 60 фоизи охирги 3 йил мобайнида чўзилиб келяпти.

Нима учун ушбу муаммо билан Муддати ўтган қарздорликни қискартириш комиссиясига бошлиқ киладиган молия вазири ва Марказий банк раиси жиддий шуғулланмаяпти?

Нима сабабдан пластик карточкаларни мувалага киритишдан илгари барча механизмлар пухта ишлаб чиқилмаган? Нима учун кўплаб ташкилотлар, энг аввало, бюджет ташкилотлари ходимлари – ўқитувчилар, врачлар, хизматчилар ва ҳатто пенсионерлар айрим амалдорларнинг кўштириноқ ичидаги «янгилик»ларидан қийналиши керак?

Албатта, Давлат бюджети ўлчовсиз эмас, маблағларни қаттиқ тежаш, белгиланган максад учун ва оқилона ишлатишни таъминлаш зарур. Бу – ҳаммага равshan ва рад этиб бўлмайдиган ҳақиқат.

Шундай экан, нима учун Газначилик ва Назорат-тафтиш бошқармасининг аппаратлари ҳаддан ташкари кенгайиб кетган? Уларда жами 4 минг нафар ходим ишлайди ва уларнинг харажатига йилига 90 миллиард сўм давлат маблағи сарфланади. Ана шу тузилмалар раҳбар ва ходимлари шундай тасаввур билан яшамоқдаки, уларнинг вазифаси гўё факатгина назорат қилиш ва бошқаларни жазолашдир.

Лекин фактат камчи ва қилич билан ижобий натижаларга эришиб бўладими? Бу – нафакат хато фикр. балки чукур янгилишиш, деб хисоблайман. Бу борада профилактика ишларини ким самарали олиб боради?

Ўтган йилнинг ўзида 22 мингта ташкилотда жами 200 миллиард сўмлик ўзлаштириш ва маблағларни бошқа мақсадлар учун сарфлаш ҳолатлари аникланган. Уларнинг асосий кисми ижтимоий соҳа ташкилотларига тўғри келади. Ана шу камчиликларни бар-

тараф этиш тегишли вазирликлар раҳбарлари билан бирга молия вазирининг биринчи ўринбосари этиб тайинланган Ж.Қўчкоровнинг фаол иш йўналиши бўлиб қолиши керак.

Ҳисоб палатаси (Қ.Акмалов)дан бир ой муддатда Давлат бюджети маблағларининг нафакат самарали ва мақсадли ишлатилишини ҳар тарафлама ўрганишни, балки, биринчидан, раҳбарларнинг шахсий жавобгарлиги чоралари бўйича, иккинчидан, аллақачон вакти келган масалаларни ҳал этишга доир таклифларни киритишни сўрайман.

Молия вазирлиги, унинг таркибий тузилмалари ва аппаратининг иш юритиш шакли ва усулларига алоҳида эътибор қаратиш зарур.

Хукуматнинг аксарият топшириклари белгиланган муддатларни қўпол равишда бузган холда бажарилмоқда, иш сифати ҳам аксарият холатларда оқсамоқда. Шунга қарамасдан, бу тузилмалар раҳбарларининг ўзига бўлган ишончи осмон қадар баланд.

Нима учун бошқа идоралар раҳбарлари давлатнинг аник муаммоларини ҳал этиш бўйича малакали тавсия олиш ўрнига, доимо қоғозбозлик ва сансалорлик холатлари, шунингдек, айрим вазир ўринбосарларининг баланд димоглиги ва қайсарлиги билан тўқнашиши керак?

Нихоят, нима сабабдан баъзан инсон қадр қиммати ерга урилади, бунга ким хуқук берган?! Нима учун Бош вазир ўринбосари ёки хукумат

аъзоси қабулхонада соатлаб кутиб ўтириши керак? Нима учун Вазирлар Махкамасининг тармок департаменти мудири жиддий масалалар бўйича юзаки презентация ўtkазилишини кунлаб ва хафталаб кутади, кейин эса ҳужжат қайта ишлашга қайтарилади? Ва нима сабабдан бу жараёнларнинг барчасини штатдаги ёрдамчи эмас, балки чаласавод ва беандиша қабулхона инспектори белгилайди?

Ўйлайманки, ана шу оддий бўлмаган ва муҳим саволларга аник ва равshan жавоб топпш вакти келди. Шу муносабат билан Бош вазир А.Ариповга ва янги вазир Б.Хўжаевга бир ой муддатда Молия вазирлигининг ташкилий тузилмаси, унинг вазифа ва функцияларини тубдан қайта кўриб чиқиш бўйича аник таклифлар киритиш топширилади.

Кадрлар билан ишлаш ҳолатини ҳам танқидий таҳлил қилиш зарур. Ўйлайманки, молия органларининг буғун тизимидағи раҳбар ва ходимларни аттестациядан ўтказиш керак.

Ҳакикий факт шундан иборатки, агар Р.Азимовда ана шу жиддий камчилик ва муаммоларни кўриш хоҳиши бўлганида, уларни кескин барта-раф этиш бўйича у зарур ташаббус кўрсатганида, биз бугун иктисадий ва молиявий соҳаларда бундан ҳам юкорирок натижаларга эришган бўлар эдик.

Такрор айтаман, фактгина «ғалаба рапортлари» билан, шунингдек, муаммоларга умуман алоқаси йўқ, ўз орзу-истагидаги мавхум нарса-

ларни ҳакиқат деб кўрсатадиган шахслар томонидан тайёрланган ахборотномалар билан чекланиб қолиш мумкин эмас.

Ҳакиқат эса хизмат вазифангизга кўра сиз шахсан жавоб берадиган қуийдаги жиддий муаммоларда ўз аксини топган.

Биринчи – иқтисодиёт ўсишининг юкори суръатлари ва инвестиция ресурсларига ўсиб бораётган талабни қаноатлантириш бир-бирига мувофик эмас.

Иккинчи – нақд ва нақдсиз шаклдаги хисобкитобларда фарқ мавжудлиги.

Учинчи – худудларни барқарор ижтимоий-иқтисодий ривожлантиришни молиялаштириш учун маҳаллий бюджетларнинг маблағлари етарли эмаслиги.

Сиз бу очик-ойдин фактларни инкор қилмайсиз, деб ўйлайман. Сиздан реал таклифларни кутаман.

Макроиқтисодиёт комплекси таркибига кирувчи бошқарув органларининг самарали ишлаши ва уларга раҳбарлик қилиш талаб даражасида таъминланмаяпти. Шу муносабат билан шахсан сизга қуийдагилар топширилади:

Биринчи – Ташки иқтисодий алокалар, инвестициялар ва савдо вазирлиги ўзининг вазифа ва функцияларини самарали ва тўлиқ ҳажмда бажаряптими? Унинг раҳбарлари Э.Фаниев ва Ш.Тўланганов-чи? Бу – принципиал савол. Ушбу вазирликнинг 163 та мутахассис ишлаётган марказий аппарати ва худудий бўлинмалари нима билан машгул?

Бош вазирга 10 кун ичида аллақачон ҳал этиш вакти келган ушбу саволлар бўйича таклифлар киритиш юкланади;

иккинчи – Мехнат вазирлиги ва унинг раҳбари А.Абдуҳакимов фаолияти самарадорлигини тублан кайта кўриб чиқиш зарур.

Юртимизда йилига 1,5 миллион одамни ишга жойлаштиришга эҳтиёж бўлса-да, ўтган йили Бандликка кўмаклашиш марказлари атиги 248 минг кишини ёки 16,5 фоизини ишга жойлаштирган. Буннинг асосий сабаблари иш фаолиятидаги эскирган шакл ва усуллар ҳамда бандлик муаммоларини ҳал этишдаги расмиятчилик билан боғлиқ.

Айникса, касб-хунар коллежлари битиравчиларини ишга жойлаштириш бўйича тўрт томонлама шартномаларни амалга ошириш борасида кўплаб кўшиб ёзиш холатлари бартараф этилмаган.

Ана шу муаммоларга барҳам бериш бутун Макроиктисодиёт комплекси ва шахсан меҳнат вазирининг биринчи даражали вазифасига айланиши керак.

Сизга, Рустам Содикович, 15 кун муддатда ушбу ишга барча иқтисодий ва молиявий органлар, банк муассасалари ва Ўрта маҳсус, касб-хунар таълими марказининг худудий бўлинмалари ходимларини, шунингдек, барча бўғиндаги ҳокимлар ўринbosарларини жалб этишни назарда тутадиган, принципиал жиҳатдан янги, таъсирчан механизмни жорий этиш юзасидан аниқ таклифлар киритишни топшираман.

Аниқ бир мисол билан ушбу муаммони ҳал этишнинг реал йўлини айтмоқчиман. Андижон вилояти-

нинг аҳоли зич жойлашган Олтинқўл туманида 7 та касб-хунар коллежи бор, уларни бу йил турли мутахассисликлар бўйича 2 минг 300 нафар битирувчи таомомлайди. Туман худудида 714 та хўжалик юритувчи субъект, жумладан, саноатда – 371 та субъект, курилишда – 167 та субъект, савдо ва хизмат кўрсатиш соҳасида – 156 та субъект ва бошқа ташкилотлар фаолият кўрсатади.

Тумандаги ҳар бир хўжалик субъектига ўртача 3 нафар битирувчи тўғри келади.

Туманда бюджетдан ойлик оладиган иктисодий комплекс ташкилотларидағи жами 400 нафар ходим ушбу корхоналарнинг самарали ишлашига амалий ёрдам берса, масалан, кимгадир кредит, яна кимга хомашё ёки малакали маслаҳат билан кўмаклашса, бу ишни бемалол бажарса бўлади. Агар ана шу 400 нафар одам ойига биттадан иш ўрни ташкил этишга кўмаклашса, бир йилда 4 минг 800 та янги иш жойига эга бўлиш мумкин.

Бугуннинг ўзида ҳар бир битирувчини аниқ бир ташкилотга бириктиришни таъминлаш билан бирга, унинг бўлажак иш жойи, иш ҳақи ва ижтимоий шароитларини аниқ белгилаш зарур.

Буларнинг барчасини хукуқий ҳужжатлар билан мустаҳкамлаш ва энг асосийси, хўжалик юритувчи субъект раҳбарининг нафақат мажбуриятини, балки шахсий масъулиятини ҳам белгилаш зарур.

Факат шундай йўл билан биз давлатнинг ўкувчилар ва уларнинг ота-оналари олдидағи мажбуриятини бажаришимиз мумкин. Худди шундай амалиёт-

ни республика олий таълим муассасалари битириувчилари бўйича ҳам ишлаб чиқиш ва жорий этиш даркор.

Навбатдаги мухим вазифа – бу бандлик масаласини ҳал килишнинг бутун тизимини тубдан ўзгартириш бўйича комплекс раҳбарияти, ҳокимлар ва уларнинг биринчи ўринbosарлари шахсий масъулиятини оширишдан иборат. Шу масала бўйича қўйидаги таклифларни киритаман.

Биринчидан, ҳокимлар янги иш ўринлари яратиши юзасидан тасдиқланған кўрсаткичларнинг, ҳар ой якунига кўра бажарилишини таъминлаган тақдирда, уларнинг иш хақига 15 фоиз кўшимча кўшиш билан рағбатлантирилади. Ана шу кўрсаткичлар бажарилиши таъминланмаса, аксинча, уларнинг иш хақидан 15 фоиз ушлаб қолинади.

Иккинчидан, мазкур йўналиш учун бевосита жавоб берадиган ҳокимларнинг биринчи ўринbosарлари ҳам шунга мос равишда иш ҳақининг 20 фоизи миқдорида ё рағбатлантирилади, ё жазоланади. Бу тартиб вилоят, туман ва шаҳарларнинг иктисадий комплекслари барча раҳбарларига нисбатан ҳам кўлланади.

Шунинг учун Бош вазир А.Ариповга, Бош вазир ўринbosари Р.Азимовга 15 кунлик муддатда иш жойлари ташкил этишни моддий рағбатлантиришга доир таклиф этилаётган ушбу тизимни шу йилнинг 1 мартадан бошлаб амалиётга жорий этиш тўғрисида Вазирлар Махкамасининг пухта ишланган карорини қабул килишни топшираман.

Учинчидан, биз бугун Давлат рақобат кўмитаси-нинг раиси Д.Хидоятовдан шахсан сиз ва кўмитанинг бўлинмалари хусусийлаштириш жараёнида пировард натижани нима учун назорат килмайсиз ёки тъминламайсиз, деган саволга жавоб беришни қатъий талаб килишга ҳаклимиш.

Сиз нима учун ушбу муаммоларни амалда ҳал этиш ўрнига менга ўзингизнинг ҳеч қандай натижа бермаган ва бермайдиган хорижий хизмат сафарларингиз ва «такдимот»ларингиз тўғрисида оғиз кўпиртириб ахборот берасиз?

Бугун давлат бюджети ҳисобидан катта маблағларни харажат килиб, хорижга хизмат сафарига бориб келаётган раҳбарлар ва ишчи гурухларидан сўрашга ҳаклимиш: қани сизлар оғиз тўлдириб, қоғозга чиройли килиб ёзиб берган натижалар, қани инвестор ва инвестициялар?

Сиз бу ишларга мутасадди давлат кўмитаси-нинг раҳбари бўлиб, бундай натижаларни кимдан талаб киляпсиз? Биргина Корея Республикасига корхоналарни сотамиз, инвестициялар олиб келамиз, деб ташкил этган бир нечта бизнес форумларингиз натижа бердими, қани ваъдалар?

Агар сизлар хорижий сафарларга сарф қилган харажатларни ҳисоб-китоб килсак, шу пулнинг ўзига иккита йирик корхонани сотиб олса бўларди.

«Ноль» киймати бўйича 1 минг 27 та объект сотилган. Албатта, бу яхши, бирок нима учун уларнинг кўпчилиги, баъзиларини ҳисобга олмаганда, ишга туширилмаган ва вайронна ҳолида ётибди?

Биз уларнинг ўрнига нимани ташкил этдик, қандай кувватлар ва ишлаб чиқаришлар барпо этилди, қанча одам иш билан банд? Нима учун сотилиши лозим бўлган 119 та акциядорлик жамиятидан факт ярмининг 15 фоизлик улуши хорижий инвесторларга сотилган?

Давлат мулки талон-торож қилингани учун бугун ким шахсан жавоб бериши керак? Сўзиз ва биринчи навбатда сиз кўмита раиси сифатида жавоб беришингиз шарт.

Сиз олдинги раҳбарларнинг хатоларини такрорлаб, сусткашлик қилиб ва факт статистика билан шуғулланиб, асосий бўғинни – мамлакатнинг ва халқнинг бойлигига эҳтиёткорлик билан муносабатда бўлишни бой беряпсиз.

Сизга охирги марта, комплекс раҳбари ва Давлат маслаҳатчisi О.Муродов билан биргаликда, Олий Мажлис билан ўзаро ҳамкорликда 20 кун муддатда, биринчидан, ушбу муаммоли масалаларни бартараф этишни, иккинчидан, сотилган ва сотиб олинган давлат мулкининг ишламаслиги, ундан самарасиз фойдаланилгани ёки талон-торож қилингани учун раҳбарлар ва мансабдор шахсларнинг ҳукукий мажбурият ва масъулиятини пухта ишлаб чикишни назарда тутадиган комплекс аниқ чора-тадбирларни тақдим этишни топшираман.

Давлат статистика кўмитаси раҳбариятининг фаолиятида ҳам эскича ёндашувлар бартараф этилмаган. Уларнинг иш усули, хисоб-китоблари ва маълумотлари амалий ва тезкор чора-тадбирлар

кўришни талаб этадиган камчилик ва муаммоларнинг сабабларини тўлиқ очиб бермаяпти.

Охирги йилларда туризмдек мухим соҳа комплекс раҳбарининг зарур даражадаги эътиборидан четда колиб кетди. Бу хатони сўзсиз ва энг муҳими, натижали равишда тўғрилаш керак. Биз ҳозир факат туризмни ривожлантириш билан шуғулланадиган тузилмага доир масалаларни тасдикладик.

Бу чоралар туризмнинг Ўзбекистон иқтисодиёти ривожига қўшадиган ҳиссасини ошириш, тарихий ва маданий қадриятларимизни тарғиб қилиш, шунингдек, валюта захираларини тўлдириш бўйича аник чора-тадбирлар билан кучайтирилиши зарур. Бу вазифани ҳал қилиш учун 1 ой муддат берилади.

Ушбу муаммолар кўп жиҳатдан вазирликлар, хўжалик бирлашмалари ва ҳокимликларнинг иқтисодий тузилмалари билан тизимли ишлар йўлга кўйилмагани натижасидир.

Ахир, қачондир ва кимдир туроператорларнинг дардини эшитганми? Улар қандай масалалар билан шуғулланяпти, қандай муаммоларга тўкнаш келяпти? Уларга аник профессионал ёрдам кўрсатиш хақида умуман гапирмаса ҳам бўлади.

Тақдим этилган хисботларда зарур саволларга умуман жавоб йўқ. Биринчи – қанча одам меҳнат қиляпти? Иккинчи – ҳудудларда ислоҳотларни амалга ошириш бўйича муаммолар билан ким шуғулланяпти: менежерми ёки иқтисодиётдан умуман узок одамларми? Яна бир бор комплекс раҳбарига ушбу муаммо билан яқиндан шуғулла-

нишни топшираман. Факат энди талаб каттиқ бўлади.

Комплекс раҳбари Р.Азимов, тегишли тузилма ва ҳокимликларнинг жиддий ва кундалик эътиборини талаб киладиган яна бир муҳим йўналиш бор. Бу – хусусий мулк ва тадбиркорликни янада ривожлантириш ва уларнинг таъсирчан ҳимоясини таъминлашдир.

Тадбиркорлар билан шахсан учрашишга сизларга нима ҳалакит беради? Албатта, бу учрашувларда сизларга ёкмайдиган саволлар берилиши табиий.

Тадбиркорлар билан бўлиб ўтган учрашувларда шахсан ўзим шунга каттиқ ишонч ҳосил килдимки, бундай саволларни беришга уларнинг тўлиқ ва конуний хукуки бор.

Бу хукукни улар турли маълумотнома, рухсатнома ва сертификатлар, кредит олишда неча кунлар навбатда туриш, ноконуний текширувлар, бой берилган иқтисодий ва молиявий фойда ҳисобидан кўлга киритган.

Шу билан бирга, тадбиркорларнинг кўпчилиги ҳакикий фукаролик позициясида туриб, стим болалар ва ночор оиласарга, маҳаллалар ва ижтимоий соҳа мусассасаларига беғараз ёрдам бермоқда.

Бунинг эвазига улар нима оляпти? Биринчи – фактат кўркув, яна текширишни ва сикувга олишни бошлашади, эркин меҳнат килишга, оиласми, бола-чакамни бокишга яна имконият бермайди, деган кўркув. Шу сабабли улар ўз ишида камчилиги ва конунбузарлик ҳолати бўлмаса ҳам тур-

ли даражадаги амалдорлар билан «келишиб олишга» мажбур бўлмоқда.

Ўйлайманки, буларнинг барчасидан сиз, Рустам Содикович, танкидий хуоса чиқарасиз ва жорий йил якуни бўйича ҳукумат мажлисида реал натижалар билан ҳисобот берасиз.

Хурматли дўстлар!

2016 йилда кишлок хўжалигида иктисадий ислохотларни ва таркибий ўзгаришларни янада чукурлаштириш бўйича тизимли ишлар давом эттирилди.

Шу билан бирга, 2016 йил учун белгиланган прогноз кўрсаткичлар ва устувор вазифаларни бажаришни таъминламаган айrim раҳбарларга бугун ҳукумат мажлисида алохida баҳо беришни зарур, деб ҳисоблайман.

Биринчи – бу ер майдонларини оптималлаштиришдаги камчиликлар. Тошкент, Наманган, Жиззах, Сурхондарё ва Қашқадарё вилоятларида бу жараён талаб даражасида ўtkазилмаган.

Ҳалк депутатлари туман кенгашлари томонидан фермер хўжаликларини ташкил этиш бўйича номзодлар танлашда жиддий хатоларга йўл қўйилган.

Иккинчи – айrim фермер хўжаликлари етарлича айланма маблағлар, зарур техника ва бошқа моддий-техник ресурсларга эга эмас. Бу кишлок хўжалиги экинларининг ҳосилдорлигига, шартнома мажбуриятлари бажарилишига ва фермер хўжаликларининг рентабеллигига салбий таъсир кўрсатмоқда.

Учинчи – ишлар етарли даражада ташкил этилмагани ва айrim раҳбарларнинг, жумладан, Сур-

хондарё, Сирдарё, Жиззах ва Бухоро вилоятлари собиқ хокимларининг шахсий масъулиятынниги сабабли бир қатор туманлар ва фермер хўжаликларида кутилган даражада пахта ҳосили олинмади.

Косонсой, Ангор, Музработ, Қизирик, Шеробод, Куйичирчик, Кўштепа туманларида пахта сочиш бўйича шартнома мажбуриятлари 60 – 65 фоиз даражасида колиб кетган. Зарбдор, Пахтакор, Арнасой, Мирзаобод, Ховос, Сардоба, Гулистон, Чуст ва Бекобод туманларида давлат захираси учун галла етказиб бериш мажбуриятлари бажарилмаган.

Ана шу фактларнинг ҳар бири бўйича мажлис баённида принципиал ва қатъий баҳо бериш зарур.

2017 йилда Қишлоқ ва сув хўжалиги вазирлиги, компаниялар ва бошқа идоралар, шунингдек, барча бўғиндаги ҳокимликлар кўидаги стратегик муҳим вазифаларни амалга ошириши шарт:

биринчи – экин майдонлари ва экинлар таркибини оптималлаштириш, илгор агротехнологияларни жорий этиш ва ҳосилдорликни ошириш, мева-сабзавот ва узум этиштиришни кўпайтириш;

иккинчи – фермер хўжаликларининг молиявий-иктисодий ҳолатини мустаҳкамлаш. Охириги 10 йил мобайнинда минерал ўғитлар, ёқилғи-мойлаш материаллари ва уруғлик нархининг ўсиши билан пахта хомашёси ва галлани харид қилиш нархлари ўсиши ўртасида кескин фарқ борлиғи кузатилмоқда;

учинчи – ўтган йилларда Молия вазирлиги ва унинг хузуридаги Жамгарма раҳбарияти томонидан шакллантирилган, агротехника тадбирларини молия-

лаштиришда ижобий натижа бермаётган ва мутлақо чала тизимга барҳам бериш зарур.

Неча йилдан бери савол бераман: агарки қишлоқ хўжалиги масъулиятсизларча ёндашув асосида молиялаштириладиган бўлса, давлат хариди учун маҳсулотни қандай етиштириш мумкин? Бу саволга ҳалигача аниқ жавоб йўқ. Нима сабабдан?

Жорий йилнинг 1 январь ҳолатига кўра, Жамғарма томонидан фермер хўжаликларига 300 миллиард сўм маблағ тўлаб берилмаган. Табиий савол туғилди: агар фермер давлат олдида ўз мажбуриятини бажарган бўлса, нега давлат ва унинг баъзи бир раҳбар ходимлари бу масалага бефарқ ва безътибор муносабатда бўлмоқда? Ким бунга масъул? Ким шахсан жавоб бериши зарур ва шарт?

Тўртинчи – охирги йилларда агросаноат комплексида ташкил этилган янги бошқарув органлари фаолиятидаги бир катор муаммоларни бартараф этиш юзасидан қатъий чоралар кўришимиз зарур.

Энг аввало, бу ўринда гап «Ўзпахтасаноатэкспорт» компанияси (А.Камолов) ва унинг таркибиға кирувчи «Ўзпахтасаноат» (Я.Хидиров), «Ўзпахтаэкспорт» (Ж.Қодиров) ва «Ўзпахтаёғ» (В.Жўраев) акциядорлик жамиятлари тўғрисида боряпти.

Ушбу тармокларни модернизация қилиш ва инвестиция лойиҳаларини амалга ошириш, жумладан, пахта хомашёсини қайта ишлаш бўйича марказларни ташкил этиш борасидаги ишлар ўта қониқарсиз йўлга қўйилган.

«Ўзбекозиковқат-холдинг» компанияси раҳбарлари О.Рустамов ва А.Салимовга саволлар тўпланиб қолмоқда. Мева-сабзавотни қайта ишлаш даражаси 20 фоизга ҳам етмайди. Янги технология ва стандартлар ўта сусткашлик билан жорий этилмоқда.

Кўшма корхоналарда ишлаб чиқариши ҳажми кескин пасайган. Ана шу раҳбарларга нисбатан вакт ва ишонч захираси тез вакт ичида ниҳоясига етади. Улар бундан хулоса чиқариши зарур.

«Ўзбекенгилсаноат» акциядорлик жамияти раҳбари И.Ҳайдаров, «Ўзвиносаноат-холдинг» Ш.Рахимов ва «Ўзбекчармпойабзали» уюшмаси М.Мансуров фаолиятида замонавий ёндашув ва янгиликлар сезилмаяпти.

Аник фактларни келтираман. Экспорт таркибида ип-калаванинг улуши юкорилигича – 53 фоиз даражасида қолмоқда. Аҳолининг пойабзалига бўлган эҳтиёжини. кондириш даражаси 41 фоизни ташкил этади. Узум етиштирадиган, вино ва арок маҳсулотлари ишлаб чиқаришга ихтисослашган кўплаб корхоналар самарасиз ишляяпти.

Ана шу устувор вазифаларни амалга ошириш Бош вазир ўринбосари – кишилок ва сув хўжалиги вазири З.Мирзаев учун биринчи ва жилдий имтиҳон бўлади.

Сиздан якин вакт ичида уларни бажаришини таъминлаш бўйича тизимли чора-тадбирларни белгилаб, ахборот беришингизни сўрайман.

Хурматли мажлис иштирокчилари!

Бугун Баш вазир ўринбосари – Хотин-кизлар кўмитаси раиси Т.Норбоевадан кечикириб бўлмайдиган қўйидаги вазифалар бўйича жавоб беришни ва уларни амалда ҳал этиш юзасидан аниқ таклифларни кутамиз.

Биринчи вазифа – биз учун муқаддас бўлган оила асосларини янада мустаҳкамлаш, хонадонларда тинчлик-хотиржамлик, аҳиллик ва ўзаро хурмат мухитини яратиш, маънавий-маърифий ишларни аниқ мазмун билан тўлдиришдан иборат бўлмоғи зарур.

Иккинчи вазифа – аёллар ўртасида жиноятчилик, оиласарда ажралишлар кўпайғани, ёшларнинг турли диний-экстремистик оқимлар ва террористик ташкилотлар таъсирига тушиши каби халқимизга хос бўлмаган аччик ва нохуш масалалар билан боғлиқ.

Учинчи вазифа – аёлларни уларга муносиб меҳнат билан бандлигини таъминлаш масаласидир. Аёллар учун доимий иш жойлари яратиш борасидаги мухим масала билан бир қаторда, оилавий бизнес, касаначилик, хунармандлик, томорқа хўжалигини кенг ривожлантириш ишлари ҳам оксамоқда.

Бу ўринда расмиятчиликка, қоғозбозликка, ҳатто кўзбўямачиликка берилиш ҳолатлари ҳам кам эмас ва бу ҳакда кўплаб ҳаққоний мисолларни келтириш мумкин. Савол туғилади: кимни ва нима учун алдаяпмиз?

Шунинг учун Бош вазир ўринбосари Т.Норбоева бошчилигига Хотин-қизлар қўмитаси, Касаба уюшмалари федерацияси кенгаши, «Нуроний», «Маҳалла», «Камолот» тузилмалари, Дин ишлари бўйича қўмита, Савдо-саноат палатаси ва тижорат банклари раҳбар ва мутасаддиларидан иборат ишчи гурухлари ташкил этилсин.

Ушбу гурухлар жорий йилнинг 20 январидан бошлаб Андижон, Фарғона ва Наманган вилоятларига бориб, уч ой давомида кўчама-кўча, хонадон-ма-хонадон юриб, мавжуд вазиятни чукур ва пухта ўрганади, таҳлил қиласи ва жойлардаги оддий оиласалардан, кўпни кўрган отахон ва онахонларимиздан ҳам таклифлар олади.

Бош вазир А.Ариповдан Давлат маслаҳатчиси О.Муродов билан биргаликда, ана шундай ўрганишлар натижалари ва аччик сабоқлари асосида мавжуд муаммо ва масалаларнинг ҳам ҳуқукий, ҳам ижтимоий-иктисодий, ҳам маънавий-маърифий, ҳам ташкилий томондан ечимини ўзида акс эттирган Президент карори лойиҳаси ва аник чора-тадбирлар комплексини ишлаб чиқиб, 20 апрелгача тасдиқлаш учун киритишни сўрайман.

Хурматли мажлис иштирокчилари!

Аввалги учрашувларда таълим ва илм-фан, давлатнинг ёшларга доир сиёсатини амалга ошириш, таълимнинг янги, замонавий усулларини, жумладан, ахборот-коммуникация технологияларини жорий этиш соҳасидаги ишлар ахволи танқидий таҳлил килиб берилган эди.

Бу борадаги долзарб вазифаларни амалга ошириш ёшларимиз, жамиятимиз ва мамлакатимизнинг келажаги учун стратегик аҳамиятга эга экани сабабли ушбу соҳадаги ишлар шахсан Бош вазирга юклатилган. Сизнинг эътиборингизни қуидаги вазифаларни амалга оширишга қаратаман.

Биринчи вазифа – мактабгача таълим соҳасида. Очик тан олишимиз керак, биз бу муҳим соҳадаги ишларни эътибордан четда қолдирдик. Ушбу соҳада болаларни қамраб олиш 27 фоизни ташкил этади.

Яқинда тасдиқланган дастурга кўра, бу йўналишда 2 минг 200 та муассасанинг моддий-техник базаси мустаҳкамланади.

Шунингдек, тажрибали педагог ва мутахассисларни жалб этган ҳолда, ўкув режа ва дастурларини тубдан қайта кўриб чиқиш зарур. Олдимизда ёшларга тарбия бериш, психология ва бошқа турли соҳаларда кадрлар тайёрлаш ва қайта тайёрлаш бўйича мураккаб вазифалар турибди.

Иккинчи вазифа – умумтаълим мактаблари, лицей ва касб-хунар колледжлари, шунингдек, олий ўкув юртларидаги ўқитиши сифати билан боғлик. Замонавий ўкув режа ва услубларини жорий этиш талаб даражасида эмас.

Болалар ва ёшларга маҳсус фанлар, мамлакатимиз ва жаҳон цивилизацияси тарихини, хорижий тилларни ва замонавий компьютер дастурларини чукур ўргатиш вазифалари ҳали сифатли ва тўлиқ ҳолда ечилгани йўқ.

Яна бир муаммони ҳал этиш ҳам ўта муҳим хисобланади: бу – педагоглар ва профессор-ўқитувчи-

лар таркибининг профессионал даражаси, уларнинг маҳсус билимларири. Бу борада таълим олиш, маънавий-маърифий камолот масалалари ва ҳакиқий қадриятларни шакллантириш жараёнларига фаол кўмак берадиган мухитни яратиш зарур.

Учинчи вазифа – таълим муассасаларини, энг аввало, касб-хунар коллежларини оқилона жойлаштиришни, шунингдек, иктисадиёт, ижтимоий соҳа ва ҳар бир худуднинг зарур мутахассисларга бўлган талабини тўгри аниқлашни танқидий таҳлил қилишидир.

Ҳозирча ушбу механизм ишламаяпти. Тармоклар раҳбарлари кадрларга эҳтиёж тўғрисидаги маълумотни Олий таълим вазирлиги ва Иктисадиёт вазирлигига тақдим этишади. Кейин мутахассислар тайёрлаш квоталари бўйича чукур ўйланмаган таклифлар ишлаб чиқилади. Бунинг натижасида кадрлар сифати ва уларни ишга жойлаштириш муаммоси йилдан йилга кучайиб бормоқда.

Афсуски, хеч ким бунинг учун жавобгар эмас. Нима сабабдан? Ахир, бу ўринда гап барчамизниң фарзандларимиз тўғрисида, хеч бир муболагасиз айтиш керакки, мамлакатимизниң келажаги ҳакида кетяпти.

Олий ва ўрта маҳсус таълим вазири Р.Қосимовни огохлантириб айтмоқчиман. Сиз бу соҳада катта тажрибага эга бўлган ҳолда, нафакат ушбу камчиликларни бартараф этиш, балки туб ва сифатли ўзгаришларни таъминлаш учун ҳам шахсан жавоб берасиз. Олдинги йиллардаги хатоларни тақрорланаш мумкин эмас.

Тўртингчи вазифа – нафақат академик илм-фанни, балки олий ўкув юртларидағи илм-фанни янада ривожлантириш. Бунга Фанлар академияси аъзопари билан яқинда ўтказилган учрашув ва узок мудлатли мулокот давомида қатъий ишонч ҳосил қилдим.

Бу ўринда, менинг назаримда, иккита асосий вазифани ҳал этиш зарур:

биринчи – илмий муассасаларнинг моддий-техник базасини илғор хорижий марказлар даражасида ва олимлар талабларига мувофиқ сезиларли равишда мустаҳкамлаш керак. Бунда, албатта, давлатнинг эҳтиёжлари ва унинг мақсадли вазифалари инобатга олиниши шарт;

иккинчи – академикларни ҳар тарафлама қўллаб-куватлаш, жумладан, моддий рағбатлантириш бўйича аник чора-тадбирларни ишлаб чиқиш ва амалга ошириш.

Сизга, Абдулла Нигматович, Фанлар академиясининг янги президенти Б.Йўлдошев, Олий ва ўрта маҳсус таълим вазирлиги ва бошка идоралар билан биргаликда бир ой муддатда олимлар билан учрашувда берилган топширикларни ижро этиш бўйича пухта ишланган чора-тадбирлар комплексини тақдим этиш топширилади.

Бешинчи вазифа – китоб чоп этиш ва тарқатишдаги муаммоларни ҳал қилишdir. Бу ўринда гап, энг аввало, ёшлар ва ахоли ўртасида мамлакатимизнинг бой тарихини, унинг бетакрор маданияти ва миллий қадриятларини кенг тарғиб қилиш, жаҳон илм-фани ва адабиёти ютуқларини етказиш

учун зарур мухит ва шарт-шароит яратиш хақида бормоқда.

Бу борада замонавий компьютер технологиялари ва, айниқса, Интернет тизими биздан анча илдамлаб кетганини ҳам инобатга олиш зарур.

Ана шу вазифани ҳал этишда турли дарсликлар яратиш, уларни чоп этиш ва молиялаштириш масалаларида идоралар ўртасидаги ўзаро келишмовчилик, афсуски, жиддий тўсик бўлмоқда.

Шу муносабат билан Бош вазирга алоҳида комиссия тузиб, бир ой муддатда дарсликлар, маҳсус ва бадиий адабиётга бўлган реал эҳтиёжни, уларни бошқа тилларга таржима қилиш, улар билан ўкув юртлари, кутубхона ва ахборот-ресурс марказларини таъминлаш бўйича чора-тадбирлар комплексини тақдим этиш топширилади.

Бунда ёшлар ва ахолининг кенг қатламлари ўргасида китобхонликни тарғиб қилиш масалаларига ҳам алоҳида эътибор бериш лозим бўлади. Китобларнинг ҳақиқий нархи шаклланишини жуда ҳам пухта ўрганиш зарур.

Ҳозирги пайтда ҳаммамизнинг олдимиизда жуда мухим аҳамиятга эга бўлган масала, яъни китобхонликни кенг ёйиш ва ёшларимизнинг китобга бўлган мұхаббатини, уларнинг маънавий иммунитетини янада оширишга қаратилган ишларимизни янги боскичга олиб чиқиш вазифаси турибди.

Ушбу масалаларни амалга ошириш учун биз куни кеча алоҳида фармойиш ҳам қабул килдик.

Бизнинг навбатдаги кечиктириб бўлмайдиган ва истиқболдаги вазифамиз – «Электрон ҳукумат» тизими самарали ишлашини таъминлашдан иборат. Ҳозирча у тўлиқ ҳажмда ишламаяпти. Айрим идоралар эса бу тизимга ёки уланмаган, ёки очик айтадиган бўлсак, уни нима килишни ҳам билмайди.

2016 йилдаги айрим фактлардан ўзингиз хулоса чиқариб олинг. Давлат хизматлари ягона порталига 534 минг фуқаро ва юридик шахслардан келиб тушган мурожаатлардан 6 мингдан ортиғи ёки кўриб чиқилмаган, ёки уларга ўз вақтида жавоб берилмаган.

Рўйхатга олинган 4 мингдан ортиқ норматив-хукуқий хужжатнинг атиги мингга яқини тизимга жойлаштирилган. Туман ва шаҳарлар ҳокимликлари-нинг кўпида ушбу тизим самарасиз ишлатилмоқда.

Хатто, технологик жараёнларни ва бошқариш тизимларини такомиллаштиришга жиддий эҳтиёж бўлган йирик корхоналар, ташкилот ва хўжалик бирлашмалари ҳам ахборот-коммуникация технологияларини жорий этишда зарур ташаббус кўрсатмаяпти. Улар қаторида «Ўзбекнефтгаз», «Ўздонмаҳсулот» компаниялари, «Ўзфармсаноат» концерни, «Ўзбекчармпойабзали» уюшмаси, «Ўзкурилишматериаллари» акциядорлик жамияти ҳам бор.

Бундай юзаки ёндашув билан кўплаб муаммоларимизни ечишимиз мумкинми? Шу сабабли яқин вақт ичida ана шу ишлар аҳволини мухокама қилиб, бу борада тасдиқланган Миллий

дастурни бажаришнинг самарадорлиги юзасидан кўрилган чора-тадбирлар, шунингдек, истикболдаги вазифалар тўғрисида ахборот бериш керак.

Хурматли мажлис иштирокчилари!

Ҳокимларнинг мавқеи ва роли, уларнинг тумандаги, шаҳар ва вилоятдаги ишлар ахволи учун шахсий жавобгарлиги Конституциямизда принципиал қоида сифатида белгилаб қўйилганини барчангиз яхши биласиз.

Биз ҳар доим уларнинг фаолияти натижаларига алоҳида эътибор қаратганимиз ва бундан кейин ҳам бу масала дикқатимиз марказида бўлади.

Шуни инобатга олиб, якинда барча бўгиндаги ҳокимликларнинг тузилмасига принципиал ўзгаришлар киритилди. Бунга қандай зарурат бор эди?

Биринчидан, ҳудудларни, айниқса, колоқ шаҳар ва туманларни комплекс ривожлантиришга доир энг муҳим устувор вазифани амалга ошириш заруратидан келиб чиқилди.

Агар ҳудудларнинг аҳоли жон бошига тўғри келадиган кўрсаткичларини солиштирсанак, улар кун ва тундек бир-биридан фарқ қиласади.

Иккинчидан, ҳудудий ва тармоқ бошқаруви самарасига, уларнинг ривожига холис баҳо беришни кийинлаштирадиган ҳолатлар мавжуд. Масалан, республикага бўйсунадиган йирик корхоналар кўрсаткичини чиқариб ташласак, вилоятлар ялпи ҳудудий маҳсулоти ҳажми жуда кичик бўлиб қолади.

Бош вазир А.Ариповга бир ой муддатда ҳудуд ва тармоклар кўрсаткичлари ҳисоби ва уларни статистикада акс эттириш механизмини такомиллаштириш юзасидан қарор тайёрлаш ва қабул килиш юкланди.

Масалан, Навоий ва Олмалик кон-металлургия комбинатлари, нефть-газ ва кимё саноати корхоналарининг ҳудудларга бевосита алоқаси йўқ. Уларни ривожлантиришга эришишда ҳокимликларнинг ҳеч кандай роли ва хизмати йўқлигини ҳаммамиз яхши биламиз.

Шунинг учун оқни – оққа, корани – қорага ажратиш вакти ҳам келди. Шунда статистик рақамлар ҳам ҳакиқий ҳолатни акс эттиради.

Учинчидан, ҳокимликларнинг тузилмасини ишлаб чикишда тўпланган тажриба ҳамда бир қатор вилоятлар ҳокимларининг таклифлари ҳисобга олинди.

Тузилмага қўшимча равишда қўйидагилар киритилди. Барча вилоят, шаҳар ва туман ҳокимликларида ҳокимнинг иқтисодий ислоҳотлар ва тадбиркорлик масалалари бўйича биринчи ўринбосари, шунингдек, ёшлар сиёсати, ижтимоий ривожлантириш ва мъянавий-маърифий ишлар бўйича ўринбосари лавозимлари жорий этилди.

Ахборот-тахлил гурухлари кучайтирилди. Чегарага яқин 80 та туманда ҳокимнинг маҳсус ёрдамчиси лавозими киритилди. Жами 739 та қўшимча штат ташкил этилди.

Яқинда ҳокимлар ва ҳокимликларнинг барча ходимлари иш ҳакини уларнинг меҳнат стажидан

келиб чикқан холда ошириш бўйича қарор қабул қилинди.

Ўйлайманки, энди барча бўғиндаги ҳокимларнинг ходимлар сони етишмаслиги тўғрисида шикоят қилиши учун объектив асос йўқ. Энди ушбу лавозимларга самарали ишни таъминлайдиган, муносиб кадрларни танлаш бўйича олдимиизда муҳим вазифа турибди.

А.Арипов, А.Раматов ва Р.Азимовнинг эътиборини ҳокимларнинг биринчи ўринbosари лавозимларига муносиб номзодларни тақдим этиш чўзиб юборилганига қаратаман.

Бирок яна бир устувор вазифа бор. Бу – Бош вазирнинг барча ўринbosарлари, департаментлар, тармоқларни бошқариш органлари раҳбарларининг ҳокимлар ва уларнинг тегишли ўринbosарлари билан ўзаро яқин алоқаси ва фаолиятини мувофиқлаштиришни таъминлашдир. Энди самарали ишлаш барча раҳбарлар учун ҳам қарз, ҳам фарз.

Ҳурматли мажлис иштирокчилари!

2017 йил ва ундан кейинги даврга белгиланган вазифаларни амалга ошириш учта энг муҳим талабга ҳал этувчи даражада боғлиқдир.

Биринчи – давлат раҳбари – Президентдан бошлаб барча бўғиндаги раҳбарларнинг якуний натижалар учун шахсий жавобгарлиги.

Иккинчи – ҳамма соҳада аниқ тартиб ва қаттиқ интизомни таъминлашимиз даркор. Яна бир бор таъкидлайман, ишни биргаликда бажарамиз, натижа учун эса ҳар биримиз шахсан жавоб берамиз.

Учинчи талаб – сафларимиз ва кадрларимизнинг соғлигини таъминлаш, ишдаги ҳар қандай салбий ҳолатларнинг олдини олиш ва бундай иллатларнинг илдизини куритиш.

Ўтган йили ишдаги жиддий камчиликлар ва шахсий масъулиятсизлиги учун олий ва ўрта маҳсус таълим вазирини, «Ўзстандарт» агентлиги, «Ўзбекэнерго» акциядорлик жамияти, «Ўзагросаноатмаш-холдинг» компанияси, «Асакабанк» ва бошқа бир қатор бошқарув органлари ва ташкилотлар раҳбарларини лавозимидан озод этдик.

Айнан ана шу сабабларга кўра Бухоро, Жizzах, Сурхондарё, Сирдарё ва Тошкент вилоятлари, шунингдек, бир қатор шаҳар ва туман ҳокимлари лавозимидан озод қилинди.

Буларнинг барчаси давр талаби. Бу талаб иқтисодиёт ва, айникса, ижтимоий соҳанинг, шунингдек, аҳолининг муҳим муаммоларини бир ой ёки бир йилдан кейин эмас, балки шу бугун, ҳозирнинг ўзида ечиш заруратидан келиб чиқади.

Ҳисобот берувчи Бош вазир ўринбосарлари, тармоқлар раҳбарлари ва ҳокимлардан, шунингдек, мажлисда иштирок этаётган барча мутасадди шахслардан асосий эътиборни қуидаги саволларга қаратишни сўрайман:

биринчи – ҳар бирингиз камчилик ва муаммоларни бартараф этиш учун қандай аниқ чораларни кўрасиз?

иккинчи – иқтисодиёт тармоқлари ва ижтимоий соҳани, шунингдек, мамлакатимиз худудларини ри-

вожлантириш бўйича қайси энг муҳим кўрсаткичларни жорий йил биринчи чораги ва биринчи ярим йиллигида бажариш учун нима килиш керак?

Яна бир бор таъкидламоқчиман: бизга назарий ва умумий фикрлар эмас, ана шу иккита саволга аник ва лўнда жавоб керак.

* * *

Бўлиб ўтган мухокамалардан сўнг Ўзбекистон Республикаси Президенти Шавкат Мирзиёев мажлисга якун ясад, куйидаги фикрларни таъкидлади.

– Азиз дўстлар, ҳозир сизлар билан белгилаб олган мақсад ва вазифаларга эришиш учун ишимизни янгича асосда ташкил этиб, ҳар биримиз ўз жойимизда масъулиятни чукур хис қилиб, каттиқ иш олиб боришимиз керак. Бугунги мажлисда билдирилган барча таҳлилий ва танқидий фикрлар эртанги кун учун, янги мэрраларни эгаллашимиз учун мустаҳкам замин бўлиб хизмат қиласди.

Ҳаммамизга бир ҳакикат равшан бўлиши лозим: биз мавжуд ривожланиш суръатлари билан ўз олдимизга кўйган юксак мақсадларга эриша олмаймиз. Бугун замон ўзгармокда, унинг талаби, олдимизга кўяётган вазифалари тобора ортиб бормокда. Мана шундай мураккаб шароитда «Сен – менга тегма, мен – сенга тегмайман» деган кайфият билан ишлашнинг вакти ўтди. Биз «вазият ёмон, вазият оғир» деб баҳона кидиришга ўрганиб колганмиз. Лекин шу вазиятни ким ўзгартиради, ким изга солади, деган саволни, келинг, ўзимизга берайлик. Вазиятни ўзимиз, ўз акл-заковатимиз, меҳнатимиз билан

ўзгартирмасак, ҳеч ким четдан келиб бу ишни биз учун килиб бермайди.

Бугун бу мажлисда ҳамма нарса ўз номи билан айтилиб, иқтисодиётимиздаги мавжуд ахвол холис таҳлил қилинди, келгуси режалар белгилаб олинди.

Энг муҳим вазифамиз – мамлакатимизда тинчлик ва фаровонликни мустаҳкамлаш, одамларни, ҳалқимизни ҳаётдан рози қилишдан иборат. Бунинг учун эл-юртимиз, аввало биз – раҳбарларнинг фаолиятидан рози бўлиши керак. Бунинг учун ҳар бир раҳбар ўз аравасини ўзи тортиши, ўз соҳасидаги ишларнинг аҳволи учун ўзи шахсан жавоб бериши керак. Шундан кейин жамиятимизда ўзгариш бўлади, ривожланиш бўлади.

Ўтган йили декабрь ойида бўлиб ўтган Президент сайлови ҳалқимизнинг эртанги кунга, келажакка бўлган ишончини кўрсатди. Энди биз ана шу юксак ишончни амалий ишлар билан оқлашимиз шарт. Шунинг учун ҳам ҳаммамиз хулоса қилайлик: жона-жон Ватанимиз, олижаноб ҳалқимизнинг ишончини қозониш, унинг орзу-умидларини рўёбга чиқариш учун фақат тинимсиз меҳнат, изланиш ва ташабbus кўрсатиб яшаш керак. Одамлар буни кундалик ҳаётда сезиши, кўриши зарур.

Ҳалқимизда «Дўст ачитиб гаииради» деган мақол бор. Биз бир-биримизга нисбатан айтилган танқидий гапларни, албатта, тўғри тушунамиз, деб ўйлайман.

Ҳаммамизга маълум, ўтган йил биз учун осон бўлмади. Жуда оғир қийинчилик ва мусибатларни

бошимиздан ўтказдик. Лекин бу синовлардан муносиб ўтдик.

Худога шукр, мана, 2017 йил ёмон келмаяпти. Тогларда қор мүл, «оби раҳмат» – ёмғирлар ёғиб турибди. Бу – кишлок хўжалиги, дехқон ва фермерларимиз учун кут-барака, мүл ҳосил дегани.

Мана шундай имкониятлардан самарали фойдаланиб, замон талабини ҳис этмасдан, эскича ишилашга энди ҳеч биримизнинг ҳаққимиз йўқ. Халқимиз бугун катта орзу-умидлар билан яшаяпти. Бу орзу-умидларни ким амалга оширади? Аввало, мана шу залда ўтирган раҳбарлар, мутасадди ва мутахассислар, навқирон ёшларимиз. Бунинг учун бизда куч ва имконият, билим ва салоҳият ҳам, қатъий ирода, интилиш ва азму шижаот ҳам етарли.

Шу йўлда барчангизга сиҳат-саломатлик, баҳт ва омад, янги ютуқлар тилайман.

*Мамлакатимизни 2016 йилда ижтиёмоий-иқтисодий
ривожлантиришининг асосий якунлари ва 2017 йилга
мўлжалланган иқтисодий дастурнинг энг муҳим устувор
йўналишларига багишлиланган Вазирлар Маҳкамасининг
кенгайтирилган мажлисидаги маъруза.
2017 йил 14 январь*

МИЛЛАТЛАРАРО ДЎСТЛИК ВА ҲАМЖИҲАТЛИК – ҲАЛҚИМИЗ ТИНЧЛИГИ ВА ФАРОВОНИГИНИНГ ҲАЁТБАХШ МАНБАИ

Қадрли дўстлар!

Сизларни ва сизларнинг тимсолингизда кўп миллатли бутун Ўзбекистон ҳалқини кутлуғ сана – Республика байналмилал маданият маркази ташкил этилганинг 25 йиллиги билан чин қалбимдан самимий табриклайман.

Маълумки, бизнинг қадимий ва саховатли заминимизда кўп асрлар давомида турли миллат ва элат, маданият ва дин вакиллари тинч-тотув яшаб келган. Мехмондўстлик, эзгулик, қалб саховати ва том маънодаги бағрикенглик бизнинг ҳалқимизга доимо хос бўлган ва унинг менталитети асосини ташкил этади.

Мустақиллик йилларида мамлакатимизда миллатларапро муносабатлар ривожида янги босқич бошланди. Бағрикенглик ва инсонпарварлик маданиятини ривожлантириш, миллатларапро ва фуқаролараро ҳамжихатлик ва тотувликни мустаҳкамлаш, ёш авлодни шу асосда, Ватанга муҳаббат ва садоқат руҳида тарбиялаш Ўзбекистонда давлат сиёсатининг энг муҳим устувор йўналишларидан бири этиб белгиланди. Буларнинг барчаси ҳаётда ўзининг тўлиқ ифодасини топди.

Юртимизда хукм сураётган дўстлик ва бирдамлик мухити – тинчлик ва барқарорлик, амалга оширилаётган ислоҳотлар самарадорлигини ошириш, Ўзбекистоннинг халқаро майдондаги обрў-эътиборини янада юксалтиришнинг энг муҳим омилидир. Биз барчамиз мамлакатимизнинг Биринчи Президенти Ислом Абдуганиевич Каримовнинг ана шу том маънодаги бебаҳо бойлигимизни асраб-авайлаш ва мустаҳкамлаш борасидаги хизматларини яхши биламиз ва юксак қадрлаймиз.

Бугун мамлакатимизда 130 дан ортиқ миллат ва элат вакиллари бир оила фарзандлариdek аҳил ва инок яшамоқда. Улар умумий уйимиз – Ўзбекистонимиз равнаки йўлида бирлашиб, барча соҳа ва тармокларда фидокорона меҳнат кильмоқда, ривожланган бозор иқтисодиёти ва кучли фуқаролик жамиятига асосланган хукукий демократик давлат куришга муносиб хисса кўшмоқда.

Бизнинг Конституциямиз ва конунларимизда Ўзбекистон Республикасининг барча фуқаролари миллати, тили ва динидан қатъи назар, тенг хукуқ ва эркинликларга эга экани мустаҳкамлаб қўйилган. Уларга ўз миллий маданияти, анъана ва урф-одатларини саклаш ҳамда ҳар томонлама ривожлантириш учун барча имкониятлар яратилган. Мамлакатимизда 16 та конфессияга мансуб диний ташкилотлар эркин фаолият юритмоқда. Давлат таълим муассасаларида ўқитиши 7 тилда олиб борилмоқда. Ўзбекистон Миллий телерадиокомпанияси ўз кўрсатувларини

12 тилда намойиш этмоқда, ўндан ортиқ тилда газета ва журналлар нашр этилмоқда.

Мамлакатимизда этник ўзига хосликни ривожлантириш ва миллатларарабо муносабатларни янада уйғунлаштиришда 137 та миллий маданий марказ етакчи роль ўйнамоқда. Улар ўзларининг ўзига хос маданияти, тили, халқ хунармандлигини ривожлантириб, турли маданиятларнинг бир-бирини ўзаро бойитишига, ҳар биримизда кўп миллатли ягона оила туйгусини мустаҳкамлашга салмоқли ҳисса кўшмоқда.

Республика байналмилал маданият маркази уларнинг фаолиятини мувофикаштириб, амалий ва услубий ёрдам бераётгани алоҳида диккатга сазовордир.

Марказ мамлакатимизнинг барча худудларида ўтказилаётган ёркин тадбирлари асосида маданий ва ижтимоий ҳаётимизни янада теран маъно-мазмун билан бойитмоқда, Ўзбекистонда яшаётган турли миллат ва элат вакиллари ўртасида дўстлик ва бағрикенглик муносабатларини мустаҳкамламоқда. МДҲ давлатлари ўртасида факат Ўзбекистонда шундай тузилма ташкил этилгани эътиборга лойикдир.

Буларнинг барчаси мамлакатимизда миллатларарабо муносабатлар соҳасида нодавлат ташкилотларнинг ноёб тизими шаклланганидан далолат беради. Ушбу ташкилотларнинг серкирра фаолияти мамлакатимизда тинч ва фаровон ҳаётни таъминлаш, муҳим маданий-маърифий вазифаларни ҳал этиш, шунингдек, хорижий давлатлар билан ҳамкорликни ривожлантиришга хизмат килмоқда.

Хурматли учрашув иштирокчилари!

Барчангизга маълумки, ҳозирги вактда дунёниг турли минтақаларида миллатлараро ва динлараро кескинлик кучайиб бормоқда, миллатчилик, диний муросасизлик бош кўтармоқда. Бу иллатлар давлатни емириб, жамиятни парчалаб, радикал гуруҳ ва оқимлар учун мафкура базасига айланмоқда.

Ана шундай мураккаб вазиятда мамлакатимизда турли миллат ва динга мансуб инсонлар ўртасида дўстлик ва ҳамжиҳатликни янада мустаҳкамлаш биз учун борган сари муҳим аҳамият касб этмоқда. Ҳеч шубҳасиз, бу бизнинг заминимизда тинчлик ва осойишталиктининг мустаҳкам кафолати, халқимиз бунёдкорлик салоҳиятини, унинг эртанги кунга бўлган ишончини оширишнинг асоси бўлиб хизмат қилмоқда.

Шу муносабат билан Маданият ва спорт ишлари вазирлиги, Халқ таълими, Олий ва ўрта маҳсус таълим вазирликлари, Ўзбекистон Бадиий академияси, «Тасвирий ойина» ижодий уюшмаси, Хотин-қизлар қўмитаси, «Маҳалла», «Нуроний» жамғармалари, «Камолот» ёшлар ижтимоий харакати ва бошқа кўплаб ташкилотлар, ўйлайманки, маданият ва маърифат, ёшларни миллий ва умуминсоний кадриятлар руҳида тарбиялаш соҳасидаги ишларни янада кучайтириши зарур. Бу бугун бизнинг барчамиз учун ҳаётий муҳим вазифадир.

Янада огоҳ ва сергак бўлиш, энг асосий бойлигимиз бўлган ва биз ҳакли равища фаҳранадиган кўп миллатли халқимизнинг бирдамлиги ва жипслигини

кўз корачигидек асраш ҳамда янада мустаҳкамлаш Ўзбекистонни ўз Ватани, деб биладиган ҳар бир инсоннинг муқаддас бурчидир.

Биз фақат шу йўл билан бутунги куннинг барча таҳдид ва хавф-хатарларига самарали қарши туришимиз, жамиятимизда турли бузгунчи гояларга қарши катъий иммунитет яратишимиз, ўзимиз танлаган демократик тараккиёт йўлида янада салмоқли натижаларга эришишимиз мумкин.

Биз ўзимиз учун энг муҳим бўлган ана шу масалага бундан буён ҳам устувор аҳамият қаратамиз, жумладан, миллий маданий марказлар фаолиятини амалий жиҳатдан кўллаб-қувватлаш бўйича зарур барча ишларни бажарамиз.

Масалан, яқинда менга мослаштирилган биноларда жойлашган қатор марказларнинг бир гурӯҳ фаоллари ўзларининг меҳнат шароитларини яхшилашга кўмаклашиш тўғрисида мурожаат килди.

Шу муносабат билан пойтахтимиз кўркига кўрк кўшиб турган, илгари «Ўзбекенгилсаноат» акциядорлик жамиятига тегишли бўлган Бобур кўчасидаги бинони Республика байналмилал маданият марказига беришни ва уни Дўстлик саройи деб номлашни таклиф этаман. Биз мазкур бинони реконструкция қилиш ва унинг атрофини ободонлаштиришни кўзда тутадиган тегишли ҳукумат қарорини қабул қиласиз.

Ана шу бинонинг ёнида жойлашган ва мустакиллик йилларида Республика байналмилал маданият маркази ўзининг кўплаб тадбирларини ўтказиб

келаётган боғни «Дўстлик боғи» деб номлашни таклиф киламан.

Шу муносабат билан Бош вазир А.Арипов тегишли идоралар билан биргаликда, бир ой муддатда мазкур боғ ҳудудида Ўзбекистонда истикомат килаётган барча элу элат вакилларининг ўзига хос маданияти, урф-одатлари ва пазандалик анъаналарини намойиш этиш учун павильонлар барпо қилиш лойиҳасини ишлаб чикиши зарур.

Тошкент шаҳрининг Мирзо Улуғбек туманида Наврӯз байрами арафасида очиладиган янги боғ эса энди буюк аждодимиз Захириддин Мухаммад Бобур номи билан аталади.

Фанлар академияси институтлари билан ҳамкорликда мамлакатимизда миллатлараро муносабатларни янада ривожлантириш ва уйғунлаштиришга бағишиланган илмий тадқиқотлар ўтказишни ташкил этиш Республика байналмилал маданият марказининг яна бир долзарб вазифаси, деб ҳисоблайман.

Агар Ўзбекистонда фаолият кўрсатаётган ҳар бир миллий маданий марказнинг фаоллари ўзларининг тарихий ватанлари билан маданий-гуманитар соҳадаги муносабатларни янада фаол ривожлантирадиган бўлса, ўйлайманки, мақсадга мувофиқ бўлади. Республика байналмилал маданият маркази биз учун муҳим бўлган бу масалада катта вазифани бажариши керак.

Ишонаманки, яна бир таклифни сизларнинг барчангиз қўллаб-кувватлайсиз.

Афсуски, ҳозирги вактда шундай тажриба шаклланганки, мамлакатимизнинг аксарият аҳолиси турли миллат ва элатлар маданиятининг ўзига хос хусусиятлари билан бир йилда атиги икки-уч марта, энг аввало, Наврӯз байрами кунларида танишиш имкониятига эга, бу албатта етарли эмас.

Шундан келиб чиккан ҳолда, Республика байналмилал маданият маркази Маданият ва спорт ишлари вазирлиги ҳамда юртимиздаги ижодий ташкилотлар билан ҳамкорликда кенг жамоатчиликни Ўзбекистонда яшаётган турли миллат ва ҳалқлар вакилларининг бетакрор маданияти, ҳалқ хунармандлиги, анъана ва урф-одатлари билан тизимли ва доимий асосда таништириш бўйича дастур ишлаб чикиши ва ҳар йили йил давомида уни амалга ошириши айни муддао бўлур эди. Бунинг учун уларга мамлакатимиздаги энг яхши концерт майдончалари, театр саҳналари ва кўргазма залларини бериш керак.

Ҳеч шубҳасиз, буларнинг барчаси турли ҳалқлар маданиятларининг бир-бирини ўзаро бойитишига, бизнинг кўп миллатли Ўзбекистонимизнинг маънавий ва маданий ҳаётини янада ёркин намоён этишга хизмат қиласи.

Қадрли дўстлар!

Биз сизлар билан мамлакатимизда Ҳалқ билан мулокот ва инсон манфаатлари йили, деб эълон қилинган жорий йил бошида учрашиб турганимиз чукур рамзий маънога эга.

Одамларнинг дарду ташвиши, манфаатларини ўйлаб яшаш, аҳоли учун муносиб шароитлар яратиш, дунёдаги ривожланган демократик давлатлар каторидан муносиб ўрин олишни давлат сиёсатининг устувор йўналишлари этиб белгилаганмиз.

Ишончим комил, сизлар ана шу дастурий вазифаларни ҳаётга татбиқ этишда фаол иштирок этасиз. Халқимиз сизларнинг биз учун ўта муҳим, шунчалик зарур фаолиятингизни юксак қадрлайди ва у муносиб баҳоланмоқда.

Мустақиллик йилларида Республика байналмилал маданият маркази ва миллий маданий марказларнинг ўздан ортиқ фаоллари фаҳрий унвонларга сазовор бўлди, орден ва медаллар билан тақдирланди.

Турли миллатлар вакили бўлган 14 нафар фукаромиз Ўзбекистон Қаҳрамони деган юксак унвон билан мукофотланганини алоҳида таъкидлаш ўринлидир.

Мен сизларнинг кўпчилигингизни шахсан танийман, аксариятингизни телевидение, матбуотдаги чиқишлиарингиз орқали биламан ва бугун бошқаларга ўрнак бўладиган, халқимизнинг бирлиги ва жисслигини мустаҳкамлашга муносиб ҳисса қўшаётган яна 20 нафардан зиёд ташаббускор ва фидойи юртдошларимизга Ватанимизнинг юксак мукофотларини топширишдан хурсандман.

Уларнинг орасида Навоий вилояти Конимех туманидаги коракалпок миллий маданий маркази фаоли Нуркул Базарбаева, Республика байналмилал маданият маркази директорининг ўринбосари Сергей Миронов, Тошкент вилояти Янгийўл тумани татар

миллий маданий маркази раиси Анися Гатауллина, Сирдарё вилояти рус миллий маданий маркази раиси Фаина Голубцова, Хоразм вилояти қозоқ миллий маданий маркази раиси Пўлатбек Изюмов, Жиззах вилояти корейс миллий маданий маркази раиси Олег Ким, Фарғона вилояти яхудий миллий маданий маркази раиси Семён Абдураҳмонов, Тошкент шаҳридаги литва миллий маданий маркази раиси Лидия Довидайтис, Самарқанд вилоятидаги немис миллий маданий маркази раиси Наталья Кайзер, Нукус шаҳридаги «Славутич» украин миллий маданий маркази раиси Ольга Миронец, Қашқадарё вилоятидаги тожик миллий маданий маркази раиси Абдурасул Эргашев каби юртдошларимиз бор.

Шунингдек, Тошкент шаҳридаги «Свитанак» белорус миллий маданий маркази раисининг ўринбосари Нина Шубникова, Қашқадарё вилоятидаги араб миллий маданий маркази раисининг ўринбосари Ниёзмуҳаммад Панжиев, Бухоро вилоятидаги турк миллий маданий маркази раиси ўринбосари Жума Шукуров, республика озарбайжон миллий маданий марказининг «Озарбайжон қизлари» ансамбли бадиий раҳбари Кайкеп Алиева, Қоракалпогистон Республикаси туркман миллий маданий маркази фаоли Аразмуҳаммет Абаев, Андижон вилоятидаги кирғиз миллий маданий маркази фаоли Умутхон Маматалиева, республика арман миллий маданий маркази фаоли Георгий Сааков ва бошқалар ҳам давлат мукофотлари билан тақдирланди. Улар биргаликдаги саъй-ҳаракатлари билан энг муҳим вазифани бажармоқда, яъни мамлакатимизни ривожлантириш-

га, унинг маънавий ва инсонпарварлик асосларини мустаҳкамлашга муносиб хисса қўшмоқда.

Энди учрашувимизнинг ҳаяжонли қисмига ўтиш Ватанимизнинг юксак мукофотларини топширишга рухсат бергайсиз.

Ҳурматли дўстлар!

Сизларнинг барчангизни Республика байналмилал маданият маркази ташкил этилганининг 25 йиллиги билан яна бир бор табриклаб, жонажон Ўзбекистонимизнинг баркарор тараккиёти ва фаровонлиги йўлидаги беғараз меҳнатингиз учун ўзимнинг чукур миннатдорлигимни изҳор этишга ижозат бергайсиз.

Сизлар билан, кўп миллатли ва меҳнатсевар халқимиз билан биргаликда эркин демократик ва фаровон давлат курамиз ҳамда кўзлаган юксак мақсадларимизга албатта эришамиз.

Сизларнинг барчангизга мустаҳкам соғлик ва омад, оиласиб баҳт, хонадонларингизга файзу барака тилайман.

Барча эзгу ишларимизда Яратганинг ўзи қўлласин!

Гўзал диёримизда доимо тинчлик-осойишталик баркарор бўлсин!

Ватанимиз осмони ҳамиша мусаффо, халқимиз омон бўлсин!

*Республика байналмилал
маданият маркази ташкил этилганининг
25 йиллигига багишинланган учрашувдаги нутқ.
2017 йил 24 январь*

ЗАМОНАВИЙ, ҚУДРАТЛИ АРМИЯ – ТИНЧ-ОСОЙИШТА ҲАЁТИМИЗ ҚАФОЛАТИ

Ўзбекистон Республикаси Президенти, Куролли Кучлар Олий Бош Кўмондони Шавкат Мирзиёев 2017 йил 26 январь куни Тошкент олий умумқўшин кўмондонлик билим юртида Мудофаа вазирлиги раҳбарияти билан йиғилиш ўтказди.

Ўзбекистон Республикаси Олий Мажлиси Сенати аъзолари, Конунчилик палатаси депутатлари, ҳукумат аъзолари иштирок этган тадбирда Ўзбекистон Республикаси Президентининг мамлакатимиз Куролли Кучлари ташкил этилганининг 25 йиллиги муносабати билан Ватан ҳимоячиларига байрам табригида белгиланган вазифалар ижросининг бориши муҳокама қилинди, қатор вазирлик ва идоралар раҳбарларининг ахбороти тингланди.

Давлатимиз раҳбари хавфсизлик соҳасига оид қонунчилик самарадорлигини юксалтириш, Куролли Кучлар ташкилий тизимини янада такомилластириш, унинг шахсий таркибини тайёрлаш, замонавий курол-яроғ ва ҳарбий техника билан таъминланганлик даражасини янада оширишга қаратилган аниқ вазифаларни белгилаб берди.

Ҳарбий хизматчиларни ҳар томонлама ижтимоий ҳимоя қилиш, жумладан, ҳарбийлар ва уларнинг оила аъзолари учун замонавий уй-жойлар қуриш билан боғлиқ масалалар кўриб чиқилди.

Президентимиз Шавкат Мирзиёев ёшларни ватанпарварлик рухида тарбиялаш, юртдошларимизда Ватан тақдири ва келажаги учун масъулият туйгусини янада юксалтириш каби мұхим вазифаларга алоҳида зътибор қаратди.

Йигилишда ҳукумат аъзоларига, вазирлик ва идоралар раҳбарларига Куролли Кучларимиз қудратини ошириш борасидаги ишларни янада тақомиллаштириш, миллий армиямиз ва халқимиз яқдиллинини янада мустаҳкамлашга доир аник топшириқлар берилди.

Давлатимиз раҳбари мазкур билим юртида курсантлар учун яратилған шароитлар билан танишди.

2017 йыл 26 январь

СОҒЛИҚНИ САҚЛАШ ТИЗИМИНИ ЗАМОН ТАЛАБИ ДАРАЖАСИДА ТАКОМИЛЛАШТИРИШ – КУН ТАРТИБИДАГИ АСОСИЙ МАСАЛА

Президентимиз Шавкат Мирзиёев 2017 йил 5 январь куни соғлиқни саклаш соҳаси мутахассислари билан учрашиб, ушбу тизимни такомиллаштириш, муаммо ва камчиликларни бартараф этиш бўйича қўрсатмалар берган эди. Халқимиз саломатлиги, айниқса, ёш авлод келажагига дахлдор бу соҳа Президентнинг доимий эътиборида бўлишини алоҳида таъкидлаган эди.

Давлатимиз раҳбари мамлакатимиз худудларига сафарлари чоғида қишлоқ врачлик пунктлари ва клиникаларда бўлиб, шифокор ва беморлар билан мулокот қилмоқда. Бу Президентимизнинг мазкур соҳага – халқимиз саломатлигига доимий эътиборидан далолат беради.

Ўзбекистон Республикаси Президенти Шавкат Мирзиёев раислигига 7 февраль куни юкорида эслатилган мажлисда белгиланган вазифалар ижроси, соғлиқни саклаш тизимидағи муаммолар ва соҳанинг ривожланиши истиқболларига бағишлиланган видеоселектор йиғилиши бўлиб ўтди.

Мажлисда тегишли вазирлик ва идоралар раҳбарлари, тиббиёт олий ўкув юртлари ректорлари,

республика ихтисослаштирилган тиббиёт марказлари директорлари, Коракалпоғистон Республикаси Жўқорғи Кенгеси раиси, вилоятлар, Тошкент шаҳри, туман ва шаҳарлар ҳокимлари, соғликни саклаш муассасалари раҳбарлари иштирок этди.

Давлатимиз раҳбари соғликни саклаш тизимидағи муаммоларни чукур таҳлил қилиб, уларни бартараф этиш юзасидан амалга оширилаётган ишлар самарадорлиги, раҳбарлар масъулияти ва шахсий жавобгарлиги хусусида атрофлича тўхталди.

Президентимиз таъкидлаганидек, кўрилаётган чоратадбирларга қарамасдан, жойларда тиббиёт соҳасидаги вазиятни ўзгартириш ишлари талаб даражасида олиб борилмаяпти. Буни аҳолидан Президентнинг Халқ қабулхоналари ва Виртуал қабулхонага келиб тушаётган кўплаб ариза ва шикоятлар тасдиклаб турибди.

Бирламчи тиббиёт муассасалари, айникса, қишлок врачлик пунктлари, оиласвий поликлиникалар, патронаж хизмати, тез тиббий ёрдам тизимининг фаолияти ҳамон қониқарсиз аҳволда қолмоқда. Шифохоналар ва аҳолини дори-дармон воситалари ва тиббиёт буюмлари билан таъминлаш, жумладан, ижтимоий дорихоналар ташкил этиш бўйича берилган топшириклар ижроси талаб даражасида эмаслиги қайд этилди.

Тиббиёт муассасаларини малакали кадрлар билан таъминлаш, республика ихтисослаштирилган тиббиёт марказларининг фаолиятини такомиллаштириш бўйича сезиларли ишлар кўзга ташланмаяпти.

Соғлиқни сақлаш тизимида хусусий секторни ривожлантириш ишларига етарлича эътибор берилмаяпти.

Маълумки, тиббий хизмат – инсон манфаатларини таъминлашнинг муҳим омилларидан биридир. Тиббиёт ходимлари уйма-уй юриб, касалликларни профилактика қилиши, соҳадаги ўзгаришларни одамлар сезиши керак. Бунинг учун шифокорларнинг маданиятини, маънавиятини, масъулиятини ошириш, ишга ва беморларга муносабатини ўзгариш зарур, деди давлатимиз раҳбари.

Қишлоқ врачлик пунктлари жойлашувини қайта кўриб чиқиш, самарасиз ишлаётган пунктларни оптималлаштириш, уларга сарфланаётган маблағларни талаб юкори бўлган қишлоқ врачлик пунктларини моддий-техник жиҳатдан мустаҳкамлаш, максадга мувофиқларини поликлиникаларга айлантириш, малакали шифокорларни рагбатлантиришга йўналтириш зарурлиги таъкидланди. Қишлоқ врачлик пунктлари туну кун ишлаши, врач у ерда яшаши учун зарур шароитлар яратиш масалаларига эътибор қаратилди.

Ўтган йилларда ахолини тиббий хизмат билан қамраб олиш бўйича улкан ишлар амалга оширилди. Жойларда қишлоқ врачлик пунктлари бунёд этилиб, замонавий асбоб-ускуналар билан таъминланди. Лекин одамлар куруқ бинога бормайди, мутахассисга боради. Шу боис қишлоқ врачлик пунктлари ва поликлиникаларда энг яхши мутахассислар ишлаши керак. Ихтисослаштирилган тиббиёт марказлари, республика ва вилоят шифохоналаридағи малакали

врачлар жадвал асосида қишлоқ врачлик пунктлари ва оилавий поликлиникаларда қабуллар ўтказиши лозим, деди Президентимиз. Шунда халқимиз тиббий хизматдан рози бўлади.

Соғликин саклаш вазирлиги ва унинг ҳудудий тузилмалари фаолиятини янада такомиллаштириш, ихтисослаштирилган марказларнинг туман тиббиёт бирлашмалари, бу бирлашмаларнинг қишлоқ врачлик пунктлари ва поликлиникалар билан ҳамкорлигини мустаҳкамлаш ҳакида сўз юритилди. Тиббий хизматнинг қайси турлари бепул амалга оширилиши ва қайсиларига пул тўланишини аниқ белгилаш, бу маълумотларни ҳар бир муассасада кўринарли жойга ёзиб кўйиш зарурлиги қайд этилди.

Давлатимиз раҳбарининг 2016 йил 31 октябрда қабул килинган «Аҳолини дори-дармон воситалари ва тиббиёт буюмлари билан таъминлашни янада яхшилашга доир чора-тадбирлар тўғрисида»ги қарорига мувофик бу маҳсулотларнинг нархи анча арzonлашди. Ўзбекистон Республикаси Бosh прокуратураси хузуридаги департамент, тегишли вазирлик ва ҳокимликлар вакиллари иштирокида дори-дармон воситаларининг белгиланган нархларда сотилиши назорат қилиб борилмоқда.

Президентимиз дори-дармон воситалари ноконундай равишда баланд нархда сотилишига йўл кўймаслик, халқ манфаатларини таъминлаш мақсадида Бosh прокуратура хузуридаги департаментда «Ишонч телефонлари» ташкил этиш бўйича кўрсатма берди. Бу телефон рақамлари ҳар бир дорихонага осиб кўйилади, телевидение орқали кўрсатилади.

Йигилишда Ўзбекистон Республикаси Бош вазирининг ўринбосари, соғлиқни сақлаш вазири А.Икромов, вазирнинг биринчи ўринбосари А.Хожибоев, вазир ўринбосари Э.Боситхонова, Ўзбекистон Республикаси Бош прокуратураси ҳузуридаги департамент бошлиғи З.Дўсанов, Қорақалпоғистон Республикаси Жўкорғи Кенгеси раиси М.Ерниязов, Тошкент шаҳри, Андижон, Сурхондарё, Самарқанд, Хоразм, Тошкент, Фарғона, Бухоро, Жиззах вилоятлари ҳамда Бекобод, Олтиарик, Вобкент туманлари ҳокимларининг ахборотлари тингланди.

Ўзбекистон Республикаси Президенти Шавкат Мирзиёев тиббий хизмат самарадорлигини янада ошириш, бу борада белгиланган устувор йўналиш ва вазифаларни беками кўст бажариш бўйича мутасаддиларга алоҳида топшириқ ва кўрсатмалар берди. Танкидий таҳлил руҳида ўтган йигилиш тиббиёт соҳасини янада такомиллаштириш, тиббий хизмат сифати ва самарадорлигини замон талаблари даражасига кўтариш ишлари тизимли равишда олиб борилиши ва қатъий назоратда эканини кўрсатди.

2017 йил 7 февраль

ИНСОН МАНФААТЛАРИНИ ТАЪМИНЛАШ УЧУН АВВАЛО УНИНГ ҲУҚУҚ ВА ЭРКИНЛИКЛАРИ ИШОНЧЛИ ҲИМОЯ ҚИЛИНМОҒИ ЗАРУР

Ассалому алайкум, хурматли видеоселектор катнашчилари!

Бугунги мажлисимиизда сизлар билан ҳозирги пайтда жуда муҳим ва долзарб бўлиб турган, ички ишлар тизимидағи ҳақиқий аҳвол, жойларда жамоат хавфсизлиги ва фуқароларимиз осойишталигини таъминлаш борасида аҳолини ташвишга solaётган, ечимини кутаётган кўплаб масалаларни муҳокама килиш учун йигилдик.

Шунинг учун бугунги йиғилишимизда асосий эътиборни мавжуд муаммо ва камчиликларни танқидий таҳлил қилишга, уларни бартараф этиш ва ишимиз сифатини тубдан яхшилаш бўйича, вазифаларни белгилаб олишга қаратишни таклиф этман.

Бугунги кунда мамлакатимиизда юритилаётган давлат сиёсатининг асл моҳияти ва пировард мақсади – ҳалқимизнинг дарду ташвишлари, ҳаётий муаммо ва эҳтиёжларидан доимо хабардор бўлиб, унинг моддий фаровонлигини ошириш, муносиб турмуш даражаси ва сифатини таъминлаш, тинч ҳаётини ҳимоя қилишдир.

Энг муҳими – ҳалқимиз ўз ҳаётидан ва давлатдан рози бўлиб яшашини таъминлаш бутун барчамизнинг бош вазифамиздир.

Ўйлайманки, асосий вазифаси мамлакатимизда ҳукуқ-тартиботни ва аҳоли осойишталигини таъминлаш бўлган ички ишлар органларидан ҳалқимиз бутунги кунда розими, улар фаолияти замон талабларига мос келадими ёки йўқми, деган саволга жавоб бериш вақти келди.

Қайси худудда ҳокимлик, прокуратура ва ички ишлар органлари, жамоат ташкилотлари бир ёқадан бош чиқариб, оқилона иш олиб бораётган бўлса, энг муҳими, адолат ва ҳалоллик билан иш кўраётган бўлса, ўша ерда одамлар ҳаётдан рози бўлиб яшаяпти ва ўша жойда вазият барқарор бўлиб келмоқда.

Шу билан бирга, бунга амал қилинмаётган баъзи туман ва шаҳарлардаги аҳвол ўзгаришсиз қолаётганини афсус билан тан олиш керак.

Ички ишлар идоралари фаолиятида сурункали тарзда қатор камчиликларга йўл қўйилмоқда.

Биринчидан, аҳолининг мурожаатларини юзаки кўриб чиқиши ҳолатлари кенг тарқалган. Айниқса, худуд бўйича жиноят кўрсаткичларини камайтириш ва жиноятларни яшириш мақсадида аризаларни асоссиз равишда қабул қиласлик ҳолатлари мавжудлигини алоҳида таъкидлаш керак. Масалан, 2016 йилда Андижон вилояти ички ишлар бошқармасига аҳолидан 2463 та шикоят келиб тушган, шундан 947 та ҳолатда масаласи ҳал бўлмагани учун одамлар бошқа ҳукукни муҳофаза қилувчи

идораларга такрор мурожаат қилишга мажбур бўлган. Андижон шаҳар ички ишлар бошқармаси раҳбариятининг ҳаракатсизлиги оқибатида 38 та ўғирлик ва талончилик жинояти узок вактдан буён очилмасдан қолмоқда.

Иккинчидан, жойларда тезкор-қидиув ишларни амалга оширадиган ходимларда амалий иш тажрибаси етишмайди, тергов ва тезкор тузилмалар ўртасидаги ўзаро ҳамкорлик жуда паст даражада. Масалан, Хоразм вилояти ички ишлар бошқармаси қидиувдаги шахсларни излаш ва қўлга олиш бўйича энг пастки ўринлардан бирида турибди. Вилоятда диний-экстремистик оқимларга алоқадор бўлган, қидиувдаги 214 нафар шахсни излаш бўйича ишлар жуда суст олиб борилмоқда.

Учинчидан, хукуқбузарликларни профилактика қилиш ишлари талаб даражасида олиб борилмаяпти. Профилактика инспекторлари фаолиятида уларга ҳаддан ташқари кўп иш юклаш, ишларни сохталаштириш, фуқароларнинг ўзини ўзи бошқариш органдари билан етарли даражада ҳамкорлик қилмаслик ҳолатлари кенг тарқалган.

Тўртинчидан, вояга етмаганлар билан ишлаш соҳасида тизимли иш умуман йўқ, деса ҳам бўлади. Бу йўналиш бошқа соҳаларда ўз ишини эплай олмаган, интизомий жазоланган ходимлар ишлайдиган бўлинмага айланиб қолган. Бу ходимлар таълим муассасаларида давомат билан мутлақо шугулланмайди, болаларнинг ота-оналари билан тушунтириш ишларини олиб бормайди.

Бешинчидан, кадрлар билан ишлаш масаласи узок вақт давомида вазирлик раҳбариятининг эътиборидан четда қолиб келган. Бу эса ички ишлар идоралари ходимларида «шараф» («честь») тушунчаси йўқолишига олиб келган, янги ходимларни ишга қабул қилишда аксарият ҳолларда таъмагирликка йўл кўйилган.

2016 йилда биргина Тошкент вилоятида 9 та ана шундай жиноят иши очилиб, 11 нафар ходим жиноий жавобгарликка тортилган, 113 нафар ходим лавозимидан бўшатилган.

Кейинги пайтларда аҳолимиз томонидан қийинчилик ва мashaққатли меҳнат натижасида ишлаб топилган мол-мulkка жиноий тажовузлар қилиш каби салбий ҳолатларга тўлиқ чек қўйилмагани фуқароларимизнинг ҳақли эътиrozларига сабаб бўлмоқда.

Бугунги кунда инсон манфаатлари билан bogлиқ масалаларни кечиктирмасдан ҳал қилиш зарур. Шундай бир вақтда ички ишлар органларида эскича фикрлаш, ўз хизмат вазифасини халққа хизмат қилиш тамойилига асосланиб эмас, балки шахсий манфаатидан келиб чиқсан ҳолда бажариш каби яроқсиз иш усули ҳали ҳам кўп учраётгани ҳеч кимга сир эмас.

Энди ўзимизга бир ўринли савол берайлик: жиноятчилар томонидан талончилик йўли билан олиб кўйилган ёки ўғирланган мол-мulkни фуқароларга ким қайтариб беради? Нима учун бундай жиноятларнинг ўз вақтида олди олинмаяпти?

Масалага шу нуктаи назардан қарайдиган бўлсак, Ички ишлар вазирлигининг барча тизимлари ва худудий бўлинмалари фаолияти бугунги кунда

хукукбузарликлар профилактикасини таъминлаш ўрнига, факат жиноятчиликнинг оқибатлари билан курашишга қаратилгани яққол аён бўлмоқда. Бунинг натижасида оғир ва ўта оғир жиноятлар сони ошиб бораётгани кузатилмоқда.

Энг ачинарли томони шундаки, ўтган йилнинг ўзида мамлакатимиз бўйича жиноят-қидирув йўналишидаги 7 минг 66 та жиноят аниқланмаган. Уларнинг асосий қисми Тошкент шаҳри, Фарғона, Тошкент, Самарқанд, Сирдарё ва Қашқадарё вилоятлари ҳиссасига тўғри келади. Ушбу ҳудудларда оғир ва ўта оғир жиноятларнинг кўрсаткичи энг юкори даражада қолаётган экан, жойлардаги ички ишлар бошқармалари раҳбарларининг бу борадаги масъулиятини қандай баҳолаш мумкин? Жаноб вазир ва унинг ўринбосарлари бу йўналишда қандай чоралар кўряпти? Ҳокимлар, прокуратура идоралари нима учун бу ҳолатларга факат кузатувчи, томошабин бўлиб караб турибди?

Энди ички ишлар органлари фаолиятининг яна бир асосий йўналишларидан – тезкор-қидирув ишларининг аҳволига тўхталсак.

Тезкор-қидирув ишларидағи камчиликлар, айниқса, ходимлар малакасининг пастилиги натижасида бир катор жиноятлар йиллар давомида фош этилмаяпти. Масалан, 2016 йил февралда Самарқанд шаҳридаги Амир Темур кўчасида икки нафар номаълум шахс фуқаро Б.Мамажоновнинг уйига кириб, унга тан жароҳати етказганд ҳамда уйдан қимматбаҳо буюмлар ва пул маблағларини олиб кетган. Аммо бу жиноят бугунги кунгача очилмаган.

Ёки 2015 йил февралда Сирдарё вилоятининг Сирдарё шаҳридаги «Пахтакор» маҳалласида аёл кишининг жароҳат етказилган жонсиз танаси топилган. Лекин бу жиноятни амалга оширган шахслар ҳанузгача аниқланмаган.

Шу билан бирга, бугунги кунда жиноят содир этиб, қидиувда юрган шахсларни қидириб топиш борасидаги ишлар ҳам қониқарсиз даражага тушиб қолган. Натижада қидиувда юрган шахслар сони йилдан йилга кўпайиб бормоқда. Масалан, қидиув эълон қилинган 12 минг 447 нафар жиноятчидан 8 минг 756 нафари ушланмагани ҳаммамизни ташвишга солиши керак. Уларнинг асосий қисми Тошкент шаҳри, Фарғона, Самарқанд, Тошкент, Андижон, Қашқадарё, Сурхондарё ва Наманган вилоятлари хиссасига тўғри келаётганини қандай баҳолаш мумкин?

Қидиувда юрган жиноятчиларнинг ушланмай қолгани – улар жиноий қилмишларини республикализда ёки чет элларда давом эттириб юрганидан далолат эмасми?

Қидиув фаолиятидаги жиддий камчиликлар, айниқса, хукуқни муҳофаза қилувчи органларнинг куйи тизимларидағи ҳамкорлик етарли даражада ташкил этилмаганида намоён бўлмоқда.

Бу соҳада жиддий ўзгариш қилмаса бўлмайди.

Шунинг учун Миллий хавфсизлик хизмати раиси ўринбосари Р.Ғуломов бошчилигига Бош прокуратура, Олий суд, ички ишлар вазирлиги, бошқа вазирлик ва идоралар билан биргаликда, икки ҳафта муддатда хукуқни муҳофаза қилувчи идораларнинг

ўзаро ҳамкорлигини мувофиқлаштирувчи идоралар-аро комиссия тузиш керак. Бу комиссия ҳуқукни мухофаза қилувчи органлар ўртасидаги, айниқса, куйи тизимлардаги ҳамкорликни самарали ва тўғри йўлга кўйиш, очилмай қолаётган жиноятларни ва қидирудаги шахсларни ушлаш бўйича ишлар ахволини танқидий кўриб чишиш билан шугулланиши лозим. Керак бўлса, комиссия қарори билан ҳуқукни мухофаза қилувчи органларнинг юкори тизими раҳбарларига 10–15 тадан очилмай қолаётган жиноят иши учун масъулиятни юклаб, натижасини сўраб бориш зарур.

Жиноят-қидирув соҳасидаги долзарб муаммолардан бири **терроризм ва диний экстремизмга қарши курашишдир**. Ҳозирги кунда диний экстремистик оқимга қўшилаётганлар сонини кескин камайтириб, бу иллатни илдизи билан бутунлай куритиш таъминланмаётгани учун ким жавоб беради?

Энг ачинарлиси, мазкур шахсларнинг 11 фоизини аёллар, 9 фоизини эса 18 ёшдан 30 ёшгача бўлган ёшлар ташкил этади.

Қидирув эълон қилинган 2 минг 988 нафар диний экстремизм тарафдоридан ўтган йили бор-йўги 75 нафари ушланган, холос.

Хабарингиз бор, 2017 йил 1 январь куни Туркиянинг Истанбул шаҳридаги тунги кафеда мижозларга қарата ўқ узган, 2011 йилдан бери қидирудва бўлган Абдулқодир Машарипов иштирок этган террорчилик акти натижасида 39 нафар шаҳе ўлдирилган, 70 га яқин киши турли тан жароҳати олган.

Жаҳон оммавий ахборот воситалари ушбу террорчини Ўзбекистон фуқароси деб эълон қилди. Бу қандай шармандалик, бунга қандай изоҳ бериш мумкин?

Шу ўринда бир таклиф киритмоқчиман. Президентнинг Давлат маслаҳатчиси О.Муродов икки ҳафта муддатда тегишли вазирлик ва идоралар билан биргаликда кидирудаги жиноятчи кўп йиллардан буён хорижда юрган бўлса, уни Ўзбекистон фуқаролигидан маҳрум қилиш бўйича қонунчиликка ўзгартириш киритиш юзасидан таклиф киритсин.

Ички ишлар органлари фаолиятини баҳолашга таъсир этадиган яна бир масала, бу – жиноят ишларини сифатли тергов қилиш, шахснинг жиноий қилмишига муносаб, адолатли ҳуқуқий баҳо бериш ҳисобланади.

Масаланинг яна бир жиҳатини алоҳида қайд этиш зарур: жиноят ишларини фақатгина тергов қилиш ва жиноятчиларни айблаш билан чекланиб қолмасдан, жиноятларнинг келиб чиқиш сабаблари ва шартшароитлари, омилларини чуқур таҳлил асосида ўрганиш лозим.

Бироқ, тан олишимиз керак, бу борадаги ишлар етарли самара бермаяпти. Шунинг учун Бош прокурор И.Абдуллаев ва ички ишлар вазири А.Азизов тегишли вазирлик ва идоралар билан биргаликда, жиноят-қидирудаги тергов билан шуғулланувчи бўлинмалар фаолиятини такомиллаштириш, уларнинг тузилмасига тегишли ўзгартиришлар киритиш,

масъулиятини оширувчи ва моддий рағбатлантирувчи механизmlарни жорий этиш юзасидан ҳукумат қарори лойиҳасини бир ой муддатда тайёрлаб, киритсинг.

Таъкидлаш керакки, умумий жиноятчилик йилдан йилга камайиб бораётган бир вақтда ўзгалар мол-мулкини ўгирлаш ва фирибгарлик жиноятлари салмоғи юқори бўлиб қолаётгани барчамизни ташвишлантиради. Масалан, мамлакатимиз бўйича содир этилаётган жиноятларнинг ҳар олтинчиси ўғриликка, уларнинг ҳар учинчиси эса – хонадон ўғрилигига тўғри келади.

Амалга оширилаётган тезкор-тергов ишларига етарли даражада эътибор қаратилмагани оқибатида ушбу жиноятларнинг ҳар бештадан биттаси фош этилмасдан қолган. Бу ҳолат ички ишлар органлари ходимларининг касб малакаси юзасидан ҳам ҳақли эътиrozларни келтириб чиқаради.

Шундай экан, ким аниқ жавоб беради: содир этилган жиноятлар қачон ўз вақтида фош этилади?

Умуман, ҳар қандай жиноят, айниқса, ўғрилик – халқимиз томонидан қаттиқ қораланадиган ва нафратланадиган ҳолат, керак бўлса, халқимиз буни касб қилгандардан ҳазар қилади, десак, айни ҳақиқатни айтган бўламиз.

Биз жиноятларга қарши курашишда профилактика ишларини кучайтиришимиз, айниқса, куйи погонадаги ишларни тубдан ўзgartиришимиз зарур ва шарт.

Бунинг учун Бош прокурор И.Абдуллаев, Давлат маслаҳатчиси Т.Худойбергенов, ички ишлар вазири

А.Азизов куйи погонада профилактика ишларини кучайтириш бўйича янги тизимни пухта ишлаб чиқишини ва жорий этишини таъминлашлари зарур.

Биринчидан, ҳар ҳафтанинг пайшанба кунини республика бўйича жиноятларнинг олдини олиш бўйича профилактика куни деб эълон килиш керак.

Иккинчидан, барча ҳудудларда, биринчи навбатда Тошкент вилоятида, ички ишлар бошқармаси бошлиғи ҳар ҳафтанинг пайшанба куни маҳаллий телевидение орқали кўрсатувда шахсан қатнашиб, ҳафта давомида вилоятда содир этилган жиноятлар, уларнинг сабаблари, жиноятни очиш учун нима ишлар қилинаётгани ва натижаси тўғрисида халқقا тушунтириш ва хисобот беради.

Учинчидан, шу куни кечқурун вилоят ҳокими йигилиш ўтказиб, жиноятчиликнинг олдини олиш ва жиноятларни очиш бўйича ишларни муҳокама этиб, тегишли қарор қабул қиласди.

Тўртингчидан, ҳафтанинг пайшанба кунлари маҳаллаларда прокуратура идоралари раҳбарлари бош-қош бўлиб, содир этилган жиноятларни аҳоли ўртасида муҳокама қиласди. Бунда «Маҳалла» ва «Нуроний» жамғармалари, «Камолот» ёшлар ижтимоий ҳаракати, Хотин-қизлар қўмитаси, касаба уюшмалари ва диний идоралар вакиллари ҳам фаол қатнашиши керак. Маҳаллий аҳоли ўртасида ўтказиладиган бундай муҳокамалар, жиноят кўламидан қатъи назар, ҳар бир содир этилган хукуқбузарлик бўйича алоҳида ташкил қилиниши керак.

Бешинчидан, хар хафтанинг пайшанба куни маҳаллий оммавий ахборот воситаларида жиноятларнинг олдини олишга багишланган чиқишлил ташкил этилади.

Давлат маслаҳатчиси У.Исмоилов ва Давлат маслаҳатчиси ўринбосари С.Самадов бу ишларни шахсий назоратига олиши керак. Агар бу ишни тез ва тўғри ташкил этадиган бўлсак, қанчадан-қанча одамлар, энг муҳими, ёшларимизнинг ҳаёти синишига йўл кўймаган бўламиз.

Бугунги кунда профилактика инспекториинг асосий вазифаси – фақат содир этилган жиноятларни хисобга олиш, уларнинг оқибати билан курашиш эмас, балки ҳукуқбузарликларнинг сабаб ва омилларни чукур тахлил қилиш асосида уларнинг барвакт олдини олишга қаратилган чораларни ўз худудида амалга оширишдан иборат. Мен бу масалага алоҳида эътибор қаратмоқчиман.

Бугунги кунда мамлакатимиз бўйича 3 минг 819 та милиция таянч пунктида 5 минг 867 нафар профилактика инспектори хизмат олиб бормоқда. Мазкур рақамлар ҳакида эшитгач, юртимиз ҳудуди тўлиқ назоратда, жойларда тинчлик-тотувлик таъминланмоқда, деган фикрга бориш мумкин. Бироқ ички ишлар идораларида профилактика ишларини кампаниябозлик асосида ташкил этишга кўпчилик ходимлар ўрганиб қолган, десак, айни ҳақиқатни айтган бўламиз.

Масалан, ўтган йили паспорт-виза тизими бўйича ўтказилган профилактик тадбирлар натижасида

паспорт тизими қоидаларини бузган 492 мингга якин шахс аниқланган. Шундан 155 мингтаси қалбаки паспорт ва яшаш гувоҳномалари билан яшаётган, 265 нафари виза муддати тугаган, 413 нафари Ўзбекистон Республикасида визасиз яшаётган инсонлардир. Лекин буларнинг асосий қисми Шанхай ҳамкорлик ташкилоти саммити ва Президент сайлови олдидан ўтказилган тадбирларда аниқланган, десак, айни ҳақиқат бўлади. Яъни, бу борада тизимли иш умуман йўқ, деб баҳолашга тўлиқ асосимиз бор.

Яна бир муҳим масала – аёллар ва ёшлар томонидан жиноятлар содир этиш даражаси ҳам ҳозирги кунга қадар юқорилигича қолмоқда. Жумладан, аёллар томонидан содир этилган жиноятлар қарийб 14 мингтани ёки содир этилган жиноятларнинг ҳар олтинчисини ташкил этади. Бундай ҳолатларни бартараф этиш учун маҳалла идоралари ва хотин-қизлар қўмиталари билан ҳамкорликда кенг тушунтириш ва профилактика тадбирларини амалга ошириш лозим. Бунинг учун Бош вазир ўринбосари Т.Норбоева Караба уюшмалари федерацияси кенгаши раиси Қ.Рафиков билан биргаликда жойларда юрган ишчи гурухлари, яъни Хотин-қизлар қўмитаси, «Маҳалла» Кенгаши, «Камолот» ҳаракати, «Нуроний» жамғармаси, диний идоралар вакиллари иштирокидаги ишчи гурухлари фаолияти самарадорлигини кескин оширишлари лозим.

Ишчи гурухлари бир ой муддатда шаҳар ва туманлардаги ҳар бир маҳалла ва хонадонда бўлиб, улардаги ижтимоий-маънавий мухит, аҳоли тур-

муш даражаси ва саломатлиги, мактаб ва колледжлардаги давомат, содир этилган жиноятлар маҳалла-ларда муҳокама қилиниб, тўлиқ ўрганиб чиқилишини таъминлаши зарур.

Ўрганиш натижалари асосида аникланган муаммоларни бартараф этиш юзасидан ҳар бир маҳалла, туман ва шаҳар бўйича алоҳида чора-тадбирлар режаси ишлаб чиқилиши ва қатъий бажарилиши шарт. Ана шу чора-тадбирлар Олий Мажлис Конунчилик палатаси Кенгаши томонидан тасдиқланиши керак.

2016 йилда факат академик лицейлар ва касб-хунар колледжлари ўкувчилари томонидан 1 минг 427 та жиноятга кўл урилган.

Ёшлиар тарбиясига етарли эътибор қаратилмагани окибатида ўтган йили 18 дан 30 ёшгача бўлган фуқаролар томонидан жами 31 минг 933 та жиноят содир этилган. Бундай ҳолатлар учун Ўрта маҳсус касб-хунар таълими маркази ва Халқ таълими вазирлиги раҳбарлари ҳам жавоб бериши керакми ёки йўқми?

Президентнинг Давлат маслаҳатчиси О.Муродов ва Бош прокурор И.Абдуллаевга тегишли идоралар билан биргаликда 15 кунда вояга етмаганлар билан ишлаш тизимини такомиллаштириш бўйича Президент қарори лойиҳасини тайёрлаб, киритиш топширилади.

Қарор билан бирга ота-оналарнинг бола учун масъулиятини кучайтириш, айниқса, ўқишдаги давомати учун жавобгарлигини ошириш юзасидан қонун-

ларга ўзгартириш киритиш бўйича қонун лойиҳасини ҳам киритиш керак. Албатта, бола – ота-онанини, лекин у биринчи навбатда фуқаро, халқнинг, Ватаннинг фарзанди!

Бош вазир ўринбосари Т.Норбоева ва Касаба уюшмалари раҳбари Қ.Рафиков «Маҳалла» ва «Нуроний» жамғармалари, «Камолот» ёшлар ижтимоий ҳаракати, Хотин-қизлар қўмитаси, диний идоралар вакиллари билан биргаликда жиноят қилган ёшларни уларнинг ота-оналари яшайдиган маҳаллаларда муҳокама қилишни ташкил этиши керак.

Профилактика хизматини тубдан яхшилаш борасида амалга оширилаётган ишлар доирасида асосий эътиборни ёшлар билан бевосита олиб борилаётган профилактика тадбирлари самарадорлигини оширишга каратиш зарур. Шу максадда ҳар бир шаҳар ва туман ички ишлар органлари бошликларининг ёшлар билан ишлаш ва хукуқбузарликлар профилактикаси бўйича ўринбосари лавозими жорий этилмоқда.

«Маҳалла институтини янада такомиллаштириш чора-тадбирлари тўғрисида»ғи фармонга мувофиқ, фуқаролар йигинида раиснинг ёшлар масалалари бўйича маслаҳатчиси лавозими киритилиши профилактика инспекторлари олдига долзарб вазифаларни қўймоқда. Энди улар жамоат ташкилотлари билан ҳамкорликни янада кучайтириб, ёшлар ўртасида соглом турмуш тарзини тарғиб этиш, таълим-тарбия муассасаларида давомат ва таълим

сифатини ошириш, уюшмаган ёшлар билан ишлашда юкори натижадорликка эришиш учун шахсан жавоб беради.

Умуман, бу масалада таклифим бор – бундан бүён вилоят, шаҳарлар ва туманлар ҳокимлари хар ҳафтада мактаб, коллеж ва лицейларга бориб, у ердаги ишларнинг аҳволини, айниқса, давоматни ўрганиши ва бу борадаги камчиликларни тугатиш бўйича зарур чораларни кўришлари керак. Агар шу тизимни жорий қилмасак, ҳеч қандай натижага эриша олмаймиз.

Фармон талабига кўра, профилактика инспекторларининг фуқаролар йигини Кенгаши таркибиға киритилиши ҳамда уларнинг фаолияти юзасидан ҳар чоракда ҳисботлар эшлитиб борилиши уларга янада кўпроқ масъулият юкламоқда.

Ҳаммамиз бир ҳакиқатни англаб олишимиз керак: бугунги кун профилактика инспектори энди кичкина одам эмас. Буни улар англаши ва ҳис қилиши лозим.

Ваҳоланки, шу пайтгача профилактика инспекторларининг аксарияти жиноятларнинг олдини олиш билан шуғулланиш ўрнига, аксинча, содир этилган жиноятларни факатгина рўйхатга олиш, юкори идораларга ҳисботлар ёзиш, мажлисларга одам йигиш билан машғул бўлиб, ҳокимлар ва прокурорларнинг «югурдаги»га айланиб қолгани жуда аянчли ҳолдир.

Профилактика инспекторларини уларнинг асосий фаолияти билан бевосита боғлиқ бўлмаган

ишлиарга жалб қилиш амалиётига чек кўйиш вакти келди, деб хисоблайман. Уларнинг 50 фоиз вакти кераксиз қоғозларни тўлдириш ва хисоботлар ёзишга сарф бўлмоқда. Бундан буён профилактика инспекторларини ортиқча қоғозбозликдан умуман озод қилиш керак. Шунинг учун соҳани тубдан ислоҳ қилиш доирасида, янги талаблар асосида профилактика инспекторларининг хизмат вазифалари ва функцияларини қайта ишлаб чиқиш ва бу ишлиарни доимий назоратга олиш лозим.

Ички ишлиар вазири А. Азизовга Бош прокуратура ва тегишли вазирликлар билан бирга профилактика инспекторлари фаолиятини ташкил этиш принциплари, улар фаолиятини баҳолашнинг мезонлари, профилактика инспектори лавозимига тайинланадиган шахсларга кўйиладиган талаблар, уларнинг вазифа ва функциялари, хукуқ ва мажбуриятларини назарда тутадиган Ички ишлиар органлари таянч пунктлари тўғрисидаги низомни 1 ой муддатда ишлаб чиқиш ва Президент девонига киритиш топширилади. Бунда профилактика инспекторининг фуқаролар йигини раиси (оксоқоли) билан ҳамкорликни амалга ошириш тартибига, унинг ўзига қарашли ҳудудда яшаши, уни тасдиқлашни вилоятлар ва Тошкент шаҳар ҳокимлари номенклатурасига ўтказиш масалаларига алоҳида эътибор бериш керак. Профилактика инспекторининг оиласи ўз ҳудудидаги энг тинч ва намунали оила бўлиши лозим.

Шунингдек, ички ишлар вазири (А.Азизов) Ички ишлар вазирлиги академияси (Б.Матлюбов) билан бирга профилактика инспекторларини тайёрлаш, қайта тайёрлаш ва малакасини ошириш бўйича амалдаги ўқув дастурлари қайта ишлаб чиқилишини таъминлаши зарур. Бу борада ўқув жараёнларини интерфол усулда, илғор хорижий тажрибага таяниб олиб боришга, аҳоли олдида хисботлар бериш, фуқароларнинг мурожаатлари, ёшларнинг уюшмаган қисми билан ишлаш, жамоат ташкилотлари билан ҳамкорликни кучайтириш йўналишларига алоҳида эътибор қаратилиши керак.

Профилактика инспектори хизмат хонасининг эшиги ҳалқ учун доимо очик бўлиши шарт. **Чунки профилактика инспектори ҳалқ билан ички ишлар органларини боғлайдиган асосий кўприк бўлиб хизмат қилиши даркор.** Бундан буён маҳаллий ҳокимликлардан бошлаб, ҳуқук-тартибот идоралари, кенг жамоатчилик вакиллари уларга яқиндан ёрдам кўrsатиши, инспекторлар фаолияти учун зарур шартшароитларни яратиб бериши керак.

Профилактика инспекторларининг давлат бошкаруви органлари, жамоатчилик вакиллари, қолаверса, бошқа соҳа хизматлари билан ҳамкорликда амалга оширадиган ишлари натижалари ички ишлар таянч пунктларида уларга яратилган шароитларга бевосита боғлиқдир.

Афсуски, профилактика инспекторларининг фуқаролар йигинлари ва маҳалла фаоллари билан бир бинода, ўзаро ҳамкорликда фаолият олиб боришида бир қатор камчиликларга йўл қўйиб келинмоқда.

Ҳозирги вақтда 372 та ички ишлар таянч пункти маҳалла фуқаролар йигини билан бир бинода жойлашмаган. Бошқа корхона ва ташкилотлар, тадбиркорлик субъектлари тасарруфида бўлган милиция таянч пунктлари 390 тани ташкил этади. Бугунги кунда қўшимча 678 та милиция таянч пункти учун бинолар топиш ва 500 тасини таъмирлашга эҳтиёж мавжуд.

Биз замонавий ахборот-коммуникация технологиялари ривожланган даврда яшайпмиз. Шунга қарамасдан, ҳозирги кунда бир қатор милиция таянч пунктларида оддий радиоалоқа воситалари етишмайди, хизмат хоналарида Интернет у ёқда турсин, оддий телефон ёки компьютер ҳам йўқ.

Вилоят ҳокимлари молия вазири Б.Ходжаев билан бирга маҳаллий бюджет тушуми прогнозини бажаришдан ошган қисми ҳисобидан профилактика инспекторларини рация ва телефон билан таъминлаш масаласини 15 кунда ҳал этсин.

Нима учун маҳаллий ҳокимликлар томонидан барча ички ишлар таянч пунктларини қуриш, таъмирлаш, профилактика ходимлари хизмати учун кулай шарт-шароитлар яратиш ишлари якунига етказилмаган?

Вилоят ҳокимлари молия вазири Б.Ходжаев билан бирга маҳаллий бюджет тушуми прогнозини бажаришдан ошган қисми ҳисобидан ички ишлар таянч пунктларини таъмирлаш ва жиҳозлаш юзасидан чора-тадбирлар дастурларини ишлаб чикиб, уларнинг 2018 йил 1 июлга қадар тўлиқ бажарилишини

таъминласин. Давлат маслаҳатчиси ўринбосари С. Самадов бу топшириқ ижросини шахсан назоратга олеин.

Яна бир муаммо – бугунги кунда профилактика инспекторлари хизмат жойларига 15 километрдан 140 километргача бўлган масофадан қатнаб хизмат қилмоқда. Масалан, Самарқанд вилояти, Каттакўрғон тумани, Пайшанба шаҳарчасига – 140 километр, Сурхондарё вилояти, Денов тумани, Шаҳринав маҳалласига – 55 километр ҳамда Хоразм вилояти, Гурлан тумани, Дўсинбой маҳалласига – 51 километр масофадан қатнаб хизмат қилаётган профилактика инспекторининг шарт-шароити билан кимдир қизиқдими?

Мен фақат айрим худудлардаги аҳволни мисол килиб келтирдим, холос. Ваҳоланки, бундай шароитда хизмат қилаётган профилактика инспекторларининг сони кўпчиликни ташкил этади.

Уларнинг на хизмат уйи, на автотранспорт воситаси бор. Ким бу масалалар билан шуғулланиши керак? Бундай аҳволни тузатиш, ўнглаш учун нима килиш керак?

Бош вазир А.Арипов, унинг биринчи ўринбосари А.Раматов, молия вазири Б.Ходжаев, ички ишлар вазири А.Азизовга профилактика инспекторлари ва ички ишлар идораларининг бошқа ходимларига уй-жой куриб бериш юзасидан 3 йиллик дастур ишлаб чиқиш ва тасдиқлаш учун киритиш топширилади. Бунинг учун вилоят марказларида ҳар йили 46 квартирали ва туман марказларида 24 квартирали арzon уйларни куришни назарда тутиш керак.

Ички ишлар органлари тизимида курилиш учун бюджетдан ажратиладиган маблагларни тўхтатиб қўйиб, ушбу маблагларни ходимлар учун уй-жой куришга йўналтириш зарур.

Бугунги йигилиш давомида ички ишлар таянч пунктлари инфратузилмасини такомиллаштиришда ички имкониятлардан фойдаланиш, уларнинг тўлақонли фаолият юритиши учун зарур шароитлар яратиш масаласи юзасидан ҳар бир вилоят ва туманлар ҳокимлари, ички ишлар бошқармалари бошликлари ҳамда бошқа мутасадди раҳбарлар тўлиқ ҳисобот беришга тайёр бўлиб турсин.

Хурматли селектор иштирокчилари!

Биз ҳозирги кунда ички ишлар органлари тизимида жиддий ўзгаришлар, янгиланиш ва ислоҳотлар қилиш арафасида турибмиз. Бунда қуйидаги масалаларга эътибор қаратишимиш зарур.

Биринчидан, ички ишлар органлари тизимини комплекс ислоҳ қилиш, унинг таркибий тузилмаларини оптималлаштириш, қуи бўғин бўлинмалари, ички ишлар таянч пунктлари ва профилактика инспекторлари фаолияти самарадорлиги ва натижадорлигини ошириш керак.

Ички ишлар вазири А.Азизов, Тошкент шахри ҳокими Р.Усманов, Ички ишлар академияси раҳбари Б.Матлюбов, Тошкент шаҳар ички ишлар бошқармаси бошлиги Б.Курбонов 1 ой муддатда ҳар бир жиноятнинг илмий асосланган сабабларидан келиб чиқкан ҳолда, жиноятчиликка қарши курашиш ва унинг олдини олиш, ички ишлар органлари фаолиятини

такомиллаштириш бўйича Тошкент шаҳрида янги тизим жорий этсин. Ички ишлар академияси тегишли конунларга ўзгартиришлар киритиш бўйича асосланган таклифлар тайёрлаб киритсин.

Бу ишларни Бош прокурор И. Абдуллаев ўз назоратига олсин.

Иккинчидан, ички ишлар органларининг ёнгин хавфсизлиги, жамоат тартибини сақлаш ва бошқа хизматлари томонидан тадбиркорлик фаолиятига қонунга хилоф равишда аралашиш ёки тўсқинлик қилиш каби ҳолатларга мутлако чек кўйиш лозим.

Учинчидан, мурожаатлар билан ишлаш тизими니 тубдан такомиллаштириш, ҳалқ билан очик мулокотни йўлга кўйиш, содда қилиб айтганда, ҳалқ ичига кириш, унинг дарди ва ташвиши билан яшаш ички ишлар органларининг энг долзарб вазифасига айланиши шартлигини алоҳида таъкидламоқчиман.

Виртуал қабулхона иш бошлаганидан буён ўтган киска муддатда ички ишлар органларига тааллукли масалалар бўйича жуда кўп мурожаатлар келиб тушган. Уларнинг салмоқли қисми Тошкент шаҳри (535 та), Қашқадарё (437 та), Тошкент (208 та), Хоразм (143 та) вилоятларига тўғри келади.

Бу мурожаатлар ҳал этиш учун жойларга юборилган бўлса-да, биздаги мавжуд маълумотларга кўра, уларни ечишда сусткашликка йўл кўйилмоқда. Мисол учун, прокуратура томонидан Бухоро вилояти ички ишлар органларига келиб тушган 52 та мурожаатни яшириш ҳолати аникланган.

Мана яна бир аниқ мисол: жорий йил 16 январда Тошкент шаҳрида яшовчи фуқаро Ирина Мочалованинг Президент номига ёзган аризасида уйи олдида номаълум шахс талончилик йўли билан кўлидаги сумкасини тортиб олгани юзасидан бир неча бор Учтепа тумани ички ишлар бўлимига мурожаат қилгани, бироқ ҳеч ким ҳеч қандай чора кўрмагани айтиб ўтилган. Бундай ҳолатда ички ишлар ходими аҳоли ўртасида хурмат ва обрў-эътибор қозона оладими, бошқаларга ўrnак бўла оладими? Йўк, албатта!

Тўртинчидан, фуқароларимиз хавфсизлигини таъминлашдаги муҳим омиллардан бири – кўча ва жамоат жойларида жиноят ва ҳукуқбузарликларнинг олдини олиш экан, бугунги кунда патруль-пост хизматининг фаолиятини ҳам талаб дараҷасида, деб бўлмайди.

Хусусан, ўтган йилда патруль-пост хизмати бўлинмаларига тақсимланган йўналишларда содир этилган жиноятлар таҳлилларига кўра, Фарғона вилоятида 18 та қасдан одам ўлдириш, Самарқанд вилоятида 23 та қасдан оғир тан жароҳати етказиш, Тошкент вилоятида 107 та талончилик, Сурхондарё вилоятида 133 та безорилик ва Тошкент шаҳрида 775 та ўғрилик жинояти содир этилган.

Мен фақат мазкур йўналишдаги жиноятларнинг сони ошган айрим вилоятларни кўрсатиб ўтдим, холос. Қолган вилоятларда ҳам бу борадаги ишларни қониқарли деб бўлмайди.

Ана шу салбий кўрсаткичлар соҳага оид қатор ўзгаришлар киритиши, авваламбор, кўча ва жамоат жойларидағи хизматнинг замонавий моддий-техник базасини чет элдаги илғор тажрибадан келиб чикиб, такомиллаштиришни талаб этмоқда.

Бешинчидан, кейинги вақтларда жойларда, айникса, Тошкент шахри, Қашқадарё, Самарқанд, Наманган ва бошқа вилоятлар ҳудудларида йўл ҳаракати қоидаларини қўпол равишда бузайтган ҳайдовчиларнинг фуқаролар ҳаёти ва соғлигига жиддий хавф солиб келаётганини кузатиш мумкин. Бунинг натижасида йўл-транспорт ҳодисаларининг ҳар иккинчиси пиёдаларга нисбатан содир этилмоқда.

Биргина ўтган йилнинг ўзида мамлакатимизда 2 минг 269 та фуқаро йўлларда ҳалок бўлди, 11 мингдан ортиқ киши жароҳат олди.

Тошкент шаҳрида йўл ҳаракати хавфсизлигини таъминлайдиган компьютерлаштирилган видеоназорат тизимини ишга тушириш таъминланмаган. Ҳолбуки, бунга қанча маблаг сарфланган эди.

Йўловчи, ҳайдовчи ва пиёдаларнинг хукуқий маданиятини юксалтириш, йўллардаги тирбандлик масаласини ечиб, аҳоли норозилигига йўл кўймаслик, йўловчи ташиш хавфсизлигини таъминлаш ва уларга хизмат кўрсатиш сифатини ошириш – **йўл ҳаракати хавфсизлиги масъул ходимлари учун энг устувор йўналиш экани қатъий қоида этиб белгиланиши даркор**.

Бу борада йўл ҳаракати хавфсизлиги ходимлари ўртасидаги пораҳўрлик ва хизмат вазифасини

суистеъмол қилиш ҳолатлари юзасидан эътирозлар ҳар қачонгидан ҳам қўпайиб кетгани учун ким жавоб беради?

Олтинчидан, шахсий таркиб ўргасида хизмат интизоми ва қонунчиликни кучайтириш, ички ишлар идоралари таркибига адашиб кириб қолган бефарқ, масъулиятни тўлиқ англамасдан, фуқароларнинг ҳақли эътиrozларига сабабчи бўлаётган ходимлардан бу соҳани тозалаш масаласи доимо долзарб бўлиб келган.

Ўтган йили 4 минг 517 нафар ходим, шундан 966 нафар ходим салбий сабабларга кўра ички ишлар идораларидан бўшатилган.

Хизмат интизомини бузган 7 минг 795 нафар ходимга нисбатан интизомий жазо чоралари қўлланган бўлса, 219 нафар ходим томонидан жиноятлар содир этилишига йўл қўйилган. Уларнинг аксарияти порахўрлик, мансаб ваколатини суистеъмол қилиш, мансаб ваколати доирасидан четга чиқиш каби жиноятларни содир этган. Бундай ҳолатда аҳоли орасида ички ишлар ходимининг обрўсини қандай қилиб ошириш мумкин? Қонун ҳимоячисининг ўзи жиноят содир этса, оддий одам дардини кимга айтиши керак?

Бу борада вазирлик шахсий таркиби томонидан қонунчилик ва хизмат интизомига риоя қилиниши устидан назорат тизимини, хусусан, шахсий таркиб бўйича маҳсус инспекциялар фаолиятини тубдан такомиллаштириш чораларини кўриш лозим.

Вазирликнинг муҳим бўлинмаларидан бири бўлган Транспортдаги ички ишлар бошқармасида вази-

ят мутлако издан чиқиб кетган. Бошқарма шахсий таркиби ўртасида ишчанлик, ҳамкорлик ва ишга бўлган масъулият ҳисси йўқолган.

Хусусан, раҳбарлар томонидан оператив хизмат ҳамда ходимларнинг фаолияти тўғри ташкил этилмаган. Бунинг оқибатида бошқарманинг жиноятларни фош этиш, кидирудаги шахсларни ушлаш каби асосий кўрсаткичлари пасайиб, терроризм ва диний экстремизмга қарши кураш ва бошқа муҳим йўналишларда ижобий натижаларга эришилмаган.

Тизимда кадрларни танлаш, жой-жойига қўйиш ходимларнинг жанговар, касбий, жисмоний тайёргарлик масалаларига мутлако эътибор қаратилмапти.

Шунингдек, раҳбарнинг кўл остидаги ходимлари устидан назорат олиб бормаслиги, юклатилган вазифаларни бажармаслик ҳолатлари кўплаб қайд этилмоқда. Натижада ўтган йил мобайнида хизматда йўл қўйган камчиликлари учун бошқарманинг 49 нафар ҳодими ички ишлар органлари хизматидан бўшатилган.

Шу билан бирга, 6 нафар ходим томонидан порахўрлик, фирибгарлик, мансаб ваколатидан четга чиқиши жиноятлари содир этилган.

Юқорида баён қилинган салбий ҳолатларни инобатга олган ҳолда, вазирликнинг Транспортдаги ички ишлар бошқармаси бошлигиFaффоровни эгаллаб турган лавозимига нолойик деб қарор чиқариш керак. Шунингдек, Тошкент ва Андижон вилоятлари ички ишлар бошқармалари томонидан ҳам назоратнинг сусайтириб юборилиши, раҳбарларнинг совук-

қонлиги, бепарволиги натижасида күйи бўғин бўлинмалари фаолиятида сурункали тарзда тизимли камчиликларга йўл кўйиб келинмоқда.

Айниқса, босқинчиллик, талончилик, ўғирлик жиноятларини фош этиш борасидаги ишлар ўз ҳолига ташлаб кўйилган. Уларни рўйхатдан ўтказмаслик оқибатида босқинчи ва мол-мулк ўғрилари жазоланмасдан, ўзларининг ёвуз қилмишларини давом эттириб юрибди. Бу эса аҳолининг ҳакли эътиrozига сабаб бўлиб, милицияга нисбатан ишончини сўндиrmоқда.

Тошкент вилоятидаги қидиув эълон қилинган 3806 нафар шахсдан 1712 нафари ёки 45 фоизи, Андижон вилоятидаги 2121 нафар жиноятчидан 857 нафари ёки 41 фоизи ушланмасдан қолиши нимадан далолат беради?

Тезкор тадбирлар етарли даражада ўтказилмагани натижасида, айниқса, узок муддатга чет элларга кетган диний экстремизм тарафдорларини қайтариш чоралари кўрилмаган, одам савдоси ва ноконуний миграцияга қарши курашиш бўйича умуман натижа йўқ.

Профилактика хизматлари томонидан тегишли ишлар талаб даражасида ташкил этилмаган ва бошқа мутасадди ташкилотлар билан ҳамкорлик етарли эмас. Бунинг натижасида Андижон вилоятида диний ваъзхонлик ҳолатлари давом этмоқда. Тошкент вилоятида эса профилактик ҳисобда турғанлар томонидан ўғрилнк содир этиш ошиб бормоқда. Ушбу вилоятларда фаолият кўрсатаётган аксарият милиция

таянч пунктларининг ҳолати ҳозирги кун талабига умуман жавоб бермайди. Ҳокимликлар тасарруфига олинмаган ва фуқаролар йигинлари билан бир бинога жойлаштирилмаган милиция таянч пунктлари ҳам бир талай.

Жамоатчилик билан ҳамкорлик яхши йўлга кўйилмаган, кўйилган бўлса ҳам номига йўлга кўйилган.

Профилактика инспекторларининг билим савииси ва касбий тайёргарлиги ниҳоятда пастлиги натижасида вояга етмаганлар, уюшмаган ёшлар ва аёллар томонидан ҳукукбузарликлар содир этиш ҳолатлари камаймаяпти.

Фуқаролар мурожаатларининг сифатсиз кўриб чиқилиши натижасида Андижон вилоятида 36 та, Тошкент вилоятида 103 та мурожаат такроран келиб тушган.

Хизмат жамоаларида носоғлом мухитнинг ҳукм суриши туфайли Андижон вилоятида 300 нафар, Тошкент вилоятида 581 нафар ходим хизмат интизомини бузиб, интизомий жавобгарликка тортилган. Андижонда 24 нафар, Тошкент вилоятида 36 нафар ходим конунни бузиб, жиноий жавобгарликка тортилган.

Қайд этилган салбий мисоллардан келиб чиқсан ҳолда, Андижон вилояти ички ишлар бошқармаси бошлиғи Бобоҷоновни ва Тошкент вилояти Ички ишлар бошқармаси бошлиғи Бобоҳўжаевни эгаллаб турган лавозимларига нолойик деб қарор чиқариш керак.

Хурматли йигилиш иштирокчилари!

Ички ишлар тизимида кадрлар билан ишлаш, уларнинг малакаси ва масъулиятини ошириш ишларига алоҳида эътибор қаратилиб, назоратга олиниши лозим деб ўйлайман.

Бу борада Ички ишлар вазирлиги тизимидағи ўкув муассасалари, жумладан, Ички ишлар академиясининг ўрнини алоҳида таъкидлаб ўтиш зарур. Ушбу ўкув маскани ёш офицерларга чукур билим бериш билан бирга ўзининг тарбиявий таъсирини ҳам ўтказиши лозим. Ички ишлар органларида хизмат қилишга муносиб ходимларни етказиб беришда айнан ўкув муассасалари раҳбарияти ва ўқитувчиларининг масъулиятини оширишга алоҳида эътибор қаратиш керак.

Бу масалада ички ишлар вазири А.Азизов тегишли вазирликлар билан бирга ички ишлар органлари ходимлари лавозимиға номзодларга кўйиладиган малакавий талаблар, кадрларни танлов асосида ишга олиш жараёнлари, ички ишлар органлари ходимлари фаолияти самарадорлигини баҳолашнинг аник мезонларини назарда тутадиган ички ишлар органларида хизматни ўташ тартиби тўғрисидаги низом лойиҳаси ишлаб чиқилишини таъминласин. Шунингдек, ички ишлар органлари ходимлари хулк-авторининг янгиланган қоидалари, ходимларни тарбиялаш ва хизмат вазифаси лозим даражада бажарилишини таъминлаш чораларини назарда тутадиган ички ишлар органларининг интизом устави ҳам ишлаб чиқилиши зарур. Бу хужжатларни

бир ой муддатда тасдиқлаш учун Президент девонига киритиш керак.

Давлат маслаҳатчиси У.Исмоилов, ички ишлар вазири А.Азизов, Ички ишлар академияси раҳбари Б.Матлюбов икки ҳафта муддатда ҳар бир вилоятдаги университетлар хузурида профилактика инспекторлари ва ички ишлар органлари ходимлари малакасини асосий фаолиятдан ажралмаган ҳолда ошириш ва қайта тайёрлаш бўйича таклифлар киритсин.

Хулоса қилиб айтадиган бўлсак, таҳлиллардан барчамиз тушуниб турибмиз, ички ишлар идоралари тизимида асосий йўналишлар, жумладан, жинояткидирув ва хуқукбузарликлар профилактикаси бўйича камчиликлар ҳали кўп. Соҳадаги мавжуд вазиятни ўнглаш ва ишларни тизимли ташкил этиш борасида олдимизда жуда кўп вазифалар турибди. Хотиржамликка берилишга ҳеч қандай асос йўқ.

Кун тартибидаги масаланинг нақадар долзарблиги ва муҳимлігини инобатга олган ҳолда, ҳисбот берувчилардан унга жиддий ёндашишни, аниқ ва лўнда ҳисбот беришни талаб қиласман.

*Ички ишлар органлари фаолияти, тизимда мавжуд
муаммо ва камчиликлар, истиқболдаги вазифаларга
багишланган йигилишдаги маъруза.*
2017 йил 9 февраль

МУНИС ВА МЕХРИБОН АЁЛЛАРИМИЗГА ЭХТИРОМ ВА ГАМХЎРЛИК КЎРСАТИШ, УЛАРНИНГ ОФИРИНИ ЕНГИЛ ҚИЛИШ – БАРЧАМИЗ УЧУН ҲАМ ҚАРЗ, ҲАМ ФАРЗ

Ассалому алайкум, азиз опа-сингиллар!

Мухтарам дўстлар!

Аввало, сиз, азизлар билан юртимизга баҳор нафаси кириб келаётган ёруғ кунларда, Халқаро хотин-кизлар байрами арафасида мана шу муҳташам кошонада учрашиб турганимдан ғоят хурсандман.

Шу қутлуг айём – 8 март байрами билан сизларни, сизларнинг тимсолингизда бутун мамлакатимиз аёлларини, муҳтарама онахонларимиз, қадрли опа-сингилларимиз, гўзал қизларимизни чин қалбимдан муборакбод этиб, барчангизга ўзимнинг чукур ҳурмат-эхтиромим ва эзгу тилакларимни билдиришга ижозат бергайсиз.

Барчамиз учун азиз ва мўътабар бўлган аёл зоти ҳакида сўз юритар эканмиз, аввалимбор, бизни дунёга келтирган, оқ сут бериб вояга етказган Она сиймоси олдидা бош эгиб таъзим қиласиз.

Ер юзида муқаддас деған сўзға энг муносиб зот бу – аввало, Онадир. Халқимиз она сиймосини доимо улуғлаб, ардоклаб яшайди. Юртимизда оналарни шарафлаб муҳташам ҳайкаллар бунёд этилгани ҳам шундан далолат беради.

Биз Она тимсолида Ватанимизни, унинг гўзал ва бетакрор киёфасини кўрамиз. «Она Ватан» деган ибора бежиз айтилмаган, бунда чукур маъно бор. Инсонни инсон қиласиган мана шундай юксак туйғу ва тушунчаларни болаларимиз қалбига ёшлигидан синг-дирсак, шоирларимиз, рассомларимиз, санъаткорларимиз оналарни, аёлларни тараннум этадиган янги-янги асарлар яратсалар, нур устига нур бўлур эди.

Аёлни эъзозлаш, аёлга эҳтиром кўрсатиш халқимизга хос олижаноб қадрият ҳисобланади. Биз, барчамиз қандай касб, қандай лавозимда ишламайлик, қалбимиз, юрагимиздаги жамики эзгу фазилатлар учун сиз, меҳрибон аёллардан умрбод қарздормиз.

Айникса, сиз, азизларнинг соғлом зурриёд, баркамол авлодни тарбиялаб вояга етказишдаги ўрнингиз ва хизматингизни ҳеч нарса билан қиёслаб, баҳолаб бўлмайди.

Сизларниңг меҳр-муҳаббатингиз, вафо ва садоқатингиз, фидойилигингиз сабабли ҳаётимиз чароғон. Сизлар туфайли оилаларимизда тинчлик-осойишталик, кут-барака ҳукм сураётгани учун барчангизга ҳар қанча тасанно айтсак, арзийди, албатта.

Қадрли юртдошлар!

Бугунги кунда Ўзбекистон хотин-қизлари ҳаётимизнинг барча соҳа ва тармокларида ўзларини тўла намоён этиб келмоқда.

Сизлар давлат ва бошқарув идоралари, вакиллик органларида, ишлаб чиқариш, тадбиркорлик ва фармерлик тармокларида, ижтимоий соҳаларда самарали

мехнат килиб, Ватанимиз тараққиётiga муносиб ҳисса кўшмоқдасиз.

Бу ҳақиқатни халқимиз, жамиятимиз яхши билади ва юксак қадрлайди.

Ҳозирги вактда мамлакатимиз хотин-қизлари орасида 514 нафар фан доктори, 6 нафар академик, 15 нафар Ўзбекистон Қаҳрамони, 17 нафар сенатор, 15 нафар Конунчилик палатаси депутати борлигини, шунингдек, маҳаллий кенгашлар депутатларининг 23 фоизидан зиёдини айнан аёлларимиз ташкил этишини алоҳида таъкидлаш лозим.

Ўнлаб опа-сингилларимиз «Ўзбекистон фан арбоби», «Ўзбекистон халқ шоири», «Ўзбекистон халқ ўқитувчisi», «Ўзбекистон халқ артисти» сингари давлатимизнинг юксак фахрий унвонларига сазовор бўлганлар. Шулар қаторида 240 нафар ёш истеъдод эгаси Зулфия номидаги Давлат мукофоти билан тақдирланган ва уларнинг сафига бу йил яна 15 нафар иқтидорли қизимиз кўшилмоқда.

Биз бугун ўзининг фидокорона меҳнати, эришган улкан ютуқлари, давлат ва жамоат ишларидаги фаол иштироки, ибратли фазилатлари билан халқимиз ўртасида обрў-эътибор қозонган юзлаб опа-сингилларимизнинг номларини хурмат билан тилга оламиз.

Айникса, Ўзбекистон Қаҳрамонлари – қишлоқ хўжалиги соҳаси фидойилари Халчахон Мирзаева, Патилахон Эргашева, Сиёсатхон Абдуллаева, маҳоратли педагоглар Манзура Мадалиева, Мавлуда Исматова, Вера Пак, Анора Маҳмудова, Мухаббат Шаропова, атоқли навоийшунос олимамиз Суйима Ганиева,

устоз шифокорлар Малика Абдуллахўжаева, Ойшахон Кўчкорова, Онесия Сайтова, қўли гул хунармандлар Муяссар Темирова, Мартия Раҳматова барчага ўрнак ва намуна бўлиб келмоқдалар.

Шулар қаторида таникли академикларимиз Машхура Мавлоний, Раъно Убайдуллаева, Сайёра Рашидо-ва, Анна Глушенкова, Мухаббат Абидова, Ўзбекистон халқ шоирлари Ойдин Ҳожиева, Ҳалима Худойбердиева, Энахон Сиддиқова, Ўзбекистон халқ артистлари Яйра Абдуллаева, Тўти Юсупова, Галина Мельнико-ва, Муножот Йўлчиева, Гавҳар Зокирова сингари аёлларимиз халқимиз орасида маълум ва машҳурдирлар.

Миришкор фермер ва тадбиркорлар Лолаҳон Муродова, Рашида Ёдгорова, Дилфуз Мусаева, Сарви-ноз Шокирова, Зулфия Очилова, Зебихон Рустамова, Райхон Раҳмонова, Анна Добрих, Зулхумор Эрмато-ва, заҳматкаш устоз ва мураббийлар Агрепина Шин, Жамила Баймуратова, Валентина Недикова, Тоҳира Исломова, Елена Кучеренко, Сайёра Умарова, жон-куяр маҳалла раислари ва маслаҳатчилари Гулбаҳор Султонова, Марҳамат Максудова, Бувинисо Ҳамроева, Гулжаҳон Ибраимова, Феруза Ҳасанова, моҳир шифо-корлар Феруза Эрматова, Дилоромхон Тошболтаева каби опа-сингилларимиз самарали меҳнат килиб, баҳт топган инсонлардир.

Ана шундай ҳурматли аёлларимизнинг кўпчилиги бугунги учрашувда иштирок этаётгани даврамизга яна-да файз бағишлаб турибди.

Бугунги кунда мамлакатимизда илм-фан, таълим-тарбия, соғлиқни саклаш, маданият ва санъат соҳа-

ларида меҳнат қилаётганларнинг 72 фоизи – шунга эътибор беринг, 72 фоизи – айнан хотин-кизлардир.

Маҳалла раислари ва фаолларининг аксарият кисмини аёллар ташкил этади. 8,5 мингдан ортиқ опа-сингилларимиз маҳаллаларда диний маърифат ва маънавий-ахлоқий тарбия масалалари бўйича маслаҳатчи сифатида фаол иш олиб бормоқдалар.

Хурматли дўстлар!

Барчамизга яхши маълум, ўтган йигирма беш йил мобайнида халқимиз ўта оғир синов ва мاشаққатларни, турли қийинчиликларни енгиб, улкан ютуқ ва натижаларни қўлга киритди.

Бундай мэрраларга эришишда оилада, меҳнат жамоаларида, умуман, жамиятимизда энг катта бойлигимиз бўлган тинчлик ва барқарорлик, ўзаро хурмат, меҳроқибат мухитини саклаш ва мустаҳкамлашда юртимиз хотин-кизларининг донолиги, сабр-қаноат ва матонати, шукроналик, оиласа садоқат каби ибратли хусусиятлари ҳал қилувчи аҳамиятга эга бўлди. Мана шундай олижаноб, ҳақиқатан ҳам буюк инсоний фазилатларингиз учун сизларга яна бир бор ўз номидан, эл-юртимиз номидан чукур миннатдорлик билдиришни ўзимнинг бурчим деб биламан.

Азиз опа-сингиллар!

Ер юзидағи ҳар қайси жамиятнинг маданий дараҷаси унинг аёлларга бўлган муносабати билан белгиланади.

Бу, албатта, исбот талаб қилмайдиган ҳақиқатdir.

Шунинг учун ҳам мустақилликнинг биринчи кунларидан бошлаб хотин-кизларнинг ҳукуқ ва манфаатла-

рини таъминлаш, улар учун муносиб меҳнат ва турмуш шароитини яратиб бериш, қобилият ва салоҳиятини рўёбга чиқариш масаласи юртимизда давлат сиёсати даражасига кўтарилди. Шу асосда оналиқ ва болаликни ҳимоялаш, оила институтини қўллаб-кувватлаш, аёлларнинг оғирини енгил қилиш, уларнинг жамият хаётидаги нуфузини ошириш борасида улкан ишлар амалға оширилди.

Бу хақда гапирганда, барчамиз Биринчи Президентимиз муҳтарам Ислом Абдуғаниевич Каримовнинг аёл зотига, мамлакатимиз хотин-қизларига юксак хурмат, доимий эътибор ва ғамхўрлик кўрсатиб келгандикларини бугун яна бир бор эслаймиз. У кишининг: «**Аёл баҳтли бўлса, оила баҳтли, оила баҳтли бўлса, жамият мустаҳкам**» деган чукур маъноли сўзлари амалий ҳаракатларимизда кўлланма бўлиб келмоқда.

Биз ана шу эзгу даъватга амал қилиб, мамлакатимизда бошланган кенг кўламли ишларни янги босқичга кўтаришни ўз олдимизга асосий мақсад қилиб қўйганмиз.

Ўзбекистонимизни янада ривожлантириш бўйича якинда қабул қилинган Ҳаракатлар стратегияси ва унинг узвий қисми бўлган «Халқ билан мулоқот ва инсон манфаатлари йили» Давлат дастури авваламбор ана шу мақсадга қаратилгани билан аҳамиятлидир.

Бизнинг яқин ва узок келажакка мўлжалланган сиёсатимизда муҳим ижтимоий аҳамиятга эга бўлган социал масалаларни ҳал этиш биринчи ўринга кўйилмоқда. Бу одамларни уй-жой билан таъмин-

лаш, соғлиқни сақлаш тизимини тубдан ислоҳ қилиш бўладими, аҳолини арzon ва сифатли дори-дармон воситалари билан таъминлаш бўладими, савдо ва транспорт хизмати, электр, табиий газ, ичимлик суви таъминотини яхшилаш бўладими, болалар bogчалари, янги мактаблар, санъат ва спорт иншоотлари, равон йўллар куриш бўладими – буларнинг барчаси бўйича биз аниқ дастур ва режаларни ишлаб чиқсанмиз ва уларни сўзсиз амалга оширамиз.

Биз жорий йилнинг ўзида қишлоқ жойларда янги намунадаги 15 мингта арzon уй-жой куришни бошлаб юбордик.

Ана шундай янги уй-жой массивларида зарур инфратузилма тармоқлари, жумладан, 415 километрдан зиёд ичимлик суви, қарийб 300 километр электр, 320 километр табиий газ тармоқлари барпо этилади. Яъни бу уй-жойлар яхлит бир комплекс бўлиб шакланади. Шунингдек, мамлакатимиз бўйича минглаб километрлик магистрал ва ички йўллар курилади ва таъмиранади.

Юртимизда аёллар ва ёшларни тадбиркорликка кенг жалб этиш, оиласвий тадбиркорлик ва касаначиликни ривожлантириш мақсадида 2017 йилда тадбиркор аёллар учун 1 триллион сўм, таълим муассасалари ни битириб чиқадиган 10 мингга яқин ёшларимиз учун 60 миллиард сўм кредит маблаглари ажратиш кўзда тутилмоқда.

Биз соғлиқни сақлаш соҳасида юқори технологияларга асосланган, ихтисослаштирилган тиббиёт марказларининг худудларда ҳам фаолият кўрсатишига

жиддий эътибор каратмоқдамиз. Бу олис вилоят ва туманларимизда яшаётған аҳолига қандай янги имконият ва қулайликлар туғдиришини, ўйлайманки, тушуниш кийин эмас.

Мисол учун, Қорақалпоғистон Республикасини оладиган бўлсак, бу ерда Тошкент педиатрия тиббиёт институтининг Нукус филиалида кўп тармоқли болалар клиникаси курилиши жадал олиб борилмоқда. Бу шифохона яқин келгусида Оролбўй минтақасидаги болалар саломатлиги бўйича йирик марказга айланади.

Хоразм вилоятида эса Россиянинг А.Бакулев номидаги машҳур клиникаси билан ҳамкорликда юрак-қон томир жарроҳлиги бўйича тиббий марказ курилиши бошланди.

Айни вактда Термиз шаҳрида Республика урология, Кўз микрохирургияси ҳамда Гинекология ва акушерлик илмий-амалий марказларининг филиаллари барпо этилади.

Шулар қаторида Қашқадарё вилоятида Республика кардиология ва Эндокринология марказларининг филиалларини бунёд этиш бўйича ҳам амалий ишлар бошлаб юборилди.

Биз қишлоқ врачлик пунктлари фаолиятини, тез ёрдам хизмати, профилактика ва патронаж тизимини яна да такомиллаштириш борасида ҳам кенг миқёсда иш олиб бормоқдамиз.

Ўйлайманки, «Инсон манфаати ҳар нарсадан улуг» деган эзгу ғояни амалга оширишга қаратилган бундай ишларнинг аҳамиятини халқимиз, авваламбор, сиз, азиз аёлларимиз ҳаммадан кўра яхши тушунасиз.

Мен жойларда бўлиб, халқимиз вакиллари, мухтарама аёлларимиз билан мулоқотда бўлганимда, уларнинг қувонч ва ташвишлари билан яқиндан танишганимда, турли қийинчилик ва муаммоларга қарамасдан – хаёт ўзи хеч қачон муаммосиз бўлмайди – опа-сингилларимизнинг орзу-интилишлари, ҳаётга, эртанги кунга катта ишонч билан қараётганини кўриб курсанд бўламан. Чунки биз ўз олдимизга қўйган улкан мақсад ва вазифаларни амалга оширишнинг энг мухим шарти, энг асосий замини ҳам аслида халқимизнинг мана шундай ишончидир.

Қадрли опа-сингиллар!

Барчамизга яхши аён, бугунги шиддатли замон, дунёдаги аёвсиз рақобат мухити биздан жуда катта масъулият ва сафарбарлик билан ишлашни, ҳамма соҳада янгича ёндашувларни талаб этмоқда.

Мана шундай кескин шароитда биз юртимизда тинчлик ва осойишталик, фуқаролар ва миллатлар ўртасида ҳамжиҳатлик мухитини кўз корачигидек асраримиз зарур. Айниқса, фарзандларимизнинг калби ва онгини ёвуз хавф-хатарлардан ҳимоя килишга энг долзарб вазифа, деб карашимиз керак.

Агар биз таълим-тарбия, маданият ва маънавият соҳасидаги ишларимизни аниқ тизим асосида ташкил этиб, уларнинг самарадорлигини оширмасак, эртанги кунимизни куролмаймиз, ўз мақсадларимизга етолмаймиз.

Бу борада **«Бир болага етти маҳалла ҳам ота, ҳам она»** деган шиор доимий кун тартибида туриши лозим. Биз ёшларимизни миллий ва умумбашарий

қадриятлар руҳида тарбиялаш учун бор куч ва имкониятларимизни сафарбар этишимиз зарур. Бундай фоят мұхим вазифаны амалға оширишда биз аввалио күпни күрган кайвони онахонларимизга, маҳалла фаолларига, мұхтарам фахрийларимизга, сиз, азиз опа-сингилларимизнинг акл-заковатингиз, билим ва тажрибангизга таянамиз.

Оилаларда тиббий, ҳукукий маданиятни юксалтириш, қасб-хунар колледжлари, олий ўкув юртларини битириб чиқаётган ёшларимизни, авваламбор, қиз болаларни иш билан таъминлаш давлат идораларининг биринчи галдаги вазифаси бўлиши шарт.

Айникса, қизларимизнинг саломатлигини асрани, уларнинг замонавий билим ва қасб-хунарлар эгаси бўлиб вояга етиши, жамиятда ўз муносаб ўрнини топиши учун биз барчамиз – ота-оналар, жамоатчилик, мутасадди раҳбарлар жавобгарлик ва масъулиятимизни янада кучайтиришимиз зарур.

Нега деганда, қиз бола – бўлғуси оила бекаси, келажагимиз эгасидир. Бугун биз уларга қандай таълимтарбия берсак, эртага улар янги авлодимизга шундай тарбия беради.

Биз одатда жамиятимиз ҳаётига қарши қаратилган хавф-хатарлар ҳакида гапирганда, күпинча четдан кирадиган таҳдидларни тушунамиз. Лекин эски замондан қолган айрим салбий ҳолатлар, афсуски, бугунги тинч ва ёруғ ҳаётишимизга соя солиб турибди. Лоқайдлик, бир-бирини кўролмаслик, оиласда эр-хотин, қайнонекелин, кўни-кўшнилар ўртасидаги келишмовчилик,

аёлларга беписанд қараң – бундай ярамас иллатлар бизга, бизнинг халқимизга мутлақо ярашмайди.

Бундай номаъкул ҳолатларни бартараф этиш учун биз ҳар томонлама чуқур ўйлаб, мунтазам равишида иш олиб боришимиз керак. Шу мақсадда биз маҳаллий ҳокимликлар ва ички ишлар тизимини, «Маҳалла» ва «Нуроний» жамгармалари тузилмасини тубдан ўзгартиридик, уларга ёшлар билан ишлайдиган кўшимча штатлар бердик.

Айни шундай ислоҳотларни биз Республика Хотин-қизлар қўмитаси ва унинг жойлардаги тузилмалари бўйича ҳам амалга оширишни режалаштирганимиз. Кўмита ва унинг худудий бўлинмалари ваколатларини янада кенгайтириш, уларнинг моддий-техник базасини яхшилаш, опа-сингилларимизнинг меҳнатини муносиб баҳолаш ва рағбатлантириш, бунинг учун янги имтиёз ва имкониятлар тизимини яратиш бўйича аниқ чора-тадбирлар кўзда тутилмокда.

Буларнинг барчаси юртимизда хотин-қизларнинг оила ва жамият ҳаётидаги ўрни ва таъсирини ошириш, уларнинг ҳаётий манфаатларини янада кенг таъминлаш каби эзгу максадларга хизмат қилади.

Мунис ва меҳрибон опа-сингиллар!

Гўзаллик ва нафосат айёми – 8 март байрамини биз ҳар сафар катта кувонч ва ҳаяжон билан кутамиз. Чунки бу кутлуғ айём қалбимизда, юрагимизда сизларга бўлган чексиз меҳримиз, хурматимизни изҳор этиш учун яна бир катта имконият беради.

Шу маънода, агарки бу байрам бизнинг ҳаётимизда бўлмаган тақдирда ҳам мўътабар оналаримиз, муnis опа-сингилларимиз, дилбар қизларимизнинг ҳурмати учун бундай байрамни албатта ташкил этган бўлардик.

Нега деганда, сизларнинг доимо мана шундай очи-либ, ҳаётдан, тақдирдан рози бўлиб, яйраб-яшнаб юри-шингиз учун, сизларнинг баҳту саодатингиз учун биз доимо сидқидилдан хизмат қилишға тайёрмиз.

Илоҳим, мана шундай қувончли кунларимиз кўп бўлсин!

Сизларни бугунги кутлуг байрам билан яна бир бор табриклаб, барчангизга сиҳат-саломатлик, оила-вий баҳт, фарзандларингиз, набираларингиз камолини кўришни тилайман.

Ҳамиша соғ-омон бўлинг, азизлар!

*Халқаро хотин-қизлар
байрамига багишланган учрашувдаги нутқ.
2017 йил 6 март*

ЎЗБЕКИСТОН ВА ТУРКМАНИСТОН – СТРАТЕГИК ШЕРИК ДАВЛАТЛАР

Мухтарам Гурбангули Маликгулиевич!

Ҳурматли дўстлар!

Хонимлар ва жаноблар!

Президент Гурбангули Маликгулиевич Бердимуҳамедовга, туркманистонлик барча дўстларимизга Ўзбекистон делегациясига қардош Туркманистон заминида кўрсатилаётган юксак ҳурмат-эҳтиром ва савимий меҳмондўстлик учун чин юракдан миннатдорлик изҳор этишга ижозат бергайсиз.

Бугунги Туркманистон жадал ривожланаётган замонавий давлат, унинг оқмармар пойтахти эса ҳакли равишда жаҳондаги энг гўзал шаҳарлардан биридир.

Ҳурматли Гурбангули Маликгулиевич, Туркманистон сизнинг оқилона раҳбарлигингида ижтимоий-сиёсий, социал-иктисодий ва маънавий тараккиёт соҳаларида ҳакиқатан оламшумул муваффақиятларга эришаётганидан биз ҳам беҳад хурсандмиз.

Президент сайловида ишончли галаба қозонганингиз туркман ҳалқининг мамлакатни барқарор ривожлантириш ва модернизация килиш, унинг ҳалқаро майдондаги нуфузини ошириш, мавқеини мустаҳкамлаш, ҳалқлар ўртасида дўстлик ва ҳамкорлик муносабатларини янада кенгайтириш борасидаги хизматларингизни эътироф этганининг тасдиғидир.

Мухтарам Гурбангули Маликгулиевич, сизнинг Президентлик лавозимига киришиш муносабати билан ўтказилган тантанали маросимда мамлакатларимиз ва халқларимизни нафакат географик жойлашув, балки тарихимиз, маданият ва анъаналаримиз муштараклиги бирлаштириши ҳақидаги сўзларингизни тўла кўллаб-кувватлайман.

Туркманистон – биз учун тарих ва вақт синовидан ўтган, кўп асрлик дўстлик ва ҳамкорлик муносабатлари боғлаб турадиган энг яқин қўшнимиздир.

Тарихий ва маънавий илдизларимизнинг бирлиги дўстона муносабатларни кенгайтириш учун мустаҳкам асос яратади. Туркман ва ўзбек халқларини неча минг йиллик қардошлик ришталари боғламаганида, эҳтимол, бундай ўзаро хурмат ва англашувга эришиб бўлмас эди. Халқларимиз тарихи бир илдизга бориб тақалиши ҳам бу ҳақиқатни тасдиқлади.

Ўн саккизинчи аср ўрталарида туркман халқининг улуғ фарзанди, улкан шоир, маърифатпарвар ва файласуф, туркий тилли халқлар адабиётининг мумтоз намояндаси Махтумкули Фиродий «Туркманистон келажаги» шеърида бундай деб ёзган эди:

Бунда биродарлик – урф-одат, дўстлик – қонун.

Бизнинг делегациямиз қардош Туркманистон заминига келганидан буён худди шундай муҳитни ҳис этмоқда.

Биз халқларимиз ўртасидаги ишончни юксак кадрлаймиз.

Фурсатдан фойдаланиб, Ўзбекистон бундан буён ҳам ана шу ишончни янада мустаҳкамлаш йўлида барча имкониятларни ишга солишини таъкидламоқчиман.

Ҳурматли дўстлар!

Менинг Туркманистонга биринчи давлат ташрифим ва унинг доирасида сиёсий, иқтисодий ва гуманитар соҳаларда имзоланган муҳим хужжатлар халқларимиз фаровонлиги йўлида икки томонлама ҳамкорлигимизни ривожлантириш учун янги, янада кенг имкониятлар яратишига ишонаман.

Ҳамкорлигимизнинг узок муддатли ҳаётий муҳим йўналишларини тартибга соладиган янги хужжатга алоҳида аҳамият қаратамиз.

Бу – икки давлат раҳбарлари томонидан имзоланган Стратегик шериклик тўғрисидаги битимдир.

Кўп қиррали ҳамкорлигимизнинг узок муддатли ва ўзаро манфаатли жиҳатларини мустаҳкамлайдиган мазкур хужжатнинг яна бир муҳим томони хавфсизлик соҳасида яқин ҳамкорликни йўлга қўйиш зарурати билан боғлик.

Биз Туркманистон халқининг оқил етакчиси сиймосида ишончли дўст ва маслакдошга эга эканимиздан хурсандлигимизни таъкидламоқчиман.

Муҳтарам Гурбангули Маликгулиевич, бугун сизнинг раҳнамолигингизда амалга оширилаётган самарали сиёsat Ўзбекистон билан Туркманистон ўртасидаги муносабатлар улкан ва порлок истиқболга эга эканига ишонч бағишлади.

Туркманистон Президенти билан ўтказган музо-
караларимиз ва умуман, ташрифимиз якунларидан
мамнун эканимизни яна бир бор таъкидламоқчиман.

Хурматли Гурбангули Маликгулиевич, биз эртага
очилиш маросимида иштирок этадиган Туркманобод
шахрида Ўзбекистон Республикасининг Биринчи
Президенти Ислом Абдуғаниевич Каримовнинг ёрқин
хотирасига ўрнатилган гўзал ёдгорлик мажмуаси
барпо этилгани учун ҳам миннатдорлик билдираман.

Шу муносабат билан туркман халқининг
**«Дил – диле дўғон, ил – иле», яъни «Тил – тил-
га қардош, эл – элга»** деган теран маъноли ажойиб
мақоли ҳам ўзаро муносабатларимизнинг руҳи ва хусу-
сиятини ифода этишини таъкидлаш ўринлидир.

Мухтарам Гурбангули Маликгулиевич!

Биз келажакда қардош Туркманистон билан шерик-
лик муносабатларимиз янада ривожланишига, уни
биргаликда сифат жиҳатидан янги босқичга олиб
чикишимизга ишонамиз.

Ҳақиқий дўстлик ва яқин қўшничилик муносабат-
лари қандай бўлиши лозимлигини биз бошқаларга
ибрат қилиб кўрсатиш учун барча имкониятлари-
мизни ишга соламиз.

Сўзимнинг якунида, мухтарам Гурбангули Ма-
ликгулиевич, самимий қабул ва меҳмонлўстлик учун
яна бир бор миннатдорлик билдириб, Сизни
Ўзбекистонга давлат ташрифи билан боришига таклиф
этаман.

Туркманистон Президенти Гурбангули Малик-
гулиевич Бердимуҳамедов саломат бўлсинлар!

Ўзбекистон ва Туркманистон янада тарақкий
этаверсин, халқларимиз фаровонлиги юксалавер-
син!

Барчангизға соғлик-омонлик тилайман!

*Туркманистон Республикасига давлат ташрифи
чогидаги қабул маросимида сүзланган нутқ.*

2017 йил 6 март,

Ашхобод

ЎЗБЕКИСТОН – ТУРКМАНИСТОН: ЯҚИН ҚЎШНИЧИЛИК ВА ҚАРДОШЛИК РИШТАЛАРИ МУСТАҲКАМЛАНМОҚДА

Мұхтарам Гурбангули Маликгулиевич!

Қадрли туркман қардошлар!

Хурматли дўстлар!

Авваламбор, Сизга, хурматли Гурбангули Маликгулиевич, туркманистонлик барча дўстларимизга Ўзбекистон Республикасининг Биринчи Президенти Ислом Абдуғаниевич Каримов хотирасига юксак хурмат-эҳтиром кўрсатганингиз учун самимий миннатдорлик билдиримоқчиман.

Ушбу ёдгорлик мажмуаси туркман халқининг буюк йўлбошчиси, Ўзбекистоннинг ҳақиқий дўсти Президент Гурбангули Маликгулиевич Бердимуҳамедовнинг шахсий ташаббуси билан бунёд этилгани, Туркманобод шаҳрининг марказий кўчаларидан бирига Ислом Каримов номи берилганини биз юксак қадрлаймиз. Бунда биз Гурбангули Маликгулиевичнинг туркман халқига хос олижаноблиги, ажойиб инсоний фазилатларининг намоёнини кўрамиз.

Бу Ўзбекистон Республикасининг Биринчи Президенти Ислом Каримов вафот этган қайгули кунларда ҳам ўз тасдигини топди. Ўзбекистон халқи шундай мусибатли дамларда ҳақиқий елқадош дўстни, муҳтарам Гурбангули Маликгулиевич,

Сизнинг шахсий кўмагингизни, самимий ва дўстона ҳамдардлигингизни ҳис қилди.

Оғир ва мусибатли дамларда дўстларимизнинг мана шундай қўллаб-қувватлаши Ўзбекистон халқини янада жипслаштириди.

Сизнинг Ислом Каримовга ва Ўзбекистон халқига чукур ҳурмат билан йўғрилган самимий сўзларингизни ҳеч қачон унутмаймиз.

Самарқандда Ўзбекистоннинг Биринчи Президенти билан видолашув маросимида Туркманистонда унинг хотираси албатта абадийлаштирилиши ҳакида айтган сўзларингиз Ўзбекистоннинг ҳар бир фуқароси қалбини тўлкинлантириб юборди.

Мана, бугун ўша кун келди.

Мустакил Ўзбекистон давлатининг асосчиси Ислом Абдуғаниевич Каримов замонамизнинг улкан сиёsat ва давлат арбобларидан бири сифатида тарихда қолди.

Чунки у ҳар қандай қийинчилик ва мاشаққатларга қарамасдан, тарихан қисқа даврда Ўзбекистонни жадал ва барқарор ривожланаётган замонавий демократик давлатга айлантириди.

Ислом Каримов нафакат Ўзбекистонда ҳар томонлама кучли давлат барпо этиш, балки бутун минтақада тинчлик ва яхши қўшничилик, барқарорлик ва фаровонлик муҳитини яратиш мақсадида яшади ва меҳнат қилди.

Ўзбекистоннинг Биринчи Президенти барчамизнинг умумий уйимиз бўлган Марказий Осиёда адоват уруғини сочиш ва тартибсизликлар келтириб чиқаришга

қаратилган ҳар қандай уринишларга қатъий қарши курашди.

Ислом Каримов миңтака халқларининг илдизи бир, улар минглаб қардошлик ришталари билан боғланиб кетган, бинобарин, ўтмиши, бугуни ва эртанги куни ҳам умумий, деган фикрдан келиб чиқиб иш юритарди.

Ислом Абдуғаниевич ўзбек халқининг энг яқин дўсти бўлган туркман халқига ҳамиша алоҳида ҳурмат билан қарап ва шундай муносабатни бутун халқимиз онгига сингдиришга интиларди.

Буюк Йўлбошчимиз менталитетимиз, дунёқарашимиш, тилимиз ва маданий-ахлоқий қадриятларимиз ўхшашлиги ва муштараклигини ҳар доим таъкидларди.

Сиз, Гурбангули Маликгулиевич, Ислом Каримовни «Туркман халқининг фахрий ёшуллиси» увони ва Махтумқули номидаги халқаро мукофот билан тақдирлаганингиз рамзий маънога эга бўлди.

Ислом Абдуғаниевич ушбу мукофотлар билан фахрланар ва уларни Туркманистон ва Ўзбекистон халқлари ўргасидаги дўстлик муносабатларининг юксак эътирофи намунаси, деб биларди.

Биринчи Президентимиз Сизга, Гурбангули Маликгулиевич, алоҳида ҳурмат билан муносабатда бўлганини таъкидлашни истардим.

Ислом Абдуғаниевич Сиз билан бўлган сұхбатларни мамнуният билан эслаб, Сизни ҳамиша иним, сафдошим ва маслакдошим, дер эди.

Ўзбекистоннинг Биринчи Президенти билан Сизнинг ўртангиздаги самимий дўстлик, ўзаро ишонч

ва ҳамфирлик муносабатлари туфайли Ўзбекистон – Туркманистон ҳамкорлиги яхши қўшнилар ва қардош халкларнинг алоқалари қандай бўлиши зарурлигининг амалдаги намунасига айланди.

Икки томонлама муносабатларимизнинг бу галги ташриф давомида яққол намоён бўлган ўзига хос хусусиятлари Ислом Абдуғаниевич хотирасига билдирилган юксак ҳурмат ифодаси ва буюк аждодларимизнинг орзу-интилишлари рўёбга чиқаётганининг тасдиги, десам, ўйлайманки, кўпчиликнинг фикрини айтган бўламан.

Ислом Абдуғаниевичнинг бугунги кунда дунёда рўй бераётган мураккаб жараёнларни баҳолаш ва тушуниш борасидаги ёндашувларимиз муштараклиги бизни Туркманистон билан янада яқинлаштириши хусусидаги бир неча расмий баёнотлари барчамизга яхши маълум.

Ўзбекистон Гурбангули Бердимухамедов раҳнамолигида Туркманистоннинг бетарафлик бўйича амалга оширилаётган ҳар томонлама вазмин ташки сиёsat стратегияси, халқаро ва минтақавий хавфсизлик, иқтисодий интеграциялашув ва бутун минтақамизни барқарор ривожлантиришга қаратилган ташаббусларини изчил қўллаб-қувватлади.

Қадрли дўстлар!

Бугун Туркманистонда Ўзбекистоннинг Биринчи Президентига ўрнатилган маҳобатли ёдгорлик мажмуасини очар эканмиз, Ислом Абдуғаниевичнинг биз қадрлашимиз ва юксалтиришимиз зарур бўлган

мухим бойлик – бу мамлакатларимиз ва халқларимиз ўртасидаги ўзаро ишончдир, деган бебаҳо мероси ва чукур мазмунга бой ўгитлари Ўзбекистон ва Туркманистон муносабатларининг маънавий асосига айланишига ишонаман.

Ушбу мажмуа Ўзбекистоннинг ҳар бир фуқароси, аввало, ёшларни ўзига жалб этадиган маънавий маскан бўлишига ва халқларимизни бир-бирига янада яқинлаштиришига аминман.

Мухтарам Гурбангули Маликгулиевич, Туркманобод шаҳрида Ўзбекистон Республикасининг Биринчи Президенти Ислом Абдуғаниевич Каримов хотирасини абадийлаштирганингиз учун Сизга миннатдорлик билдирамиз.

Қалб қўридан чикқан ушбу хайрли ва эзгу ташабbus Ўзбекистон билан Туркманистон ўртасидаги дўстлик, қардошлиқ ва яқин қўшничилик муносабатлари солномасига зарҳал ҳарфлар билан битилажак.

Улуғ аждодларимизнинг руҳи доимо бизга раҳнамо бўлсин!

Гурбангули Маликгулиевич, Сиз қилаётган савоб ишлар Сизга, туркман халқига юз карра зиёда бўлиб қайтсан!

Дўстлигимиз абадий бўлсин!

Ўзбекистон Республикасининг Биринчи Президенти
Ислом Каримов хотирасига Туркманистоннинг
Туркманобод шаҳрида барпо этилган ёдгорлик
мажмуаси очилишига багишланган
маросимдаги нутқ.
2017 йил 7 март

ДҮСТЛИК ВА ЯХШИ ҚҰШНИЧИЛИКНИНГ ЁРҚИН ТИМСОЛИ

Мұхтарам Гурбангули Маликгулиевич!
Қадрли туркман қардошлар, азиз дүстлар!
Биз бутун, ҳеч муболағасиз, тарихий бир воқеага
гувоҳ бўлмоқдамиз.

Мұхандислик ишлари, транспорт-коммуникация ва
геостратегик аҳамиятига кўра ноёб бўлган Туркман-
обод – Фороб кўприкларининг ишга туширилиши
нафақат икки қардош халқ, балки бутун Марказий
Осиё минтақаси ҳаётида муҳим воқеадир.

Азим Амударёнинг икки қирғогини бирлаштирган
ушбу маҳобатли иншоотларнинг барпо этилгани бир
пайтлар мамлакатларимиз ҳудуди орқали ўтган ва
қитъамизнинг асосий транспорт қон томири бўлган
Буюк ипак йўли янги шароитда қайта тикланганинг
ёркин намунасидир.

Бугун очиладиган ва янги Буюк ипак йўлининиг
марказига айланадиган бу кўприклар савдо-сотик
ва ҳамкорликни ривожлантириш, нафақат Марказий
Осиё, балки унинг ташқарисида ҳам тинчлик
ва фаровонликни таъминлашга хизмат қилиши
шубҳасизdir.

Шундай кувончли кунда, ҳурматли Гурбангули
Маликгулиевич, Сизни ва қардош туркман халқини

ушбу буюк марра билан чин қалбимдан табриклайман.

Халкларимиз учун мухим бўлган бундай объектлар Сизнинг шахсий ташаббусингиз билан бунёд этилганини яхши биламиз ва юксак қадрлаймиз. Ушбу ноёб иншоотлар кўп асрлар халкларимиз манфаатига хизмат қилиши шубҳасиз. Улар Ўзбекистон билан Туркманистон ўртасидаги мустаҳкам дўстлик ва яхши қўшничиликнинг ёрқин тимсолига айланади.

Минтақада шундай йирик иншоотларнинг очилиши Туркманистонда Сизнинг раҳнамолигингизда темир йўл, автомобиль, дengiz ва ҳаво йўлини ўзида бирлаштирган ривожланган транспорт инфра-тузилмасини ташкил этиш бўйича амалга оширилаётган улкан ишлар самарасидир.

Шунингдек, Сизни яқинда Туркманистон пойтахтида минтақадаги йирик халқаро аэропортлардан бири очилғани билан ҳам самимий табриклайман. Туркманистоннинг ушбу янги аэропортига Ўзбекистон самолётлари дастлабки парвозини амалга ошириди ва бу бизни бир-биримизга янада яқинлаштируди.

Ўзбекистон дунёда биринчилардан бўлиб Сизнинг БМТ доирасида Марказий Осиёнинг транзит ва транспорт салоҳиятини ошириш, жумладан, ўтган йилнинг ноябрь ойида Ашхободда барқарор транспорт бўйича БМТнинг биринчи глобал конфэрснциясини ўtkазиш борасидаги халқаро ташаббусларингизни кўллаб-куватлади.

Биз Туркманбоши шахрида денгиз бандаргоҳи, шунингдек, Ашхобод – Туркманбоши – Туркманобод халқаро автомобиль йўли қурилиши якунланишини катта умид билан кутмоқдамиз.

Мазкур лойиҳаларнинг амалга оширилиши Туркманистон ва умуман, бутун Марказий Осиёning транзит салоҳиятини сифат жиҳатидан янги босқичга кўтаради.

Ўзбекистонда ҳам транспорт коридорлари минтақавий тармоғининг муҳим кисми бўлган йўл инфратузилмасини ривожлантириш бўйича кенг кўламли ишлар амалга оширилмоқда. Бу борада Фарғона водийсининг баланд тогли ҳудудида ва Қамчик довони орқали ўтган 19 километрлик ноёб туннелни ўз ичига олган Ангрен – Поп темир йўл магистрали қисқа муддатларда барпо этилганини таъкидлаш ўринлидир. Бу Ўзбекистоннинг ягона темир йўл транспорти тизимини шакллантиришни якунлаш ва Марказий Осиё минтақаси билан Хитойни қисқа йўл орқали боғлайдиган транзит коридорини ташкил қилиш учун янги истиқболларни очиш имконини берди.

Биргаликдаги саъй-ҳаракатларимиз мамлакатларимизнинг жаҳон бозори билан алоқаларини ривожлантириш учун янада кенг имкониятлар очиши, инвестициялар оқимини кўпайтириши, иқтисодий тараққиёт учун кулай шароит яратиши ва пировард натижада халқларимиз фаровонлигини юксалтиришига ишонаман.

Мухтарам Гурбангули Маликгулиевич!
Қадрли дўстлар!

Туркман ва ўзбек халқлари азалдан Амударёнинг икки киргогида ёнма-ён, ахил-иноқ яшаб келган, хурсандчиликда ҳам, ташвишли кунларда ҳам бирбирига елкадош бўлган.

Халқларимиз бу заминда яратган юксак цивилизация умуминсоний маданий қадриятлар хазинасига улкан хисса қўшган.

Хурматли Гурбангули Маликгулиевич, Сизга ўзаро манфаатли Ўзбекистон – Туркманистон ҳамкорлигини, вакт синовидан ўтган мустаҳкам дўстлигимизни янада мустаҳкамлашга қўшаётган улкан хиссангиз учун яна бир бор самимий миннатдорлик билдираман.

Сиз ва дўст туркман халқига баҳт-саодат, фаровонлик ва равнақ тилайман.

Мухтарам Гурбангули Маликгулиевич, Сизнинг оқилона раҳнамолигингизда мустақил Туркманистон янги ва ёрқин муваффакиятларга эришишига ишончим комил.

Туркманистон ва Ўзбекистон халқлари ўртасидаги дўстлик мустаҳкамланаверсин.

Соғ-саломат бўлинглар!
Оллоҳ сизга ёр бўлсин!
Барчангизга катта раҳмат!

Туркманобод – Фороб кўприкларининг очилишига багишланган маросимдаги нутқ.

2017 йил 7 март

«МАХТУМҚУЛИ – СҮЗЛАР ТИЛИ ТУРКМАННИНГ...»

Ўзбек халқи азалдан кўз-қошдек яқин, қондош ва жондош туркман халқига, унинг адабиёти ва маданиятига юксак эҳтиром билан қараб келади. Туркман адабиётининг улкан намояндалари бўлмиш Озодий, Андалиб, Камина, Залилий, Мулланафас, Сайидий сингари атоқли шоирларнинг номлари юртимизда маълум ва машхурдир. Улар орасида буюк туркман шоири ва мутафаккири Махтумқули Фироғийнинг ижоди, хеч шубҳасиз, алоҳида ажралиб туради.

Бекиёс сўз санъаткори Махтумқули Фироғий нафақат туркман халқига, айни пайтда бутун Марказий Осиё халқлари, хусусан, ўзбек халқига ҳам бирдек азиз ва қадрли сиймодир. Махтумқулининг бирор шеърини билмайдиган ўзбек, юртимизда унинг китоблари, қўшиқлари кириб бормаган бирор хонадон йўқ, десак, янглишмаган бўламиз.

Бугунги кунда дунё маданиятини туркман адабиётининг мумтоз намояндаси Махтумқулининг бокий шеъриятисиз тасаввур этиб бўлмайди. Шоирнинг ўз халқи қалбини, унинг орзу-интилишлари ва дарду аламларини теран бадиият билан куйлаган асарларини маърифий дунё аҳли яхши билади.

Дарҳакиқат, Туркманистон Президенти муҳтарам Гурбангули Бердимуҳамедов таъкидлаганидек:

«Махтумқули адабий мероси миллийлик чегараларидан чикиб, жаҳон сўз санъатининг бекиёс дурданаларнга, инсоният тафаккурининг бебаҳо хазинасига айланди. Шоир асарларини ўқиб бугунги кунда биргина туркман халқи эмас, балки бутун инсоният ўзининг маънавий ташналнгини қондирмоқда».

Махтумқули ўз элининг турли синов ва машаққатларга мардона бардош бериб, миллий ўзлигига доимо содик қолганини юксак пардаларда тараннум этди. Биз туркман халқига хос бўлган азму шижаат, мардлик ва жасорат, дўстга садоқат каби олижаноб фазилатларни айнан Махтумқули шеърлари орқали янада чукур англаб етамиз. Шу маънода, кимки туркман халқининг қалбини, юрагини билмоқчи бўлса, аввалио Махтумқулини ўқиши керак, десак, айни ҳақиқат бўлади. Ўз вактида **«Махтумқули – сўзлар тили туркманинг»** дея фахрланиб ёзган буюк шоир ва мутафаккир ўзининг ўлмас ижоди билан инсониятни эзгулик ва яхшиликка чорлашда давом этмоқда.

Махтумқули асрлар мобайнида ўзбекнинг ўз шоирига айланиб кетган, десак, хато бўлмайди. Унинг шеърлари ўзининг чукур маъноси, халқона рухи туфайли бахши ва ҳофизларимиз, шоирларимизга илхом бериб, ҳамиша давраларда янграб келади.

Эл-юртимизнинг бирор тўй-тантанаси Махтумқули кўшикларисиз ўтмайди. Айниқса, санъаткорларимиз томонидан Махтумқули шеърлари билан ижро этиладиган «Айрилма», «Ошиқ бўлмишам», «Айрилдим», «Намасан?», «Ёққанча бўлмас», «Кўринг» сингари ўнлаб кўшикларни каттаю кичик барча мухлислар севиб тинглайди.

Улут шоир қаламига мансуб «Бой бўлай деб, иззатингдан айрилма», «Таълим берган устозингдан айрилма», «Юз йил яшаб, тушсанг ажал қўлига, Ўнгингдан чапингга бокканча бўлмас», «Ҳар йигитнинг аслин билай десангиз, Даврада ўтириб-туришин кўринг» сингари ҳикматли сатрлари халқона мақолга айланиб кетган.

Махтумкулининг Хивадаги Шерғозихон мадрасасида таҳсил олгани, Алишер Навоийдек буюк санъаткорни ўзига устоз деб билгани халкларимиз ўртасидаги абадий дўстликнинг ажойиб намунасиdir. Таъкидлаш жоизки, Махтумкулининг отаси, шоир Давлатмамат Озодий ҳам ўз вақтида Хивада таҳсил олган эди. Махтумкули Хивада жуда кўп хонадонларда бўлиб, туз totган, устозлар, дўст-ёрлар ортирган, у ерда кечирган йилларини миннатдорлик билан эслаб, гўзал шеърлар битганини ўзбек китобхонлари яхши биладилар.

Маълумки, Ўзбекистон Республикасининг Биринчи Президенти Ислом Каримов ва Туркманистон Президенти Гурбангули Бердимухамедовнинг фаол саъй-харакатлари билан мустакил давлатларимиз ўртасида дўстлик ва ўзаро манфаатли ҳамкорлик алоқаларига мустаҳкам замин яратилди. Бу борада гуманитар-маданий соҳалардаги муносабатларимиз изчил ривожланиб бораётгани айниқса эътиборлиdir. Бу ҳақда гапирганда, Хива шаҳрида буюк туркман шоири Махтумкули Фироғий ҳайкали бунёд этилганини қайд этиш лозим. Ушбу муҳташам ёдгорлик бугунги кунда икки халқ дўстлигининг, тарихимиз

ва маданиятларимиз муштараклигининг тимсоли сифатида қад ростлаб турибди.

Махтумкулининг шеърлари Ўзбекистонда илк бор ўзбек тилида 1958 йили «Танланган асарлар» номи билан босилиб чиқкан ва халқимизга ғоят манзур бўлган эди. Агар улуғ туркман шоирининг она тилимизда нашр этилган барча китобларининг умумий сонини ҳисоблайдиган бўлсак, қарийб 1 миллион нусхадан ортиқни ташкил этади. Биргина кейинги ўн йилда юртимизда Махтумкулининг ўнга яқин китоблари атоқли ўзбек ижодкорлари томонидан юксак маҳорат билан таржима қилиниб, маънавий хазинамиздан муносиб ўрин олди.

Шу маънода, таниқли туркман адиби Ораз Яғмурнинг «Махтумкулинома» (бу китоб ҳам ўзбек тилида чоп этилган) номли роман-тадқиқотида: «**Шу ўринда яна бир ҳақиқатни ҳам тан олиш лозим: дунёда Махтумкули асарлари энг кўп нашр қилинадиган хорижий мамлакат бу – Ўзбекистондир**», деб таъкидлангани, айниқса эътиборга моликдир.

Бугун биз мамлакатимизда ахборот-коммуникация технологияларини жадал ривожлантириш билан бирга, жамиятимизда китобхонлик маданиятини юксалтириш, шу жумладан, миллий ва жаҳон адабиётининг энг сара намуналарини нашр этиш масалаларига алоҳида аҳамият қаратмоқдамиз. Бу борада кўзга тутилган режаларимизда, ҳеч шубҳасиз, атоқли шоир Махтумкули Фироий асарларини чоп этиш мухим ўрин эгаллайди. Сиз, азиз ўқувчиларга тақдим этилаётган ушбу муҳташам китоб ҳам ана шу эзгу ишларимизнинг амалий натижасидир.

Айни пайтда Туркманистанда ҳам ўзбек адабиёти ва маданиятига доимий эътибор қаратилаётгани бизни мамнун этади. Қардош мамлакатнинг турли худудларида ўзбек санъаткорлари иштирокида дўстлик фестиваллари, маданият ва санъат кунлари мунтазам ўtkазиб келинмоқда. Туркманистан нашрларида, жумладан, «Дунё адабиёти» журналида юртимиз адибларининг асарларидан намуналар чоп этилмоқда.

Шуни алоҳида таъкидлаш жоизки, бугунги кунда Ўзбекистон ва Туркманистан ҳамкорлигининг сифат жиҳатидан янги босқичи бошланмоқда. Биз муҳтарам Гурбангули Маликгулиевич билан давлатларимиз ўртасида нафакат савдо-иктисодий, айни пайтда маданий-маърифий соҳалардаги алоқаларимизни ҳам янада ривожлантириш бўйича фаол иш олиб бормоқдамиз ва бу йўлда барча куч ва имкониятларимизни сафарбар этамиз.

Бугунги кунда Ўзбекистонда 189 мингга яқин туркман миллатига мансуб ватандошларимиз истиқомат килмоқда. Туркман тилида фаолият олиб борадиган 44 та мактабда 8 мингдан ортиқ болаларимиз таълим олмоқда. Улар туркман тилидаги дарслик ва ўкув қўлланмалари билан тўла таъминланмоқда. Ушбу дарсликларни яратиш учун «Ўзбекистон» нашриётида «Туркман тили» бўлими ташкил этилган. Қорақалпок давлат университети ва Тўрткўл педагогика коллежида туркман тилидаги мактаблар учун педагог кадрлар тайёрланмоқда.

Айни вактда фаол иш олиб бораётган Республика туркман маданий маркази Қоракалпогистон Республикаси, Бухоро, Қашқадарё, Сурхондарё, Тошкент вилоятлари ва Тошкент шаҳридаги туркман миллий маданий марказларини бирлаштириб турибди.

Албатта, икки халқ ўртасидаги ўзаро ҳамжихатлик муносабатларини янада мустаҳкамлашда адабий алоқаларнинг ўрни ва аҳамияти бекиёс. Ўйлаймизки, ўзбек ва туркман халқларининг юрагида безавол яшаб келаётган Махтумқули Фироғий асарларининг китобхонларимизга тақдим этилаётган мазкур янги нашри бу йўлда яна бир муҳим қадам бўлади.

Ушбу китоб ўзбек халқининг нафақат забардаст сўз санъаткорига, айни пайтда унинг сиймосида қардош Туркманистон халқига, унинг бой маданияти ва тарихига ҳурмати ва ёруғ келажагига бўлган ишончининг ёрқин намунасидир.

*Махтумқулининг ўзбек тилида нашр
этилган китобига ёзилган сўзбоши.
2017 йил 7 марта*

ЎЗБЕКИСТОН ХАЛҚИГА НАВРЎЗ ТАБРИГИ

Азиз ватандошлар!

Она диёримизга барчамиз орзишиб кутган гўзал ва дилбар фасл – Наврўзи олам кириб келмоқда.

Ана шу улуғ айём билан каттаю кичик барча юртдошларимизни чин қалбимдан самимий муборакбод этаман.

Шаркона янги йил бошланаётган мана шу му-наввар лаҳзаларда ҳаммангизга сиҳат-саломатлик, оиласларингизга баҳт ва омад, кут-барака тилайман.

Қадрли дўстлар!

Яшариш ва янгиланиш айёми бўлган Наврўзи олам биз учун энг қадимий, асл миллий, ғоят ардоқли байрамдир.

Юртимиз яшил либосга бурканган мана шу бетак-рор кунларда кўп миллатли халқимиз дала ва кирлар, майдон ва хиёбонларда шоду хуррамлик билан Наврўз байрамини нишонламоқда.

Бу йилги Наврўз байрами барча шаҳар ва қишлоқларимизда умумхалқ сайиллари тарзида ўтаётгани унга ўзгача файз ва тароват багишламоқда.

Эл-юртимизнинг табиатга, она заминга меҳру муҳаббати, ўзаро ахиллик ва ҳамжиҳатлиги «Халқ билан мулокот ва инсон манфаатлари йили»нинг ғоя ва мақсадлари билан уйғун ва ҳамоҳанг бўлиб бораётгани ҳаммамизни кувонтируммоқда.

Ватандошларимиз бир-бирини кутлаб, дошқознларда сумалаклар пишириб, дастурхонларга баҳор неъматларини тортиб, ўйин-кулгилар қилмоқда, шу ёруғ кунлар учун шукроналар айтмоқда.

Ўзаро меҳр-оқибат, саховат ва мурувват, табаррук кексаларимизни зиёрат қилиш, ногиронлар, ёрдамга мухтоҷ инсонлар ҳолидан хабар олиш, ҳашарлар ўтказиб, юртимизни янада обод қилиш каби савобли одатларимиз ҳар қачонгидан ҳам ёркин намоён бўлмоқда.

Наврӯз – бу, аввало, меҳнат байрами, деҳқончилик байрамидир.

Бугун катта орзу-умидлар билан янги мавсумни бошлиётган фидойи деҳқон ва фермерларимизни барчамиз чин дилдан қутлаймиз. Йилимиз қутлуг келсин, ҳосилимиз мўл бўлсин, деб уларга энг эзгу тилакларимизни билдирамиз.

Наврӯз – умумбашарий аҳамиятга эга байрам. Унинг моҳиятида мужассам бўлган гуманистик ғоялар, миллати, тили ва динидан қатъи назар, ер юзидағи барча пок ниятли инсонлар учун бирдек тушунарли ва қадрлидир.

Шу сабабли Наврӯз мустақиллик йилларида Ватанимизда истиқомат қилаётган 130 дан зиёд миллат ва элат вакиллари учун том маънода суюкли байрамга айланди.

Айни пайтда Наврӯзи олам Бирлашган Миллатлар Ташкилоти томонидан эътироф этилиб, жаҳон миқёсида кенг нишонланиб келаётгани барчамизга ғуур ва ифтихор бағишлайди.

Бугун биз пойтахтимизнинг гўзал боғлари, хиёбонларида хорижий дипломатик корпус вакиллари, дўстларимиз ва ҳамкорларимиз билан ўз қувончимизни баҳам кўрмокдамиз.

Фурсатдан фойдаланиб, барча узоқ ва яқин давлатларнинг ҳалкларига самимий қутловларимизни йўллаб, уларга тинчлик, равнақ ва фаровонлик тилаймиз.

Азиз ва муҳтарам ватандошларим!

Барчангизни кириб келаётган Наврўз айёми билан яна бир бор чин дилдан табриклаб, энг олижаноб, самимий тилакларимни билдиришга ижозат бергай-сиз.

Наврўз ҳар бир оила, ҳар бир хонадонга, бутун юртимизга тинчлик-омонлик, қувонч ва баҳт олиб келсин!

Эзгу орзу-ниятларимиз ушалсин, Ватанимиз янада обод ва фаровон бўлсин!

Осмонимиз мусаффо, юртимиз тинч, ҳалқимиз омон бўлсин!

Наврўзи олам барчамизга муборак бўлсин!

*Шавкат МИРЗИЁЕВ,
Ўзбекистон Республикаси Президенти
2017 йил 20 марта*

ЎЗБЕКИСТОН – ҚОЗОҒИСТОН: АЗАЛИЙ ДҮСТЛИК ВА ҲАМКОРЛИКНИНГ ЯНГИ БОСҚИЧИ

Нурсултон Абишевич!

Қадрли дүстлар! Хонимлар ва жаноблар!

Қозғистон Республикаси Президенти Нурсултон Абишевич Назарбоевга, қозғистонлик дүстларимиз ва шерикларимизга қардош Қозғистон заминидага бизга кўрсатилаётган юксак эҳтиром ва самимий меҳмондўстлик учун чин қалбимдан миннатдорлик билдираман ва чукур ҳурматимни изҳор этаман.

Учрашувимиз Наврӯз байрами кунлари бўлиб ўтаётганида чукур рамзий маъно бор.

Наврӯз, муҳтарам Нурсултон Абишевич, Сиз ўзчиқишиларингизда таъкидлаганингиздек, нафақат шаркона Янги йил бошланиши, балки бирдамлик, ҳамжиҳатлик, меҳр-саҳоват ва бағрикенглик, дўстлик ва қардошлик байрамидир.

Қозғистон Республикасига бу галги давлат ташрифи биз учун Ўзбекистон – Қозғистон муносабатларини жадал ривожлантириш ва тубдан кенгайтириш борасидаги ўзаро хайрли ва қатъий интилишишимиздан далолат беради ҳамда уларни янги амалий мазмунмоҳият билан бойитади.

Қозоғистон ва унинг етакчиси, жаҳон миқёсидаги буюк давлат ва сиёsat арбоби, муҳтарам Нурсултон Абишевични ҳамиша Ўзбекистоннинг вакт ва ҳаёт синовидан ўтган ишончли дўсти деб билганимиз ва шундай деб биламиз.

Ўзбек халқида «Кўшнинг тинч – сен тинч» деган пурмаъно мақол бор.

Бизнинг муштарак тарихий меросимизни ажратиб бўлмаганидек, мамлакатларимиз ва халқларимизнинг бугунги куни ва келажагини ҳам айро ҳолда тасаввур этиб бўлмайди.

Биз ҳар доим бир-биримизга яқин бўлганимиз ва бундан кейин ҳам бир-биримизга керак бўламиз.

Шу муносабат билан Самарқандда Ўзбекистон Республикасининг Биринчи Президенти Ислом Абдуғаниевич Каримов билан видолашув маросимида «Қозоғистон ҳар доим Ўзбекистон ва унинг халқини кўллаб-куватлайди. Биргаликда қувониб, оғир дамларни ҳам биргаликда бошдан кечирамиз», деган сўзларингизни яхши эслаймиз ва ҳеч қачон унутмаймиз.

Ушбу самимий сўзлар қалбимизни тўлқинлантириб юборди ва муносабатларимизни янада мустаҳкамлади.

Хурматли Нурсултон Абишевич!

Қадрли дўстлар!

Қозоғистон Президентининг оқилона раҳбарлигида изчил ва самарали амалга оширилаётган туб ўзгаришлар, модернизация сиёсати, мамлакатни барқарор ва мутаносиб ривожлантириш бўйича

пухта ўйланган чора-тадбирлар тизими дунё миқёсида кенг эътироф этилмоқда.

Жаҳон майдонида Қозоғистоннинг юксак обрў-эътибори, аввало, ўз халқининг тан олинган раҳнамоси, хурматли Нурсултон Абишевичнинг номи, унинг нафакат минтақа, балки бутун ер юзида тинчлик ва барқарорликни таъминлашга доир тарихий ташаббуслари билан боғлик.

Шуни яна бир бор алоҳида таъкидламоқчиман: Ўзбекистон ҳамиша Қозоғистоннинг ишончли шериги ва дўсти бўлган ва шундай бўлиб қолади. Биз Қозоғистон эришаётган муваффакиятларни Ўзбекистоннинг ютуқлари, деб биламиз.

Буюк аждодларимиз ҳам шундай юксак маънавий принципларга сўзсиз риоя этишга чақирганлар.

Буюк шоир ва мутафаккир Абайнинг қуидаги умрбоқий сўзлари бугунги интилишларимиз билан ҳамоҳанг экани билан таҳсинга сазовордир: «Эзгулик, раҳмдиллик, ўзингга раво кўрганни бошқаларга ҳам раво қўриш — мана, ҳақиқий қалб қандай бўлиши керак. Чинакам шерюрак, қозоқча айтганда, «журекли» одамлар шундай бўлади».

Айнан шу боис халқларимиз бугунги учрашув ва музокараларимизни баланд рух билан қарши олмоқда, нафакат Ўзбекистон билан Қозоғистоннинг узок муддатли серқирра муносабатлари истиқболи, балки бутун минтақамизда барқарорлик ва изчил ривожланиш шу учрашув ва музокаралар якунига боғлик эканини улар яхши англайди.

Мустакил Ўзбекистон эришаётган барча муваффакиятларга кўп миллатли юртимизда тинч-тотув

яшаб келаётган қозоқ миллатига мансуб юз минглаб фукароларимиз ҳам салмоқли ҳисса қўшаёттани бизни гоят қувонтиради. Уларнинг орасида Ўзбекистон парламенти ва маҳаллий ҳокимият вакиллик органларига сайланганлар, турли даражадаги раҳбарлар ҳам кўп.

Мустакиллик йилларида Ўзбекистоннинг қозоқ миллатига мансуб 600 дан зиёд фуқароси юксак давлат мукофоти ва унвонларига сазовор бўлгани ҳам уларнинг мамлакатимиз тараққиётига муносиб ҳисса кўшиб, халқимиз орасида ҳурмат қозониб, кенг эътироф этиб келинаётганининг тасдигидир.

Ҳурматли дўстлар!

Бугун ишонч руҳида бўлиб ўтган амалий музокаралардан тўлиқ қониқиши ҳосил қилганимни, минтақавий ва халқаро муносабатларга доир муҳим масалалар юзасидан узоқ муддатли манфаатлар ва позицияларимиз ҳамоҳанг эканини таъкидлашни истардим.

Биз Ўзбекистон билан Қозогистоннинг ўзаро интилиши кучайиб, муносабатларимиз янада жадал тус олаётгани, янада мазмунли бўлаётганини яна бир бор тасдикладик.

Бошқача айтганда, савдо-иктисодий ҳамкорлигимиз кўлами тобора кенгайиб бормоқда.

Бугун имзоланган ҳужжатлар мамлакатларимиз ва қардош халқларимиз фаровонлиги ва манфаати йўлида ҳамкорлигимизнинг ҳали ишга солинмаган улкан салоҳиятини амалга ошириш учун мустаҳкам асос бўлиб хизмат қиласди.

Фурсатдан фойдаланиб, Ўзбекистон ва Қозогистон халқлари ўртасидаги дўстлик ва яхши қўшничилик муносабатларини ҳамиша ҳар томонлама мустаҳкамлаш тарафдори бўлиб келаётган муҳтарам Нурсултон Абишевичга алоҳида миннатдорлик билдиримоқчиман.

Шу ўринда қозок халқининг қуидаги мақолини келтиримоқчиман:

«Достық бар жерде табыс бар», яъни, «Дўстлик бор жойда муваффакият бор».

Президент Нурсултон Абишевич Назарбоев соғомон бўлсинлар!

Ўзбекистон ва Қозогистон ўртасидаги дўстлик ва ҳар томонлама ҳамкорлик янада мустаҳкамлансан!

Кардош халқларимизнинг равнаки ва фаровонлиги зиёда бўлсин!

*Қозогистон Республикасига давлат ташрифи
чоғидаги қабуғ маросимида сўзланган цутқ.*

2017 йил 22 марта,

Остона

ТАРИХИМИЗ ВА МАНФААТЛАРИМИЗ МУШТАРАК

Мухтарам Владимир Владимирович!

Хурматли дўстлар!

Россия заминида бизни самимий кутиб олганингиз ва кўрсатилаётган меҳмондўстлик учун чин дилдан миннатдорлик изҳор этишга руҳсат бергайсиз.

Хурматли Владимир Владимирович, Ўзбекистон ва Ўзбекистон халқи номига билдирган самимий сўзларингиз учун чин юракдан ташаккур айтаман.

Россия биз учун ҳаёт синовларидан ўтган ишончли стратегик шерик ва иттифокчи бўлиб келган ва бундан бўён ҳам шундай бўлиб қолади.

Биз тарихимиз муштараклигини, манфаатларимиз, маънавий ва маърифий илдизларимиз бирлигини ҳеч қачон унутмаймиз.

Таникли олим, академик Дмитрий Сергеевич Лихачёв айтганидек, «Хотира – виждон ва маънавият, маданият негизидир. Хотирани асраб-авайлаш эса ўзимиз ва келажак авлодлар олдидағи маънавий бурчимиздир».

Россия бугунги кунда ишонч ва қатъият билан изчил тараққий этаётгани, унинг халқаро майдондаги нуфузи тобора ортиб бораётгани бизни қувонтиради. Ҳеч шубҳасиз, бу – Россия Федерацияси Президенти мухтарам Владимир Владимировичнинг узоқни кўзлаб юритаётган прагматик сиёсати натижасидир.

Ўзбекистон халқи буюк рус халқини, унинг бой тарихи, санъати, анъана ва қадриятлари, рус характерига хос бағрикенгликни чукур хурмат қилишини алоҳида таъкидлашни истардим.

Бугунги кунда саховатли Ўзбекистон заминида кариб 1 миллион этник руслар истиқомат қилиб, фидокорона меҳнати билан ўз Ватани деб биладиган Ўзбекистон таракқиётига муносиб ҳисса қўшмоқда.

Ишончим комил, бу галги ташриф мамлакатларимиз ва халқларимиз фаровонлиги йўлида Ўзбекистон билан Россиянинг стратегик шериклик ва иттифоқчилик муносабатларини янада кенгайтириш ва мустаҳкамлашга хизмат килади.

Россия Федерацияси Президенти Владимир Владимирович Путинга мустаҳкам соғлик тилаймиз!

Халқларимиз фаровонлиги янада юксалсин!

Барчангизга соғлик-омонлик тилайман!

*Россия Федерациясига давлат ташрифи
чогидаги қабул маросимида сўзланган нутқ.*

2017 йил 5 апрель.

Москва

ТИНЧЛИК, ДЎСТЛИК ВА ҲАМКОРЛИК ЙЎЛИДА

Муҳтарам хонимлар ва жаноблар!

Авваламбор, сизларни – хорижий давлатларнинг дипломатик ваколатхоналари раҳбарларини Ўзбекистонда масъулиятли ва шарафли вазифангизни адо этишга расман киришганингиз билан самимий кутлайман.

Барчангизга чуқур ҳурмат ва эҳтиромимни, эзгу тилакларимни билдириб, сизлар вакиллари бўлган давлатлар ва ҳалқларга тинчлик-осойишталик, равнақ ва фаровонлик тилайман.

Биз сизларнинг мамлакатларнингиз билан сиёсий мулоқотни янги боскичга кўтариш, ўзаро манфаатли ҳамкорликни ҳар томонлама мустаҳкамлаш тарафдоримиз. Сизларни ишонтириб айтмоқчиман: бу борадаги фаолиятингиз амалий натижалар бериши учун Ўзбекистон раҳбарияти, қонунчилик ҳокимияти, мамлакатимиз ҳукумати барча зарур ёрдам ва кўмакни аямайди.

Ҳурматли элчилар!

Ўзбекистон Республикаси мустақилликка эришган дастлабки кунлардан бошлаб пухта ўйланган ташки сиёсатни изчил амалга ошириб келмоқда. Унинг замирида ўзбек ҳалқининг кўп асрлик тарихи ва маданияти, анъана ва қадриятлари, эзгу орзу-интилиш ва манфаатлари мужассамдир.

Ўзбекистоннинг ташки сиёсати Бирлашган Миллатлар Ташкилоти Низомида мустаҳкамлаб кўйилган асосий хукукий тамойилларга ва Конституциямизга, биз ўз зиммамизга олган ҳалқаро мажбуриятларга тўлиқ мос ҳолда амалга оширилмоқда.

Биз бундан буён ҳам ўз ташки сиёсатимизни олиб боришда Ўзбекистон Республикасининг Ташки сиёсий фаолият концепциясида белгиланган стратегик вазифалар ва устувор йўналишларга таянамиз.

Биз ўзимиз танлаган, тинчликпарварликка асосланган, юзага келадиган зиддият ва қарама-каршиликларни факат тинч, сиёсий воситалар билан ҳал этишга каратилган йўлга доимо содикмиз.

Хеч кандай ҳарбий-сиёсий блокларга кўшилмаслик, бошка давлатларнинг ҳарбий базалари ва объектларнинг Ўзбекистон худудида жойлашувига, ҳарбийларимизнинг чет эллардаги операцияларда иштирок этишига йўл қўймаслик давлатимизнинг катъий сиёсий позицияси бўлиб қолади.

Ташки сиёсат соҳасидаги барча ҳамкорларимизга нисбатан очиклик ва хайриҳоҳлик рухида, прагматик сиёсат олиб борамиз.

Мухтарам хонимлар ва жаноблар!

Ўзбекистон дунёдаги барча давлатлар, аввало, кўшни мамлакатлар билан яхши қўшничилик, дўстлик ва ҳамкорлик муносабатларини ривожлантиришга алоҳида эътибор қаратади.

Бизнинг ҳалқимизда «Ён қўшни – жон қўшни», «Қўшнинг тинч – сен тинч» деган ажойиб мақоллар бор. Булар тарих тажрибасидан келиб чиқиб, неча

минг йиллик яхши қўшничилик муносабатларини инобатга олиб айтилган буюк ҳикматли сўзлардир.

Биз Қирғиз Республикаси билан ўзаро манфаатли алоқаларимизни янги босқичга кўтаришни муҳим вазифа деб биламиз. Халқларимиз ўртасидаги замонлар синовидан ўтган кардошлиқ ришталари ўзаро ҳурмат ва дўстона муносабатлар, муштарак маданий қадриятлар орқали узвий боғланиб кетган.

Қирғизистон Президенти ҳурматли Алмазбек Шаршенович Атамбаев билан Самарқанд шаҳрида ўтказган музокараларимиз икки томонлама ҳамкорлик соҳасида янги саҳифа очганини алоҳида таъкидламокчиман.

Биз Қирғизистон билан ўзаро ҳурмат, бирбиrimizning манфаатларимизни тан олиш асосида ва халқаро хукук меъёrlарига мувофиқ тарзда янада самарали ҳамкорлик қилишга тайёр эканимизни билдирамиз. Ва бугун мамлакатимизда ўз фаолиятини бошлаётган ҳурматли элчи Данияр Батирович Сидиков жанобларига муваффақият тилаймиз.

Биз Ўзбекистон ва Евropa Иттифоқи ўртасида қарор топган самарали муносабатларни юксак қадрлаймиз. Бунинг мустаҳкам хуқукий негизини Шериклик ва ҳамкорлик тўғрисидаги битим ташкил этади. Шу хужжат асосида кўп қиррали муносабатларимизнинг таъсирчан механизmlари – Ҳамкорлик кенгashi ва қўмитаси, Парламентлараро ҳамкорлик қўмитаси ва бошқа тузилмалар фаолият кўрсатмоқда.

Ўйлайманки, «Европа Иттифоки – Марказий Осиё» форматидаги вазирларнинг навбатдаги учрашувининг шу йил кузда Ўзбекистонда ўтказилиши ўзаро манфаатли ҳамкорликни янада мустаҳкамлашга ёрдам беради.

Ўтган йили **Тўқимачилик соҳасидаги битимнинг** Европа парламенти томонидан тасдиқлангани савдо-иктисодиёт соҳасидаги ҳамкорлигимизни янада кучайтириш учун янги истиқболлар очмоқда.

Биз Ўзбекистон ва Европа Иттифоки ўртасидаги шериклик муносабатларининг кенг кўламли инвестиция дастури доирасида Европа тикланиш ва тараккиёт банки билан ҳамкорликни янада ривожлантириш бўйича фаол иш олиб боряпмиз.

Европа Иттифокининг элчisi этиб тайинланган хурматли Эдуардс Стипрайс жанобларининг Ўзбекистондаги фаолияти ҳар томонлама самарали бўлишига тилакдошмиз.

Биз жаҳондаги етакчи давлатлардан бири бўлган Франция билан кенг кўламли алоқаларимиз изчил ривожланиб бораётганидан мамнунмиз.

Бирлашган Миллатлар Ташкилоти Хавфсизлик Кенгашининг доимий аъзоси сифатида Франция Марказий Осиёда ядро куролидан холи зона яратиш бўйича ташаббусимизни қўллаб-қувватлаганини юқори баҳолаймиз.

Давлатларимиз ўртасида фаол сиёсий мулокот олиб борилмоқда. Шу йил март ойида Ўзбекистон ташки ишлар вазири Парижга ташриф буюрди. Апрель ойида эса Франция ташки ишлар вазири жаноб Жан Марк Эро Тошкентда қабул килинди.

Етакчи Франция компанияларининг мамлакатимиз иктисодиётидаги иштирокини, шунингдек, икки томонлама савдо ҳажми ўсиб бораётганини алоҳида қайд этиш зарур. Ўзбекистонда Франция тараққиёт агентлигининг тузилмаси иш бошлади.

Маданий-гуманитар соҳадаги ҳамкорлик алока-ларимизнинг мухим йўналиши ҳисобланади. Фуқароларимиз, аввало, ёшларимиз француз тилини пухта ўрганишида «Француз альянси»нинг мамлакатимиздаги фаолиятини қўллаб-кувватлаймиз.

Давлатларимиз ўртасидаги ҳамкорликни янада ривожлантириш учун муҳтарам элчи Виолен де Вильмор хонимлари муносиб ҳисса қўшади, деб ишонамиз.

Европа Иттифоқининг яна бир йирик аъзоси Италия билан Ўзбекистон ўртасидаги муносабатлар изчил ривожланиб бормоқда. Жумладан, парламентларимиз ўртасида яқин ва самарали ҳамкорлик йўлга кўйилгани эътиборга сазовордир.

Савдо, иктисодиёт ва саноат соҳасидаги ҳамкорлик ҳамда экспорт кредитлари бўйича Ўзбекистон – Италия ҳукуматлараро ишчи гуруҳининг шу йил Рим шаҳрида бўлган навбатдаги йигилиши икки томонлама савдо-сотик ҳажмининг ўсиши, иктисодиётимизда Италия сармоялари ортиши учун кулай шартшароит яратади.

2009 йилда Тошкент шаҳрида очилган Турин политехника университети кисқа муддатда Ўзбекистон ёшлари ҳавас билан интиладиган олий ўкув юртларидан бирига айланди. Иктисодиётнинг реал секторидаги талабни инобатга олган ҳолда, биз

жорий йилда мазкур университет учун қабул квоталарини ошириш масаласини кўриб чиқмоқдамиз.

Биз элчи этиб тайинланган хурматли Андреа Бертоцци жанобларининг фаолиятига муваффақиятлар тилаймиз.

Биз Шаркий Европадаги анъанавий ҳамкорларимиздан бири бўлган Чехия Республикаси билан дўстона муносабатларимизни юксак қадрлаймиз.

2015 йилда Чехия Сенати раиси М.Штех, шу йил февраль ойида Депутатлар палатаси раиси Я.Гамачек бошчилигидаги делегациялар мамлакатимизда бўлди. Биз турли даражадаги, жумладан, олий мақомдаги ташрифларни амалга оширишдан манфаатдормиз.

Савдо, инвестиция ва туризм соҳаларида ҳали ишга солинмаган катта имкониятлардан келгусида давлатларимиз равнаки, ҳалкларимиз фаровонлиги йўлида кенг фойдаланамиз, деган умиддамиз.

Шу борада Чехия Республикасининг элчиси, хурматли Ярослав Сиро жаноблари билан биргаликда самарали фаолият олиб борамиз, деб ишонамиз.

Япония бизнинг ташки сиёсатимизда алоҳида ўрин тутадиган стратегик ҳамкоримиздир.

Японияни нафакат дунёдаги иқтисодий ривожланган давлат, балки глобал муаммоларни ҳал этишда тобора сезиларли роль ўйнаётган кудратли мамлакат, деб биламиз.

Япония Бош вазири Синдзо Абэ Жаноби Олийларининг 2015 йил октябрда Ўзбекистонга амалга оширган расмий ташрифи кўп қиррали ҳамкорлигимизни стратегик шериклик рухида ривожлантириш йўлида янги қадам бўлди.

Биз япониялик дўстларимиз томонидан кўрса-тилаётган кенг кўламли амалий ёрдам учун мин-натдормиз.

Япония билан инвестициявий ва молиявий-техник ҳамкорликни янада кенгайтириш, юқори технологиялар, транспорт инфратузилмаси, коммуникация, машинасозлик каби истиқболли тармоқлар бўйича лойиҳа ва дастурларни биргаликда амалга оширишга тайёрмиз.

Тошкент давлат техника университети қошида ташкил этиладиган Ўзбекистон – Япония ёшлар инновация марказининг ишга туширилишига катта қизиқиш билан карайпмиз.

Мазкур марказ саноат тармоқларига энг илгор инновацион ғоя ва технологияларни кенг татбик этиш, соҳа ривожини янги босқичга кўтаришда катта аҳамиятга эга бўлади.

Хурматли элчи Нобуаки Ито жанобларининг фаолиятига омадлар тилаймиз.

Биз нафақат минтақада, балки араб ва мусулмон оламида катта обрў-эътиборга эга Миср Араб Республикаси билан анъанавий дўстона ҳамкорликни янги босқичга кўтаришдан манфаатдормиз.

Миср Араб Республикаси билан парламентлараро мулокот ва ташки ишлар вазирликлари ўртасида сиёсий алоқаларни янада ривожлантириш тарафдоримиз. Иқтисодий алоқаларимизни жадал-лаштириш мақсадида Хукуматлараро қўшма комиссия фаолиятини кучайтириш зарур.

Шуни таъкидлаш ўринлики, Ўзбекистон ва Миср халқарини кўп асрлик ришталар, муқаддас ислом дини, муштарак маданий қадриятлар боғлаб туради.

Нил дарёсида сув ҳажмини ўлчайдиган ноёб курилма – ниломер ускунасининг асосчиси, буюк ватандошимиз Аҳмад Фарғонийнинг бой илмий мероси билан халқларимиз бирдек фахрланади.

Аллома бобомизнинг Қоҳира шаҳрида барпо этилган муazzам ҳайкали тимсолида биз Миср халқининг ўзбек халқига бўлган юксак ҳурмат-эҳтироми ифодасини кўрамиз.

Биз Мисрнинг юртимиздаги элчиси этиб тайинланган Амани аль-Этр хонимларига ўзининг шарафли ва масъулиятли вазифасини адо этишда катта ютуқлар тилаймиз.

Биз учун яқин дўст ва иқтисодий шерик бўлган Туркия Ўзбекистон мустақиллигини биринчилардан бўлиб тан олганини ҳеч қачон унутмаймиз.

Туркия Президенти Р.Т.Эрдоған Жаноби Олийлари билан Самарқандда бўлиб ўтган музокараларимиз давлатларимиз ўртасидаги муносабатларни янги боскичга олиб чиқиш жараёнини бошлаб берди.

Биз икки томонлама келишувларни амалга ошириш бўйича барча соҳаларни қамраб олган Амалий ҳаракатлар режасини, яъни ўзига хос «йўл ҳаритаси»ни қабул қилдик.

Ўзаро савдо ҳажмини кўпайтириш ва истиқболли инвестиция лойиҳаларни амалга оширишда Савдо-иктисодий ҳамкорлик бўйича хукуматлараро комиссия фаолиятига алоҳида эътибор қаратамиз.

Яқинда Ўзбекистон ҳукумат делегациясининг Туркияга ташрифи чоғида савдо ва сармоявий, туризм, транспорт коммуникациялари, логистика ва бошқа соҳаларда эришилган келишувлар ўзаро ҳамкорликни янада ривожлантириш учун мустаҳкам пойдевор бўлиб хизмат қилади.

Биз Туркия Ташки ишлар вазири жаноб Мевлют Човуш ўғлининг яқинда Ўзбекистонга амалга оширган ташрифи доирасида ана шу масалаларни батафсил муҳокама килдик.

Бугун Туркияning мамлакатимизда иш бошлиётган элчиси ҳурматли Аҳмет Башар Шен жанобларига муваффакият ва ютуқлар ёр бўлишини тилаймиз.

Саудия Арабистони Подшоҳлиги билан ҳамкорлик Ўзбекистон учун муҳим аҳамият касб этади.

Фурсатдан фойдаланиб, Макка ва Мадина каби муборак шаҳарлар жойлашган, бутун ислом уммати учун азиз бўлган ушбу табаррук маконни асрраб-авайлаб келаётган Икки муқаддас масжид ходими, Подшоҳ Салмон бин Абдулазиз Ол Сауд Аъло Ҳазратларига ва Подшоҳлик ҳукуматига самимий миннатдорлигимни изҳор этаман.

Шунингдек, сўнгги йилларда ҳаж амалини адo этишни истаётган фуқароларимиз сони ортиб бораётганини инобатга олиб, 2017 йилда ҳаж зиёратига борувчилар сонини икки минг нафарга оширишга қарор қилганимизни таъкидламокчиман.

Саудия Арабистони билан халқаро ташкилотлар доирасидаги кўп томонлама алоқаларни, хусусан, Ислом ҳамкорлик ташкилоти билан ўзаро муносабатларни юқори баҳолаймиз. Ўзбекистон ҳозирги вақтда ушбу ташкилотнинг Ташки ишлар вазирлари кенгашига раислик қилмоқда.

Мамлакатимиз Саудия Арабистони билан ўзаро манфаатли ва узок муддатли муносабатларни савдо-иқтисодий, сармоявий ва молиявий соҳаларда янада фаоллаштириш тарафдоридир.

Бугун мамлакатимизда ўз фаолиятини бошлиётган Саудия Арабистони Подшохлигининг элчиси хурматли Ҳишом Мишал Ал-Сувейлим жанобларига сиҳат-саломатлик, шарафли лавозимда муваффакиятлар ёр бўлишини Оллоҳдан сўраб қоламан.

Муҳтарам элчилар!

Маълумки, ҳар бир дипломатик ваколатхона раҳбарининг вақти жуда тифиз бўлади, буни барчамиз яхши биламиз.

Шунга қарамасдан, мен сизларга фурсат топиб, Ўзбекистоннинг бетакрор шаҳар ва кишлоқларига боришни, халқимиз ҳаётида юз бераётган улкан ўзгаришлар билан бевосита танишишни тавсия этган бўлардим.

Самарқанд, Бухоро, Хива, Термиз, Шахрисабз, Қарши каби қадимий шаҳарларимиз, Қорақалпоғистон, Фарғона водийси ва бошқа минтақаларимизга ташриф буюриш орқали сизлар ўзингиз учун янги бир олам кашф этасиз.

Ўзбек халқининг бой маданияти, ноёб тарихи ва меҳмондўстлиги ҳақида янада кенгрок тасаввурга эга бўласиз, деб ўйлайман.

Бугунги учрашувимиздан фойдаланиб, ўзаро ҳамкорлигимизни янада ривожлантириш мақсадида бир таклифни билдирум оқчиман.

Сизларнинг мамлакатимиздаги фаолиятингизни самарали ташкил этиш учун хорижий давлатлар элчиларининг Ўзбекистон Республикаси Боз вазири ва ҳукумати аъзолари билан, биринчи навбатда, ташқи ишлар вазири билан доимий учрашув ва мулоқотларини йўлга қўйиш мақсадга мувофиқ бўлур эди.

Бу тадбирларда Ўзбекистоннинг чет давлатлардаги элчилари ҳам иштирок этиши лозим.

Ўйлайманки, бундай учрашувлар мамлакатларимиз ўртасидаги ўзаро манфаатли алоқаларни ривожлантириш билан баглиқ масалаларни атрофлича мухокама қилиш ва ўз вақтида зарур қарорлар қабул қилиш имконини беради.

Хурматли элчилар!

Сизларни мамлакатимизда юксак дипломатик лавозимда иш бошлиётганингиз билан яна бир бор самимий табриклаб, барчангизга мустаҳкам соғлик ва омадлар тилайман.

Сизларнинг куч-ғайратингиз, фаол саъй-ҳарачатингиз билан мамлакатларимиз ўртасидаги алоқалар янги боскичга кўтарилиб, халкларимизнинг бахту саодати йўлида хизмат қиласи.

Хуш келибсиз Ўзбекистонга, хуш келибсиз бизнинг гўзал юртимизга!

Эътиборингиз учун ташаккур.

*Хорижий давлатларнинг Ўзбекистон Республикасига
янги тайинланган эҷчиларидан ишонч ёртиқтарини қабул
қилиб олиш маросимидағи нутқ.*

2017 йил 2 май

БУЮК АЖДОДЛАРИМИЗНИНГ МУҚАДДАС ХОТИРАСИ ВА ЖАСОРАТИ ОЛДИДА БОШ ЭГАМИЗ

Ассалому алайкум, азиз ватандошлар!

Муҳтарам фахрийлар!

Хурматли меҳмонлар!

Аввало, барчангизни 9 май – Хотира ва қадрлаш куни билан, Иккинчи жаҳон урушида қозонилган буюк Ғалабанинг 72 йиллиги билан чин қалбимдан самимий табриклайман.

Сиз, азизларга ва сизларнинг тимсолингизда бутун халқимизга ўзимнинг чукур ҳурмат-эҳтиромим ва эзгу тилакларимни изҳор этаман.

Барчамизга маълумки, Биринчи Президентимиз муҳтарам Ислом Абдуғаниевич Каримовнинг ташаббуси билан 9 май санасини юртимизда Хотира ва қадрлаш куни сифатида кенг нишонлаш яхши анъянага айланиб қолди.

Мана шу улуғ айём кунида ҳаммамиз энг аввало уруш майдонларидан қайтмаган минг-минглаб юртдошларимизнинг муқаддас хотираси олдида бош эгиб, уларнинг руҳи покларига ҳурмат бажо келтирамиз.

Айни вақтда жанг майдонларида мардлик ва жасорат кўрсатган, фронт ортида фидокорона меҳнат қилиб, бугун орамизда соғ-саломат бўлиб юрган муҳтарам фахрийларимизга таъзим қиласиз. Ҳозирги

тинч-осойишта ҳәётимиз, мусаффи оғмонимиз учун уларға чексиз миннатдорлик билдирамиз.

Ҳеч шубҳасиз, бу дахшатли уруш, бутун инсоният қатори, бизнинг ҳалқимизга ҳам мислсиз кулфат ва йўқотишилар олиб келди.

Иккинчи жаҳон урушида юзлаб юртдошларимиз Совет Иттифоқи Қаҳрамони унвонига сазовор бўлди, минглаб оталаримиз, боболаримиз жанговар орден ва медаллар билан мукофотландилар.

Ҳалқимиз фронт ортида фидокорона меҳнат қилиб, уруш майдонларига жуда катта миқдорда ҳарбий техника, қурол-яроғ, дори-дармон, кийим-кечак, озиқовқат маҳсулотлари етказиб берди.

Ўта оғир ва машақкатли йилларда ҳалқимизнинг инсонпарварлик ва бағрикенглик фазилатлари яққол намоён бўлди. Эл-юртимиз мамлакатнинг уруш бўлаётган ғарбий ҳудудларидан эвакуация қилинган турли миллатга мансуб 1 миллионга яқин болалар, аёллар ва кексаларга бошпана бериб, бир бурда нонини улар билан баҳам кўрди.

Ўзбекистонга кўчириб келтирилган заводларда кексалар, аёллар, ўсмир болалар туни машақкатли меҳнат килгани – ҳақиқий фидойилик, қаҳрамонлик намунаси, десак, асло хато бўлмайди.

Бундай мисоллар Буюк ғалаба биз учун нақадар кимматга тушгани, ҳалқимиз дунёни фашизм балосидан ҳалос этишга қандай катта хисса қўшганини яққол кўрсатади.

Тарихнинг ана шундай бешафқат ва суронли синовларидан ёруғ юз билан, ҳар томонлама муносиб

ўтган халқимизга ҳар қанча таъзим қилсак, ҳар қанча тасаннолар айтсак, арзийди, албатта.

Сиз, мухтарам фахрийларимизнинг урушдан кейинги оғир тикланиш йилларида қандай буюк хизмат қилганингизни халқимиз асло унутмайди. Сизларнинг мардлик ва матонатингиз, меҳнат жасоратингиз бугунги ва келгуси авлодлар учун ҳамиша ибрат намунаси бўлиб қолади.

Азиз дўстлар!

Шу кунларда одамларимиз юртимизда, барча вилоят ва туманларда барпо этилган Хотира майдонларига келиб, Мотамсаро она ҳайкали пойига гуллар қўймоқда. Урушда ҳалок бўлган ўз яқинлари, ота-боболари хотирасини ёд этмоқда. Бугунги ёруг кунларга етиб келган табаррук кексаларимиз, уруш ва меҳнат фахрийларини зиёрат қилиб, уларнинг дуосини олмоқда.

Буюк ғалабанинг 72 йиллиги муносабати билан пойтахтимизда, барча шаҳар ва қишлоқларимизда кўплаб тадбирлар, уруш қатнашчилари билан учрашувлар, хотира маросимлари ўtkазилмоқда.

Айни пайтда ҳаммамиз яхши тушунамизки, барчамизни тарбиялаб, вояга етказган, ҳаёт йўлларида бизга таянч ва суюнч бўлган сиздек табаррук инсонлар олдида биз доимо қарздормиз. Шунинг учун ҳам ҳурматли нуронийларимизга эътибор ва гамхўрликни янада кучайтириш, уларни ижтимоий қўллаб-қувватлаш, жумладан, пенсияларини ошириш, тиббий хизмат ва ижтимоий-маиший таъминотини яхшилаш, ёлғиз қария ва ногиронларга давлат кў-

магини кучайтириш бундан кейин ҳам доимий эътиборимиз марказида бўлади.

Бу масала қаерда, қайси лавозимда ишламасин, юртимиздаги ҳар бир инсон, айниқса, раҳбарлар фаолиятида ҳамиша биринчи ўринда туриши, уларнинг нафақат вазифаси, балки инсоний бурчига айланиши керак.

Азиз дўстлар, мўътабар оталаримиз, меҳрибон оналаримиз бошимиздаги тожи давлатимиз эканини ҳеч қачон унутмайлик. Бу ғанимат, кўз очиб юмгунча ўтиб кетадиган ҳаётда уларни қанча қадрлаб, имкон қадар умрларини узайтиришга қанча харакат қилсак, икки дунёда асло кам бўлмаймиз.

Агарки мендан, дунёдаги қайси оила энг бахтли, деб сўрашса, ҳеч иккиланмасдан, кексалари бош бўлиб, иззат-хурматда ҳаёт кечираётган оила, деб жавоб берган бўлардим.

Дорогие ветераны!

Уважаемые гости!

Я рад сегодня встретиться с вами, сердечно поздравить вас и в вашем лице весь народ Узбекистана со знаменательной датой – Днем памяти и почестей, 72-й годовщиной Победы над фашизмом во Второй мировой войне и выразить вам свое искреннее уважение и самые добрые пожелания.

В этот день мы прежде всего отдаем дань памяти тем, кто не вернулся с войны, и всегда будем помнить их славные имена, гордиться их поистине великим подвигом во имя мира на земле.

Сегодня мы обращаемся со словами огромной благодарности к вам, наши дорогие ветераны, проявившим подлинное мужество, отвагу и героизм на полях сражений минувшей войны, и тем, кто своим самоотверженным, неустанным трудом приближал победу в тылу.

Низкий поклон вам от имени всего нашего народа за сегодняшнюю мирную, спокойную жизнь, чистое небо над Родиной, беззаботное детство наших детей и внуков.

В каждом доме в Узбекистане помнят о том, как дорого обошлась нам победа над фашизмом, какой большой вклад внес в нее наш народ. Сотни узбекистанцев были удостоены звания Героя Советского Союза, тысячи награждены боевыми орденами и медалями.

Мы с гордостью вспоминаем тех, кто в годы войны день и ночь трудился в тылу и, отказывая себе практически во всем, поставлял на фронт необходимые военную технику и боеприпасы, обмундирование, лекарства и продовольствие.

Благородство, великодушие и гуманизм нашего народа ярко проявились и в том, что Узбекистан принял около 1 миллиона человек, эвакуированных из районов, где шли бои. Прежде всего – детей, женщин, стариков, с которыми здесь делились кровом и последним куском хлеба, согревали теплом своих сердец, добротой и щедростью души.

Те суровые военные годы еще раз подтвердили, насколько велики духовная сила нашего народа, его мужество и стойкость в преодолении тяжелей-

ших испытаний. Именно на таких примерах проявления лучших человеческих качеств, присущих нашему народу, в духе уважения национальных и общечеловеческих ценностей мы должны воспитывать сегодня молодое поколение страны.

Дорогие ветераны!

Как вам известно, в нашей стране по инициативе Первого Президента Узбекистана Ислама Абдуганиевича Каримова стало доброй традицией отмечать 9 мая как День памяти и почестей.

Посвященные этой знаменательной дате мероприятия проводятся в эти дни не только в столице, но и во всех областях и районах. Люди чтят память погибших на Второй мировой войне соотечественников, возлагая цветы к подножию монументов на площадях Памяти. Мы все проявляем большое уважение и внимание к живущим рядом ветеранам войны и труда, людям старшего поколения, обеспечившим нынешнее благополучие и процветание Родины.

Вместе с тем все мы, сколько бы ни прошло лет или десятилетий, всегда будем чувствовать себя в долгу перед вами, дорогие наши ветераны. Поэтому делаем все от нас зависящее, чтобы окружить вас еще большей заботой, сделать вашу жизнь еще более содержательной.

Среди таких принимаемых нами мер, в частности, – повышение размеров пенсий, улучшение социального обеспечения, медицинского обслуживания, условий жизни и быта наших ветеранов и старшего поколения

в целом. Усилена помощь, оказываемая государством одиноким пожилым людям, инвалидам, всем, кто нуждается в особой поддержке.

Хочу вас заверить, что и впредь этот важнейший вопрос будет находиться в центре внимания нашего государства и общества. Это не только наша служебная обязанность, но и высший человеческий долг.

Еще раз от всей души поздравляю вас с сегодняшним праздником. Желаю всем вам здоровья, долгих лет жизни и семейного благополучия.

Хурматли анжуман иштирокчилари,

Мана шу кутлуғ байрам кунларида бутун халқимиз бундай даҳшатли уруш энди ҳеч қачон қайтмасин, деб чин дилдан ният қилмоқда. Бугунги тинч ва осойишта, фаровон ҳаёт учун шукрона билдиримокда.

Дунёда турли қарама-қаршиликлар кескинлашиб, терроризм, экстремизм хавфи кучайиб бораётган ҳозирги мураккаб ва таҳликали замонда тинчлик деган бебаҳо неъматнинг кадр-қиммати ва аҳамияти тобора ортиб бормоқда.

Биз «Ўзбек халқига тинчлик ва омонлик керак», деган даъватнинг моҳиятини чукур англаган ҳолда, тинчлик учун ҳар биримиз масъул эканимизни унутмасдан, доимо ҳушёр ва огоҳ бўлиб яшшимиз керак.

Бизнинг кабул килаётган барча қонун ва қарорларимиз, режа ва дастурларимиз – бу мамлакатимизни янгилаш ва модернизация қилиш, иқтисодий ислохотларни чукурлаштириш бўладими, давлат ҳокимия-

ти ва бошқарув тизими, хуқук-тартибот, соғлиқни саклаш, таълим-тарбия соҳалари фаолиятини тако-миллаштириш бўладими, Куролли Кучларимизнинг жанговар салоҳиятини ошириш бўладими – буларнинг барчаси ана шундай эзғу мақсадларга қаратилганини, ўйлайманки, сизлар яхши тушунасиз.

Бугунги кутлуг айёмда ота-боболаримизнинг шонли анъаналарини муносиб давом эттириб, Ватан ҳимояси йўлида ўзини аямасдан, фидокорона хизмат қилаётган мард ва жасур аскарларимизга, офицер ва генералларимизга ҳалқимиз номидан, ўз номимдан самимий миннатдорлик изҳор этаман.

Фурсатдан фойдаланиб, бугунги даврамизда иштирок этаётган дипломатик корпус вакилларига, барча чет эллик меҳмонларимизга ўзимнинг юксак ҳурмат ва эҳтиромимни билдириб, уларнинг мамлакатлари ва ҳалқларига тинчлик-омонлик ҳамда равнақ тилайман.

Азиз ва муҳтарам юртдошлар!

Барчангизни 9 май – Хотира ва қадрлаш куни билан яна 'бир бор кутлаб, сизларга сихат-саломатлик, баҳт-саодат, хонадонларингизга файзу барака тилайман.

Юртимиз тинч, осмонимиз мусаффо, ҳалқимиз омон бўлсин!

9 май – Хотира ва қадрлаш кунига багишланган

қабул маросимидағи нутқ.

2017 йил 9 май

ХИТОЙНИНГ БУГУНГИ ТАРАҚҚИЁТИ ВА КЕЛАЖАК МАҚСАДЛАРИ ҲАҚИДАГИ МУКАММАЛ МАЖМУА

Ўзбекистон ва Хитой давлатлари ўртасидаги дўстлик ва ҳамкорлик алоқалари қадимий тарихга эга бўлиб, унинг илдизлари олис ўтмишда Шарқ ва Фарбни ўзаро боғлаган Буюк ипак йўли замонларига бориб туташади. Мамлакатларимиз халқлари асрлар давомида савдо, илму фан ва гуманитар соҳаларда самарали ҳамкорлик қилиб, маданият, урф-одат ва анъаналаримиз доимо бир-бирини бойитиб келгани ҳақида тарихий манбаларда кўплаб мисоллар мавжуд.

Бугунги кунда Хитой Халқ Республикаси Ўзбекистоннинг яқин ва ишончли ҳамкоридир. Кўпқиррали ва икки томонлама манфаатли алоқаларимиз анъанавий дўстлик, бир-бирини яхши тушуниш ва хурмат руҳида ривожланиб бормоқда.

Мамлакатларимиз ўртасида тузилган Дўстлик ва ҳамкорлик тўғрисидаги шартнома бу борада мустаҳкам ҳукуқий асос бўлиб хизмат қилмоқда. Хитой Халқ Республикаси Раиси Си Цзиньпин жаноби олийларининг 2016 йил июнь ойида Ўзбекистонга давлат ташрифи доирасида имзолangan Кўшма баёнот ўзаро муносабатларимизни ҳар томонлама стратегик шериклик даражасига олиб чиққанини алоҳида таъкидлаш жоиз.

Биз аҳолиси 1 миллиард 300 миллион кишини ташкил этадиган Хитойдек улкан мамлакатнинг стратегик ҳамкори бўлиш юксак шараф, айни вақтда катта масъулият эканини чукур хис қиласиз.

Дўстона алоқаларимизнинг сифат жиҳатидан бундай юксак даражага кўтарилишида, ҳеч шубҳасиз. Хитой раҳбари Си Цзиньпин жаноби олийларининг ташаббус ва хизматлари мухим аҳамиятга эгадир. Мамлакатларимиз ўртасида дипломатик муносабатлар ўрнатилганидан буён ўтган қарийб 26 йил давомида ўзаро узоқ муддатли самарали ҳамкорлик шаклланиб, давлатлар ва хукуматлараро ташрифлар мунтазамлик касб этди ва баркарор ривожланиб бормоқда.

Биз Ўзбекистонда иқтисодиётни ислоҳ этиш ва модернизация килиш борасидаги энг йирик дастурларимизни Хитой изчил қўллаб-кувватлаётгани, мамлакатимизда саноат, энергетика, транспорт, телекоммуникация, кишлоп хўжалиги ва бошқа соҳаларда хитой инвестициялари иштирокида амалга оширилаётган юкори технологик лойиҳаларнинг аҳамиятини юксак баҳолаймиз.

Хитой Халк Республикасида давримизнинг кўзга кўринган, жаҳон миқёсида улкан обрў-эътиборга эга бўлган атоқли давлат ва сиёsat арбоби Си Цзиньпин раҳбарлигига олиб борилаётган, ҳар томонлама чукур ўйланган, вазмин ички ва ташки сиёsat йўли бутун дунёда, жумладан, бизнинг юртимизда ҳам катта кизикиш ва эътибор уйғотмоқда.

Ана шу сиёсат, замонавий Хитой давлатида амалга оширилаётган кенг кўламли ислоҳотларнинг тубмохияти, асосий принцип ва йўналишларини англаб етишда Си Цзиньпиннинг «Давлат бошқаруви тўғрисида» деб номланган ушбу китоби ғоят муҳим аҳамиятга эга.

Хитой раҳбари, муҳтарам Си Цзиньпин жаноби олийларининг расмий чиқишлари, сұхбат ва маърузсалари, интервьюлари ўрин олган мазкур китобда Хитой Халк Республикасининг бугунги тараккиёт манзараси, «хитой орзуси»ни рўёбга чиқариш борасидаги келажак мақсадлари ҳамда бундай юксак мэрраларга эришиш йўллари атрофлича ёритиб берилгани тўплам билан танишадиган ҳар бир ўқувчидаги унтилмас таассурот қолдириши шубҳасиздир.

Улкан давлат арбобига хос бўлган теран сиёсий тафаккур, бугун дунёда юз бераётган мураккаб глобал жараёнларнинг чукур таҳлили билан йўғрилган бу сермазмун китобни шахсан мен жуда катта кизикиш билан ўқиб чиқдим ва уни ўзбек китобхонларига тақдим этиш шарафига муюссар бўлганимдан баҳтиёрман.

Бугунги кунда ўзининг барқарор ва юксак ўсиш суръатлари билан дунё ҳамжамиятини қойил қолдираётган, тарихан киска даврда жаҳон иқтисодиётининг локомотивларидан бирига айланган Хитой давлати раҳбари Си Цзиньпин жаноби олийларининг мана шундай кенг қамровли ва салмоқли китобини она тилимизда ўқиш имкониятига эга

бўлаётгани билан мамлакатимиз китобхонларини, бутун халқимизни чин қалбимдан табриклайман.

Ушбу китоб шиддатли глобаллашув асрида давлат ва жамиятни оқилона бошқариш, бозор иқтисодиётини, миллий ўзига хослик тамойилларини саклаган ҳолда, изчил ривожлантириш, аҳолининг манфаат ва эҳтиёжларини тўлақонли таъминлаш борасида бизнинг раҳбар ва мутахассисларимиз, олий ўкув юртлари, биринчи навбатда, Ўзбекистон Республикаси Президенти ҳузуридаги Давлат бошқаруви академиясининг профессор-ўқитувчилари ва талабалари, оммавий ахборот воситалари ходимлари учун муҳим назарий манба, амалий қўлланма вазифасини бажаради.

Ишончим комил, Си Цзиньпиннинг «Давлат бошқаруви тўғрисида» китоби Ўзбекистон ва Хитой ўртасидаги азалий дўстлик ва ҳамкорлик ришталарини мустаҳкамлашга, халқларимизни ўзаро янада яқинлаштиришга хизмат қиласади.

*Хитой Халқ Республикаси Раиси Си Цзиньпиннинг
«Давлат бошқаруви тўғрисида» китобининг
ўзбек тилидаги нашрига ёзилган сўзбоши.
2017 йил 5 май*

«БИР МАКОН, БИР ЙЎЛ» – МАНФААТЛАРИМИЗ МУШТАРАК

Муҳтарам жаноб Си Цзиньпин!

Ҳурматли давлат ва ҳукумат раҳбарлари!

Хонимлар ва жаноблар!

Авваламбор, Хитой Халқ Республикаси раҳбариятига «Бир макон, бир йўл» халқаро форумида иштирок этишга таклиф қилгани учун ташаккур билдираман.

Бундай нуфузли тадбирнинг ўтказилиши Сиз, жаноб Раис илгари сурган «Бир макон, бир йўл» концепциясига қизикиш катта эканидан далолатдир.

Мазкур ташаббусга бўлган талаб глобал молиявий-иктисодий инкиroz ва жаҳон иқтисодиёти бир маромда ривожланмаётган, хавфсизлик ва барқарорликка таҳдидлар кучайиб бораётган бир шароитда умумий манфаатларимизни бирлаштириш эҳтиёжи билан боғлиқдир.

Бизнингча, «Бир макон, бир йўл» концепцияси мамлакатларимизнинг ўзаро кенг ҳамкорлигининг янада самарали механизмларига асосланган, янги халқаро ҳамкорлик моделидир.

Хитой ана шу жараёнларнинг ҳаракатга келтирувчи кучи эканини таъкидлаш лозим.

Хитой давлати раҳбари Си Цзиньпин форумнинг очилиш маросимидағи дастурий маъруза-

сида мамлакатларимиз ҳамкорлигини кенгайтириш учун йирик инфратузилма, инвестиция ва савдо лойихаларини амалга оширишга қаратилган фаол мулокот ва кенг кўламли шериклик муҳимилигини таъкидлади. Бу концепцияни амалга оширишда бепоён ҳудуди орқали муҳим ҳалқаро ва минтақавий транзит-транспорт коридорлари ўтган Россия Федерацияси ҳам муҳим роль ўйнашини таъкидлаш зарур.

Хурматли форум катнашчилари!

Икки ярим минг йил мукаддам буюк Хитой файласуфи ва мутафаккири Лао Цзи «Дунёда ҳамма нарса ўсади, гуллайди ва ўз илдизларига қайтади», деб айтган экан. Бу диалектик ҳақиқат накадар тўғри эканини вақтнинг ўзи кўрсатиб турибди.

Хитой Халқ Республикаси Раиси Си Цзиньпиннинг «Бир макон, бир йўл» концепциясининг ажралмас қисми бўлган «Ипак йўли иқтисодий йўналиши»ни ташқил этиш тўғрисидаги ташабbusи, бизнингча, нафакат тарихий рух билан бойитилган, балки узок муддатли истиқболга мўлжалланган кенг камровли ташабbusни ифода этади.

Белгиланган мақсадларга эришиш учун умумий саъй-харакатларимиз қуйидаги муҳим вазифаларни ҳал этишга қаратилиши лозим, деб хисоблайман:

Биринчидан, «Бир макон, бир йўл» концепциясини минтақавий тараккиётга оид аник ластур ва лойихалар билан бойитиш керак.

Табиий захиралар, ишлаб чиқариш ва инсон ресурсларига бой минтақамизда транспорт, савдо, инвестиция, энергетика ва юқори технологиялар соҳаларида йирик лойиҳалар амалга оширилишини кутиб қоламиз.

Иккинчидан, Марказий Осиёни Хитой ва Россия оркали Жанубий, Жануби-шарқий Осиё ва Европа давлатлари билан боғлайдиган транспорт-логистика йўналишларини ташкил этишда Ҳамкорлик бўйича комплекс ҳаракатлар дастурини ишлаб чиқиш лозим.

Бизнингча, «Бир макон, бир йўл» транспорт коридорининг кенг тармоғига Покистон ва Эроннинг Ҳинд океанидаги бандаргоҳларига чиқадиган Хитой – Қирғизистон – Ўзбекистон – Афғонистон темир йўл магистралини бирлаштириш мумкин.

«Ипак йўли иқтисодий йўналиши»га Афғонистон худуди оркали ўтадиган йўналишларни ҳам киритиш ушбу мамлакатни ҳалқаро ва минтақавий жараёнларга фаол жалб этишни таъминлашга, Афғонистон иқтисодиётини тезрок қайта тиклаш имконини беришига ишонаман.

Учинчидан, транспорт-коммуникация коридорини ривожлантириш билан бирга, аввало, юқори технологиялар соҳасидаги қўшма лойиҳаларни амалга оширишга эътибор қаратиш зарур.

«Ипак йўли иқтисодий йўналиши» бўйича интеграциялашган саноат технопарклари, илмий-инновацион кластерлар ва эркин иқтисодий зоналарни ташкил этиш ҳам устувор йўналишимизга айланиши даркор.

Шу максадда бундай лойиҳаларни илгари суришнинг самарали механизмларини биргаликда ишлаб чиқишни таклиф этамиз.

Тўртингидан, «Ипак йўли иқтисодий йўналиши» ташаббусини самарали амалга ошириш учун, бизнингча, «макон ва йўллар» концепциясидан жой оладиган ҳамкорлик бўйича дастур ва лойиҳаларни кабул килиш мақсадида минтақалараро даражада бизнес ҳамжамиятлар ўртасида тўғридан-тўғри мулокотни ҳар томонлама рағбатлантириш зарур.

Бешинчидан, «Ипак йўли иқтисодий йўналиши» ташаббусининг амалга оширилиши нафақат иқтисодий ҳамкорликни кенгайтириш, балки маданий-гуманитар алоқаларимизни мустаҳкамлаш, мавжуд улкан сайёхлик салоҳиятидан фаол фойдаланишга қаратилиши лозим.

Биз қайта тиклаётган Буюк ипак йўлида Самарқанд, Бухоро, Хива каби бир неча минг йиллик тарих ва бой маданиятга эга бўлган шаҳарлар жойлашган.

Хурматли Форум иштирокчилари!

Си Цзиньпиннинг мазкур форумни ўtkазиш ҳакидаги ташабbusи «Бир макон, бир йўл» доирасида ўзаро фикр алмашиш ва ҳамкорлик килиш мақсадида мунтазам фаолият юритадиган мулокот майдонини шакллантириш имконини беришига ишонамиз.

Ер шари аҳолисининг 60 фоиздан ортигини қамраб олган минтақага оид ушбу кенг қўламли лойиҳанинг ҳаётга татбик этилиши мамлакатларимиз ва халкларимиз ўртасида ягона тинчлик, фаро-

вонлик, тараккиёт, ҳамкорлик ва дўстлик маконини шакллантиришга хизмат қилишига ишончим комил.

Сўзимнинг якунида «Бир макон, бир йўл» форуми бепоён Евроосиё қитъасида барқарор ривожланиш, янги иқтисодий тузилмани қарор топтириш мақсадида бугунги куннинг кўплаб муаммоларини самарали ва ўзаро манфаатли тарзда ҳал этиш йўлларини ишлаб чиқиши бошлаб беришига ишончим комил эканини таъкидламоқчиман.

Ўзбекистон мазкур форум якунлари бўйича Кўшма баёнотда ифода этилган ҳалқаро ҳамкорлик соҳасидаги мақсад ва принципларни қўллаб-куватлайди.

Барча иштирокчилар фаолиятига муваффақият тилайман.

*Хитой Халқ Республикаси пойтахти
Пекин шаҳрида бўлиб ўтган
«Бир макон, бир йўл» ҳалқаро форумида
сўзланган нутқ.
2017 йил 14-15 май*

ОЗОД ВА ОБОД ВАТАННИНГ БАРКАМОЛ ФАРЗАНДЛАРИ

Қадрли ўғил-қизларим!

Аввало, мана шу унунтилмас ва ҳаяжонли дақиқаларда сиз, азиз фарзандларимизни, сизларга омад ва зафарлар тилаб турган муҳтарам устоз-мураббийлар, ота-оналарни, барча спорт муҳлисларини гўзал ва бетакрор Жиззах шаҳрида «Баркамол авлод» спорт ўйинларининг тантанали очилиши билан чин қалбимдан самимий муборакбод этаман.

Сизларга яхши маълум, мамлакатимизда амалга оширилаётган барча ислоҳот ва ўзгаришлар, кенг кўламли дастурлар ягона ва улуғ бир мақсадга қаратилган. У ҳам бўлса, ҳалқимиз ҳаётини янада обод ва фаровон килиш, фарзандларимизни ҳар томонлама етук ва баркамол этиб тарбиялашдан иборат.

Бугун сизлар иштирок этаётган, юртимиизда еттинчи бор ўтказилаётган «Баркамол авлод» спорт ўйинлари шу йўлдаги саъй-харакатларимизнинг яна бир амалий намоёни, десак, айни ҳақиқат бўлади.

Эътиборга молик жиҳати шундаки, бу мусобақалар биринчи марта бундан 17 йил олдин айнан мана шу кутлуғ заминда – мард ва олижаноб инсонлар юрги бўлган Жиззах вилоятида ўтказилган эди.

Ўтган даврда «кичик олимпиада» деган ном билан халқимиз ўртасида катта шухрат козонган бу беллашувлар юзлаб, минглаб навқирон ўғил-кизларимиз учун чинакам чиникиш ва маҳорат мактаби, парвоз майдончаси бўлиб хизмат килаётганини алоҳида таъкидлашни истардим.

Ана шу спорт ўйинларида тобланиб, ҳозирги кунда халқаро майдонларда Ватанимиз байроғини баланд кўтариб келаётган Руслан Нурудинов, Ҳасанбой Дўстматов, Шаҳобиддин Зоиров, Нигина Шарипова, Фазлиддин Ғойибназаров, Шаҳрам Фиёсов, Бектемир Меликўзиев, Барно Мирзаева, Умида Абдуллаева, Рустам Тўлаганов, Муроджон Аҳмадалиев, Гулноза Матниёзова, Ихтиёр Наврўзов, Элмурод Тасмурадов, Диёр Ўразбоев, Ришод Собиров каби машхур спортчиларимизнинг номларини барчамиз ҳурмат ва ғуур билин тилга оламиз.

Энг муҳими, қанчадан-қанча ёшларимиз шу мусобақалар орқали спорт билан, соғлом турмуш тарзи билан ошно бўлганини ҳисобга оладиган бўлсак, «Умид ниҳоллари», «Баркамол авлод» ва Универсиада ўйинларидан иборат уч боскичли тизимнинг моҳияти ва аҳамияти янада яққол аён бўлади.

Барчангиз хабардорсиз, 2016 йили Бразилияда бўлиб ўтган, ер юзининг энг кучли спортчилари катнашган XXXI ёзги Олимпия ўйинларида Ўзбекистон спортчилари 13 та медални қўлга киритиб, умумжамоа ҳисобида 21-ўринни, Осиё

давлатлари орасида тўртинчи, Мустакил Давлатлар Ҳамдўстлигида иккинчи, Марказий Осиёда биринчи ўринни эгаллагани, ҳеч шубҳасиз, улкан тарихий воқеадир.

Ишончим комил, сизлар ана шундай мэрраларни забт этаётган мохир ва фидойи спортчиларимиз изидан бориб, келгусида бундан ҳам катта натижаларга эришасиз.

Хурматли анжуман қатнашчилари!

Юртимиздаги 1500 дан зиёд лицей ва коллежлар вакиллари иштирок этадиган бугунги «Баркамол авлод» ўйинлари юксак савияда, ҳалоллик, мардлик ва адолат руҳида ўтишига, жўшқин ва кескин курашларга бой бўлишига, сизларнинг ҳар бирингиз галаба учун бор куч ва имкониятингизни сафарбар этишингизга, нафакат жисмоний, айни вақтда ҳалқимизга хос ноёб маънавий фазилатларни ҳам намоён қилишингизга ишонаман.

Кўпни қўрган, ҳаёт синовларида тобланган, нене улуғ инсонлар, кураги ерга тегмаган паҳлавонлар юрти бўлган Жиззах аҳли, ушбу вилоятдаги тенгдошларингиз билан бўладиган самимий мулокот ва учрашувлар барчангизнинг хотирангизда ўчмас из колдиришига аминман.

Фурсатдан фойдаланиб, ёшлик ва нафосат байрами, маҳорат ва камолот кўриги бўлган бу мусобакаларни юкори савияда ўтказиш учун замонавий спорт иншоотлари, инфратузилма обьектлари бунёд этган, бу йўлда сидкидилдан хизмат килган барча фидойи инсонларга, бутун

Жиззах аҳлига ўз номимдан, ҳалқимиз номидан чукур миннатдорлик билдираман.

Қадрли ўғил-қизларим!

Бизнинг ҳавас қилса арзийдиган буюк тарихимиз бор. Ҳавас қилса арзийдиган улуғ аждодларимиз бор. Ҳавас қилса арзийдиган беқиёс бойликларимиз бор. Ва ишонаман, Худо хоҳласа, ҳавас қилса арзийдиган буюк келажағимиз ҳам бўлади.

Ана шундай ёруғ келажакни авваламбор сиздек азму шижаатли, жўшқин орзу-интилишлар билан ҳаётга кириб келаётган, ҳеч кимдан кам бўлмайдиган навқирон авлодимиз, бутун Ўзбекистон ёшлари барпо этади.

Шу эзгу йўлда барчангизга энг олий саодатни – ҳалқимиз ва Ватанимизга ҳамиша муносиб фарзанд бўлиш баҳтини тилайман.

Сизларни мамлакатимиз ҳаётидаги катта воқеа – «Баркамол авлод» спорт ўйинларининг очилиши билан яна бир бор чин қалбимдан табриклайман.

Доимо сог-омон бўлинг, омад ва зафар сизларга ҳамиша ёр бўлсин!

*Жиззах шаҳрида бўлиб ўтган
«Баркамол авлод» спорт ўйинлари
қатнашчиларига йўлланган табрик.*

2017 йил 25 май

БАҒРИКЕНГЛИК, ТИНЧЛИК ВА ТОТУВЛИК САРИ МУҲИМ ҚАДАМ

Бисмиллаҳир Роҳманир Роҳийм

**Икки муқаддас масжид ходими
Саудия Арабистони Подшоҳи
Салмон бин Абдулазиз Ол Сауд
Аъло Ҳазратларига**

Ул Зотни Оллоҳ ўз паноҳида сакласин.

Ассалому алайкум ва раҳматуллоҳи ва баракотуҳу,
Аъло Ҳазратлари,

Авваламбор, Сизнинг ер юзидағи барча мўмин-мусулмонлар учун муқаддас бўлган гўзал юртингизга ташриф буюриш ва ташриф доирасила араб-мусулмон мамлакатлари ва Америка Кўшма Штатлари раҳбарларининг саммитида иштирок этишга шахсан таклифнома йўллаганингиз учун ўз миннатдорлигимни изхор этиб, мазкур зиёратимиз натижаларидан чукур коникиш ҳосил килганимизни катта мамнуният ила маълум киласман.

Ташриф давомида Сиз, Аъло Ҳазратлари билан ўтказган бевосита мулокотимиз мамлакатларимиз ўртасидаги дўстона муносабатларни янги боскичга

олиб чикишига ва кўп киррали ҳамкорлигимизни янада ривожлантириш йўлида мухим пойдевор бўлиб хизмат қилишига ишонч билдираман.

Шубҳасиз, Ар-Риёдда Сизнинг бевосита раҳна-молигингиз остида юксак савияда ташкил этилган мазкур анжуман экстремизм ва терроризмга қарши кураш, бағрикенглик, тинчлик ва тотувликда яшаш қадриятларини илгари суриш ҳамда ҳавф-сизлик, барқарорлик ва ҳамкорликни мустаҳкамлаш бўйича ислом дунёси ва АҚШ ўртасида янги ва самарали шериклик ўрнатиш йўлида мухим қадам бўлди, десак, муболаға бўлмайди.

Саудия Арабистонининг ташабbusи билан экстремистик мафкурага қарши курашиш бўйича «Мўътадиллик» халқаро марказининг Ар-Риёд шаҳрида очи-лиши саммит доирасида эришилган ёрқин натижалардан бири бўлиб, ҳеч шубҳасиз, келажакда вазминлик ва ижобий мулокот тамойилларини мустаҳкам қарор топтириш имконини беради.

Фикримизча, саммит доирасида муҳокама қилинган масалалар 2016 йил 18-19 октябрь кунлари Тошкент шаҳрида Ислом ҳамкорлик ташкилоти Ташки ишлар вазирлари кенгашининг 43-сессияси давомида Самарқанд шаҳрида муҳаддислар сultonи Ином Бухорий номидаги халқаро илмий-тадқиқотлар марказини ташкил этиш тўғрисидаги Ўзбекистоннинг ташабbusи билан уйғун ва ҳамо-хангдир.

Ушбу марказнинг асосий фаолияти жаҳон афкор оммасига муқаддас Ислом динимизнинг бағри-

кенглиқ ва инсонпарварлық ғояларини тараннум этиш, унинг тинчлик ва барқарорлық, динлар ва миллатлараро тотувлик тамойилларига асосланган дин эканлигини кенг тарғиб килиш, мусулмон мамлакатларининг бирдамлигини мустаҳкамлаш, умумий ислом меросини асраб-авайлаш йўлида ҳамкорликни кучайтиришдан иборатdir.

Имом Бухорий номидаги ҳалқаро илмий-тадқиқотлар марказини барпо этиш ва ислом цивилизацияси ривожи учун бекиёс хизмат килган буюк аждодларимизнинг бой илмий-маънавий меросини ёш авлодга безавол етказишдек савобли ишда Саудия Арабистони ҳам ўзининг амалий ҳиссасини кўшади, деб умид билдирамиз.

Ар-Риёд ва Самарқанд шаҳарларида барпо этилажак ушбу янги марказларнинг максад ва вазифалари бир-бирига яқин эканлигини инобатга олиб, келажакда улар ҳамкорликда фаолият олиб боришлирига ишонч билдирамиз. Жаҳолатга қарши маърифат ва таълимни кучайтириш орқали курашиш, шу асосда башарият фаровонлигини тарғиб килиб, инсонларни эзгуликка даъват этиш йўлида бу марказлар мухим ахамият касб этишлари мукарар. Муқаддас ислом динимиз бизга айнан шуну ўргатади ва, ўйлайманки, бундай ёндашув бугунги давр талаби бўлиб қолади.

Аминманки, биргаликдаги саъй-харакатларимиз натижасида ушбу йўналишдаги ҳамкорлигимиз келгусида мамлакатларимиз, ҳалкларимиз ва бутун мусулмон уммати манфаатлари йўлида янги мазмун ва моҳият касб этади.

Фурсатдан фойдаланиб, Сиз, Аъло Ҳазратларига мустаҳкам соғлик ва баҳт-саодат, дўст Саудия Арабистони халқига эса барқарор тараққиёт ва равнақ тилайман.

Камоли эҳтиром ила,

*Шавкат МИРЗИЁЕВ,
Ўзбекистон Республикаси Президенти*

*Икки муқаддас масжид ходими, Саудия Арабистони
Подшоҳи Салмон бин Абдулазиз Ол Сауд
Аъло Ҳазратларига йўлланган мактуб.*

2017 йил 5 июнь

ЎЗАРО ИШОНЧ, ЯХШИ ҚҰШНИЧИЛИК ВА ДҮСТЛИКНИ ЯНАДА МУСТАҲКАМЛАШ – ЭҢГ МУҲИМ ВАЗИФА

Мұхтарам Нұрсултон Абишевич!

Хурматли давлат раҳбарлари!

Мажлис иштирокчилари!

Аввало, шу залда ўтирган давлат раҳбарлари ва делегациялар раҳбарларига ўзимнинг чукур хурматимни изхор этаман, Қозогистон Республикаси Президенти Нұрсултон Абишевич Назарбоевга самимий меҳмондўстлик ва бугунги тадбир юксак савияда ташкил этилгани учун чин қалбимдан миннатдорлик билдираман.

Фурсатдан фойдаланиб, Ўзбекистон Республикаси Биринчи Президенти Ислом Абдуғаниевич Каримовнинг бевакт вафоти муносабати билан бизни қўллаб-куватлагани учун барча шерикларимизга миннатдорлик билдиришга рухсат бергайсиз.

Ислом Абдуғаниевич Ташкилотимизнинг қарор топиши ва ривожланишига муносиб ҳисса қўшди.

Оғир вактда биз билан бирга бўлганингизни кадрлаймиз.

Хурматли мажлис катнашчилари!

Шанхай ҳамкорлик ташкилоти аъзо давлатларнинг минтақада тинчлик, хавфсизлик, фаровонлик ва

барқарор тараккиётни таъминлашга қаратилган нуфузли ҳамжамияти сифатида ташкил этилди.

Имкониятдан фойдаланиб, Ҳиндистон Республикаси Баш вазири хурматли Нарендра Моди ва Покистон Ислом Республикаси Баш вазири хурматли Навоз Шарифни уларнинг мамлакатлари «ШХТ оиласи»га кўшилгани билан чин қалбимдан табриклайман.

Ҳиндистон ва Покистоннинг ШХТга аъзолиги серкирра ҳамкорлигимизни янада ривожлантириш учун мутлако янги имкониятлар яратишiga ишонализ.

Хурматли мажлис иштирокчилари!

Турли минтақаларда ҳамон давом этаётган қуролли тўкнашувлар, янги таҳдид ва хавф-хатарлар кўлламининг кенгайиб бораётгани мамлакатларимиз хавфсизлигига салбий таъсир кўрсатмоқда.

Шу муносабат билан Афғонистондаги вазиятни тезроқ ҳал қилиш муаммосини кенг минтақамиизда тинчлик ва хавфсизликнинг муҳим таркибий қисми сифатида кўриб чикмокдамиз.

Ўзбекистон Афғонистон халқи ва халқаро ҳамжамиятнинг ушбу мамлакатда тинч ҳаётни қайта тиклаш бўйича саъй-харакатларини қатъий қўллаб-куватлайди.

Қадрли дўстлар!

Фурсатдан фойдаланиб, Ташкилотимиз фаолияти самарадорлигини янада ошириш борасидаги дол зарб масалаларга тўхталмоқчиман.

Биринчидан, бугун халқаро террорчи гурухлар ва бузғунчи кучлар ўз фаолиятида ахборот технологияларидан ёшларни ўзига бўйсундириш ва зўравонлик ғоясини тарқатишдек ёвуз максадларда фойдаланмоқда.

Шу боисдан ШХТ Минтақавий аксилтеррор тузилмасининг таъсис хужжатларига ўзгартишлар киритиш ва тузилмага глобал ахборот маконида юзага келаётган хавф-хатарларни мониторинг килиш ва уларга қарши туриш тизимини йўлга кўйинш бўйича ваколатлар беришни таклиф этамиз.

Иккинчидан, ёш авлодни турли террорчи ва радикал тузилмалар фаолиятига жалб қилишга йўл кўймаслик борасида биргаликдаги аниқ чоратадбирларни кучайтириш зарур.

Ёшларни ўқитиш, уларни маънавий ва ахлокий тарбиялаш, уларнинг билим олиши ва ўзини ўзи камолга етказишга интилишини шакллантиришга алоҳида эътибор каратиш лозим.

Барчамизни яхшилик, тинчлик ва бағрикенгликка чорлайдиган мукаддас Ислом динининг ҳақиқий қадриятларини кенг тушунтиришга кўмаклашиш зарур, деб ҳисоблаймиз.

Шу максадда Самарқанд шаҳрида Ислом ҳамкорлик ташкилоти кўмагида буюк муҳалдис, пайгамбаримиз Муҳаммад соллаллоҳу алайхи вассалламнинг энг ишончли ҳадислар тўплами, яъни мукаддас Қуръони каримдан кейинги ўринда турадиган китоб муаллифи Имом Бухорий номидаги халқаро илмий тадқиқотлар маркази ташкил этил-

мокда. Ушбу марказ фаолияти динлараро, миллатлараро ва маданиятлараро мулоқотга кўмаклашади, деб ўйлаймиз.

Шу билан бирга, ШХТ мамлакатлари дин уламолари ташкил этилаётган ушбу Марказ ишида фаол иштирок этишига умид қиласиз.

Учинчидан, Ўзбекистон ШХТга аъзо давлатлар билан савдо-иктисодий алоқаларни изчил чуқурлаштириш тарафдори.

Хитойнинг «Бир макон, бир йўл» ташабуси доирасида кенг кўламли лойиҳаларни ҳамкорликда амалга оширишга алоҳида аҳамият берамиз.

Айниқса, транспорт-коммуникация лойиҳаларини хаётга татбик этиш борасида ҳамкорликни фаоллаштиришга муҳим эътибор каратиш зарур.

ШХТ минтақасининг мавжуд улкан транзит салоҳиятини рўёбга чиқариш Ташкилотнинг муҳим устувор йўналишига айланиши даркор.

Бизнинг назаримизда, Хитой – Қирғизистон – Ўзбекистон темир йўли курилишини қанча тез бошласак, мамлакатларимизнинг жаҳон бозорига энг қисқа йўл билан чиқишига эришиш имкони шунча тез қўлга киритилган бўлур эди.

Минтақамиз транзит салоҳиятини самарали ривожлантиришга оид келишилган таклифларни ишлаб чиқиш учун ШХТга аъзо давлатларнинг темир йўл соҳаси раҳбарларининг мунтазам учрашувларини йўлга қўйишини таклиф этамиз.

ШХТга аъзо давлатлар ҳудудлари ва ишбилармон доиралари ўртасида тўғридан-тўғри алоқалар

ўрнатилиши мамлакатларимиз иқтисодиётини юксалтириш ва халқларимиз ўртасида ҳамфирликни мустаҳкамлашда муҳим аҳамият касб этади.

Шу муносабат билан Россиянинг ШХТга аъзо давлатлар ҳудудлари раҳбарларининг форумини таъсис этиш тўғрисидаги таклифини кўллаб-куватлаймиз.

Тўртингчидан, Илм-фан ва техника соҳасида ҳамкорликнинг истиқболга эга бўлган устувор йўналишлари рўйхатини ишлаб чиқиш, уларни молиялаштириш ва амалга ошириш механизмлари ҳакида ўйлаб кўриш мақсаддага мувофиқдир.

Етакчи илмий-тадқикот муассасаларининг куч ва имкониятларини, аввало, биотехнология, ген инженерияси, мукобил энергетика, жумладан, куёш, шамол, биогаз ва кичик гидроэнергетика соҳаларида бирлаштириш муҳим йўналишлар сирасига киради.

Шунингдек, ШХТ давлатлари ва халқлари ўртасида ўзаро ишонч, яхши қўшничилик ва дўстликни янада мустаҳкамлаш зарур, деб хисоблаймиз.

ШХТ марказлари – халқ дипломатиясининг доимий фаолият юритадиган институтларини таъсис этиш имкониятларини кўриб чиқишини таклиф этамиз. Бу марказларда мавзуга оид кўргазмалар, конференция ва учрашувлар ҳамкорликда ўтказилиши халқларимиз ўртасидаги алоқалар ва ҳамжихатликни янада мустаҳкамлаш имкониятини беради.

Ҳурматли мажлис иштироқчилари!

Сўзимнинг якунида Шанхай ҳамкорлик ташкилоти асосчиларидан бири сифатида Қозогистон Президенти Нурсултон Абишевич Назарбоевга Остона саммитини муваффақиятли ташкил этишга кўшган шахсий хиссаси учун яна бир бор миннатдорлик билдиришга ижозат бергайсиз.

Нурсултон Абишевич, Сизни «ЭКСПО – 2017» кўргазмаси ўтказилиши муносабати билан ҳам самимӣ табриклаймиз ва бу борада муваффақиятлар тилаймиз.

Минтақамизда бундай кенг кўламли ҳалқаро тадбир илк маротаба ўтказилмоқда.

Тадбирга пухта тайёргарлик кўриш, киска муддатда «яшил» технологиялар ёрдамида бунёд этилган замонавий инфратузилма Қозогистон иқтисодиёти улкан салоҳиятга эга эканидан далолат беради.

Хитой Халқ Республикаси Раиси мухтарам Си Цзиньпинни кейинги даврда ШХТга раисликни қабул қилгани билан табриклайман ва ушбу масъулиятили вазифада унга улкан муваффақиятлар тилайман.

*Қозогистон пойтахти Остона шаҳрида бўлиб ўтган
Шанхай ҳамкорлик ташкилоти Давлат раҳбарлари
кенгашининг кенгайтирилган маркибдаги
мажлисигда сўзланган нутқ.
2017 йил 8-9 июнь*

ҚОНУН ВА АДОЛАТ УСТУВОРЛИГИНИ ТАЪМИНЛАШ – БАРЧА ЭЗГУ МАҚСАДЛАРИМИЗГА ЭРИШИШНИНГ ЭНГ МУҲИМ ШАРТИ

Хурматли мажлис катнашчилари!

Авваламбор, сизлар билан бугун мана шундай самимий, ишchan бир вазиятда кўришиб турганимдан хурсанд эканимни билдиrmокчиман.

Бугунги учрашувимиздан асосий мақсад – мамлакатимизда суд тизимида олиб борилаётган ислохотлар хусусида, бу борадаги камчилик ва муаммолар тўғрисида, уларни ҳал этиш йўллари ҳакида атрофлича фикрлашиб, амалий вазифаларни белгилаб олишдан иборат.

Ҳаммамизга яхши маълум, суд – жамият ҳастида қонун устуворлиги, адолат баркарорлигини таъминлайдиган мустакил ҳокимият тармоғидир. Яна бир марта айтаман – мустакил ҳокимият тармоғи.

Адолат ҳалқимиз учун азал-азалдан тинч ва фаровон ҳаёт мезони, барча эзгуликлар манбаи бўлиб келган. Соҳибқирон Амир Темур бобомиз «Куч – адолатда» деган ҳикматга амал қилиб, давлат бошқарувини ташкил қилиш, эл-юртнинг тинчлиги ва ободлигини таъминлашга эришгани тарихдан яхши аён.

Истиқлол йилларида мамлакатимизда суд ҳокимияти мустакиллигини таъминлаш, соҳанинг моддий-

техник базаси, кадрлар таркибини яхшилаш бўйича кўп ишлар қилинди.

Айни вақтда ҳаммамизга маълумки, бугунги қунда юртимизда хукукий демократик давлат, фуқаролик жамияти барпо этиш жараёнлари янги, юксак босқичга кўтарилимоқда, бунга ҳаммангиз гувоҳсиз. Бинобарин, суд тизими фаолиятини танқидий қайта кўриб чиқиш, унинг натижадорлигини тубдан яхшилаш энг долзарб вазифага айланмоқда. Бунга ҳаётнинг ўзи мажбур килмоқда.

Ўзбекистон Республикасини 2017 – 2021 йилларда янада ривожлантириш бўйича Ҳаракатлар стратегиясида суднинг чинакам мустақиллигини таъминлаш алоҳида устувор йўналиш этиб белгиланди. Бу борадаги муҳим вазифаларни амалга ошириш мақсадида бир қатор конун хужжатлари қабул килинганидан сизлар албатта хабардорсиз.

Аввало, Конституциямизнинг 7 та моддасига судхукук соҳасидаги ислоҳотлар билан боғлиқ принципial ўзгартишлар киритилганини таъкидлаш лозим.

Судьяликка номзодларни танлаш ва лавозимга таъинлаш тизимини тубдан такомиллаштириш, юкори малакали судьялар корпусини шакллантириш мақсадида Ўзбекистон Республикаси Судьялар олий кенгагиши ташкил этилди.

Шу билан бирга, Ўзбекистон Республикаси Олий суди суд ҳокимиятининг ягона олий органи сифатида давр талаблари асосида янгидан шакллантирилди. Бундан кўзланган асосий мақсад – фуқароларимизнинг хукук ва манфаатларини ҳимоя қилишда қонуний ва адолатли қарорлар чиқарилишини сўзсиз таъмин-

лайдиган ягона суд амалиётини шакллантиришдан иборатдир.

Хурматли суд органлари ходимлари!

Жамиятимизнинг барча соҳалари қатори судлар фаолиятини ҳам чуқур таҳлил қилиб, ютукни – ютуқ, камчиликни – камчилик, деб айтмасак, ишимизга танқидий баҳо бермасак, мазкур тизимда тўпланиб қолган муаммо ва нуксонларни бартараф этиш чораларини бугун кўрмасак, эртага кеч бўлади.

Ана шу ҳакиқатни ҳисобга олган ҳолда, аввало олдимиизда турган энг муҳим масалаларга эътиборингизни қаратмоқчиман.

Биринчидан, бугун ҳаётнинг ўзи Конституциямизда ифодасини топган энг асосий мақсад – инсон манфаатларини ҳар томонлама таъминлашни устувор вазифа қилиб қўймоқда. Инсон манфаатларини таъминлаш учун эса, аввало одамлар билан, ҳалқ билан мулоқот қилиш, уларнинг дарду ташвишлари, орзу-умидлари, ҳаётий муаммо ва эҳтиёжларини яхши билиш керак.

Шу мақсадда ташкил этилган Ўзбекистон Республикаси Президентининг Ҳалқ қабулхоналари ва Виртуал қабулхонасига ўтган давр мобайнида келиб тушган мурожаатларнинг қарийб 50 мингтасида бевосита судьялар фаолияти ва уларнинг карорларидан норозилик баён қилинган.

Мурожаатларнинг қарийб 24 мингдан ортиғи фука-ролик ишлари бўйича, 11 мингдан зиёди эса жиноят ишлари бўйича судлар фаолиятига тааллуқли

экани бу идоралар фаолиятида жиддий камчиликлар борлигини кўрсатади.

«Одамлар ҳамма нарсага чидаши мумкин, лекин адолатсизликка чидай олмайди» деган сўзларда қандай катта маъно борлигини барча судьялар яхши англаб олишлари керак. Судья – бу адолат пособони. Шунинг учун ҳам судьялар томонидан қабул қилинаётган ҳар бир қарорнинг қонуний ва адолатли бўлиши хақида чуқур ўйлашимиз зарур. Бу борада суд хокимиятининг чинакам мустакиллигини, одил судлов фаолиятига аралашганлик учун жавобгарлик муқаррарлигини сўзсиз таъминлаш лозим.

Савол туғилади: суд тизимидағи бугунги аҳвол бу талабларга жавоб берадими? Афсуски, йўқ. Мана шу сизларга берилган баҳо.

Айникса, амалдаги қонунчилигимизда мустаҳкамлаб қўйилган, суд ишларини кўриб чикишда факат суд тергови жараёнида атрофлича текширилган ва ўз тасдигини топган далилларга асосланиш кераклиги хақидаги талаблар коғозда қолиб кетаётгани ачинарлидир. Буни такрор ва такрор айтмоқчиман.

Энг ёмони, далилларга баҳо беришда уларнинг ишончли экани, қонуний йўл билан олингани ва ишга алоқадорлиги судларнинг эътиборидан мутлақо четда қолиб кетмоқда.

Айрим ҳолларда айбдорларни «ичкарига олиб кириб», турли номақбул усул ва тазийклар остида олинган кўрсатмалар айбловнинг асосий мазмунини ташкил этмоқда.

Бундан ташқари, «ишиларни назоратта олиш», «жазо тури ва муддатини олдиндан белгилаб бериш» каби ўта салбий ҳолатлар ҳанузгача давом этмоқда.

Энг ачинарлиси, барчамизнинг обрўйимизни туширадиган, конуннинг қадр-кимматини бир пул қила-диган бундай яроқсиз амалиётга соҳада катта таж-рибага эга бўлган ходимлар, бутун судъялар ҳамжа-мияти бепарво караб келмоқда. Бошқача айтганда, ҳамма томошабин. Мен бу гапларни афсус билан айтаяпман.

Бир одамни судья килиб қўямиз. Уч-тўрт ойда юриш-туриши ўзгаради.

Фукаролар адолатни қарор топтириш умидида ойлаб, йиллаб сарсон-саргардон бўлиб, нажот излаб Президентга мурожаат қилмоқда. Шунинг ўзи судлар фаолиятига халк томонидан берилаётган холисона баҳо эмасми?

Бундай ҳолатларга қатъий чек қўйиш вақти келди.

Судъялар олий кенгаши судъяларнинг фаолиятига ҳар қандай ноқонуний аралашувга барҳам бериш, айбор шахсларнинг муқаррар жавобгарлигини таъминлаш юзасидан бир ой мулдатда таклиф киритсин.

Бош прокуратура, Олий суд далиллар ишончили, қонуний йўл билан олинган ва ишга алоқадор бўлишини, судъялар тили билан айтганда, далиллар мақбуллиги тамойилини амалда таъминлаш, айникса, турли тазийклар остида олинган кўрсатмалардан далил сифатида фойдаланишга мутлақо чек қўйиш чораларини кўриши зарур. Бунинг

учун қисқа муддатда тегишли ҳуқуқий механизmlар яратиш ва амалдаги қонун ҳужжатларини такомиллаштириш керак.

Иккинчидан, судьялар адолатни факат ва факат қонунга асосланган ҳолда рўёбга чиқаришлари шарт. Чунки, адолат қонун устуворлигига намоён бўлади.

Афсуски, ҳозирги вактда бу борадаги аҳвол тубдан ижобий томонга ўзгаргани йўқ. Ҳолбуки, ўтган даврда судьяларнинг мустакил фаолият юритишини таъминлашга қаратилган кўп ишлар амалга оширилди. Судьяларнинг ижтимоий муҳофазасини кучайтириш мақсадида уларнинг иш ҳақи бир неча баробар кўпайтирилди, соҳа вакиллари жисмоний шахслардан олинадиган даромад солигидан озод қилинди, уйжой масаласида улар учун қулайликлар яратилмокда. Лекин, ана шундай эътибор ва ғамхўрликка муносиб фаолият кўрсатиш ўрнига, афсуски, судьялар орасида судья деган юксак номга нолойик шахслар учраб турибди.

Шу борада баъзи бир ракамларга эътиборингизни қаратмоқчиман. Охирги йилларда қарийб 50 нафар судья жиноий жавобгарликка тортилган. Жорий йилнинг ўтган даврида 6 нафар судья жиноятга кўл урган. Мисол учун, Андижон вилояти хўжалик суди раисининг ўринбосари Абдуллаев фуқаро Нуралиевдан 150 минг АҚШ доллари олаётган пайтда кўлга олинган.

Асосий вазифаси ва бурчи оқни – оққа, қорани – корага ажратиш, адолатни ҳимоя қилишдан иборат

бўлган судья конунға, ўз касбига хиёнат қилса, одамлар додини кимга айтади? Адолат излаб қаерга боради?

Шунинг учун ҳам аҳоли ўз мурожаатларини Президентнинг Халқ қабулхоналари ва Виртуал қабулхонага, Президент девонига ва Олий Мажлисга юбормоқда. Улар ўз муаммолари судда ҳал қилинишига ишонмаяпти. Қанчалик аччиқ бўлмасин, бугун шу ҳакиқатни айтишга мажбурмиз.

Учинчидан, судьялик ўта масъулиятли ва шарафли касб эканини ҳалқимиз яхши тушунади. Азал-азалдан эл-юртимиз ўртасида инсофли, диёнатли қозиларга, адолатни ҳимоя қилувчиларга ҳурмат-эътибор юкори бўлган. Бироқ бугунги кунда ана шундай ибратли анъаналар муносиб давом эттирилаётгани йўқ. Бундай деб айтишга тўлиқ асослар бор. Масалан, 2016 йилда ўз фаолиятида камчилик ва нуқсонларга йўл қўйгани, хизмат қоидаларини бузгани учун 117 нафар судья интизомий жавобгарликка тортилган.

Шу ўринда бир фикрни алоҳида таъкидлаб айти-мокчиман. Юксак маънавий-ахлоқий савияга эга бўлмаган юрист кадрлар ҳеч қачон судья лавозимига тайинланмаслиги керак. **Адолат ва маънавият – ўзаро чамбарчас боғлик тушунчалардир. Маънавият бўлмаган жойда ҳеч қачон адолат бўлмайди.**

Шундай экан, ҳақли савол туғилади: Олий суднинг собиқ раҳбарияти – раис Ш. Газиев, унинг ўринбосарлари Ф. Абдуазимов, К. Тоғаев, Р. Обидов нима учун бу масалага панжа орасидан қараб келган?

Мутлако йўл қўйиб бўлмайдиган бундай ҳолатни ижобий томонга ўзгартириш учун барчамиз, бутун

жамиятимиз бош котириши зарур. Лекин, афсуски, бу борада аксарият раҳбарларда масъулиятни хис этиш, катъият ва талабчанлик етишмаяпти.

Яна мисолларга мурожаат қиладиган бўлсак, одил судлов бўйича йўл кўйган хато ва камчиликлари учун 2016 йилда 129 нафар судьяга нисбатан хусусий ажримлар чиқарилганини қайд этишга тўғри келади. 2016 йилда бу кўрсаткич 2015 йилга нисбатан 34 фоиздан зиёд, судьяларга нисбатан кўзғатилган интизомий ишлар сони эса қарийб 44 фоизга кўпайган.

Айникса, фуқаролик ишлари бўйича Сурхондарё, Тошкент ва Андижон вилоятлари, жиноят ишлари бўйича Тошкент, Сирдарё, Фаргона вилоятлари ва Тошкент шаҳри судларида судьялар томонидан қонунбузарлик содир этиш ҳолатлари кўпайиб бормоқда.

Тўртингчидан, одил судловни амалга оширишда энг муҳим аҳамиятга эга бўлган адолат тамойилини бузиш билан боғлиқ салбий ҳолатларга ҳам, афсуски, чек кўйилмаяпти.

Айрим судьялар ўз бурчини вижданан бажариш ўрнига жойлардаги баъзи бир «каттаконлар», мансабдор шахслар билан муносабатни бузмаслик ҳақида кўпроқ ўйлаши, очигини айтганда, «ўйин» килиб юриши хеч кимга сир эмас. Якин-яқингача судлар томонидан оклов ҳукмлари чиқарилмагани шундан далолат эмасми?

Аксарият ҳолларда айбсиз шахсларни оқлаш учун тўлиқ асослар бўлса-да, жиноят ишлари турли сохта баҳоналар билан кўшимча терговга қайтариб келинганини қандай тушуниш керак? Қайси давлатда, қайси жамиятда яшаяпмиз ўзи?

Мисол учун, жиноят ишлари бўйича Ширин шаҳар судининг судьяси Сувонкулов сохта айблар қўйилган, аслида айбсиз фуқаро Логановни 5 йил муддатга озодликдан маҳрум қилган. Сирдарё вилояти суди бегуноҳ фуқарони оклаш ўрнига, масъулиятни ўзидан сокит қилиб, жиноят ишини қўшимча терговга юборган. Кейинчалик терговда жиноят иши тугатилган. Ҳолбуки, ушбу масалани қўшимча терговга юбормасдан, суднинг ўзида ҳал этиш мумкин эди.

2016 йилда 417 нафар шахсга нисбатан қўзгатилган жиноят ишлари аксарият ҳолларда Қорақалпогистон Республикаси, Андижон, Тошкент, Наманган, Қашқадарё вилоятлари, Тошкент шаҳри судлари томонидан қўшимча терговга юборилган. Шу даврда 238 нафар шахсга нисбатан қўзгатилган жиноят ишлари юкори инстанция судлари томонидан қўшимча терговга қайтарилган.

Олий суд ва жойлардаги судларнинг раҳбарлари ана шу ишлар бўйича судьялар тергов органлари билан келишиб, ишни қўшимча терговга қайтариб юбормаганига кафолат бера оладими?

Мана, бир мисол. Фуқаро Расулов Янгийўл тумани суди томонидан фирибгарликда айбланиб, ноконуний равишда жазога ҳукм қилинган. Ушбу фуқаро орадан 3 йил ўтиб, қанча мурожаатлардан сўнг, факат Бош прокуратуранинг аралашуви билан оқланган.

Биз ана шундай нохуш, шармандали ҳолатларни бартараф этиш мақсадида қўшимча тергов институтини бекор килдик.

Мазкур карорнинг аҳамияти шундан иборатки, энди тергов органлари жиноят ишларини ҳар томонлама холис ва пухта тергов қилишга мажбур бўлади. Ўз навбатида судлар ҳам ҳар бир иш юзасидан узил-кесил карор қабул қилишга мажбур. Чунки бошқа йўли йўқ. Қайта тергов қанча маблағ, қанча вакт, қанча оворагарчиликларга сабаб бўлади. Энди буларнинг барчасига чек кўйилмоқда. Халқимиз «қайта тергов» балосидан кутулмоқда.

Суд фаолияти соҳасидаги камчиликлар ҳакида гапирганда, кўплаб юртдошларимизда ҳақли норозилик уйготаётган яна бир ачинарли ҳолат ҳакида тўхталишимиз шарт, деб ўйлайман. Баъзи жойларда инсофизлик шу даражага етганки, айрим судьялар айбсиз одамни айбдор, деб топиш учун пора талаб килмоқда. Масалан, жиноят ишлари бўйича Ўртачирчик тумани судининг судьяси Юсупов фуқаро Калмурзаевга нисбатан маъмурий хукуқбузарлик тўғрисидаги иш соҳта хужжатлар асосида тузилганини билатуриб, ички ишлар ходимларига 1000 АҚШ доллари эвазига Калмурзаевни айбдор деб топиш ҳакида карор чиқаришни ваъда килган ва жорий йилнинг март ойида ана шу порани олаётган вактида ушланган.

Бундай нохуш мисолларни Тошкент шаҳридаги суд идоралари бўйича ҳам кўплаб келтириш мумкин.

Пойтахт судьялари томонидан сўнгги пайтда айбдорларга қонунда белгиланган жазога нисбатан енгил жазо тайинлаш ёки шартли хукм чиқариш одат тусини олмоқда.

Охирги уч йилда жазо тайинланган 18 мингдан ортиқ шахснинг 34 фоизига қонунда белгиланган жазога нисбатан енгил жазо ёки шартли жазо тайинланган. Қасддан одам ўлдириш, босқинчилик, номусга тегиши каби оғир ва ўта оғир жиноятлар бўйича 6600 дан ортиқ ишнинг 1532 таси юзасидан ана шундай ёндашув қўлланган. Агар бу қарорлар конуний бўлганида, ҳеч шубҳасиз, буни гуманизм, инсонпарварлик намунаси сифатида қўллаб-қувватлаш мумкин эди. Бироқ тахлиллар бунинг мутлақо тескарисини кўрсатмоқда.

Мисол учун, Сирғали тумани суди раиси Алимухамедов томонидан фуқаро Анваров ўта оғир жиноят содир этгани учун шартли равишда хукм қилинган. Ваҳоланки, у уюшган гурӯҳ таркибида товламачилик жиноятини содир этган, шунинг учун 8 йил давомида кидиравда бўлган. Ишни кўриб чиқсан судья эса унинг бу килмишларига бемалол кўз юмган.

Прокурорлар протест келтириш йўли билан адолатсиз хукм чиқарилганини кўрсатиб берса-да, шаҳар судининг раиси пинагини ҳам бузмасдан, хукмни ўз кучида колдирган. Фақат Бош прокуратура протести билан хукм бекор қилиниб, айборга 11 йил озодликдан маҳрум килиш жазоси тайинланган.

Яна бир салбий ҳолат шундан иборатки, жиноят ишлари бўйича Тошкент шаҳар суди апелляция ва кассация тартибида туман судларининг хато ва камчиликларини тузатиш ўрнига қонуний хукмларни ноконуний равишда бекор қилиш ёки ўзгартириш билан шуғулланиб келган.

Сўнгги икки йил давомида фақатгина Тошкент шаҳар судлари томонидан 130 та жиноят иши бўйича енгил жазолар тайинлаш тўғрисида асоссиз хукмлар чиқарилган. Бу хукмлар юзасидан Бош прокуратура томонидан киритилган протестлар асосида бугунги кунга қадар 93 та ноқонуний суд хукми бекор қилинган.

Албатта, биз Тошкент шаҳрида суд органлари фаолиятида вужудга келган оғир ахволни ижобий томонга ўзгартириш учун зарур чораларни кўрдик – шаҳар суди раиси Абдужаббаровни муддатидан олдин лавозимидан озод этишга мажбур бўлдик. Ҳозир у ўз қилмишлари учун тергов органлари олдида жавоб бермоқда.

Ўйлайманки, бу залда ўтирган ҳар бир судья ана шундай мисоллардан ўзи учун тегишли хулоса чиқариб олади.

Билиб қўйинглар, инсон тақдирини ҳал этишда судьянинг онгига – **фақат адолат, тилида – фақат ҳақиқат, дилида эса поклик устувор** бўлиши шарт.

Бешинчидан, фуқароларнинг суд идораларида сарсон-саргардон бўлишига чек қўйиш, ишларни ўз вақтида кўрмасдан, одамларни овора қилган суд ходимларига судьялар ҳамжамияти томонидан муносиб баҳо бериш вақти келди, деб ўйлайман.

Бир мисол. Фуқаролик ишлари бўйича Гулистон туманлараро судининг судьяси Мингбоев томонидан фуқароларнинг 54 та мурожаати умуман кўриб чиқилмаган, 75 та иш бўйича суд қарорлари ёзилмаган, фуқаролик ишлари асоссиз бир неча марта бошка кунларга қолдирилган ва фуқаролар ойлаб сарсон-саргардон қилинган.

Бундай нохуш ҳолатларга барҳам бериш, қонунийлик ва хукуқ-тартиботни мустаҳкамлаш, хукуқбузарликларнинг олдини олиш мақсадида Олий суд ва Судьялар олий кенгаши томонидан тасдиқланадиган, ҳар бир чоракка мўлжалланган график асосида ҳалқ билан мулоқот ўрнатишга қаратилган аниқ тадбирлар амалга оширилиши шарт.

Бу борада ҳар бир судья томонидан мавжуд муаммоларни ҳал этиш учун аҳоли билан жойларда бир ойда камида бир марта очик мулоқотлар ташкил этилишига алоҳида эътибор қаратиш лозим. Очик мулоқотлар масаласини, керак бўлса, «Судлар тўғрисида»ги қонунга тегишли ўзгартишлар киритган ҳолда, қонуний асосда мустаҳкамлаб қўйиш зарур, деб ўйлайман.

Бундан кейин судьялар фаолиятига, биринчи навбатда, ахолидан тушаётган шикоятлар сони, уларнинг ҳалқ билан мулоқот қилиб, одамларни қийнаётган муаммоларни қандай ҳал қилаётганига қараб баҳо берилади. Қисқача айтганда, бундан буён судьяларга ҳалқнинг ўзи баҳо беради.

Яна бир жиддий муаммо судьялар томонидан қонун бўйича берилган имтиёзларнинг қўлланиши билан боғлиқ.

Маълумки, қонунда судга мурожаат қилишда давлат божи ундирилиши белгиланган. Суд айрим ҳолларда ана шу божни тўлашдан озод қилиш, суд харажатларини тўлашни кечиктириш ёки бўлиб тўлашга рухсат бериш, уларнинг миқдорини камайтиришга ҳақли.

Афсуски, айрим судьялар фуқароларга қонун нормаларини тушунтиrmасдан, уларни иложи борича күлламасликка ҳаракат қилмоқда. Баъзи таъмагир судьялар томонидан бу нормаларни пора эвазига күллаш ҳолатлари ҳам учрамоқда.

Масалан, фуқаролик ишлари бўйича Пастдарғом тумани судига мурожаат қилган Садиновага суд расиси Махмадиёров давлат божини тўламагансиз, деб даъво аризасини қабул қилмаган. Бир соатдан кейин 100 АҚШ доллари эвазига аризани қабул қилиб олган. Икки соатдан кейин ишни ижобий ҳал қилиш учун яна 400 АҚШ долларини олиш вақтида ушланган.

Ҳурматли йиғилиш иштирокчилари!

Ҳозиргина келтирилган мисоллар Олий суднинг собиқ раҳбарияти тизимдаги ҳақиқий аҳволни ичидан билмагани ёки билиб-бilmасликка олиб келгани, фақат кабинетда савлат тўкиб ўтиришга, фуқаролар билан юзаки мулоқот қилишга ўрганиб қолганини кўрсатади.

Шу муносабат билан мен сизларга бир савол билан мурожаат қилмоқчиман: суд тизимининг раҳбарлари охирги марта қачон узоқ туманларга бориб, суд эшигига кўз тикиб ўтирган фуқаролар билан сухбатлашган? Ҳеч қачон! Ахир, ўзингиз айтинг, одамлар билан очиқ гаплашмасдан, уларнинг муаммоларини билмасдан туриб, қандай тўғри қарор қабул қилиш мумкин?

Биз судға келиб тушган ҳар бир иш, мурожаат белгиланган муддатларда кўриб чиқилишини таъминлаш, бу борада қонунни бузиш ҳолатларига нисбатан қатъий

чоралар кўриш, фуқароларга етказилган зарарни айбдорлардан ундириш бўйича албатта зарур тадбирларни амалга оширамиз.

Суднинг тарбиявий-профилактик ролини ошириш учун маҳаллаларда, иш ва хизмат жойларида, таълим муассасаларида сайёр суд мажлислари ўтказиб, жиноятчилик ва ҳуқуқбузарлик ҳолатларини кенг мухокама қилиш тажрибасини йўлга кўйсак, ўйлайманки, бунинг таъсири албатта катта бўлади. Халқимиз таъбири билан айтганда, минг бор эшитгандан бир бор кўрган афзали. Одамлар конунни бузган кимсалар эл-юрт олдидаги қандай ахволга тушганини ўз кўзи билан кўрса, шундан тўғри хулоса чиқаради.

Олий суд ҳуқуқбузарлик ва низоларнинг турларини таҳлил қилган ҳолда, бундай ишларнинг камидаги 30 фоизини сайёр суд мажлисларида кўриб чиқиш бўйича тавсиявий хужжат ишлаб чиқиши лозим.

Олтинчидан, суд органлари фаолиятидаги мавжуд ахвол айрим судьяларнинг билим даражаси пастлиги, уларнинг малакасини ошириш бўйича самарали тизим жорий этилмаганини кўрсатмоқда.

Судьялар томонидан конунда аник-равshan ёзиб кўйилган нормаларни тўғри қўллай олмаслик, молдий ва процессуал ҳуқук нормаларини очикдан-очик бузиш ҳолатлари содир этилаётгани ҳам аввало шу билан боғлик.

Маълумки, конунда вояга етмаган шахсга ўта оғир жиноят содир этгани учун 10 йилгача озодликдан маҳрум этиш жазоси назарда тутилган. Лекин Ан-

дижон шаҳар судьяси Абдусатторов вояга етмаган Исмоиловни айни шу турдаги жинояти учун 15 йилга озодликдан маҳрум этган. Прокуратура киритган протест асосида кейинчалик жазо 7 йилга туширилган.

Яна бир мисол. Жиноят қонунчилигига жарима жазосининг энг кўп микдори энг кам ойлик иш ҳақининг 600 баробарига қадар этиб белгиланган. Аммо Яккасарой тумани суди судьяси Атавалиев фуқаро Крихтинга энг кам ойлик иш ҳақининг 700 баробари микдорида жарима жазоси тайинлаган.

Савол туғилади: бу судьялар фуқароларга ҳукм чиқаришдан олдин Жиноят кодексини очиб қўрганми? Мен ўйлайман – кўрмаган.

Хабарингиз бор, мустақилликнинг илк йилларидан бошлаб биз билиб-бilmай жиноят содир этган шахсларни инсонпарварлик тамойилига асосан амнистия орқали жазодан озод қилиш, уларни оиласи бағрига қайтариш амалиётини жорий этдик. Ҳар йили Президент тақдимномасига асосан Сенат томонидан қабул қилинган Амнистия тўғрисидаги қарорга биноан минг-минглаб юртдошларимиз озодликка чиқарилмоқда.

Афсуски, бу жараёнда ҳам адолат бузилмоқда. Амнистияга тушиши лозим бўлган шахслар жазодан озод этилмасдан, аксинча, бунга нолойик бўлган шахсларга нисбатан амнистия акти қўлланаётганини қандай тушуниш мумкин?

Олий суд бу жараённи нима учун назорат қилмасдан келган?

Масалан, фуқаро Аҳмедов эҳтиётсизлик оқибатида автомобильда ҳалокат содир этгани учун амнистия актига кўра жазодан озод килиниши керак бўлган. Лекин у Шайхонтохур тумани судининг раиси Алимуҳамедов томонидан жавобгарликка тортилган.

Амнистия актининг асл мақсад ва гоясини ана шундай ўзбошимчалик билан талқин қилиб, унинг обрўсини туширишга ҳеч кимнинг ҳаққи йўқ.

Шу ўринда суд фаолиятига оид яна бир маълумотга эътиборингизни қаратмоқчиман.

2016 йилда 3 минг 700 га яқин шахсга нисбатан чиқарилган суд қарорлари бекор қилинган ёки ўзгартирилиб, 1 минг 362 нафар фукаронинг жазоси камайтирилган.

Жиноят ишлари бўйича Тошкент, Андижон, Қашқадарё, Сурхондарё вилоят судларида фаолият кўрсататиётган судьяларнинг кўплаб қарорлари бекор қилинган ёки ўзгартирилган. Айниқса, Тошкент шаҳридаги судьяларнинг 821 та қарори бекор қилингани ёки ўзгартирилгани ва бу кўрсаткич шаҳарда қарийб 20 фоиз кўпайгани ташвишлидир.

Шунингдек, фукаролик ишлари бўйича судларнинг 4200 га яқин қарори бекор қилинган ёки ўзгартирилган. Бундай асоссиз қарорларнинг аксарияти Тошкент, Фарғона, Сурхондарё, Қашқадарё, Андижон ва Самарқанд вилоятларига тўғри келади.

Энг ачинарлиси, бу ракамлар йилдан йилга ортиб бормоқда. Жиноят ишлари бўйича судларда бу кўрсаткич 15 фоиз, фукаролик ишлари бўйича судларда эса 11 фоиз кўпайган.

Юқорида қайд этилган судларнинг раислари оддий бир саволга жавоб бериши шарт: қачонгача фуқароларни адолат излаб Президент девонига боришига мажбур қиласизлар?

Билиб кўйинглар, энди Президент номига ёзилган ҳар бир мурожаат белгиланган тартибда синчиклаб, конуний асосда ўрганиб чиқилади ва конун бузилиши холатларига йўл қўйган суд органлари ходимларига нисбатан жиноий жавобгарликка тортишга қадар бўлган кескин чоралар кўллаш масаласи қўйилади.

Шунинг учун ҳар қайси судья хукм чиқаришдан олдин етти марта эмас, керак бўлса, етмиш марта ўйлаб, шундан кейин қарор қабул қилиши шарт. Олий суднинг янги раҳбарияти бу масалалар бўйича қатъий назорат ўрнатиши керак.

Еттингчидан, минг афсуски, Олий суд судлов соҳасида суд ҳокимиятининг олий органи эканини, судлов фаолияти устидан назорат олиб бориш хукуқига эга эканини унутиб қўйган.

Олий суднинг собиқ раҳбарияти факат расмиятчилик учун айрим тадбирларни амалга ошириш билан чекланиб келган. Мавжуд вазиятни яхшилаш бўйича тизимли чора-тадбирлар кўрилмаган.

Энг ачинарлиси, ишларни кўриб чиқиш, жиноий қилмишларга малакали баҳо бериш, жазо тайинлаш, муҳтасар айтганда, ягона суд амалиётини шакллантириш бўйича тадбирлар амалга оширилмаяпти. Оқибатда мамлакатимизнинг тури ҳудудларида турлича суд амалиёти қўлланмоқда. Яъни, давлат битта, конун битта, лекин суд амалиёти

марказда – бошқача, жойларда – бошқача. Буни қандай тушуниш мүмкін?

Ақлга тұғри келмайдиган бундай ҳолатлар ҳақида гапирганды, қуидаги мисолларга эътиборингизни қаратмоқчиман.

Мингбулоқ тумани суди судьяси Ғаппоров ўз бобоси – фуқаро Низомовнинг уйида ўғрилик қилган Отабоевни 5 йилга озодликдан маҳрум этган. Низомовнинг набираси Отабоевни кечириш ҳақидағи илтимосномаси ва зарар қоплангани ҳақидағи далиллар судья томонидан эътиборга олинмаган. Апелляция инстанция суди ҳам бу адолатсиз ҳукмни ўз кучида қолдирған. Фақатгина вилоят прокурорининг протести асосида ҳукм ўзгартирилиб, Отабоевга озодликдан маҳрум этиш билан bogлиқ бўлмаган жазо тайинланған.

Яна бир мисол. Ўғрилик жинояти учун илгари ҳам камалиб чиқкан, ахлок тузатиш иши бўйича жазони ўтаётган мәхкүм Юсупов такроран яна 3 марта ўғрилик содир этган. Шунга қарамасдан, Жомбой тумани суди судьяси Давлатова томонидан тузалиш йўлига ўтмаган Юсуповга асоссиз равишда енгил жазо – ахлоқ тузатиш ишлари жазоси тайинланған.

Жазонинг енгиллиги тўғрисида туман прокурори, вилоят прокурори, Бош прокурор ўринbosари томонидан киритилган протестларни юкори суд инстанциялари асоссиз равишда рад этиб, суд ҳукмини ўз кучида қолдирған. Бунинг оқибатида жиноятчи ўзининг жамият учун зарарли қилмишини бсмалол давом эттириб, яна ўғриликка кўл урган.

Давлат ва жамият фойдасига эмас, аксинча, уларнинг заарига ишлайдиган бўлса, бундай судьялар кимга керак?

Нима учун бу йўналишда Олий суд Пленуми имкониятларидан фойдаланилмаяпти? Пленум аксари ят ҳолларда қонунларга сифатсиз шарҳ бериш билан чекланиб қолмоқда. Энг ёмони, Пленум парламентимиз томонидан қабул қилинган ва Президент имзолаган қонунларга мутлақо зид бўлган нормаларни куйи бўгиндаги суд органлари учун бажаришни мажбурий қилиб қўймокда.

Масалан, Олий суд Пленуми қарори билан судлар иқтисодий жиноятлар бўйича «**моддий зарар умуман қопланмаган ёки қисман қопланган ҳолларда ҳам озодликдан маҳрум қилиш билан боғлиқ бўлмаган жазо тайинлашга ҳақли**» экани белгилаб қўйилган.

Нима, Олий суднинг собиқ раҳбари Ш.Газиевнинг ўзи бу нормалар ноқонуний эканини билмаганми? Билган бўлса, нега бунга йўл қўйган?

Олий суд Пленумининг ана шундай ноқонуний қарори Бош прокурор талаби асосида бекор қилинган.

Олий суднинг собиқ раҳбарлари тобора кескинлашиб бораётган мавжуд муаммоларни ҳал қилишдан қочиб, ҳайти оддий томошабин сифатида кузатишни, барча масъулиятни жойлардаги судлар зиммасига юклаб қўйишни афзал кўришган.

Куйи бўгиндаги судьялар қандай қонунбузарлик содир этмасин, Олий суд, бу масала бизга тааллукли эмас, ўzlари жавоб берсин, ахир, улар мустақил,

деб ҳар хил асоссиз важларни рўкач қилиб келгани бу-
гун ҳеч кимга сир эмас.

Яна бир жиддий камчилик шундан иборатки, 2016 йилда ва 2017 йилнинг ўтган даврида Олий суд томонидан биринчи инстанция сифатида атиги 1 та жиноят иши кўрилган. Ҳолбуки, ушбу суд кўриши зарур бўлган ўта оғир ва мураккаб ишлар қўп бўлган. Бирок бу соҳада ҳам Олий суд барча масъулиятни жойлардаги судларга, биринчи навбатда Тошкент шаҳар судига юклаб кўйган.

Агар юқори инстанция суди масъулиятни ўз зиммасига олиб, ҳар қайси иш бўйича қатъий қарор чиқара олмаса, одамлар адолат излаб судма-суд, эшикма-эшик юрадиган бўлса, қани, айтинглар, бундай суднинг кимга кераги бор?

Ўз иш фаолиятида жиддий хато ва нуксонларга йўл кўйгани учун Олий суд раиси ва унинг ўринbosарлари эгаллаб турган лавозимларидан озод қилинди.

Олий Мажлис Сенати қарори билан Козим Комилов Олий суд раиси этиб сайланди. Ҳолмўмин Ёдгоров, Баходир Дехқонов ва Бахтиёр Исаков унинг ўринbosарлари этиб тайинланди. Ўйлайманки, Олий суднинг янги раҳбарлари бугунги танқидий гаплардан хulosса чиқариб, бу борадаги фаолиятни бутунлай янгича ташкил этадилар.

Сизлар энди бевосита худудларга чиқиб, ҳар қайси вилоят ва туман суднинг иши билан яқиндан танишиб, уларга зарур амалий ёрдам беришингиз керак.

Олий суд раҳбарияти аввало суд тизимининг барча бўғинида адолатни қарор топтириш, фуқароларнинг ортиқча овора бўлишларига чек қўйиш ва мураккаб ишлар сифатли кўриб чиқилишини таъминлаш мақсадида алоҳида бир қарор қабул қилиши зарур. Шунингдек, ягона суд амалиётини шакллантириш, мавжуд нуқсонларни бартараф этиш, судьяларнинг бу борадаги масъулиятини ошириш учун суд амалиётини умумлаштириш борасидаги ишлар натижаларини кенг жамоатчилик эътиборига етказиб бориш тизимини жорий этиш лозим.

Амир Темур бобомиз айтганлариdek, «**Адолат билан жаҳон гулшани обод бўлади**». Адолат бўлмаса, дунё зимиston бўлади, ҳаётда ҳеч қандай маъномазмун бўлмайди.

Биз халқимиз учун озод ва обод, фаровон ҳаёт барпо этмоқчи эканмиз, менинг давлат раҳбари сифатида сизлардан талабим шу: фақат адолат ва яна бир бор адолат ҳаётимизда ҳукмрон бўлиши керак. Бунинг учун ҳаммангиз қонун олдида жавобгарсиз. Сизларга бир савол бермоқчиман: сиз билан оддий халқ ўртасида қандай фарқ бор? Ҳукм ёзганингизда ўзингизни аввало оддий одамнинг ўрнига қўйиб кўринг, шундан кейин қарор қабул қилинг.

Саккизинчидан, суд тизимидағи муаммоларнинг таҳлили судьяликка номзодларни тўғри танлаш, судьяларни тайёрлаш, қайта тайёрлаш тизимида жиддий камчиликлар мавжудлигини кўрсатмоқда.

Маълумки, суд ҳокимиятининг чинакам мустақиллигини таъминлаш, кадрларни танлаш ва жой-

жойига қўйиш тамойилларини янада демократлаштириш сиёсатини амалга ошириш мақсадида Судьяларни танлаш ва лавозимларга тавсия этиш бўйича олий малака комиссияси ташкил этилган эди. Лекин, афсуски, ушбу комиссия ўзига билдирилган ишончни тўлик окламади. Шу боисдан биз Конституцияга ўзгартиш киритиб, суд-хукук тизимида мутлақо янги институт – Ўзбекистон Республикаси Судьялар олий кенгашини ташкил этдик ва унинг конституциявий мақомини аник белгилаб қўйдик. Бугунги кунда ушбу Кенгаш тўлақонли иш олиб бормоқда.

Шу юксак минбардан туриб айтмоқчиман: Кенгаш фаолиятига ноқонуний аралашган ҳар кандай шахс, у ким бўлиши ва қайси вазифада ишланидан қатъи назар, сўзсиз лавозимидан озод этилади, керак бўлса, жиной жавобгарликка тортилади.

Тўққизинчидан, судьялик лавозимларига биринчи марта тайинланадиган номзодлар захирасини шакллантиришдаги мавжуд муаммолар ҳам салбий оқибатларга олиб келмоқда.

Аксарият ҳолларда номзодлар захираси номига шакллантириб келинган. Бу борада қонун хужжатларида белгиланган талаблар тўлик ҳисобга олинмаган. Масалан, номзодларнинг пухта тайёргарликка, катта ҳаётий тажрибага, ибратли обрў-эътиборга эга бўлиши лозимлиги унубиб қўйилган ёки бу талабларга кўз юмиб келинган.

2016 йилда 298 нафар шахс захира рўйхатидан чиқарилган. Уларнинг атиги 45 нафари ёки 15,1 фоизи судьялик лавозимига тайинлангани, 87 нафари ёки

29,2 фоизи мазкур лавозимга нолойик деб топилгани, 150 нафари ёки 50,3 фоизи 2 йилдан ортиқ муддатда судьялик лавозимиға кўрилмагани туфайли захирадан чиқарилган. Бу рақамларнинг ўзи ҳам номзодлар захираси бўйича тизим самарали ишламаганини кўрсатиб турибди. Агар 2 йилдан ортиқ муддатда судьялик лавозимиға кўрилмайдиган бўлса, нима учун бундай шахслар захирага киритилган, деган савол туғилади.

Айтиш керакки, номзод захирага олинниб, уч ой давомида Юристлар малакасини ошириш марказида давлат маблағлари хисобидан ўқитилади. Бу даврда унинг иш жойи ва ўртача ойлик иш ҳаки ҳам сакланади. Энди ўйлаб кўринг, 237 нафар захирадан чиқарилган номзод учун қанча бюджет маблағи самарасиз ишлатилган. Бунинг учун ким жавоб беради?

Келгусида ана шундай камчиликларга йўл қўймаслик учун судьяликка номзодларни тайёрлаш ва судьялар малакасини оширишга ихтисослашган алоҳида ўкув муассасаси – **Одил судлов академиясини** ташкил этишни таклиф этаман.

Бу борада захирага олинган номзодларни эмас, балки судьялик лавозимиға илк бор тайинланган кадрларни касбга йўналтириш мақсадида маҳсус ўқитишга алоҳида эътибор қаратиш зарур, деб хисоблайман.

Биз бу соҳада рақамлар кетидан қувишидан мутлақо воз кечишимиз керак. Майли, захирада ҳозиргидек 700-800 нафар номзод эмас, 300-400 нафар номзод бўлсин, лекин ҳаммаси муносиб номзодлар бўлсин.

Бир сўз билан айтганда, судьяларни танлаш, тайёрлаш ва лавозимга тавсия этиш мутлако бошқача тизим бўйича амалга оширилиши, бу фаолиятга бирон-бир мансабдор шахснинг аралашувига, таниш-билишчиликка, уруғ-аймокчиликка йўл қўйилмаслиги шарт. Судьяликка номзодлар факат Судьялар олий кенгаши хулосаси асосида лавозимларга тавсия этилиши даркор.

Шунинг учун ҳам судьялик лавозимларига номзодлар захирасини шакллантириш, судьяларни касбга тайёрлаш, малакасини ошириш тизимини янада такомиллаштириш талаб этилади. Номзодлар захираси юкори билим ва салоҳиятга, етарли тажриба ва кўникмага эга юридик кадрлар, жумладан, хукуқни муҳофаза килиш органларида намунали фаолият юритаётган ходимлар ҳисобидан шакллантирилишига алоҳида эътибор қаратиш жоиз.

Ўнинчидан, барча бўғиндаги суд раҳбарлари биринчи марта судьялик лавозимига тайинланган кадрлар билан ишлाश, уларнинг хулқ-атворини назорат килиш, билимини ошириш билан мутлако шуғулланмаган, десак, хато бўлмайди.

Тўғри, конунларимизга асосан судьялар мустақил ҳисобланади. Лекин мустақиллик – ҳар ким хоҳлаган ишни килиши мумкин, дегани эмас. **Мустақиллик – аввало масъулият**, дегани. Судьянинг мустақил бўлиши конунга сўзсиз бўйсуниш, масъулият ва яна бир бор масъулиятни чукур ҳис этиш эканини унутишга ҳеч кимнинг ҳакки йўқ.

Шу ўринда айрим рақамларга эътиборингизни қаратмоқчиман. 2016 йилда судьялик лавозимиға биринчи марта тайинланган номзодларнинг 80 фоизини 35 ёшгача бўлган, юридик соҳадаги иш тажрибаси 10 йилгача бўлган шахслар ташкил этган.

Судьялар корпусининг 488 нафар вакили ёки 58 фоизи беш йилгача бўлган муддатда фаолият кўрсатаётган судьялардир.

Биз ёш судьяларни тўғри тарбиялаб, уларнинг ўз устида доимий ишлиши бўйича тизимли ишларни амалга оширмасак, бу масалада ижобий натижага эришолмаймиз.

Таҳлиллар бу борада ҳам кўплаб муаммолар борлигини кўрсатмоқда.

Мана, бир мисол, 2016 йилда судьяларга нисбатан чиқарилган хусусий ажримларнинг 57,2 фоизи судьялик лавозимиға биринчи марта тайинланган кадрлар хиссасига тўғри келган.

Сўнгги олти йил давомида ваколат муддати тугаганидан сўнг янги муддатга нолойик деб топилган 314 нафар судьядан 147 нафари ёки 46,8 фоизи беш йил ишлаган судьялардир. Муддатидан олдин лавозимидан озод этилган 136 нафар судьядан 64 нафари ёки 47 фоизи беш йилгача ишлаган судьялардир.

Биз суд тизимида нафакат ёш судьялар, балки бутун суд корпуси билан доимий ишлаб, уларнинг ҳукукий билими ва маънавий савиясини ошириш бўйича мунтазам иш олиб боришимиз лозим. Акс ҳолда, адолат посбони деган масъулиятли вазифани

адо этишга қодир бўлган, билимли ва виждонли судьялар корпусини шакллантиришга эришолмаймиз.

Шу муносабат билан биз шундай бир тажрибани амалда жорий килишимиз керак, деб хисоблайман. Яъни, ҳар қайси судья марказий ва маҳаллий телевидение орқали чиқиб, ўз фаолияти ҳақида хисобот бериши лозим. Токи ҳалқимиз, жамоатчилигимиз сизларнинг билим ва савиянгиз, бир сўз билан айтганда, иш фаолиятингиз ҳақида тасаввур ҳосил қилиш имконига эга бўлсин. Ким ҳақиқий ҳалқ парвар судья, ким эса бунинг тескариси экани шунда намоён бўлади.

Ўтган йили навбатдаги судьялик лавозимига тавсия этилган 49 нафар судьядан атиги 12 нафари бу вазифага муносиб деб топилган.

Шундай экан, ҳар қайси судьяни кейинги муддатга тайинлаш масаласини кўришда уларнинг охирги иш жойидаги фаолиятини синчиклаб ўрганишга алоҳида эътибор қаратиш зарур. Айниқса, ҳар бир судья фаолият олиб борган ҳудудда яшаётган аҳолининг, хусусан, судга иши тушган одамлар, кенг жамоатчиликнинг фикри албатта хисобга олиниши зарур. Бунинг учун судья ўз фаолияти юзасидан маҳаллий кенгашларда ахборот бериши лозим. Бу муҳокамаларда Судьялар олий кенгаши аъзолари ҳам фаол иштирок этишлари даркор. Халқ депутатлари маҳаллий кенгашлари томонидан берилган тавсифнома Судьялар олий кенгаши учун судья фаолиятига баҳо беришда асосий

хужжат бўлиб хизмат қилиши керак. Мазкур тартибтаомилларни амалдаги қонунчиликда акс эттириб, керак бўлса, бу борада алоҳида низом ишлаб чикиб, уларни ҳаётга албатта жорий этишимиз зарур.

Яна бир муҳим масала бизда жиддий ташвиш уйғотмоқда. Сўнгги пайтларда суд тизимида кадрлар билан ишлаш масаласи ўз ҳолига ташлаб қўйилгани учун вазият шу даражага етдики, айрим масъул лавозимларга тайинлаш учун тайёр номзодларнинг ўзи йўк. Шу боис бундай лавозимларга судьяларни аксарият ҳолларда «шартли равишда» деб тайинлашга мажбур бўлмоқдамиз.

Мисол учун, жиноят ишлари бўйича 3 та вилоят суди раисининг ўринбосари, 27 та вилоят судининг судьяси, 16 та туман (шаҳар) судининг раиси лавозимларига, фуқаролик ишлари бўйича 3 та вилоят судининг раиси лавозимларига муқобиллик тамоилии бузилиб, факат битта номзод кўрсатилган, холос.

Шунингдек, 4 та вилоят суди раисининг ўринбосари, вилоят судларининг 30 нафар судьяси лавозимларига, хўжалик судлари бўйича 2 та вилоят судининг ва 4 та вилоят суди раисининг ўринбосари лавозимларига ҳам номзодлар шундай ёндашув асосида тайинланганини албатта қониқарли, деб бўлмайди.

Бугунги кунда ҳалқимиз кутаётган адолатли қарорлар қабул қилишга ҳар томонлама қодир, иродаси мустаҳкам, юксак касбий ва маънавий фазилатларга эга бўлган суд ходимлари таркибини шакллантириш энг муҳим вазифамиз бўлиб қолмоқда.

Энг жиддий муаммолардан яна бири – суд карорлари ижросини ташкил этишдан иборат. Бу залда ўтирганлар жамиятда ҳуқук-тартиботни таъминлашда жазонинг оғир ёки енгиллиги эмас, балки жазонинг муқаррарлиги асосий роль ўйнашини яхши билади.

Шундай экан, агар судья ўз карори ижросини ўз холига ташлаб қўйса, карорни ижро органларига кеч ёки атайин кеч юборса, у ҳолда жазо муқаррарлигини қандай таъминлаш мумкин?

Кейинги пайтда судлар томонидан 1 триллион 800 миллиард сўм маблагни ундириш ҳакидаги 56 минг 402 та ижро ҳужжати мажбурий ижрога йўналтирилмагани аникланган. Биргина 2015 йилда ижро муддатлари асоссиз кечикирилгани сабабли жаримани тўлашдан бўйин товлаган 2 минг 223 нафар шахс амнистия актига асосан жазодан озод этилган, бунинг натижасида бюджетга 18 миллиард 900 миллион сўм маблаг ундирилмасдан қолган.

Яна бир мисол. Жиноят ишлари бўйича Тошкент шаҳар судининг 2013 йил 26 апрелдаги ҳукми билан жиноят натижасида етказилган 749 миллион сўм заарани фуқаро Шоҳасановдан давлат фойдасига ундириш масаласи 2 йилдан сўнг ижро учун қабул килинган.

Бундай масъулиятсизлик ҳолатларининг ҳар бирига нисбатан энди қаттиқ чора кўрилади. Бош прокуратура ҳузурида ташкил этилган Мажбурий ижро бюросидан бу борада қатъий ва тизимли асосда иш олиб бориш талаб этилади.

Ҳар бир суд қарорининг қонуний кучи унинг амалда қандай амалга оширилиши билан бевосита боғлик. Шунинг учун ҳам фуқароларимиз, жамият ва давлат манфаатларини кафолатли ҳимоя қилиш мақсадида суд қарорларининг сўзсиз ва тўлиқ ижросини таъминлаш, ижро хужжатлари ҳаракати ва натижаларини назорат қилиш бўйича самарали механизм яратишимиш керак. Шу муносабат билан Олий суд ва Бош прокуратурадан суд хужжатлари ижросини вактида ва тўлиқ таъминлаш бўйича судлар ва Мажбурий ижро бюроси ўртасида электрон маълумот алмашиш тизимини бир ой муддатда ишлаб чиқиш талаб қилинади.

Яна бир жиддий муаммога алоҳида тўхталиш зарур. Суд фаолиятини амалга ошириш, қонун устуворлигини таъминлаш, ҳуқуқни қўллаш, суд ишини ўрганиш, муаммоларни ўз вактида аниқлаш ва уларни бартараф этиш бўйича тизимли тадбирлар жорий этилмасдан келинмоқда. Олий суд хузурида ташкил этилган Тадқикот маркази бу соҳада факат номига иш юритган, Олий суднинг собиқ раҳбарияти эса марказ фаолиятига эътиборсиз қараб келган.

Марказнинг иши тўғри ташкил этилмагани ўз навбатида Олий суднинг қонунчилик ташаббусига эга ҳуқуқ субъекти сифатидаги фаолиятига салбий таъсир кўрсатган. 2010 – 2015 йиллар давомида Олий Мажлис томонидан қабул қилинган 140 та қонуннинг атиги 7 таси Олий суд ташаббуси билан

киритилганини қониқарли деб бўлмайди. Қолаверса, ана шу қонунларнинг бор-йўги биттаси янги қонун бўлиб, олтитаси амалдаги қонунларга ўзгартиш ва қўшимчалар киритиш билан bogлик хужжатлардир.

Шу ўринда суд тизимиға катта илмий салоҳиятга эга бўлган кадрларни кенг жалб этиш энг муҳим ва долзарб вазифа эканини алоҳида таъкидламоқчи-ман.

Сизларга яхши маълум, биз мамлакатимизда юқори малакали юридик кадрлар тайёрлаш тизимини такомиллаштириш мақсадида Тошкент давлат юридик университетини ташкил этган эдик. Лекин бугунги кунда нафакат суд тизимида, балки ҳуқуқни муҳофаза қилувчи бошқа идоралар ва давлат бошкаруви органларида ҳам малакали юридик кадрлар етишмаяпти. Ҳолбуки, мазкур университетни ҳар йили юзлаб талабалар битириб чикмоқда. Бу кадрлар қаерда ва қандай ишлар билан банд? Бу борада кимдир таҳлилий иш олиб боряптими?

Шуларнинг барчасини ҳисобга олиб, яқинда Тошкент давлат юридик университетида кадрлар тайёрлаш тизимини такомиллаштириш ва самародорлигини ошириш бўйича карор кабул қилинди. Лекин бу қарор ҳали қоғозда, уни ҳаётга жорий этиш, аник натижага эришиш учун ҳаммамиз биргаликда кўп иш қилишимиз лозим.

Бу борада тегишли давлат идоралари билан бирга, катта ҳаётий тажрибага эга, соҳа ривожига кўп меҳнати сингган судьялар ташаббусни ўз кўлларига

олиб, устоз-шогирдлик анъаналарини давом эттиришлари, ёш кадрларга ўз билим ва тажрибаларини ўргатишлари айни муддао бўлур эди.

Азиз дўстлар!

Ўйлайманки, барчамиз бугун бу залда айтилган масалаларнинг нечоғлик долзарб ва муҳим эканини яхши тушунамиз. Шу борада мавжуд вазиятни ижобий томонга ўзгартириш учун юқорида билдирилган таклифлар билан бирга, куйидаги ишларни амалга ошириш керак, деб ҳисоблайман.

Биринчи навбатда, суд тизимида фаолият кўрсатаётган барча раҳбар ва масъул ходимларда ўз ишига бўлган муносабатни тубдан ўзгартириш, шахсий масъулиятни кескин ошириш, халқимизнинг суд тизимига бўлган ишончини қатъий мустаҳкамлаш, судни том маънода адолат кўрғонига айлантиришимиз зарур.

Иккинчидан, жиноят ишларини кўшимча терговга қайтариш институтини бекор қилиш тўғрисидаги қарорни изчил бажариш, тергов органлари ишларни ҳар томонлама холис ва пухта тергов килиши, судлар эса масъулиятни ўз зиммасига олиб, узил-кесил айблов ёки оклов ҳукмини чиқариши шарт.

Учинчидан, судьялар кундалик фаолиятида халқ билан бевосита мулоқот шаклларини кенгайтириш орқали **одил судловга эришиш даражасини оширишнинг** барча чораларини кўришлари лозим.

Олий суд ва Судьялар олий кенгаши судьяларнинг мунтазам равишда халқ билан мулоқот ўрнатишига қаратилган аниқ тадбирларни амалга оширишлари керак.

Тўртинчидан, Олий суд жамият ҳаётида адолатни карор топтириш, фуқароларнинг ортиқча овора бўлишларига чек қўйиш мақсадида ўта мураккаб ишларни бевосита юкори судларда кўриб чиқишини назарда тутадиган тегишли қарор қабул қилинишини таъминлаши даркор. Шунингдек, Олий суд Пленуми қарорларини хатловдан ўтказиб, қонунларимизга зид бўлган нормаларни бекор қилиш чораларини кўрсин.

Бешинчидан, Олий суд ва Судьялар олий кенгашни суд амалиётининг доимий таҳлили асосида тизимли қонун бузилишларини аниқлаш ҳамда уларни қонунчиликни такомиллаштириш ва ягона суд амалиётини шакллантириш орқали бартараф этишга қаратилган комплекс чора-тадбирларни амалга оширасин.

Бундан ташқари, ягона суд амалийтини шакллантириш мақсадида фаолиятни умумлаштириш натижаларини кенг жамоатчилик эътиборига стказиш тизими ни жорий этсин.

Олтинчидан, Олий суд судлар фаолиятига замонавий ахборот-коммуникация технологияларини, жумладан, электрон суд стенографияси, видеоконференцалоқава бошқа илғор воситаларни кенг жорий этиш дастурини ишлаб чиқсан.

Еттинчидан, Олий суд ва Судьялар ассоциацияси Ўзбекистон Миллий телерадиокомпанияси, Ўзбекистон Миллий ахборот агентлиги билан ҳамкорликда «Судьялар клуби» ва «Суд ҳимоясида» рубрикасида

марказий телеканаллар ва оммавий ахборот воситаларида кўрсатув ва мақолалар ташкил этиш чораларини кўрсин.

Саккизинчидан, суд корпуси ходимларининг ижтимоий ҳимоясини кучайтириш, жумладан, хизмат уйларига бўлган эҳтиёжни ўрганиб, ушбу масала юзасидан Молия вазирлиги билан биргаликда тегишли дастур ишлаб чиқиш зарур.

Хурматли мажлис иштирокчилари!

Бугунги имкониятдан фойдаланиб, пойтахтимизда **Адолат саройи** деб аталадиган янги мажмуа барпо этиш ҳакидаги таклифни сизлар билан ўртоқлашмоқчиман.

Давлат ҳокимиятининг узвий тармоги бўлган суд тизимига кирадиган барча суд муассасаларини ана шу муҳташам бинога жойлаштиrsак, нима дейсизлар? Ушбу даргоҳ бу ерга адолат истаб кела-диган ҳар бир фукаро ўз саволларига қонуний жавоб топадиган масканга айланади, деб ишонаман.

Бугунги кунда суд-хукуқ соҳасида амалга оширилаётган ислоҳотлар ушбу тизим фаолиятини сифат жиҳатидан янги боскичга кўтаришга, эл-юртимизнинг одил судловга бўлган ишончини янада мустаҳкамлашга қаратилгани билан айниқса муҳим аҳамиятга эгадир.

Бу ҳақиқатни чукур англаған ҳолда, суд ҳокимиятининг ҳар бир вакили, у судья ёки оддий суд ходими бўладими, барча-барчаси бугун бу залда айтилган фикрлардан тўғри хulosса чиқариб, одил

судловни амалга оширишдек масъулиятли ва шарафли вазифани бажаришда бор билим ва салоҳиятини сафарбар этади, деб ишонаман.

Шу йўлда барчангизга сиҳат-саломатлик, куч-гайрат тилайман.

Суд органлари ходимлари билан учрашувдаги нутқ.

2017 йил 13 июнь

ВАТАНИМИЗ ТАҚДИРИ ВА КЕЛАЖАГИ ЙЎЛИДА ЯНАДА ҲАМЖИҲАТ БЎЛИБ, ҚАТЪИЯТ БИЛАН ҲАРАКАТ ҚИЛАЙЛИК

Ассалому алайкум, муҳтарам юртдошлар!

Аввало, шу улуг айём кунларида – муборак Рамазон ойида сиз, азизлар билан кўришиб турганимдан хурсанд эканимни билдириб, барчангизга ўзимнинг юксак хурмат ва эҳтиромимни изхор этишга ижозат бергайсиз.

Қадрли дўстлар!

Бугун сизлар билан – эл-юртимиз ўртасида катта обрў-эътиборга эга бўлган дин арбоблари, илм-фан, маданият намояндлари, жамоатчилик вакиллари билан муҳим бир масалани муҳокама қилиш учун шу муҳташам залга йиғилдик.

Кун тартибига қўйилган масала, яъни, ижтимоий-маънавий соҳани янада ривожлантириш, оиласари-миз, маҳаллаларимизда, бутун жамиятимизда соғлом муҳитни мустаҳкамлаш, ёшлар тарбияси, тинч-осуда ҳаётимизни, муқаддас динимиз поклигини асраш вазифаси бугунги кунда қандай улкан аҳамият касб этा�ётгани ҳакида, ўйлайманки, ортиқча гапиришнинг ҳожати йўқ.

Нега деганда, айнан шу масалалар бизнинг бутунги ва эртанги кунимизни, фарзандларимиз, набира-ларимиз тақдири ва келажагини, бир сўз билан

айтганда, ҳаёт-мамотимизни ҳал қилиши ҳеч кимга сир эмас.

Ҳар бир онгли инсонни чукур ўйлантириб, ташвиш ва хавотирга соладиган бу масалалар ҳакида сўз юритишдан аввал ҳозирги вактда шу йўналишда мамлакатимизда амалга оширилаётган кенг кўламли ишларга, дастур ва лойиҳаларга қисқача тўхталиб ўтиш, ўйлайманки, мақсадга мувофик бўлади.

Бугунги кунда она юртимиз, Ўзбекистонимиз тараккиётини янги боскичга кўтариш мақсадида 2017 – 2021 йилларда Ўзбекистон Республикасини янада ривожлантириш бўйича Ҳаракатлар стратегияси кабул қилингани ва уни ҳаётга татбик этиш бўйича фаол иш олиб борилаётганидан сизлар албатта хабардорсиз.

Таъкидлаш керакки, ушбу стратегия барча соҳа ва тармоқларда ҳаётимизга чукур кириб, амалий ҳаракатларимиз мезонига айланиб бормоқда. Айниқса, 2017 йилнинг юртимизда Халқ билан мулокот ва инсон манфаатлари йили деб эълон қилингани бу борада катта аҳамият касб этади.

Шу йўлдаги амалий қадамлар сифатида Ўзбекистон Республикаси Президентининг Халқ қабулхоналари ҳамда Виртуал қабулхонаси ташкил этилди. Бу тузилмалар ўтган қисқа даврда эл-юртимиз ўртасида фуқароларнинг талаб ва эҳтиёжларини қонуний асосда ҳал қилишда муҳим роль ўйнайдиган институттга айланиб бораётганини алоҳида қайд этиш керак.

Виртуал қабулхона ва Халқ қабулхоналари ўз фаолиятини бошлаганидан буён ўтган давр мобайнида мамлакатимиз бўйича қарийб 890 мингта якин фукаро ариза билан мурожаат қилган. Ушбу мурожаатларнинг 93 фоизи ўрганилиб, тегишли жавоб қайтарилди.

Мурожаатларнинг қолган қисми эса, айни пайтда мутахассислар томонидан кўриб чиқилмоқда. Алоҳида таъкидлаш зарурки, фуқароларимиздан келиб тушаётган мурожаатларнинг қарийб 80 – 90 фоизи асосли ва ўринли бўлиб, улар йиллар давомида зътибор қаратилмасдан, тўпланиб қолган муаммолар эканини таҳлиллар кўрсатмоқда.

Буларнинг барчаси, очигини айтадиган бўлсак, катта-кичик бўғиндаги раҳбарлар, давлат ва хўжалик органлари ходимлари халқ билан мuloқot қилишни деярли унутиб қўйганини, бу масала жамиятимизда накадар долзарб бўлиб турганини кўрсатади.

Шу муносабат билан мен яна бир бор таъкидлаб айтмоқчиман: халқ билан мuloқot ва инсон манфаатларини таъминлаш – бу вактинчалик кампания эмас, балки давлат сиёсатининг устувор йўналиши бўлиб, доимо зътиборимиз марказида турадиган масаладир.

Шу борада яна бир муҳим институт – Фуқаролар ҳукукларини химоя қилиш, жисмоний ва юридик шахсларнинг мурожаатлари билан ишлашни назорат қилиш ва мувофиқлаштириш бўйича Президентнинг давлат маслаҳатчиси хизмати тузилганини қайд этиш лозим.

Хозирги кунда ушбу хизмат ходимлари томонидан жойларда – Коракалпоғистон Республикаси, вилоятлар ва Тошкент шаҳрида сайёр қабуллар ташкил этилиб, ахолининг мурожаатлари маҳаллий давлат бошқаруви идоралари вакиллари иштирокида кўриб чиқилиб, қонуний ҳал килинаётгани ҳам сизларга маълум.

Бу ҳақда албатта кўп гапириш мумкин. Лекин ана шу ишларимиз, ислоҳотларимизнинг барча-барчаси улуғ ва ягона бир мақсадга қаратилган. У ҳам бўлса, ҳалқимизнинг тинчлиғи, осойишталигини асраш, ахоли фаровонлигини ошириш, фарзандларимизни соғлом ва баркамол инсонлар этиб тарбиялашдан иборат.

Бугун сизлар билан шу йўналишда олиб бораётган ишларимизни атрофлича таҳлил килиб, уларни танидий баҳолаб, ўз ечимини кутаётган долзарб вазифаларпи белгилаб олишимиз зарур.

Сизларга яхши маълум, бизнинг давлатимиз кўп миллатли ва кўп конфессияли давлат. Бугунги кунда мамлакатимизда 130 дан ортиқ миллат ва элат вакиллари бир оила фарзандлариdek ахил ва инок яшамоқда. Бу борада, хеч шубҳасиз, ҳалқимизга азалдан хос бўлган бағрикенглик анъаналари муҳим роль ўйнамоқда.

Ана шу ҳакиқатнинг тарихий тасдиғи сифатида бир мисол келтирмокчиман. Самарқанд шаҳрида Соҳибқирон Амир Темур даврида бунёд этилган, Дониёр пайғамбар номи билан аталадиган мақбара ислом, христиан ва яхудийлик дини вакиллари томонидан бирдек эъзозланади.

Эл-юртимиз неча асрлардан буён бу қутлуг қадамжони асраб-авайлаб, обод килиб, унга хурмат-эҳтиром кўрсатиб келмоқда.

Шу биргина мисолнинг ўзи олижаноблик, эзгулик ва том маънодаги бағрикенглик фазилати ҳалқимиз табиати, менталитети асосини ташкил этишидан далолат беради.

Бизнинг Конституциямиз ва конунларимизда, миллати, тили ва динидан қатъи назар, барча фуқароларимиз тенг хукуқ ва эркинликларга эга экани кафолатлаб кўйилган. Уларга ўз миллий маданияти, анъана ва урф-одатларини сақлаш, ҳар томонлама ривожлантириш учун барча имкониятлар яратилган.

Биз бугун амалга ошираётган Ҳаракатлар стратегиясининг бешинчи устувор йўналишида ҳам миллатлараро тотувлик ва диний бағрикенгликни таъминлаш бўйича энг муҳим вазифалар белгилаб берилган.

Юртимизда этник ўзига хосликни ривожлантириш ва миллатлараро муносабатларни янада уйғунлаштиришда 138 та миллий маданий марказ катта роль ўйнамоқда.

Ана шу марказлар фаолиятини янги босқичга кўтариш, хорижий мамлакатлар билан маданий дўстлик алоқаларини янада ривожлантириш мақсадида биз яқинда муҳим бир қарор қабул қилдик. Унга биноан Республика байналмилал маркази негизида Миллатлараро муносабатлар ва хорижий мамлакатлар билан дўстлик алоқалари кўмитаси ташкил этилди.

Эндиғи вазифа – мазкур құмита олдига қўйилган долзарб масалаларни самарағи ҳал қилиш, унинг фаолиятини талаб даражасида ташкил этишдан иборат.

Азиз дўстлар!

Мамлакатимизда мустақилликнинг ilk йилларидан бошлаб виждан эркинлигини таъминлаш масаласига устувор аҳамият берилди. Жумладан, муқаддас динимиз, миллий қадриятларимизни, буюк азизавлиёларимизнинг хотираси, меросини тиклаш, кадамжоларини обод қилиш бўйича жуда кўп иш килинди ва қилинмоқда.

Қиёслаш учун факатгина баъзи бир мисолларни келтирмокчиман.

Агар собиқ мустабид тузум даврида юртимизда 80 га яқин масжид фаолият кўрсатган бўлса, ҳозирги кунда уларнинг сони 2 минг 42 тани ташкил этмоқда.

Ўша қарамлик йилларида Ўзбекистонда саноқли кишиларгина ҳаж қилиш имкониятига эга бўлган эди, холос. Мустақиллик йилларида эса ҳар йили 5 мингдан зиёд юртдошимиз ҳаж зиёратига бориб келади. Жорий йилда 7200 нафар фуқароларимиз муборак ҳаж сафарини амалга ошириш имконига эга бўладилар. Бунинг учун барчамиз Оллохга шукронга келтириб, сиз, мухтарам уламолар, имомхатиблар, жамоатчилик вакиллари билан бирга динимиз тарихи, буюк алломалар ва азизавлиёларимиз меросини ўрганиш ва тарғиб этиш бўйича бошлаган ишларимизни давом эттиришмиз керак.

Кейинги вактда мен жойларда бўлиб, ҳудудларимиз ҳаёти билан янада яқиндан танишар эканман, шундай бир фикрга ишонч ҳосил қиляпманки, биз ҳали юртимизни, унинг ўзига хос тарихи, маданияти, улуғ олиму уламоларини, бебаҳо маънавий меросимизни тўлиқ ўрганганимиз йўк. Мисол учун, Қашқадарё заминида буюк аллома, мотуридия таълимотининг йирик вакили Абу Муин Насафий бобомиз яшаб ўтганлар. У киши узок муддат Бухоро ва Самарқандда таҳсил олиб, қалом илми, яъни исломий эътиқод поклиги масаласида 15 га яқин китоб ёзганлар. Ана шу китобларида, бундан минг йил олдин дин масаласида адашганларга тўғри йўл кўрсатганлар.

Биз сайловолди учрашувларида ваъда қилган эдик. Ҳаммангиз «ойнаи жаҳон» орқали кўрдингиз, буюк ҳадисшунос аллома Исо Термизий бобомизнинг Сурхондарё вилояти Шеробод туманидаги мангу оромгоҳларини ҳар томонлама обод қилиб, у ерда алоҳида илмий марказ барпо этдик.

Худо хоҳласа, Насафий бобомиз зиёратгоҳида ҳам ана шундай муazzам мажмуа барпо этамиз, бу улуг зотнинг китобларини таржима қилиб, нашрдан чиқарамиз.

Мана шундай савобли ишларни Бухорода Баҳоуддин Нақшбанд ҳазратларининг қадамжолари бўйича, Тошкентда Имом Термизий номидаги масжид ва Сузук ота мақбараси бўйича бошлаб юборганимиздан сизлар албатта хабардорсиз, деб ўйлайман.

Шу билан бирга, очиқ тан олиш керак, тарихий-диний меросимизни ўрганиш, тиклаш ишлари ҳамма жойда ҳам талаб даражасида эмас.

Яқинда Бухоро вилоятида сафарда бўлганимизда, машхур Мир Араб мадрасасини кўриб, тўғриси, анча хижолат бўлдим. Неча замонлардан буён ҳалкимизга, динимизга хизмат қилиб келаётган, нафакат юртимиз, балки мусулмон дунёсида шухрат қозонган қанчадан-қанча уламоларни камолга етказган бу муқаддас даргоҳ ачинарли ҳолга тушиб қолгани албатта афсуслидир.

Бугунги кунда мазкур диний ўкув масканининг нуфузи ва мақомини ошириш, моддий-техник базасини мустаҳкамлаш, бу ердаги қадимий биноларни тубдан таъмирлаш, ён-атрофдаги худудни ободонлаштириш бўйича зарур чора-тадбирлар амалга оширилмоқда.

Ана шундай эзгу ишларимиз қаторида биз ҳозир яна бир йирик лойиҳани амалга ошириш устида иш олиб боряпмиз.

Маълумки, бизнинг минтақамиз, аввалимбор, бугунги Ўзбекистон замини ислом илм-фани ва маданиятининг қадимий бешикларидан бири ҳисобланади.

Ҳалқимизнинг ана шундай бой тарихий, илмий, маънавий меросини ҳар томонлама ўрганиш, жаҳон афкор оммасига кенг таништириш, энг муҳими, ислом динининг асл инсонпарварлик моҳиятини чукур очиб бериш мақсадида биз азим пойтахтимиз Тошкент шаҳрида **Ўзбекистондаги Ислом маданияти марказини** барпо этишга карор қилдик. Нега

деганда, «Жаҳолатга қарши – маърифат» шиори остида мана шундай марказни ташкил этишни бутун даврнинг ўзи тақозо этмоқда.

Ушбу марказни машхур Ҳастимом мажмуаси худудида ташкил этиш, бу ерда юртимиздан етишиб чикқан буюк ислом олимлари, аллома ва мутафаккирлари, жаҳон маданияти ривожига унтуилмас ҳисса қўшган улуғ шоир ва адиблар, рассом ва хаттотларга оид бой маълумотларни мужассам этиш кўзда тутилмоқда.

Марказ аввало меъморий ва бинокорлик нуқтаи назаридан ниҳоятда улуғвор, муҳташам ва ноёб бўлиши лозим. Ушбу мажмуа ўзида нодир экспонатларга бой музей ва кутубхонани мужассам этади. Шу билан бирга, бу ерда кенг кўламда илмий-тадқиқот ишлари ҳам олиб борилади.

Бу масканга ташриф буорувчилар бир вақтнинг ўзида ислом оламининг ўнлаб энг ёрқин намояндаларининг ҳаёти ва фаолияти билан танишиш имконига эга бўлади. Масалан, Имом Бухорий, Имом Термизий, Имом Мотуридий, Абу Муин Насафий, Нажмиддин Кубро, Маҳмуд Замахшарий, Баҳоуддин Накшбанд, Хўжа Аҳрор Валий каби азиз-авлиёларимиз, Муҳаммад Ҳоразмий, Аҳмад Фарғоний, Абу Райҳон Беруний, Ибн Сино, Мирзо Улуғбек, Али Кушчи, Алишер Навоий, Захириддин Муҳаммад Бобур сингари аллома ва мутафаккирлар, Камолиддин Беҳзод, Маҳмуд Музахҳиб каби мусавиirlарнинг бебаҳо меросидан намуналар, улар таваллуд топган ва фаолият кўрсатган тарихий

шахарлар манзарадари турли ноёб экспонатлар оркали акс эттирилади.

Бизга ватандош бўлган ҳар бир аллома ва мутафаккирнинг ҳаёти ва фаолиятига экспозицияда алоҳида бир бўлим бағишиланади.

Ўзбекистонда уларнинг шарафига барпо этилган меъморий ёдгорликлар макетлари, қўлёзма ва босма асарлар, хаттотлик намуналари, ўша даврдаги амалий санъат буюмлари ва бошқа экспонатлар шу бўлимларда намойиш этилади.

Ўз вақтида Соҳибқирон Амир Темур бобомиз юртимизга олиб келган муқаддас Куръони каримнинг Усмон нусхаси мазкур музейнинг марказида нур сочиб, бутун зални чароғон этиб туради.

Азиз дўстлар, фурсатдан фойдаланиб, барчангизни ана шу савобли ишда ўз таклиф ва маслаҳатларининг билан фаол иштирок этишга чақираман.

Сизларга яхши маълумки, турли давр ва шароитларда тақдир тақозоси билан юртимиз тарихи ва маданиятига, динимизга оид қўплаб ноёб қўлёзмалар ва архив ҳужжатлари четга олиб кетилгани. Улар бугунги кунда хорижий давлатларнинг фонд ва музейлари, илмий-маърифий муассасаларида сакланмоқда. Ушбу ноёб тарихий ашёлар ва санъат асарлари нафакат ҳалқимизнинг нодир дурдонаси, балки жаҳон аҳамиятига молик йирик коллекциялар хисобланади.

Чет элларда сакланаётган маданий бойликларимизни аниқлаш ва уларни ҳар томонлама ўрганиш, имкон қадар мамлакатимизга олиб келиш мақсадида

кейинги даврда бирмунча ишлар амалга оширилди. Лекин ҳаммамиз тушунамизки, бу ишларни жамоатчилик асосида ҳал қилиб бўлмайди. Бу масалани давлат сиёсати даражасига кўтариш зарур. Бу эса тегишли молиявий ва ташкилий ресурсларни, соҳага юкори илмий салоҳиятли кадрлар ва мутахассисларни жалб қилишни талаб этади.

Бу муҳим вазифани амалга ошириш учун биз ҳозирги вақтда Вазирлар Маҳкамаси ҳузурида алоҳида марказ тузиш бўйича қарор лойиҳаси устида ишляпмиз. Бундан асосий мақсад шуки, тарихимиз, маданиятимиз, динимизга алоқадор бир варак қўлёзма бўлса ҳам, уларни тўплаб, ҳалқимизни, ёшларимизни таништириш, бизнинг қандай буюк ва бетакрор меросимиз борлигини англатиш, фарзандларимизни шу улут меросга муносиб этиб тарбиялашдан иборат.

Бизнинг ана шундай ишларимиз нафақат юртимизда, балки чет элларда ҳам жиддий қизиқиш уйғотмоқда.

Дунёдаги, мусулмон оламидаги нуфузли ҳалқаро ташкилотлар, катта обрў-эътиборга эга бўлган расмий шахслар бу борада биз билан ҳамкорлик қилиш истагини билдиришмоқда.

Сизларга маълумки, 2016 йил октябрь ойида Ислом ҳамкорлик ташкилоти Ташки ишлар вазирлари кенгашининг Тошкент шаҳрида ўтказилган учрашувида Ўзбекистон томонидан Ином Бухорий номидаги ҳалқаро илмий тадқиқотлар марказини тузиш тўғрисида ташаббус илгари сурилган эди.

Яқинда Саудия Арабистонига сафаримиз пайтида Ўзбекистон Республикаси хукумати билан Ислом тараккиёт банки ўртасида айни шу масала бўйича англашув меморандуми имзоланди.

Мазкур банк президенти Бандар Ҳажар жаноблари ушбу ташаббусни қўллаб-куватлаб, «**Ислом тараккиёт банки** – бу Ўзбекистоннинг банки», деб айтдилар. Бу сўзлар бутун ислом уммати, ислом жамоатчилигининг Имом Бухорий юртига, унинг авлодларига бўлган юксак хурмат-эҳтироми ифодаси, десак, айни ҳакиқат бўлади.

Саудия Арабистонида ўтказилган халқаро саммитда катта-катта давлатлар, араб, мусулмон мамлакатлари ва АҚШ раҳбарияти бир фикрга алоҳида ургу беришди. Яъни, улар жаҳолатга қарши маърифат, таълим-тарбияни кучайтириш билан курашиш зарур эканини таъкидлашди.

Бу фикрлар диний масаладаги бизнинг ёндашуви-миз билан уйғун ва ҳамоҳанг экани айниқса эътиборли-дир. Жумладан, АҚШ Президенти Дональд Трамп жаноби олийлари ҳам шу борада аниқ ва конструктив таклифларни илгари сурди.

Мен Президент сифатида Америка халки ва ўз номидан кафолат бераман, биз терроризм ва экстремизмга қарши каттиқ кураш олиб борамиз, бу йўлда, кайси дин вакили бўлишимиздан катъи назар, барчамиз бирлашишимиз зарур. Ер юзида тинчликни сақлаш ва мустаҳкамлаш энг асосий вазифамиз бўлиши керак, деди АҚШ Президенти.

Саммит минбаридан янграган бундай гаплар албатта бизга ҳам маъқул бўлди. Шу нуқтаи назардан караганда, биз бугунги кунда ижтимоий-маънавий хаётимизни ривожлантириш борасида амалга ошираётган ишларимизни янги босқичга кўтаришимиз, бунинг учун давлатимиз ва жамиятимизнинг барча куч ва имкониятларини сафарбар этишимиз шарт. Чунки ҳозирги вактда дунё миқёсида хукм сураётган таҳликали вазият, сиёсий ва иқтисодий инқирозлардан ташвишга тушмаётган бирорта давлат ёки жамият йўқ, десак, ҳеч қандай муболага бўлмайди.

Айниқса, халқаро терроризм, экстремизм, наркотрафик, диний қарама-қаршилик, ноқонуний миграция, одам савдоси, экологик муаммолар, айрим минтақаларда иқтисодий начорлик, ишсизлик, қашшоқлик кучайиб бораётгани бутун инсониятни қаттиқ хавотирга солмоқда.

Ана шундай ўта мураккаб ва қалтис шароитда қандай йўл тутиш, қандай қилиб тинчлик ва осойишталиknи саклаш, баркарор ривожланишини таъминлаш мумкин, деган савол барчамизни жиддий ўйлантириши зарур.

Айниқса, кейинги пайтда турли мамлакатларда содир этилаётган террорчилик ҳаракатларининг ижро-чилари қаторида миллатимизга мансуб кимсалар ҳам борлиги халқимизда афсус ва надомат уйғотмоқда.

Тинчлик ва осойишталиknи, инсонийликни ҳамма нарсадан устун кўядиган халқимиз бундай шахсларни, уларнинг қилмишларини кескин қоралайди. Уларни ўзбек деган номга номуносиб деб ҳисоблайди.

Хозирги вактда ёшлар, айниңса, чет элда ишлаб, халол меңнат билан даромад топаман, деб юрган фуқароларимиз терроризм ва экстремизм чангалига тушиб колмаслиги учун биз барча чораларни күрятпиз.

Авваламбор, күшни давлатлар билан ҳамкорлик алоқаларини ривожлантиришга алоҳида аҳамият беряпмиз. Бизнинг мақсадимиз улар билан ракобат килиш эмас, балки ҳамкорлик алоқаларини кучайтириш, умумий муаммоларни биргаликда ечишдан иборат.

Шу мақсадда, мана, Туркманистон ва Қозоғистон Республикасига қисқа муддатда икки марта ташриф билан бордик. Россия Федерацияси, Хитой Халқ Республикаси, Саудия Арабистонига ташрифларимиз ҳам самарали бўлди.

Россия Федерациясига давлат ташрифи чоғида меңнат миграцияси бўйича муҳим келишувга эришдик. Бизнинг бу борадаги позициямиз аниқ: одам каерда бўлса ҳам ишлаши, оиласи, бола-чақасини боқиши керак. Лекин у халол меңнат қилиши, конуний йўл билан даромад топиши лозим. Бунинг учун давлатимиз барча шароитларни яратиб беришга тайёр.

Аммо яратилган имкониятлардан тўғри фойдаланмасдан, эгри кадам босадиган, эл-юртимизга иснод келтирадиган кимсалар – уларни нонкўр десак, тўғри бўлади – бундай шахслар билан бошқача иш олиб борамиз. Буюк шоиримиз Захириддин Муҳаммад Бобур айтганидек, «**Ҳар кимки вафо қилса, вафо топқусидур, Ҳар кимки жафо қилса, жазо топқусидур**».

Мұхтарам дүстлар!

Бугунғи кунда ижтимоий-маънавий мұхитни ва аҳоли турмуш шароитини яхшилаш, ёшларни турли диний экстремистик оқимлар таъсиридан асраш масаласи барчамиз учун энг асосий масала бўлиб турибди.

Шу муносабат билан мен Тошкент шаҳрининг Шайхонтохур тумани ва Андижон вилояти фаоллари билан бўлган учрашувда айтган баъзи фикрларимни бугун сизларнинг олдингизда такрорлашни ўринли, деб биламан.

Биз кўп жойларда жаҳолатга қарши маърифат ташаббуси билан чиқяпмиз. Муқаддас ислом динини никоб килиб бошқа кўчаларга кириб кетаётган жоҳил кимсалар бир нарсани тушунмайди ёки тушунишни истамайди. Яъни, ислом факат нурли ҳаётга, илм-маърифатга, яхшиликка ундаиди. Ҳеч қачон хунрезлик, котиллик, зўравонликка чақирмайди. Ана шу ҳакиқатни тан олмасдан, сохта гояларга алданиб, зарарли оқимларга кириш, террорчи бўлиш – бу Ўзбекистон халкига мутлако тўгри келмайди.

Алҳамдулиллоҳ, ҳаммамиз мусулмонмиз, бунинг шукронасини килиб, фарзандларимизни ҳам бундай неъматнинг қадрига етадиган инсонлар этиб тарбиялашимиз керак эмасми?

Мұхтарам имом-хатибларимиз Худо йўлида холис хизмат килишни ўз зиммаларига олганлар. Бу ҳам масъулият, ҳам улкан шараф. Шунинг учун соғлом эътиқод йўлини тарғиб қилишни аввало кимдан сўраймиз? Сиз, азизлардан сўраймиз. Шу борада барчамиз кимдан ибрат оламиз? Сиз, азизлардан.

Шунинг учун ҳам сизларнинг катта билимингиз, обрў-эътиборингизни инобатга олиб, мен сизларга, барча дин ахлларига, жамоатчилигимизга мурожаат қилмоқчиман: юртимизда тинчликни, осойишталикни саклашда бизга ёрдам беринг.

Агар маҳалланғизда бирорта бола заарли диний оқимга кириб қолган бўлса, уни нотўғри йўлдан қайтаришга ҳаракат қилинг. Аввало, улар билан гаплашиб, бу – ота-боболаринг йўли эмас, бу йўлдан қайт, ҳақиқат мана бу ёқда, тинчлик ва эзгулик йўлидан бориб, ҳеч ким кам бўлмаган, деб уларни соғлом эътиқодга ишонтириш керак. Билим билан, ақл ва маърифат, намунали ишлар билан ишонтириш керак. Тарихдан, бугунги ҳаётимиздан олинган ҳаётий, таъсирчан мисоллар билан инонтириш керак.

Бундай тарғибот, бундай ташвиқот сизларнинг кўлингиздан албатта келади.

Йўлдан адашган болани дарров душманга чиқармасдан, уни ўзимизнинг фарзандимиз, деб билишимиз керак. Унга бутун қалбимиз, юрагимиз билан ачинаётганимизни шу бола билсин. Зора, шунда уларнинг ҳам қалб кўзи очилса, тўғри йўлга қадам кўйса...

Бир боланинг йўлдан адашиши – бу нафақат бир оила, балки бутун жамият бошига тушган кулфат. Бундан аввало шу боланинг ота-онаси, ака-укалари, яқинлари жабр кўради. Бундай пайтда уларга ёрдам бериш керак. Биз эса, афсуски, улардан ўзимизни олиб қочамиз. Тўйга чақирмаймиз, маросимга чакирмаймиз, у фалончининг акаси ёки ўғли, деб уларнинг нафратини баттар авж олдирамиз, айбсиз одамларни ашаддий душман қиласиз.

Натижада нима бўлади? Кулфат камайиш ўрнига кўпаяди. Бошқа оилалар ҳаётига ҳам кириб боради.

Бугун шу масалани кўндаланг кўядиган вақт келди.

Буюк маърифатпарвар бобомиз Абдулла Авлоний **«Олижаноб кишилар узни қабул қилур»**, деб таъкидлаган эканлар. Халқимиз – мард ва олижаноб халқ. Ким чин дилдан узр сўраса, тавба қилса, албатта гунохидан кечади. Шунинг учун ҳозирги кунда қанча адашганларни кечириб, тўғри йўлга соляпмиз. Бирини ўкишга, бирини ишга, бирини касбга қайтаряпмиз.

Минг афсуски, заарли диний оқимга кирган болани «Бу – қўшнининг боласи, бошқа қишлоқ ёки туманнинг боласи», деб лоқайд бўлаётганлар ҳам орамизда йўқ эмас. Кимdir четга чиқиб, экстремистларга қўшилиб юрган бўлса, баъзи раҳбарлар, у Фаргонадан эмас, Андижондан, Қашқадарёдан эмас, Самарқандан, деб бепарво бўлмоқда. Лекин у Ўзбекистон фарзанди, Ўзбекистон фуқароси-ку!

Шу муносабат билан бир фикрни алоҳида таъкидлаб айтмоқчиман: Ўзбекистонда давлат давлатчилигини қиласи, конун устувор бўлади. Худога шукр, давлат раҳбари сифатида буни таъминлашга менинг кучим ҳам, билимим ва салоҳиятим ҳам албатта етади. Бу ҳақиқатни ҳеч ким, ҳеч қачон эсидан чиқармасин.

Халқимизда **«Икки кеманинг бошини тутган ғарқ бўлади»**, деган мақол бор. Қайси раҳбар, қайси имом-хатиб у томонга ҳам, бу томонга ҳам ёқаман,

деб иш кўрмокчи бўлса, каттиқ адашади. Бизга бундай иккиюзламачи, мунофик одамлар мутлақо керак эмас.

Мусулмонлик ҳар биримизнинг юрагимизда, виж-донимизда бўлиши лозим. Инсон имон-эътиқодли бўлса, юртига содик бўлиб хизмат қилса, у ҳакиқий ватанпарвар бўлади. Агар у эътиқодсиз бўлиб, чаласавод бўлиб, хиёнат қилиб, боя айтганимдек, икки томон билан ҳам «ўйин» қиласман, бу давлат кетса, анавилар келиб колса, улар билан ҳам тил топишаман, деб найранг қиласиган бўлса, билиб кўйинглар, бундай «номер»лар бизга ўтмайди.

Албатта, ашаддий террорчи ва экстремистлар ўз йўлидан қайтмайди. Уларнинг мияси, бутун хужайраси заҳарланиб, кўли конга ботиб бўлган. Уларга гап уқтириб, инсофга чақиришнинг ҳеч кандай фойдаси йўқ.

Шунинг учун ҳам ҳар қайси маҳалла, ҳар бир туман ва вилоят ўз худудидан чиқкан, чет ёлларда террорчи гурухлар сафида юрган ашаддий экстремистларни Ўзбекистон фуқаролигидан чиқариш ҳакида Ўзбекистон Президентига таклиф киритиши зарур.

Бу масалани аввало чукур ўрганиш керак, айби исботланган тақдирда мен уларни Ўзбекистон фуқаролигидан маҳрум қилишга тайёрман. Окни – ок, қорани – кора, дейдиган вақт келди. Бизга бундай нон-кўрлар керак эмас.

Айни вақтда бу масала бўйича жойлардаги ижро органлари, ҳокимликлар, давлат ва жамоат ташкилотлари ҳам ўз муносабатини ўзгартириши лозим.

Адашганлар ҳақида гапирганда, жамоатчилигимиз, имом-хатибларимиз, керак бўлса, туман ҳокимига бориб, «Бу йигитга иш беринг, уй беринг, у ўзи асли ёмон одам эмас экан, кимнингдир ноинсофлиги, адолатсизлиги туфайли шу кўйга тушибди», деб айтишдан кўрқмасин.

Бугунги йиғилишда иштирок этаётган ва вилоятларда ўтирган барча раҳбарлар ҳам бу гаплардан албатта хулоса чиқариши керак.

Бугун қанча ёшлар сохта алдовларга учиб, ўз умрини хазон қилаётганини ўйлаб, тўғриси, тунлари ухламасдан чиқаман. Ўзингиз айтинг, азиз биродарлар, бу аччик ҳақиқат юрагимизга ханжар бўлиб санчилиши керак эмасми?

Ахир, кечагина шу ёшлар, ўзимизнинг қоракўзлар, биримизнинг маҳалладошимиз, биримизнинг ўғлимиз, биримизнинг қизимиз ёки жиянимиз эди-ку! Улар қачон адашди, қачон нотўғри йўлга кириб кетди?

Биз нега ғафлатда колдик? Қачон, қаерда хатога йўл кўйдик? Фарзандларимиз қачон бегоналарнинг қўлига ўтиб кетди? Нима жин урдию улар ўз ота-онаси, ўз юртининг душманига айланиб колди?

Бугун бу мудҳиш бало-қазонинг олдини олмасак, бор кучимизни шунға сафарбар этмасак, эртага кеч бўлади.

Юртимизда яшаётган, оиласини, фарзандларининг эртанги кунини ўйлайдиган ҳеч бир инсон, дин арбоблари, жамоатчилик вакиллари бу ҳаёт-мамот масаласидан четда турмаслиги керак.

Мана, ўзингиз кўряпсиз, Афғонистон, Сурия, Ирок. Ливия каби давлатларда нима бўляпти? Яна қандай мисоллар керак ўзи? Бу фожиалар барчамизнинг кўзимизни очиши зарур эмасми?

Куръони каримда айтилган «Ўз қўлларингиз билан ўзингизни ҳалокатга ташламанг», деган ҳикматли сўзлардан ҳаммамиз хulosа чиқаришимиз лозим. Бизнинг бепарволигимиз, лоқайдлигимиз факат фожиа келтиради. Болаларимиз, оиласиз, бутун юртимиз бошига фалокат келтиради. Айтинглар, ўзини инсон деб биладиган, виждони, имони бор ҳеч бир одам буни истайдими? Йўқ, албатта.

«Бола ота-она қўлида бир омонатдир», дейди буюк алломаларимиз. Болаларимиз, уларнинг тақдири, келажаги ҳақиқатан ҳам жуда омонат эканини бугунги ҳаёт ҳар томонлама исботламоқда.

Агар фарзандимизга тўгри тарбия бермасак, ҳар куни, ҳар дақиқада унинг юриш-туриши, кайфиятидан огох бўлиб турмасак, уларни илму хунарга ўргатмасак, муносиб иш топиб бермасак, бу омонатни бой бериб кўйишимиз ҳеч гап эмас.

Биз кўпинча, болам мактабда, ўкишда ёки чет элда ишлайпти, деб хотиржам юрамиз. Лекин бизнинг бундай соддалигимиз, бепарволигимиздан душманлар маккорлик билан фойдаланмоқда. Бизнинг жону жаҳонимиз бўлган фарзандимиз душманлар қўлида куролга айланиб қолса, бунинг учун аввало ким айбдор? Ўзимиз эмасми?

Шунинг учун мактаб, лицей ва коллежлардаги, олий ўкув юртларидағи таълим-тарбия, биринчи

навбатда, давомат масаласига ниҳоятда жиддий эътибор беришимиз шарт.

Биронта ўкувчи ёки талаба узрсиз ўкишга келмай кўйса, таълим маскани ҳам, оила ҳам, маҳалла, ҳокимият идоралари ҳам бу тўғрида бонг уриши, сергак тортиши, буни фавқулодда бир ҳол деб баҳолаши керак.

Ана шундай назорат тизими самарали ва ўзаро боғлиқликда ишлайдиган бўлса, албатта биз вазиятни кўлга олиб, уни ижобий томонга ўзгартира оламиз.

Шунинг учун ҳам биз туманларда ҳокимлар ҳамда ички ишлар бўлими бошликларининг ёшлар билан ишлаш бўйича ўринбосари лавозимини ташкил этдик.

Кейинги йилларда халқимиз ўртасида кенг тарқалган «Ўз уйингни ўзинг аср!» деган даъватга бугун «Ўз болангни ўзинг аср!» деб қўшимча киритиш вакти келди, деб ўйлайман.

Адашган ёшларни тарбиялашимиз, керак бўлса, жазони ўташ жойларига ҳам бориб, улар билан гаплашишимиз лозим. Чин дилдан тавба қилиб, отонаси, оиласи бағрига, тўғри йўлга қайтишни ният килган одамларга амалий ёрдам беришга мен давлат раҳбари сифатида доимо тайёрман.

«Нуроний», «Маҳалла» жамғармалари, Хотин-қизлар қўмитаси, «Камолот» ёшлар ижтимоий ҳаракати, ички ишлар идоралари ва бошқа тегишли ташкилотлар бу масала бўйича бевосита жавобгар бўлиб, иш самарадорлигини тубдан оширишлари, мутлақо янги тизимга ўтишлари зарур.

Бу борадаги энг муҳим вазифалар ҳақида гапирганда, қўйидагиларни алоҳида таъкидлашни истардим.

Биринчидан, жойларда маҳсус ҳисобга олинган фуқароларнинг турмуш шароити, ижтимоий-иктисодий аҳволи, муаммоларини ўрганиш, ушбу тоифа шахслар нега радикаллашиб кетганининг сабабларини ҳар томонлама чукур таҳлил этиш лозим.

Ана шу ишларнинг натижалари бўйича давлат ва жамоат ташкилотлари фаолиятида қўллаш учун аниқ тавсия ва таклифлар ишлаб чиқишни бугун хаётнинг ўзи талаб этмоқда. Агар биз шу йўналишдаги ишларни аввалгидек давом эттирадиган бўлсак, яъни, умумий профилактика ишларини ёшлар радикал диний оқим аъзосига айланганидан сўнг ўтказадиган бўлсак, бундай хавф-хатарга қарши ҳеч қачон самарали кураша олмаймиз.

Кисқача айтганда, узокни кўзлаб, керак бўлса, ҳаётда бир қадам олдинда юриб, бизни доғда қолдирмоқчи бўлганларнинг ҳийла-найрангларини аввалдан билиб, биринчи зарбани улар эмас, биз беришимиз зарур. Шунда давлатнинг – давлат, жамиятнинг – жамият экани бор кучи ва кудрати билан намоён бўлади.

Иккинчидан, диний маърифат ва маънавий-ахлокий тарбия масалалари бўйича маҳалла маслаҳатчилари, профилактика инспекторлари, имом-хатиблар ва хукуқни муҳофаза қилиш органларининг тегишли ходимлари учун малака ошириш ўқувларини ташкил этиш керак. Бу ўқувларда уларни диний экстремистик ва террорчи гурухларнинг иш усули, ғаразли ғоя ва мақсадлари билан таништириб бориши зарур.

Адашган шахслар билан ишлайдиган мутахассис, у маҳалла маслаҳатчиси, имом-хатиб ёки профилактика инспектори бўладими, бундан қатъи назар, аввало бузғунчи кучлар қандай гояларни илгари суроётганини билиши керак.

Акс ҳолда у ана шу гоялар хато экани, дину диёна тимиз, элу юртимиз манфаатларига зид келишини тушунтириб беролмайди. Бундай ҳолатда қандай килиб адашган кимсани тўғри йўлга ишонтириш мумкин?

Учинчидан, ҳокимларнинг ёшлар билан ишлаш ҳамда жамоатчилик ва диний ташкилотлар, шунингдек, хотин-қизлар бўйича ўринбосарлари аввало ўзлари ташаббус кўрсатиб, турли сохта ваъдалар, ҳавоий гаплар ортидан эргашган фукароларимизнинг хона-донларига кириб боришлари керак. Улар билан сухбат ўтказишлари, иссик-совуғи, ташвиш ва муаммоларидан хабардор бўлишлари лозим. Уларнинг кундалик режасида ҳар куни қайси диний оқим аъзоси билан учрашиш, диний-ахлокий жиҳатдан муаммоси бўлган хонадоннинг масаласини ҳал этиш бўйича аниқ вазифалар акс этиши шарт.

Агар биз ёлғон гояга алданганларни ўз ҳолига ташлаб қўядиган бўлсак, эртага четда пайт пойлаб турган қабиҳ ёв келиб, уни ўз ортидан етаклаб кетмаслигига ким кафолат беради?

Бугунги кунда диний экстремистик оқим аъзоларининг фарзандларини жамоат ишларига, дунёвий турмуш тарзига, хусусан, фан ва касб-хунар тўгараклари, санъат фестиваллари, спорт мусобақаларига жалб

килишга етарлича эътибор қаратилмаяпти. Буни албатта коникарли деб бўлмайди. Нега деганда, бир-икки марта номига тадбир ўтказиш билан иш битмайди. Бу йўналишда ҳар куни, ҳар соатда, доимий ва тизимли равишда иш олиб бориш керак. Буни маънавий ҳаёт, ғоявий-мафкуравий иш деб қўйибди. Бу бизга ғалла ёки чигит экиш эмас, уругни тупрокка ташладик, бўлди, энди кутамиз, деб қараб ўтирсак.

Мафкура соҳасида бўшлиқ деган нарсанинг ўзи ҳеч қачон бўлмайди. Чунки инсоннинг қалби, мияси, онгу тафаккури ҳеч қачон ахборот олишдан, фикрлашдан, таъсирланишдан тўхтамайди. Демак, унга доимо маънавий озик керак. Агар шу озикни ўзи яшаётган муҳитдан олмаса ёки бу муҳит уни қониктирмаса, нима бўлади, айтинглар? Бундай озикни у аста-секин бошка ёқдан излайди. Шунга йўл бермаслигимиз керак. Мана, гап нима ҳакида кетяпти!

Бунинг учун ўзини жамиятимиз, ёшлиаримиз маънавияти, ғоявий-мафкуравий тарбияси учун масъул деб билган инсонлар – бу маҳалла ёки диний ташкилотлар бўладими, хукуқ-тартибот идоралари ходимлари ёки катта таъсир кучига эга ижодкор зиёлилар бўладими – уларнинг барчаси айникса фаол бўлишлари лозим.

Афсуски, биз бу масалаларда ухлаб ўтирибмиз. Гапнинг очиги шу: ухлаб ўтирибмиз. Душман эса ўз ишини киляпти. Баъзи ўринларда ҳатто максадига ҳам эришяпти.

Агар бу сўзларим кимгадир қаттиқ ботса, нотўғри бўлса, марҳамат, буни ҳам очиқ айтинглар. Мен эшитишга тайёрман.

Яна бир масала – эл-юртга пешво бўлиб юрадиган муҳтарам имом-хатибларимиз юксак маънавияти, одоб-ахлоқи билан аввало ўzlари бошқаларга ибрат ва намуна кўрсатмас экан, уларнинг ваъзхонлиги одамларга чивин чаққандек ҳам таъсир қилмайди.

Холисона айтганда, барча имом-хатибларимиз шу талабларга жавоб берадими?

Тўртингидан, ҳар бир маҳаллада маҳалла раиси, маслаҳатчилар, участка инспектори ва имом-хатибининг масъулияти ва жавобгарлигини ошириш фурсати етди.

Имом-хатиблар кенг жамоатчилик орасида мамлакатимизда хукм сураётган тинчлик ва хотиржамликни кўз корачигидек асрраб-авайлаш, бундай барқарор ва осойишта муҳит осмондан тушмаётганини тарғиб этиш, ота-боболаримиз минг йиллардан буён пок саклаб келаётган ислом дини ҳар қандай зўравонликка, бузгунчиликка, бегуноҳ инсонларнинг қонини тўкишга мутлақо қарши эканини оят ва ҳадислар асосида, жонли мисоллар ёрдамида таъсиран етказиб беришлари зарур.

Муқаддас Куръони каримда мусулмонларга қаратади **фирқаларга бўлинманг**, деган мазмундаги кўрсатмалар бор. Шунинг ўзи турли оқимларга бўлиниб, одамларни тўғри йўлдан адаштиришга динимиз мутлақо қарши эканига яққол далил эмасми?

Бешинчидан, бизни ҳамиша ўйлантириб келадиган яна бир муҳим масала – бу ёшларимизнинг одоб-

ахлоки, юриш-туриши, бир сўз билан айтганда, дунё-караши билан боглик.

Бугун замон шиддат билан ўзгаряпти. Бу ўзгаришларни ҳаммадан ҳам кўпроқ ҳис этадиган ким – ёшлар. Майли, ёшлар ўз даврининг талаблари билан уйғун бўлсин. Лекин айни пайтда ўзлигини ҳам унутмасин. Биз киммиз, қандай улуг зотларнинг авлодимиз, деган даъват уларнинг қалбида доимо акс-садо бериб, ўзлигига содик колишга унданб туурсин.

Бунга ниманинг ҳисобидан эришамиз? Тарбия, тарбия ва факат тарбия ҳисобидан. Лекин тарбия дегани факат мактаб тарбиясидан иборат эмас. Ҳозир ҳаммамиз бор айбни мактабга ағдаришга ўрганиб қолганмиз.

Маҳалла, оила, кенг жамоатчилик-чи? «Бир болага етти маҳалла ҳам ота, ҳам она» деган мақолнинг ҳақиқий маъносини англайдиган вақт келди. Англаб, шу асосда яшайдиган вақт келди.

Лекин бугунги кунда маҳалладаги болалар, айникса, уюшмаган ёшларнинг такдири билан ким қизиқяпти? Улар кимлар билан ҳамсұхбат бўлаётгани, ўкишга қачон бориб, қачон келаётганини ким назорат қиляпти?

Ёшлар, хусусан, ўсмиirlар орасида безорилик, жиноятлар сони ортишига қандай омиллар сабаб бўляпти?

Баъзи йигит-кизлар учун меҳр-оқибат, ахлок-одоб тушунчалари бутунлай бегона бўлиб бораётгани, уларда бефарқлик, масъулиятсизлик, меҳнат қилмасдан кун кўришга интилиш каби иллатлар пайдо бўлаётгани – аччик бўлса-да, ҳақиқат.

Бунинг тасдигини кўплаб мисолларда кўриш мумкин.

Айрим ёшларнинг кисқа ёки узок вакт чет элга, меҳнат сафарига бориб келиб, ўз эътиқодини хато деб ҳисоблаб, бизга буткул ёт бўлган оқимлар, ғоя ва тушунчаларни олиб келаётгани ҳам – бор гап. Айни ҳакиқат бу. Бундай ҳолатлар барчамизни ташвишга солиши шарт.

Ёки турмуш курган келин-куёвлар орасида ҳаётни енгил-елпи тасаввур қилиш, оила муқаддас эканини тушуниб етмаслик ҳолатлари ҳам, афсуски, учраб турибди.

Ёш оиласлар орасида арзимас сабаблар билан ажралишлар кўпайиб бормоқда. Бегуноҳ болалар етим бўлиб, меҳр ва эътиборга энг ташна вактида ота-она тарбиясидан четда қолмоқда.

Яна бир нохуш ҳолатни бугун афсус билан айтмоқ-чиман: оиласларда носоглом муносабатлар, қайнона-келин, эр-хотин ўртасидаги жанжаллар, хотин-қизларимиз орасида ўз жонига қасд қилиш ҳолатлари борлиги шахсан мени қаттиқ изтиробга солмоқда.

Сизлар яхши биласизлар, Куръони каримда «Ўзингизни ноҳақ ўлдирмангиз», деб буюрилади. Муборак ҳадисларда ўз жонига қасд қилганлар ҳеч қачон жаннатга тушмаслиги ҳам баён қилинади.

Шунга қарамасдан, аёлларимиз орасида ўз жонига қасд қилиш ҳолатлари барҳам топмаётган экан, биз аввало бунинг сабабларини бартараф этиш ҳакида ҳар томонлама ўйлашимиз, жумладан, аҳолимиз, аёлларимиз ўртасида динимизнинг бу кўрсатмаларини тушунтиришимиз лозим.

Шу ўринда яна бир нозик масала бўйича алоҳида тўхталиб ўтмоқчиман. Баъзан ҳаётда «ЗАГС», яъни, Фуқаролик ҳолати далолатномаларини ёзиш органида рўйхатдан ўтмасдан туриб, пул эвазига яширинча шаръий никоҳ ўқитиш, хотин устига хотин олиш ҳолатлари ҳам, минг афсуски, учраб турибди.

Бир пайтлар ҳаётнинг ўзи рад этган кундошлик, кўшхотинлик балоси қандай хунук оқибатларга олиб келиши барчамизни ташвишга солиши керак. Атоқли адабимиз Абдулла Қодирий «Ўткан кунлар» романида кундошлик туфайли бутун бир оила бошига тушган фожиаларни жуда таъсирчан тасвирлаб бергани наҳотки сабок бўлмаган бўлса?

Ахир, тегишли давлат идорасида қонуний қайд этилмаған «никоҳ»дан тугилган фарзандларнинг тақдери, келажаги нима бўлади? Табиийки, давлат қонунлари бўйича улар кўпгина ҳукуклардан маҳрум бўлиб колади. Ҳусусан, оталикни белгилаш, тугилганлик тўғрисида гувоҳнома олиш, мерос ҳукуки, ўсиб-улғайганидан кейин боғчага, таълим муассасаларига қабул килиш масалаларида канчадан-канча муаммолар пайдо бўлади.

Энг ёмони, бундай болалар руҳан мажруҳ бўлиб, турли маънавий нуқсонлар билан вояга етади. Улар ўзини жамиятнинг тўлақонли аъзоси деб ҳис этолмайди.

Хурматли имом-хатиблар, сизлар Фуқаролик ҳолати далолатномаларини ёзиш органидан берилган хужжатни кўрмасдан туриб, турли бойваччаларга

шаръий никоҳ ўқиб бераётганингизда мана шундай ишингиз оиласларга қандай баҳтсизлик, жамиятга қандай катта муаммо олиб келаётганини лоақал тасаввур қиласизларми ўзи?!

Хозирги кунда ҳаётимизда авж олаётган ана шундай хунук, ярамас ҳолатларга чек қўйиш мақсадида алоҳида қонун лойиҳаси ишлаб чиқилмоқда. Бу қонунда Фуқаролик ҳолати далолатномаларини ёзиш органидан берилган ҳужжатга эга бўлмаган шахсларга шаръий никоҳ ўқиган ҳар қандай муллага, агар у валломат бўлса ҳам, жиной жазо бериш кўзда тутилади.

Олтинчидан, кучли фуқаролик жамиятини барпо этишда жамоатчилик назоратини тизимли йўлга қўйиш энг мақбул йўлдир. Бу – жаҳон тажрибасида синовдан ўтган йўл.

Давлат қачон ўз вазифасини муваффақиятли адо этади? Қачонки давлат идоралари фаолияти устидан самарали жамоатчилик назорати ўрнатилган бўлса.

Афсуски, хозирги кунда жамоатчилик назоратининг таъсири амалда сезилмаяпти. Одамлар орасида ҳалигача бокимандалик кайфияти хукм сурмокда. Давлат бор-ку, боксин-да, деган кайфиятлардан, афсуски, тўлиқ кутула олмаяпмиз.

Жамоат ва диний ташкилотлар билан ҳамкорлик қилиш бўйича Президентнинг давлат маслаҳатчиси раҳбарлигидаги Республика ишчи гурухи кейинги пайтда қарийб барча ҳудудларда ижтимоий-маънавий муҳитни ўрганиш ва аникланган муаммоларни

бартараф этиш учун жамоатчилик назоратини кучайтириш юзасидан тегишли чора-тадбирларни амалга оширмоқда. Лекин шунинг ўзи етарли эмас. Барчамиз бир ёқадан бош чиқариб, ана шу муаммоларни биргаликда ечмасак, четдан келиб ҳеч ким уларни ҳал килиб бермайди.

Ҳаммангиз биласиз, ҳозирги пайтда бирор-бир ташкилотта битта қўшимча штат бериш қанчалик кийин. Аммо биз жамиятимиз, халқимизнинг тинчлиги ва осойишталигини ўйлаб, ички ишлар тизими, «Маҳалла» ва «Нуроний» жамғармаларига, «Камолот» ёшлар ижтимоий ҳаракатига, Хотин-қизлар қўмита-сига қўшимча штатлар бердик, уларнинг иш шароитини яхшилашга қаратилган чора-тадбирларни амалга оширдик. Энди улардан маънавий-маърифий тадбирларнинг натижаси бўйича, жумладан, адашганларни тўғри йўлга солиш бўйича амалий ишларни кутишга ҳақлимиз.

Қадрли юртдошлар!

Бугунги учрашувимиздан фойдаланиб, сизлар билан яна бир масала ҳакида фикрлашиб олмокчиман.

Сизларга яхши аёнки, мамлакатимизнинг дсярли барча ҳудудларида динимиз равнаки йўлида бскиёс хизмат килган буюк азиз-авлиёлар, аллома зотлар хотирасига барпо этилган ёдгорлик мажмуалари, илмий марказлар фаолият кўрсатмоқда. Уларнинг кошида ислом динининг алоҳида йўналишлари бўйича илм олишга, мутахассис бўлишга тайёрлаб борадиган илмий мактаблар ташкил этсак, нима дейсизлар?

Масалан, Самарқандда – Имом Бухорий илмий марказида ҳадисшунослик, Имом Мотуридий маркази қошида калом илми, Фарғонада – Марғиноний илмий марказида ислом хукуқи мактаби, Бухорода – Баҳоуддин Накшбанд марказида тасаввуф, Қашқадарёда – Абу Муин Насафий марказида ақида илми мактабини ташкил этсак, ўйлайманки, бу жуда фойдали бўлади.

Келгусида чукур билимли имом-хатиблар, исломшунос мутахассислар, уламолар тайёрлашда, энг муҳими, фарзандларимизни буюк аждодларимизнинг бебаҳо мероси руҳида, соғлом эътиқод руҳида тарбиялашда бу мактаблар таянч бўлиб хизмат қиласди.

Куни кеча Имом Бухорий бобомиз ёдгорлик мажмуасида бўлганимда бу масаланинг нақадар муҳим ва долзарб эканини айниқса чукур хис этдим.

Айни вактда Ўзбекистон мусулмонлари идораси фаолияти самарадорлигини ошириш, унинг тасарру-фидаги ташкилотлар ва имом-хатибларга қулайликлар яратиш учун қуидаги масалаларни кўриб чиқишимиз зарур, деб ўйлайман.

Биринчидан, Ўзбекистон мусулмонлари идораси ва унинг тизимидағи масжид ва таълим муассасаларининг нотижорат ташкилот сифатида фаолият юритишини инобатга олиб, улар томонидан тўланадиган ягона ижтимоий тўловнинг микдорини қайта кўриб чикиш зарур.

Иккинчидан, Ўзбекистон мусулмонлари идорасининг Самарқанд вилоятидағи Имом Бухорий мажмуаси қошида фаолият кўрсатаётган имом-хатиблар

малакасини ошириш ўкув марказининг фаолиятини кучайтириш, унинг илмий салоҳиятини, моддий-техник базасини мустаҳкамлаш бўйича аник чора-тадбирлар ишлаб чиқишимиз ва амалга оширишимиз зарур.

Учинчидан, мамлакатимизда маърифий йўналишдаги нашрларга берилган имтиёзларни Ўзбекистон мусулмонлари идорасининг «Ҳидоят» журнали ва «Ислом нури» газетаси ҳамда диний-маърифий нашрлар учун ҳам жорий этиб, уларга ҳам солик ва мажбурий ижтимоий тўловлар бўйича белгиланган имтиёзлар бериш адолатдан бўлади, деб ўйлайман.

Тўртинчидан, «Ўзбекистон» телеканали орқали бериладиган «Ҳидоят сари» маърифий дастури ва «Зиё» студияси кўрсатувларини, ўйлайманки, юртимизда кўпчилик катта қизикиш билан томоша қиласди. Ана шу кўрсатувлар ижодкорларининг самарали меҳнатини инобатга олиб, уларни бундан буён ҳам кўллаб-куватлаймиз.

Муҳтарам юртдошлар!

Юртимиз остонасига бостириб келаётган ёвуз хавфхатарларнинг олдини олиш, уларга маърифат билан карши курашишда, ҳеч шубҳасиз, дину диснатимиз йўлида сидқидилдан хизмат қилиб келаётган сиз, муҳтарам домла-имомларимиз, барча диний ходимларнинг ўрни ва таъсири бекиёс.

Сизлар инсон туғилганида чақалокка аzon айтишдан то уни сўнгги йўлга кузатишгача – бир умр у билан бирга бўласизлар. Яъни, ҳаётимиздаги барча яхши ёмон кунларда доимо биз билан биргасиз.

Биз сизларнинг одамларни меҳр-оқибатга, ҳалолликка чакириш, ёшларни ахлоқ-одоб руҳида тарбиялаш, оиласар, маҳаллаларда тинчлик, ҳамжиҳатлик мухитини мустаҳкамлаш бўйича олиб бораётган савобли ишларингиз учун барчангиздан миннатдормиз.

Айни пайтда бугун замон шуни талаб қиляптики, бу борадаги фаолиятимизни янада кучайтирмасак, унинг самарасини оширмасак, шунча қилган саъй-ҳаракатларимиз бекор кетади. Бундан буён ҳар бир имом-хатиб фаолиятига у иш олиб бораётган тумандаги диний вазиятга қараб баҳо берилади.

Шу нуқтаи назардан қараганда, Шайхонтохур тумани ва Андижон вилояти фаоллари билан бўлган учрашувда муҳокама қилинған масалалар ва уларнинг ечими бўйича бошланган ишларни мамлакатимиз миқёсида кенг тарғиб этиш мақсадга мувофиқ, деб ўйлайман.

Мен ўзим кўп жойларда эшитаман, имом-хатибларимизнинг маъруза ва сұхбатлари, афсуски, кўпинча фақат тор диний мавзу билан чекланиб қолади. Ҳолбуки, одамларимизда шукроналик, эртанги кунга ишонч туйғусини, соғлом эътиқодни кучайтиришга асос берадиган жуда кўп мисолларни бугунги ҳаётимиздан истаганча келтириш мумкин. Мисол учун, биргина «Халқ билан мулоқот ва инсон манфаатлари йили» Давлат дастури доирасида 300 дан зиёд чоратадбир белгиланган бўлиб, уларнинг ижроси учун 37,7 триллион сўм ва 8,3 миллиард АҚШ доллари миқдорида маблаг сарфлаш кўзда тутилган.

Дастур доирасида 2017 йилда кишлук жойларда 15 мингта янги намунарадаги арzon, такрор айтаман, арzon уй-жойлар барпо этилади. Ўзингиз яхши тушунасиз, бу дунёда уйга мухтож бир одамга бошпана куриб бериш ҳам динимизда катта савоб иш деб баҳоланади.

Шу маънода, бундай олижаноб анъаналар халқимиз ҳаётида ҳеч қачон тўхтаб колмагани, давлатимиз томонидан бугунги кунда янада кенг микёсла давом эттирилаётганини айтиб ўтиш жоиз, деб ўйлайман.

Юртимизда тадбиркорлик соҳасида яратилаётган қулай шароитлардан фойдаланиб, ёшлиарни ўз мустакил ишини очишга даъват килиш – бу ҳам динимиз буюрган яхши амаллардан бири.

«Дилинг – Оллоҳда, қўлинг – меҳнатда бўлсин» деган даъват буюк Баҳоуддин Накшбанд бобомиз томонидан айни шу мақсадда айтилган, десак, ўйлайманки, адашмаган бўламиз.

Мана, бу йил кишлук жойларда яна бир ибратли тажрибани бошладик. Яъни, ғалладан бўшайдиган 1 миллион 15 минг гектар ерда такрорий экинлар экини учун руҳеат беряпмиз. Бу ўтган йилга нисбатан икки баробар кўп. Мақсад – ер бекор турмасин, одамлар даромад олсин.

Албатта, бундай мисолларни яна кўплаб келтириш мумкин.

Буларнинг барчаси халқимиз учун, унинг ҳаёт даражаси ва сифатини ошириш учун каратилганини англаш албатта қийин эмас.

Энг мухими, улар муқаддас динимиз даъват этадиган эзгу ишларга ҳар томонлама уйғун ва ҳамоҳанг эканини сиз, азизлар айникса чукур тушунасиз ва қадрлайсиз, деб ўйлайман.

Қадрли дўстлар!

Биринчи Президентимиз мухтарам Ислом Абдуғаниевич Каримов томонидан мамлакатимиз мустақиллигини барча соҳаларда мустаҳкамлаш, хусусан, муқаддас динимизни тиклаш, унинг поклигини саклаш, жамиятимизда диний бағрикенглик, миллатлар ўргасида дўстлик ва ҳамжихатлик мухитини карор топтиришда улкан ишлар амалга оширилганини бар-чамиз яхши биламиз.

Бугун, Оллоҳ розилиги йўлида, ҳалқимизнинг улуг фарзанди Ислом Каримов хотирасига багишлаб юртимизнинг барча вилоятларида ифторлик маросимлари ташкил этилмоқда.

Шу фурсатдан фойдаланиб, сиз, азизларнинг барчангизни кечки пайт «Наврӯз» мажмуасига таклиф этишга ижозат бергайсиз.

Тутган рўзаларингиз даргоҳида қабул бўлсин.

Қадрли ва мухтарам ватандошлар!

Биз ўз йўлимизда қандай ҳавф-хатарга дуч келмайлик, уни фақат мустаҳкам иродамиз, дину диёнатимиз билан енга оламиз.

Биз қандай маррага эришмокчи бўлсак, унга фақат она юртимизга меҳр-муҳаббат, садоқат ва фидойилик билан эришамиз.

Биз эркин ва фаровон келажагимизни курмокчи бўлсак, фақат мард ва олижаноб халқимиз билан бирга барпо этамиз.

Ишончим комил, бу ҳақиқатни бугун барчамиз чин юракдан хис қилиб турибмиз. Истардимки, шу буюк туйгу амалий ишларимиз, фаолиятимизда асосий мезон бўлсин.

Шу йўлда Оллоҳ таоло барчамизга доимо мададкор бўлсин, куч-гайрат ато этсин!

*«Ижтилоий барқарорликни таъминлаш, мұқаддас диннің соғылғынни асраш – давр татаби»
мавзусидаги анжуманда сұзланған нұтқ.
2017 йыл 15 шуńь*

МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИГА

Қадрли дўстлар!

Аввало, сиз, азизларни – юртимиздаги барча журналистлар, газета ва журналлар, теле-радиоканаллар, нашриёт ва матбаа корхоналари фидойиларини, мухтарам фахрийларни Матбуот ва оммавий ахборот воситалари ходимлари куни билан чин қалбимдан самимий муборакбод этиб, сизларга ўзимнинг чукур хурмат-эҳтиромим, эзгу тилакларимни изҳор этишга руҳсат бергайсиз.

Кундалик ҳаётимизнинг ажралмас кисми бўлган оммавий ахборот воситалари ҳақида сўз юритганда, биз, аввало, доимо янгилик излаб, янгиликка интилиб, ҳаётнинг қайнок нуқталарига кириб борадиган, холислик ва ҳакқонийлик, Ватан ва халқ манфаатларини биринчи ўринга қўядиган олижаноб ва масъулиятли касб эгаларини тасаввур киласиз.

Хурматли юртдошлар!

Бутун мамлакатимиз қатори Ўзбекистон оммавий ахборот воситалари ҳам мустакиллик йилларида катта ривожланиш йўлини босиб ўтганини барчамиз яхши биламиз ва бундай ютуқлар билан ҳақли равишда фахрланамиз.

Ҳозирги кунда республикамизда 1500 дан зиёд оммавий ахборот воситаси фаолият кўрсатмоқда. Биргина Ўзбекистон Миллий телерадиокомпанияси таркибидаги телеканалларнинг бир сутка давомидағи умумий эфир вақти 616 соатни ташкил этмоқда. Ҳолбуки, мустакилликдан олдин бу ракам бор-йўғи 48 соатга teng эди, холос.

Эътиборга молик жиҳати шундаки, оммавий ахборот воситаларининг таркиби ҳам тубдан ўзгариб бормоқда. Буни юртимиздаги барча телеканалларнинг қарийб 53 фоизи, радиоканалларнинг эса 85 фоизи нодавлат оммавий ахборот воситалари экани ҳам тасдиклайди. Яқин кунларда иш бошлайдиган, кечаю кундуз узлуксиз фаолият олиб борадиган «O'zbekiston – 24» телеканали миллий ахборот маконида ўз муносиб ўрнини ва ўз томошабинларини топади, деб ишонамиз.

Бу ҳақда сўз юритганда, энг тезкор ахборот воситаси – Ўзбекистондаги тобора чукур кириб бораётганини алоҳида қайд этиш лозим. Ҳозирги вактда глобал тармоқда Uz доменли веб-сайтлар, ахборот порталлари сони 400 дан ошиб кетгани, уларнинг аксарияти хорижий тилларда ҳам фаолият кўрсатаётгани, ушбу йўналишда янги ижодий авлод – Интернет журналистлари шаклланиб бораётгани эътиборга сазовордир.

Албатта, бундай натижаларга эришишда оммавий ахборот воситаларини ривожлантириш масаласи давлатимиз ва жамиятимизнинг доимий диққат маркази

з�다 бўлиб келаётгани ҳал қилувчи роль ўйнамоқда. Ана шундай эътибор туфайли ўтган даврда журналистларимиз учун фаолият майдонини кенгайтириш, уларнинг ҳуқук ва манфаатларини таъминлаш мақсадида кўп ишлар қилинди. Жумладан, матбуот ва оммавий ахборот воситаларини либераллаштириш ва ривожлантириш, сўз эркинлигини таъминлашга қаратилган, демократик талаб ва стандартларга тўла жавоб берадиган 10 га яқин қонун ҳужжати қабул қилиниб, бу борада мустаҳкам ҳукукий база яратилди.

Ўзбекистон Журналистлари ижодий уюшмаси, Миллий матбуот маркази, Электрон оммавий ахборот воситалари миллий ассоциацияси, Мустақил босма оммавий ахборот воситалари ва ахборот агентликларини кўллаб-кувватлаш ва ривожлантириш жамомат фонди каби ташкилотлар муваффақиятли фаолият кўрсатмоқда. Кейинги пайтда уларнинг қаторига Халқаро пресс-клуб ҳам қўшилди.

Сиз, азизларга яхши маълум, бугунги кунда мамлакатимизда китоб маҳсулотларини нашр қилиш ва тарқатиш тизими самарадорлигини ошириш, китобхонлик маданиятини юксалтириш масаласига катта аҳамият берилмоқда. Бундай муҳим вазифани амалга ошириш учун юртимизда 118 та нашриёт, 1 минг 760 та матбаа корхонаси, минглаб ижодий ва техник ходимлар фаолият олиб бормоқда. Уларнинг саъй-ҳаракатлари билан ҳар йили 7 тилда 60 миллион нусхадан ортиқ китоб чоп этилмоқда.

Албатта, бу ҳақда кўп гапириш мумкин. Лекин ана шу миқдор кўрсаткичларини сифат кўрсаткичларига айлантириш, шу асосда оммавий ахборот воситаларининг ҳакиқий тўртингчи ҳокимият бўлиб майдонга чиқишига эришиш, миллий медиа майдонимизда фикрлар ва қарашлар ранг-баранглигини таъминлаш бугунги кунда долзарб вазифа бўлиб колаётганини барчамиз яхши тушунамиз.

Бу борада 2017 – 2021 йилларда Ўзбекистон Республикасини янада ривожлантириш бўйича Ҳаракатлар стратегиясида энг муҳим устувор йўналишлар белгилаб берилгани сизларга яхши маълум, албатта.

Халқ билан мулоқот, одамларнинг орзу-интилишлари, дарду ташвишлари билан яшаш давлат сиёсати даражасига кўтарилаётган бугунги кунда ҳар бир оммавий ахборот воситаси чинакам мулоқот майдонига, эркин фикр минбарига айланган тақдирдагина биз ўз олдимизга кўйган мақсадларга эриша оламиз.

Айникса, ҳаётимиздаги мавжуд муаммоларни, жойларда ташкил этилган Президентнинг Халқ қабулхоналари ва Виртуал қабулхонада аҳоли томонидан кўтарилаётган ўткир ва долзарб масалаларни, уларнинг сабаб ва омилларини очиб бериш, жамиятимизда танқид ва ўзини ўзи танқид руҳини кучайтириш, афсуски, оммавий ахборот воситалари фаолиятида ҳали тўла ўз ифодасини топгани йўқ.

Бугун замон шиддат билан ўзгармоқда. Ҳаёт барчамиздан дадил ҳаракатларни, фаол ташабbusларни,

ҳамма соҳада ҳаққоний ва одил муносабатни талаб этмоқда. Кўпни қўрган, сабр-тоқатли, меҳнаткаш ва олижаноб халқимиз амалга оширилаётган ана шундай муҳим ўзгаришларнинг натижасини кутмоқда.

Эл-юртимизнинг эзгу орзу-истакларини рўёбга чи-カリш, бу йўлда ғов бўлиб турган турли тўсикларни, бюрократизм, лоқайдлик, таъмагирлик, коррупция каби салбий иллатларни дадиллик билан кўтариб чикиб, уларга карши муросасиз жамоатчилик фикрини шакллантиришни ўз касби, ўз ҳаётининг маъномазмуни деб биладиган журналистларни мен ҳақиқий журналист деб ҳисоблайман.

Албатта, барчамиз яхши тушунамиз, бунинг учун оммавий ахборот воситалари вакилларидан нафақат профессионал билим ва малака, ҳаётий тажриба, ўз сўзи учун масъулият хисси, айни вактда юксак гражданлик позицияси, маънавий жасорат ҳам талаб этилади. Бундай мақсадга эришиш учун оммавий ахборот воситаларига қонунчилик нуктаи назаридан, моддий-техник, ўкув-услубий таъминот нуктаи назаридан янада кенг имкониятлар яратиб беришимиз керак.

Замонавий миллний журналистика мактабини яратиш кўп жиҳатдан, аввало, юксак маънавий-интеллектуал салоҳиятга эга бўлган, бугунги кун талабларига жавоб берадиган малакали кадрларни тарбиялаш билан чамбарчас боғлиқдир. Бу муҳим вазифани амалга ошириш учун биз аввало тегишли олий ўкув юртларининг моддий-техник базасини мустаҳкамлаш,

таълим стандартлари ва ўқув дастурларини такомиллаштириш, профессор-ўқитувчиларнинг савияси ва малакасини ошириш, соҳага ахборот-коммуникация технологияларини кенг жорий этиш, давлат ташкилотлари ва фуқаролик институтлари, эксперталар ҳамжамияти, хорижий ва ҳалқаро ижодий ташкилотлар билан ҳамкорликни янада кучайтиришимиз зарур.

Бугун Ўзбекистон барча соҳаларда тараккиётнинг янги боскичига қадам қўймокда. Олдимизда турган, бир-биридан муҳим ва долзарб вазифаларни ҳал этишда, юртимизда тинчлик-осойишталиқ, ўзаро ҳамжиҳатлик муҳитини янада мустаҳкамлаш, ҳалқимизнинг бунёдкорлик салоҳиятини, унинг ўз кучига, эртанги қунга бўлган ишончини ошириш, ҳаётимизда конун ва адолат устуворлигини таъминлаш, давлат идоралари фаолияти устидан жамоатчилик назоратини амалга ошириш, бир сўз билан айтганда, ҳалқ манфаатининг чинакам ҳимоячиси бўлишда оммавий ахборот воситалари бундан буён ҳам фаол ҳаракат олиб борадилар, деб ишонаман.

Мен сиз, муҳтарам матбуот аҳлининг ҳаётимизни янада эркин, обод ва фаровон этиш учун доимо фидойилик кўрсатиб яшашингизни яхши биламан ва сизларни шу йўлда ўзимнинг энг яқин ҳамкорларим ва ёрдамчиларим деб ҳисоблайман. Сизларнинг машакқатли ва масъулиятли меҳнатингиз ўз муносиб баҳосини топиши, янада самарали бўлиши учун биз давлатимиз ва жамиятимизнинг барча куч ва имкониятларини албатта сафарбар этамиз.

Азиз ва муҳтарам дўстлар!

Барчангизни бугунги касб байрамингиз билан яна
бир бор самимий қутлаб, сизларга сиҳат-саломат-
лик, олижаноб фаолиятингизда омад ва ютуклар, хона-
донларингизга файзу барака тилайман.

Доимо соғ-омон бўлинг, азизлар!

*Шавкат МИРЗИЁЕВ,
Ўзбекистон Республикаси Президенти.
2017 йил 27 июнь*

ЖИСМОНИЙ ВА МАЬНАВИЙ БАРКАМОЛ ЁШЛАР – БУГУНГИ ВА ЭРТАНГИ КУНИМИЗНИНГ ҲАЛ ҚИЛУВЧИ КУЧИДИР

Қадрли анжуман иштирокчилари!

Аввало, сиз, азизлар билан «Камолот» ёшлар ижтимоий ҳаракатининг IV қурултойида учрашиб турганимдан хурсанд эканимни билдириб, барчангизга ўзимнинг чукур хурматим ва эзгу тилакларимни изҳор этишга рухсат бергайсиз.

Очиғини айтганда, мен бугунги учрашувга кўпдан буён тайёргарлик кўриб келаётган эдим. Юртимиз ёшларининг муносиб вакиллари, эртанги кунимиз эгалари бўлган сиз, азиз ўгил-қизларимиз даврасида ёшимиз, лавозимдаги фарқларга эътибор бермасдан, ҳуддики сизлар билан тенг бўлиб, чин дилдан, самимий бир сухбат қуришни анчадан бери орзу қилиб келар эдим.

Бугун сизларнинг қалбингиз, юрагингиздаги ўй-фикрлар, мақсад-муддаолар, керак бўлса, ушалмай турган ниятлар билан яқиндан танишиш, шу асосда ёшлар сиёсати бўйича олиб бораётган ишларимизни танқидий баҳолаб, тегишли қарорлар қабул қилишни мен ўз фаолиятим учун ғоят муҳим деб хисоблайман.

Маълумки, ёш авлод тарбияси ҳамма замонларда ҳам муҳим ва долзарб аҳамиятга эга бўлиб келган.

Аммо биз яшаётган ХХI асрда бу масала ҳақиқатан ҳам ҳаёт-мамот масаласига айланиб бормоқда.

«Тарбия қанча мукаммал бўлса, ҳалқ шунча баҳтли яшайди», дейди донишмандлар. Тарбия мукаммал бўлиши учун эса бу масалада бўшлиқ пайдо бўлишига мутлақо йўл кўйиб бўлмайди.

Барчангизга аён, ҳозирги кунда дунё миқёсида бешафқат рақобат, қарама-қаршилик ва зиддиятлар тобора кескин тус олмоқда.

Диний экстремизм, терроризм, гиёхвандлик, одам савдоси, ноконуний миграция, «оммавий маданият» каби хавф-хатарлар кучайиб, одамзот асрлар давомида амал килиб келган эътиқодлар, оиласвий қадриятларга путур етказмоқда.

Мана шундай ва бошқа кўплаб таҳдидлар инсоният ҳаётида жиддий муаммоларни келтириб чиқараётгани – айни ҳақиқат ва буни ҳеч ким инкор этолмайди.

Бугунги учрашувимизда ана шу мураккаб вазиятни ҳисобга олган ҳолда, мамлакатимизда ёшларга оид давлат сиёсати қандай амалга ошириляпти, бу соҳада қандай муаммолар бор, уларни қандай ҳал килишимиз керак, бу борада ёшлар ташкилотининг ўрни қандай бўлиши лозим, деган масалалар ҳақида атрофлича гаплашиб олсак, ўйлайманки, мақсадга мувофик бўлади.

Ҳурматли йигилиш катнашчилари!

Бугунги кунда мамлакатимизда барча соҳаларни модернизация қилиш ва янгилаш жараёнлари янги боскичда жадал олиб борилмоқда.

Ҳаёт талабларидан келиб чиқиб, юртимиздаги кўпгина давлат ва нодавлат ташкилотларининг фаолияти янада такомиллаштирилмоқда.

Шу нуктаи назардан қараганда, нафакат ёшларимиз, балки бутун халқимиз тақдирига дахлдор бўлган «Камолот» ёшлар ижтимоий ҳаракатининг бугунги куни ва эртанги истиқболи барчамизни ўйлантириши табиий.

Сизларга яхши маълум, бундан 16 йил олдин, яъни, 2001 йилда ташкил этилган «Камолот» ёшлар ижтимоий ҳаракати ўтган давр мобайнида ёшлар хаётига кириб бориб, уларнинг маълум бир кисмини ўз атрофида бирлаштиришга, ўз Дастури ва Уставида белгиланган максад ва вазифаларни имкон даражасида бажаришга ҳаракат қилиб келмоқда.

Ташкилот томонидан ёшларни ҳар тарафлама кўллаб-кувватлаш, хукук ва манфаатларини химоя килиш, уларнинг ҳаётда ўз ўрнини эгаллашига кўмаклашиш бўйича бир қанча ижобий ишлар амалга оширилганини албатта эътироф этишимиз керак.

Айни вактда таҳлиллар шуни кўрсатмоқдаки, моҳият эътибори билан ёшларнинг ҳакиқий таянчи ва суюнчи бўлиши зарур бўлган «Камолот» ҳаракати фаолиятида жiddий камчилик ва нуқсонлар кўзга ташланмоқда.

Биринчидан, «Камолот» бутун Ўзбекистон ёшларини бирлаштирган, том маънодаги оммавий ҳаракатга айлана олмади. У асосан ўз атрофида Ҳаракат фаолиятига хайриҳоҳ бўлган ёшларни уюштириб, факат уларни кизиктирған масалалар юзасидангина иш олиб борди.

Натижада ёшларнинг кенг қатламларига тааллукли бўлган долзарб масалалар, аввало, ёшларнинг бандлигини таъминлаш, уларни катта мақсадлар сари сафарбар этиш, уюшмаган ёшлар билан ишлаш, қисқача айтганда, ёшларнинг ҳукуқ ва манфаатларини ҳимоя килиш бўйича ўзини ҳакиқий ёшлар ташкилоти сифатида кўрсата олмади.

Маълумотларга кўра, ҳозирги вақтда «Камолот»нинг 4 миллионга яқин аъзоси бор. Бу мамлакатимиздаги 10 миллиондан зиёд йигит-қизларнинг 40 фоизини ташкил этади.

Бир карашда, 4 миллион – салмокли ракам бўлиб кўринади. Лекин холисона айтганда, ташкилотга аъзолик кўп ҳолларда факат қофозда мавжуд, амалда эса аксарият аъзолар «Камолот» тўғрисида аник тасаввурга эга эмас, унинг мақсад ва вазифаларини билмайди, ўз етакчиларини танимайди, Ҳаракат фаолиятида иштирок этмайди.

Натижада юртимиздаги минглаб ёшлар, айниқса, кишлок жойларда нафакат «Камолот»нинг, айни вақтда давлат ва жамиятнинг эътиборидан четда колмоқда. Улар билан ҳеч ким деярли шуғулланмаяпти, улар ўз холига ташлаб кўйилган, десак, аччик ҳакиқатни тан олган бўламиз.

Бунинг оқибатида уюшмаган, яъни, ишламайдиган, ўқимайдиган, тайин бир машгулотга эга бўлмаган, салбий таъсирларга берилувчи ёшлар сони ортиб бормоқда.

Ёшлар ўртасида жиноят содир этиш, диний экстремистик оқимларга, террорчи гурухларга кўшилиб колиш ҳолатлари кўпайиб бораётгани кузатилмоқда.

2016 йилда ёшлар иштирокида 1 миллион 740 мингга якин хукукбузарлик, 23 минг 440 та жиноят содир этилгани, ёш оиласлар ўртасида 8 мингдан ортиқ ажралиш ҳолати қайд этилгани барчамизни жиддий ташвишга солиши керак.

Албатта, бу борада ҳамма айбни факат «Камолот»га юклаб қўйиш адолатдан эмас. Бу масалада маҳаллий ҳокимликлар, ички ишлар бўлимлари, прокуратура, суд, маҳалла идораларининг ҳам айби бор.

Айни вактда бу масалада ёшлар билан доимо ҳамнафас, ҳамфикр бўлиб яшаши, ишлаши керак бўлган «Камолот» ва унинг жойлардаги бўлинмалирининг масъулияти кўпроқ, десак, тўғри бўлади.

«Камолот» фаолиятидаги бундай камчиликларнинг албатта **объектив ва субъектив сабаблари бор.**

Объектив сабаблар шундан иборатки, биз ўз вактида «Камолот»ни жамоат ташкилоти сифатида тузиб, лекин ундан катта бир вазирлик вазифасини талаб кила бошладик. Унга жуда кенг, улкан вазифаларни топширдиг-у, аммо уларни бажариш учун зарур ҳуқукий ва амалий ваколатлар, тегишли имконият ва имтиёзлар яратиб бериш ҳакида, афсуски, етарлича бош котирмадик.

Оқибатда «Камолот» ёшлар ҳёти билан боғлик ҳамма нарсаға жавоб берадиган ва айни пайтда ҳеч нарсаға жавоб бермайдиган, мўрт ва заиф бир тузилмага айланиб қолганини бугун қанчалик оғир бўлмасин, эътироф этишимиз керак.

«Камолот» фаолиятига салбий таъсир кўрсатаётган **субъектив сабаблар** ҳакида гапирганда, унинг аксарият раҳбарлари ва ходимлари томонидан ишга

расмиятчилик билан, юзаки ва лоқайд муносабатда бўлиш, майшатга, ичкиликбозликка берилиш каби салбий ҳолатларга йўл қўйилаётганини ҳам афсус билан қайд этиш лозим.

Мен бугунги анжумандага «ёшлар етакчиси» деган юксак номга мутлақо ярашмайдиган бундай нохуш ҳолатлар ҳакида гапириб, сизларни хижолатга қўйиш фикридан йироқман.

Сизлар қурултой мажлисларида бу масалаларни ҳам мухокама қилиб, уларга тегишли баҳо берасизлар, деб ўйлайман.

Афсуски, биз «Камолот»ни ёшларимиз чин дилдан интиладиган, самарали фаолият олиб борадиган, замонавий кучли бир ташкилотга айлантириш учун ўз вактида тегишли чоралар кўрмадик. Буни очиқ тан олишимиз ва зарур хулоса чиқаришимиз керак.

Мен бу гапларни осмондан олиб эмас, аниқ фактлардан келиб чикиб айтяпман.

Мана, Президентнинг Халқ қабулхоналари ва Виртуал қабулхонасига келиб тушаётган мурожаатлар билан танишиб кўринглар. Уларнинг аксарияти «Бизни ҳеч ким эшифтмайди», «Бизни ҳеч ким тушуимайди», «Биз билан ҳеч ким қизиқмайди», «Рахбарлар ўзини ўйлаш билан овора» деган мазмунда ёзилган.

Ёшларга, уларнинг ташвиш ва муаммоларига ана шундай менсимасдан қараш ҳолатлари, афсуски, ҳақиқат.

Биз ёшларга мана шундай беписанд, бегоналарча муносабатда бўлсак, окибати нима бўлиши аниқ – улар ҳам биздан бегоналашади.

Ўқишдан, ишдан, жамиятдан, давлатдан, боринг-ки, хаётдан кўнгли совиб, халқимиз ибораси билан айтганда, қўлинин ювиб, қўлтиғига уради.

Бу ҳакда гапирганда, нафакат жойларда, балки Ҳаракатнинг марказий идорасида ҳам меҳнат ва ҳаёт тажрибасига эга бўлган малакали кадрларнинг етишмаслиги жиддий муаммо бўлиб турганини таъкидлаш лозим.

Бунинг асосий сабабларидан бири шундаки, тизимда ишлаётган ходимларни моддий рағбатлантириш ва ижтимоий қўллаб-қувватлашга етарлича эътибор берилмаяпти.

Ўртacha ойлик иш ҳаки 800 минг сўмни ташкил этаётгани учун уларнинг аксарияти маоши катта бўлган бошқа ишларга ўтиб кетяпти.

Бунинг устига, кўпгина вилоят ва туманларда «Камолот» ташкилотлари учун бинолар етишмаслиги, уларнинг моддий-техник базаси ночорлиги, зарур мебель ва инвентарлар, алока ва ташкилий техника воситалари билан етарлича таъминланмагани, хизмат машиналари йўқлиги ҳам ишга салбий таъсир кўрсатмоқда.

Мисол учун, ҳудудий бўлинмаларнинг 81 таси маҳаллий ҳокимликлар биносида, 96 таси турли корхона ва муассасалар биносида жойлашган. Бу ўз-ўзидан ёшларнинг ўз ташкилотига эркин кириб-чиқишини кийинлаштирумокда.

Баъзи мисолларга мурожаат қилайлик.

Фарғона вилоятида Ёшлар маркази биносининг биринчи қаватида ёшлар учун мўлжалланган тўгарак ва

клублар фаолияти тўхтатилиб, мазкур бино ҳокимлик томонидан бошқа ташкилотга бериб юборилган.

«Камолот»нинг Тошкент вилояти, Пскент тумани кенгаши туман ҳокимлиги биносида фаолият юритиб келган. Аммо ҳокимнинг топшириғига кўра, «Камолот»га тегишли хоналар «Маҳалла» фондининг туман бўлимига олиб берилган. «Камолот»га эса учинчи қаватдаги мажлислар залидан шунчаки номига жой ажратилган.

Қорақалпоғистон Республикасининг Кегейли, Фаргона вилоятининг Сўх туманидаги «Камолот» ташкилотлари авария холатидаги биноларда жойлашганига, айтинглар, нима деса бўлади?

Ана шундай чидаб бўлмайдиган яна бир мисолни келтирмоқчиман. «Камолот» харакатининг Ўрта Чирчик тумани кенгаши «Элегант» деб аталадиган келин-куёвлар либоси салонида жойлашган. Буни қандай баҳолаш мумкин?

Ҳаракатнинг жойлардаги тузилмалари фаолияти тор доирада чекланиб, асосан ўқувчи-ёшларга каратилмоқда. Бунинг натижасида ёшларнинг катта кисмига Ҳаракатнинг сўзи ҳам, амалий таъсири ҳам етиб бормаяпти. Айникса, уюшмаган ёшлар билан ишлаш масаласи эътибордан четда қолиб кетмоқда.

«Камолот» томонидан ўтказилаётган кўпчилик тадбирларнинг, таргигбот материалларининг мазмуни ва сифати пастлиги, улар замон талабларига жавоб бермаслиги, ёшлар аудиторияси билан иш олиб боришда интерактив усуллар қўлланмаётганини қайд этиш лозим.

Яна бир нохуш ҳолат шундан иборатки, маҳаллий ҳокимликлар томонидан «Камолот» раҳбарлари ва ходимларини уларға алоқаси бўлмаган вазифаларни бажаришга, жумладан, қишлоқ хўжалиги юмушлари, металлолом топшириш, ободонлаштириш каби ишларга, энг ёмони, турли-туман мажлисларга жалб этиш авж олмоқда.

Бундай ачинарли ҳолат Тошкент шаҳрида ҳам мавжуд бўлиб, «Камолот»нинг туман кенгашлари раислари ободонлаштириш ишлари, бинолар фасадини таъмирлашга сафарбар этилган.

Улар иш вактининг асосий қисмини ўзларига биректирилган «округ»ларда ўтказади. Кечки пайт эса ҳокимият мажлисларида хисобот беради. Ўзингиз айтинг, улар качон ўзининг бевосита иши, яъни, ёшлар масаласи билан шуғулланади?

Энг ёмони, жойлардаги айрим раҳбарлар «Камолот» учун муносиб шароит яратиб бериш, ёшлар етакчилирига ёрдам бериш ўрнига уларга қўпол муносабатда бўлиш, обрўсини тўкишни «иш услуби»га айлантириб олмоқда.

Масалан, жорий йилнинг 4 май куни Навоий шаҳридаги «Ёшлик» спорт мажмуасида ўтказилган тарғибот тадбирларида хунук воеа рўй берган. Ички ишлар бошқармаси раҳбарларидан бири «Камолот»нинг Навоий вилояти кенгashi раисини кўпчилик ўртасида ҳакорат килиб, зўравонлик билан тадбирдан четлаштиrmокчи бўлган.

Қани, ички ишлар вазири А. Азизов, сиз бу масалага кандай изоҳ берасиз? Навоий вилояти ҳокими К. Турсу-

нов, сизнинг бу ҳолатдан хабарингиз борми? Бор бўлса, бу масала бўйича қандай чора кўрдингиз?

Шу борада Андижон вилоятидан ҳам нохуш бир мисол келтиришга тўғри келади. Ўтган йили Ватанимиз мустақиллигининг 25 йиллиги муносабати билан вилоят «Камолот» ҳаракати кенгашига Андижон шаҳар ободонлаштириш бошқармаси томонидан тантанали равишда янги автобус топширилган.

Лекин маросим тугаши билан автобус олиб қўйилиб, унинг ўрнига шалаги чиқсан эски транспорт воситаси берилган. Айтинглар, бундай «ўйин»лар, кўзбўямачилик билан биз ёшларга қандай тарбия беряпмиз?

Андижон вилояти ҳокими Ш.Абдураҳмонов, сиз бунга нима дейсиз?

Афсуски, бундай камчиликларни республика миқёсидаги вазирлик ва идоралар фаолиятида ҳам учратиш мумкин.

Халқ таълими вазири Улугбек Иноятов, айтинг-чи, сиз ўз тизимингиз бўйича ёшлар етакчилари билан қачон учрашгансиз? Сиз бошлилик қилаётган соҳада ишлаётган педагогларнинг неча фоизини ёшлар ташкил этади? Уларнинг қанчаси «Камолот» аъзолари ҳисобланади?

Ҳозирги вақтда кўпгина қишлоқ жойларда турли маънавий-маърифий тадбирлар ўtkазиш учун замонавий инфратузилма тармоклари деярли йўқ. Масалан, Бахмал, Мирзаобод, Ховос, Ўрта Чирчик туманларида ёшлар учун истироҳат bogлари, кинотеатрлар умуман мавжуд эмас.

Яна бир мисол. Бухоро шаҳрида жойлашган Ибн Сино номидаги дам олиш ва истироҳат боги Вазирлар Маҳкамасининг карорига кўра, 2016 йилнинг ноябрь ойигача реконструкция қилиниб, «Камолот» балансига ёшлар маркази сифатида ўтказилиши зарур эди. Лекин маблағ етишмаслиги гуфайли курилиш ва ободонлаштириш ишлари тўхтаб колган.

Қани, ана шу шаҳар ва туманларнинг ҳокимлари, тегишли мутасаддилар, бу масалаларга қандай баҳо беришингиз мумкин?

Сизлар раҳбар бўлган ҳудудларда яшайдиган ёшлар зерикканидан нима қилишни билмасдан, бемаза ишларга берилиши, безорилик, жиноят йўлига кириши, заарли оқимларга кўшилиб кетиши мумкинлиги наҳотки сизларни безовта қилмаса?! Ёшлар учун барча шароитларни муҳайё қилдик, деб биз кимни алдаяпмиз?

Шу муносабат билан барча катта-кичик раҳбарлар кулогига кўрғошиндек қуйиб олсин: биз энди сизларнинг фаолиятингизга пахта ёки ғаллага караб эмас, энг аввало, сизларнинг ёшларга, ёшларга оид давлат сиёсатига бўлган муносабатингизга караб баҳо берамиз.

Хурматли анжуман қатнашчилари!

Бундай танқидий фикрларни яна узок давом эттириш мумкин. Лекин мақсад – фақат танқид қилиш эмас. Мақсад шу гаплардан тўғри холоса чиқариб, тилга олинган ҳар бир муаммо бўйича амалий ечим топишдан иборат.

Биз бугунги Ўзбекистон шароитида ёшлар ташкилоти қандай бўлиши керак, деган масалани тегишли

раҳбарлар, олимларимиз, эксперт ва мутахассислар, ёшлар вакиллари билан кўп бор муҳокама қилдик.

Бу борада жаҳон тажрибасини, узок-яқиндаги турли давлатлар тажрибасини ўргандик. Дунёдаги ривожланган, демократик мамлакатларда ёшлар ташкилотлари асосий эътиборни дабдабали, баландпарвоз тадбирлар ўтказиш эмас, балки ёшлар билан бевосита ишлаш, улар билан амалий мулокот қилиш, уларни ўйлантираётган ҳаётий муаммоларни ҳал этишга қаратади.

Ҳозирги пайтда ҳаммангиз «ойнаи жаҳон» орқали кўряпсиз, биз жойларда жамоатчилигимиз, аввало, ёшларимиз вакиллари билан доимий мулокотлар ўтказяпмиз. Бу учрашувларда бир фикр такрор ва такрор айтилмоқда. Яъни, Ўзбекистон ёшлари расмиятчиликдан, кампаниябозликдан холи, навқрон авлод манфаатларининг ҳакиқий ҳимоячиси бўла оладиган демократик ёшлар ташкилотини тузиш ҳакида ўз хошиш-истакларини билдирилмоқда.

Бунда илгаригидек барча ёшларни бир ташкилотга «ихтиёрий-мажбурий» асосда бирлаштириш эмас, аксинча, уларнинг орзу-интилишлари, ҳаётий ва касбий қизиқиш доираси, ижтимоий мақсадлари бўйича уюштириш тўғри бўлади, деган таклифлар илгари сурилмоқда.

Менинг назаримда, бундай фикрларда чукур асос ва мантиқ бор. Бу таклифнинг афзаллиги шундаки, у мамлакат ёшларининг барча тоифа ва гурухларини қамраб олади, энг муҳими, уларни демократик принциплар асосида бирлаштиради.

Бу, ўз навбатида, бугун Ўзбекистонда олиб борилаётган демократик ислоҳотлар жараёни билан ҳамоҳанг экани айникса эътиборлидир.

Ана шуларнинг барчасини ҳисобга олиб, мамлакатимизда ёшларнинг чинакам суюнчи ва таянчи бўла оладиган мутлако янги ташкилот – **Ўзбекистон ёшлар иттифокини ташкил** этсак, нима дейсизлар?

Ҳурматли йигилиш иштирокчилари!

Маълумки, хар қандай ислоҳот, хусусан, миллионлаб ёшларнинг ҳаёти ва келажагига бевосита дахлдор бўлган ўзгаришлар хар томонлама чуқур ўйлаб иш тутишни, етти ўлчаб, бир кесишни талаб этади.

Шу нуктаи назардан биз бугун янги ёшлар ташкилотини тузмокчи эканмиз, шошилмасдан, вазминлик билан иш кўришимиз, бу масаланинг барча ижобий ва салбий томонларини ўзимизга яққол тасаввур килиб, шундан кейин бир хулоса ва қарорга келишимиз лозим.

Бу борада аввало бўлғуси ташкилотнинг хукукий макоми, асосий максад ва вазифалари, унинг ижтимоий ҳаётимиздаги ўрни ва нуфузини, обрў-эътиборини оширишга алоҳида эътибор қаратиш зарур.

Шу максадда Ўзбекистон ёшлар иттифоки раҳбари айни вактда Ўзбекистон Республикаси Президентининг ёшлар сиёсати бўйича давлат маслаҳатчиси лавозимида фаолият олиб боришини хукукий асосда белгилаб кўйиш даркор. Шу билан бирга, у Президент фармонига биноан Олий Мажлис Сенати аъзоси этиб тайинланади.

Ташкилотнинг Қоракалпоғистондаги кенгаши раиси Республика Жўкорги Кенгеси раисининг, вилоят, туман ва шаҳар бўлинмаларининг раҳбарлари эса тегишли ҳокимларнинг ёшлар сиёсати бўйича маслаҳатчилари этиб тайинланиши мақсадга мувофик.

Мана, кўриб турибсизлар, Ўзбекистон ёшлар иттифоқининг раҳбарларига қандай катта маком ва ваколат бериляпти.

Ўзбекистон ёшлар иттифоқининг таркибий тузилиши ҳақида гапирганда, бир масалага алоҳида аҳамият бериш керак.

Маълумки, ҳозирги вактда умумтаълим мактабларидаги бошлангич синф ўқувчилари билан ишлаш учун **«Камалак» болалар ташкилоти** мавжуд.

Шунингдек, ёш тадбиркор ва фермерлар билан иш олиб борадиган **Ёшлар тадбиркорлиги ва фермерликни қўллаб-қувватлаш маркази**, истеъододли ва ижодкор ёшлар билан ишлаш учун **Ёшлар ташаббуслари маркази** каби тузилмалар ҳам ташкил этилган.

Лекин тан олиш керакки, бугун уларнинг аксарияти талаб даражасида иш олиб бормаяпти. Бу тузилмаларнинг фаолиятини жонлантириш, уларга янги мазмун ва рух бағишлиш керак.

Шу муносабат билан умумтаълим, ўрта маҳсус ва олий таълим тизимида «Камолот» нисбатан самарали фаолият олиб борганини ҳисобга олган ҳолда, ушбу тизимдаги «Камолот» ташкилотлари негизида Ўзбекистон ёшлар иттифоқининг бўлимларини ташкил этиш мумкин.

Келгусида эса ёшларнинг хоҳиши ва интилишларига кўра, Ёш олимлар уюшмаси, Ёшларга ижтимоий-психологик ёрдам кўрсатиш маркази, Ёшлар туризми уюшмаси, Спорт клублари ва фитнес марказлари уюшмаси, Имконияти чекланган ёшлар уюшмаси ва бошқа ташкилотлар ҳам тузилиши мумкин.

Албатта, бу тузилмаларни қандай номлаш, уларнинг вазифаларини белгилаш бўйича аввало сизлар барча тенгдошларингиз билан фикрлашиб, шу асосда бир қарорга келишингиз табиий.

Ўзбекистон ёшлар иттифоки ҳозир мавжуд бўлган ва келажакда тузиладиган бу уюшмаларнинг барчасини бирлаштириб, уларга нафакат молиявий, моддий-техник нуктаи назардан, аввало, гоявий-услубий, маънавий жиҳатдан амалий ёрдам кўрсатадиган, уларнинг ишини мувофиқлаштирадиган асосий ташкилот сифатида фаолият олиб боради.

Айни вактда ҳаммамиз тушунамизки, Ўзбекистон ёшлар иттифоки фаолиятини дастлабки пайтда ҳар тарафлама кўллаб-қувватлаш, унинг оёқка туриб олиши учун давлат томонидан зарур кўмак ва ёрдам берилиши лозим.

Ёшларга оид давлат сиёсатини амалга ошириш наинки Президент девони, балки барча бўгиндаги давлат органлари раҳбарларининг доимий ишига айланиши зарур. Бундан бўён бу соҳада аниқ тизим асосида иш олиб борамиз.

Конунчилик палатаси Спикери ва Сенат Раисидан бошлаб, Бош вазир ва унинг ўринбосарлари, Бош прокурор, вазирлик ва идоралар, компания ва хўжалик

бирлашмаларининг раҳбарларигача марказда ва жойларда ҳар бир соҳа бўйича ёшлар билан учрашиб, доимий мулокот олиб борадиган тартиб жорий этишимиз керак.

Шу муносабат билан аввало ҳозирги кунда фаолият қўрсатаётган тузилмалар билан, жумладан, таълим тизимидағи ёшлар ташкилотлари билан – Бош вазир А.Арипов ҳамда олий ва ўрта маҳсус таълим вазири И.Мажидов, ҳалқ таълими вазири У.Иноятов, ҳамма соҳада Ёшлар тадбиркорлиги ва фермерликни кўллаб-кувватлаш маркази билан – Бош вазирнинг биринчи ўринbosари А.Раматов, Бош вазир ўринbosари З.Мирзаев ва Савдо-саноат палатаси раиси А.Икромов, Ёшлар ташаббусларини кўллаб-кувватлаш маркази билан – Давлат маслаҳатчиси Х.Султонов ва маданият вазири М.Муратов доимий иш олиб бориши керак.

Шунингдек, келгусида ташкил этиладиган Ёшлар туризми уюшмаси билан – Бош вазир ўринbosари Ж.Кўчкоров ва Туризмни ривожлантириш давлат кўмитаси раиси А.Шарапов, Ёш олимлар уюшмаси билан – Бош вазир ўринbosари У.Розикулов ва Фанлар академияси президенти Б.Йўлдошев, Спорт клублари ва фитнес марказлари уюшмаси билан – Бош вазир ўринbosари F.Ибрагимов ҳамда Жисмоний тарбия ва спорт давлат кўмитаси раиси Р.Курбонов, Имконияти чекланган ёшлар уюшмаси билан – Бош вазир ўринbosари Т.Норбоева ва согликни саклаш вазири А.Шодмонов, Ёшларга ижтимоий-психологик ёрдам кўрсатиш маркази билан – Бош прокурор И.Абдуллаев ва адлия вазири М.Икромов тизимли асосда иш олиб

бориши, бошқача айтганда, уларни оталикка олиши мақсадга мувофиқдир.

Шу билан бирга, жойларда вилоят, туман ва шаҳар хокимлари, суд, прокуратура, ички ишлар органлари, соғликни сақлаш, ҳалқ таълими ташкилотлари ёшлар билан доимий мулоқотни йўлга кўйиши, уларнинг олдида мунтазам равишда хисобот бериб бориши зарур.

Ўзбекистон ёшлар иттифоқининг жойлардаги кенгашлари раислари ва фаоллари албатта сайловларда иштирок этиб, ҳалқ депутатлари маҳаллий Кенгашларига, керак бўлса, Олий Мажлис Конунчилик палатасига сайланиши ҳам муҳим аҳамиятга эга.

Иккинчидан, Ўзбекистон ёшлар иттифоқи давлат ва жамият учун раҳбар кадрлар тайёрлаб берадиган ўзига хос марказ бўлиши, замонавий тилда айтадиган бўлсак, ёшлар учун «социал лифт» вазифасини бажариши керак. У билимли, ташаббускор ва ташкилотчи, фидойи ёш раҳбарларнинг кадрлар захирасини яратиши керак.

Шу мақсадда Президент хузуридаги Давлат бошқарви академияси қошида **Ёшлар муаммоларини ўрганиш ва истиқболли кадрларни тайёрлаш институтини ташкил этиш зарур**.

Бош вазир А.Арипов, Давлат маслаҳатчиси У.Исмоилов ва академия ректори Р.Қосимовга бир ой муддатда шу масала юзасидан тегишли қарор лойиҳасини тайёрлаб, тасдиқлаш учун киритиш вазифаси топширилади.

Ўзбекистон ёшлар иттифоқи ташкилотларида ўзини ижобий жиҳатдан кўрсатган ходимлар Дав-

лат бошқаруви академиясида билим ва малакасини ошириб, ҳокимлик ва вазирликлар тизимида раҳбарлик лавозимлари учун асосий номзодлар қилиб тайёрланиши керак. Бундай тажриба илгари ҳам бўлган ва яхши натижа берган эди.

Учинчидан, Ўзбекистон ёшлар иттифоқининг обрўси ва таъсирини ошириш учун мамлакатимизда ёшлар манфаатини таъминлашга қаратилган ишларда унинг иштирокини ҳар томонлама кенгайтириш зарур.

Ёшлар, ёш оиласалар учун шахсий уй-жойга эга бўлиш накадар муҳим аҳамиятга эга эканини хисобга олган холда, биз бу йўналишда бошлаган ишларимизни изчил давом эттиришимиз керак.

Барча туман ва шаҳарларда, жумладан, чекка худудларда «Ёшлар уйлари»ни қуриш бўйича тўрт йиллик аник режа ишлаб чикиш ва 2018 йилдан уни бажаришни бошлаш лозим.

Бу борада аҳоли зич яшайдиган Фарғона водийси вилоятларида, хусусан, шароити оғир бўлган Марказий Фарғона минтақасида ёш оиласарнинг уй-жойга бўлган эҳтиёжини таъминлашга алоҳида эътибор қаратиш керак.

Умуман, қишлоқ худудларида яшаётган, турар жойга муҳтоҷ ёш оиласарни имтиёзли кредитлар асосида арzon уй-жой билан таъминлаш бўйича ваколатни энди Ўзбекистон ёшлар иттифоқига бериш масаласи Вазирлар Маҳкамаси томонидан кўриб чиқилиши лозим.

Тўртингчидан, ёшларни иш билан таъминлаш масаласи биз учун ҳамон энг долзарб вазифа бўлиб қолмоқда. Бугунги кунда ёшлар учун янги иш ўринлари

очиш, уларнинг ҳалол меҳнат қилиб, даромад топиши максадида кўп ишлар қилинмоқда. Лекин, шунга карамасдан, бу борада муаммолар ҳам оз эмас.

Юртимизда ишсизларнинг аксар қисмини коллеж битирувчилари ташкил этмоқда. Масалан, 2016 йили 477 минг 743 нафар ёш йигит-қиз коллежларни битириб чиқкан ва уларнинг 438 минг 503 нафари ёки 91,8 фоизи иш билан таъминлангани тўғрисида маълумот берилган.

Савол туғилади: бу ракамлар қанчалик тўғри? Агар барча коллеж битирувчилари ишга жойлашаётган бўлса, ишсиз ёшлар қаердан пайдо бўляпти?

Коллеж битирувчилари билан тўрт томонлама шартномаларни номигагина имзолаб, ўзимизни ўзимиз алдамаяпмизми?

Ёшларни иш билан таъминлаш учун аввало улар ўртасида тадбиркорликни кенг ривожлантириш, бу борада янги имкониятлар яратиш максадида биз бир катор чора-тадбирларни кўзда тутмокдамиз.

Бу борада Иктисолиёт вазирлиги, Бандлик ва меҳнат муносабатлари вазирлиги, Давлат ракобат қўмитаси, Коракалпоғистон Республикаси Вазирлар Кенгаши, вилоятлар ва Тошкент шаҳар ҳокимларига хар бир туман (шахар) марказида Ёшлар тадбиркорлик кластерларини ташкил этиш вазифаси топширилади.

Ана шу кластерлар фаолиятини йўлга кўйиш учун электр энергияси, табиий газ, сув ва транспорт коммуникацияси, алока воситалари ва Интернетга уланиш имконияти мавжуд бўлган худудларда фой-

даланилмай ётган давлат объектлари ёш тадбиркорларга «ноль» қиймати билан ижарага берилади.

Ҳамма худудларда ташкил этилаётган иқтисодий зоналарда, шаҳарларда эса кичик саноат зоналарида Ўзбекистон ёшлар иттифоқининг аъзоси бўлган ёш тадбиркорлардан ижара ҳаки олинмайдиган тартиб жорий этилади.

Бундан ташқари, ўз бизнесини бошлиётган ёш тадбиркорларга имтиёзли нархларда юридик, техник ва бошқа маслаҳат ёрдамларини кўрсатишни йўлга қўйиш лозим.

Бу масала бўйича молия вазири Б.Хўжаев ҳамда Савдо-саноат палатаси раиси А.Икромов бир ой муддатда тегишли таклифлар ишлаб чикиб, такдим этиши зарур.

Шунингдек, тегишли иқтисодий чора-тадбирларни амалга ошириш ҳисобидан Ўзбекистон ёшлар иттифоқининг бюджет маблагларини икки баробар кўпайтириш режалаштирилмоқда.

Бош вазир ўринбосари Ж.Қўчқоров, молия вазири Б.Хўжаев ва Давлат солик қўмитаси раиси Б.Парпиев бу масалага масъул ҳисобланади.

Иқтисодиёт вазирлиги, Давлат солик қўмитаси, Бандлик ва меҳнат муносабатлари вазирлиги ҳамда «Хунарманд» уюшмасига топширик: хунармандлик йўналишидаги тадбиркор ёшлар, айникса, қизларнинг касаначилик билан банд бўлиши учун кулай шароит яратиб берилсин. Бу борада бўш турган объектлардан имтиёзли шартлар асосида жой ажратиш, мини-технологиялар, асбоб-ускуна ва зарур жиҳозлар ўрнатиб бериш кўзда тутилмоқда.

Жумладан, ёш хунармандларга хомашё сотиб олиш учун кредитлар бериш, ўз бизнесини бошлаган ёш тадбиркорлар томонидан Пенсия жамғармасига тўланадиган сугурта бадалини олинган кредитларни коплашга йўналтириш тизими жорий этилади.

Бандлик ва меҳнат муносабатлари вазирлиги, Қоракалпогистон Республикаси Вазирлар Кенгаши, вилоятлар ва Тошкент шаҳар ҳокимликларига топширик: синов тарикасида 11 йиллик мажбурий ўрта таълим тизимига ўтиш муносабати билан бўшайдиган коллеж устахоналари негизида ёшларни, айникса, уюшмаган ёшларни 6 ойгача бўлган муддатда бепул ўқитиш ва касбга қайта ўқитиш марказлари ташкил этилсин.

Айни пайтда кўлига диплом олиб, мустакил иш бошлаётган ёшларимиз учун ҳам кўшимча имконият ва имтиёзлар яратиб берилади.

2018 йилнинг 1 январидан бошлаб касб-хунар коллажлари, академик лицейлар ва олий таълим муассасаларининг биринчи марта ишга жойлашган битирувчилари бу имкониятлардан фойдаланади.

Яъни, таълим муассасасини тамомлаганига уч йил бўлмаган бўлса, уларнинг иш ҳақидан олинадиган даромад солиги биринчи йили 50 фоиз, иккинчи ва учинчи йилларда эса 25 фоиз камайтирилади.

Шунингдек, Ўзбекистон ёшлар иттифоки қошида барча турдаги соликлардан 10 йилга озод килинган шўъба корхоналари тузиш ваколати берилади. Ушбу корхоналар учун аниқ фаолият йўналишларини, мисол учун, турли фанлар, жумладан, чет тилларни

ўргатиш, компьютер дастурлари тузиш ва тадбиркорлик асосларини ўқитиш тизимларини белгилаш лозим.

Мазкур корхоналар томонидан тўланадиган солиқ тушумларининг 20 фоизини Ўзбекистон ёшлар иттифокига ўtkазиб бериш тартибини жорий этиш керак.

Яна бир масала – Ўзбекистон ёшлар иттифоки вилоят ва туманларда замонавий «Ёшлар кинотеатрлари»ни барпо этиш ишига бош-кош бўлса, яхши бўларди. Бунинг учун «Ўзсаноатқурилишбанк» томонидан 5 йил муддатга бериладиган имтиёзли кредитлар асосида алоҳида дастур ишлаб чикиш ва амалга ошириш таклиф этилади.

Ёшлар иттифоқининг фаол аъзоси бўлган бакалавриат ва магистратура талабаларига, ўртача ўзлаштириш кўрсаткичи 86 фоиз ва ундан юкори бўлган тақдирда, таълим бўйича шартнома тўлови микдорининг 35–40 фоизини ташкилот ҳисобидан тўлаш орқали моддий ёрдам кўрсатиш ҳам кўзда тутилмоқда.

Ўзбекистон ёшлар иттифоки тизимида 3–5 йил ва ундан кўпроқ фаол ишлаб келаётган, ипотека кредити асосида уй-жой сотиб олиш истагини билдирган ходимларнинг ҳар йили 140 нафарига 25–30 фоиз микдоридаги бошлангич тўлов ташкилот маблағлари ҳисобидан тўланади.

Шунингдек, Ёшлар иттифоқининг вилоят, шахар ва туман кенгашлари раисларини рағбатлантириш, ташкилот фаолияти самарадорлигини ошириш мақсадида «Асака» банкининг 10 йил муддатгача

мўлжалланган, бошланғич тўлови 15 фоизлик имтиёзли кредитлари асосида уларга ўзимизда ишлаб чикарилган «Матиз» ва «Дамас» автомобилларини шахсий мулк сифатида сотиб олишда кулагилик яратилиди.

Агар хозирги нархда ўртача 46 миллион сўм бўлган бу кредитни кайтариш муддати амалда 3 йил, фоизи эса 30 фоиз эканини ҳисобга олсан, самарали хизмат килаётган ёшлар етакчиси бундан қанча иқтисодий наф кўришини тасаввур килиш қийин эмас.

Яна бир муҳим масала – энди вилоят ва туман хокимларининг ёшлар сиёсати, ижтимоий ривожланиш ва маънавий-маърифий ишлар бўйича ўринбосарлари, туман ички ишлар бўлими бошлиқларининг ёшлар бўйича ўринбосарлари Ўзбекистон ёшлар иттифоки тавсияси билан лавозимга тайинланади.

Бу албатта жойлардаги давлат бошқарув идораларининг Ўзбекистон ёшлар иттифоки тузилмалари билан ҳамкорлигини сифат жиҳатидан оширишига хизмат киласи.

Бешинчидан, ёшлар хаёти, ўй-кечинмалари, орзуниятлари, энг муҳими, уларни қийнаётган масалалар, афсуски, радио ва телевидение, газета ва журналларда ўз ифодасини тўлик топмаяпти.

Гўёки ҳамма нарса жойида, олам гулистон. Агар ҳаммаси жойида бўлса, тўғри йўлдан адашган ёшлар, жиноятчилик, ишсизлик каердан пайдо бўляпти? Нега ёшларга оид давлат сиёсатига лоқайд муносабатда бўлаётган амалдорлар ҳакида оммавий ахборот воситалари, аввало, ёшлар матбуоти чурқ этмайди?

Масалан, «Камолот» радиосини, «Камолот»нинг Интернет сайтини оладиган бўлсак, уларда ўтказилган юзаки тадбирлар, енгил-елпи қўшиклар, ўзини ўзи мақташ, чиройли киёфалардан бошқа нарсани деярли кўрмаймиз.

«Ёшлар» телерадиоканали ҳам ўз имкониятларидан самарали фойдалана олмаяпти. Шу муносабат билан ушбу канал фаолиятини кучайтириш, унинг 50 фоиз акцияси Ўзбекистон ёшлар иттифоқига тегишли бўлиши, унинг директори мазкур ташкилот Марказий кенгаши томонидан лавозимга тасдиқланиши бўйича Бош вазир А.Арипов, Ўзбекистон Миллий телерадиокомпанияси раиси Х.Мирзохидов, адлия вазири М.Икромовга бир ой муддатда тегишли таклиф тайёрлаш вазифаси топширилади.

Хозирги вактда ёшларга мўлжалланган «Туркистон» газетаси 9 минг 500 нусхада, «Молодёжь Узбекистана» газетаси 2 минг 800, «Ёш куч» журнали 3 минг нусхада чоп этилаётганини қониқарли баҳолаш мумкинми? Мамлакатимизда 10 миллиондан ортик ёшлар мавжуд бўлгани ҳолда, бу рақамлар биз учун уят эмасми?

Мисол учун, «Туркистон» газетасига Фарғона вилоятида 225 та, Сурхондарё вилоятида 134 та, Самарқанд вилоятида 54 та, Сирдарё вилоятида эса бор-йўғи 40 та обуна расмийлаштирилганини, айтинглар, қандай изоҳлаш мумкин?

Ҳолбуки, республикамиздаги барча вазирлик ва идоралар, йирик компаниялар ходимларининг аксариятини ёшлар ташкил этади. Ана шу ташкилотларда ёшлар нашрларига обуна масаласи қандай?

Қани, «Ўзбекнефтгаз» компанияси раиси А.Султонов, сиз бу саволга қандай жавоб берасиз? Сиз ўз тизимингиздаги ёшлар қандай матбуот нашрларига обуна бўлгани, қандай китобларни ўкиётгани, умуман, уларнинг маънавий савияси, дунёкараши билан ҳеч қизиқиб кўрганмисиз?

Жаноб А.Султоновга берган бу саволимни мен бошка кўп раҳбарларга ҳам беришим мумкин ва аминманки, жавоб мана шундай қониқарсиз бўлиши аник.

Ўзингиз ўйланг, азиз дўстлар, ёшларимиз ўзимизнинг газета-журналларимизни ўқимаса, ўз миллий адабиётимиз ва санъатимизни билмаса, улар қандай қилиб ватанпарвар бўлади? Уларнинг онгу тафаккури, дунёкараши нима ҳисобидан шаклланади?

Бундан келиб чиқадиган холоса шуки, катта-кичик раҳбарларнинг барчаси бу масала бўйича шахсан масъул эканини унтишга ҳеч қандай ҳакки йўқ.

Айни вактда ёшлар аудиториясига ихтисослашган оммавий ахборот воситалари ҳам ўз фаолиятини тубдан ўзгартириши лозим.

Аввало, куруқ расмий гаплардан кочиш, танқидий таҳлил, креатив ёндашув, бугунги хаётни бутун кўлами, мазмуни, керак бўлса, мураккаблиги билан ёритишда журналистларимиз фаоллик кўрсатиши керак.

Шу маънода, янги ташкил этилган Халқаро пресс-клубга ўхшаб, Ўзбекистон ёшлар иттифоқининг ҳам ўз матбуот клубини очиш фойдадан холи бўлмайди.

Ўткир ва долзарб муаммоларни сизлар айтмасангиз, барибир халқнинг ўзи айтади. Ахир, сизларнинг вазифангиз ҳаётдан бир қадам олдинда юриш эмасми?

Биз учун энг муҳим бўлган яна бир масала – бу ёш кизлар тарбияси билан боғлиқ.

Шу муносабат билан Бош вазир ўринbosари Т.Норбоевага мурожаат қилмоқчиман: сиз бошчилик қилаётган Хотин-қизлар қўмитаси фақат «Зулфия-чи қизлар» билан чекланиб қолмасдан, юртимиздаги барча қизлар билан фаол иш олиб бориши лозим.

Айниқса, қизларимизнинг ҳуқук ва манфаатларини ҳимоя қилиш, истеъодод ва қобилиятини юзага чиқариш, улар орасида ҳақиқий етакчиларни тарбиялаш ишларини янада кучайтириш керак. Шу борада мен қизларимиз учун алоҳида бир нашр – майли, унинг номи «Қизларжон» бўладими, «Дугоналар» бўладими, янги журнал ташкил қилишни таклиф этаман.

Хозирги кунда мамлакатимизда китобхонлик савиясини ошириш, мутолаа маданиятини юксалтиришга катта аҳамият берилаётгани сизларга маълум. Лекин, кўплаб болаларимиз **китобдан узоклашиб, кўп вақтини ижтимоий тармокларда ўтказаётгани** – бу ҳам бор гап.

Албатта, биз Интернет ва бошқа замонавий ахборот манбаларининг ўрни ва аҳамиятини инкор этмаймиз. Бугунги ҳаётимизни Интернетсиз тасаввур қилишнинг ўзи қийин.

Шуни ҳисобга олган ҳолда, Ўзбекистон ёшлар иттифоки Интернет тизими орқали маънавий тарғибот ишларини, жумладан, электрон китобхонликни кучайтириши зарур.

Нега деғанда, биз фарзандларимизнинг онги, дунёқараши асрлар давомида синовдан ўтган, юксак маънавият хазинаси бўлган жаҳон ва миллий адабиётимиз асосида эмас, балки қандайдир шубҳали, зарарли ахборотлар асосида шаклланишиға бепарво қараб туролмаймиз.

Аҳолимиз, энг аввало, ёшлар ўртасида китобхонлик савиясини ошириш мақсадида Коракалпогистон Республикаси, вилоятлар ва Тошкент шаҳрида ҳар йили «Энг китобхон мактаб», «Энг китобхон мажалла», «Энг китобхон оила» каби йўналишларда танловлар ўtkазиш, якуний босқич ғолибларини тақдирлаш учун қимматбаҳо совғалар, жумладан, юртимиизда ишлаб чиқарилган автомобилларни мукофот тариқасида бериш, ўйлайманки, бу жуда катта рағбат бўлади.

Бош вазир А.Арипов ва Давлат маслаҳатчиси Х.Султоновга шу масала бўйича бир ой мулдатда таклиф киритиш вазифаси топширилади.

Шунингдек, «Китоб олами» дўконлари тармоғини Ўзбекистон ёшлар иттифоқи тасарруфига ўтказиш, ёш ижодкорларнинг китоблари ҳамда «Туркистон», «Молодежь Узбекистана» газеталари, «Ёш куч» журналларини чоп этиш учун «Ёшлар нашриёт уйи»ни ташкил этиш вақти келди, деб ўйлайман.

Шу муносабат билан Ўзбекистон ёшлар иттифоқига умумтаълим муассасалари кутубхоналарини 10 миллиард сўм маблағ ҳисобидан бадиий адабиётлар билан таъминлаш имконини яратиб бериш лозим. Тегишли вазирлик ва идоралар билан биргаликда у ҳар

йили умумтаълим муассасалари кутубхоналарининг талабини ўрганиб, бадий адабиётлар харид қилиш ишларини ташкил этиши даркор.

Шу борада яна бир мухим лойиха – 2020 йил 1 декабргача ҳар бир туман ва шаҳарда Ўзбекистон ёшлар иттифокига қарашли, барча қулайликларга эга бўлган кутубхона ва китоб дўконини ҳам ўз ичига олган кичик Ёшлар марказларини барпо этиш лойиҳасини амалга оширамиз.

Келгусида Қорақалпоғистон Республикаси, барча вилоятлар ва Тошкент шаҳридаги ҳар бир туманда биттадан коллеж биносини Ўзбекистон ёшлар иттифоки тасарруфига ўtkазиш лозим.

Бу бинолар факат ташкилотнинг бошқарув идораси бўлиб қолмасдан, уларда ёшлар иштирокида турли маънавий-маърифий тадбирлар, фан ва қасб-хунар тўгараклари, спорт мусобақалари, адабий кеча ва мушоиралар, бадий ва хунармандлик кўргазмалари ўtkазишни албатта йўлга кўйиш керак.

Олтинчидан, юртимизда ижтимоий-маънавий мухитни яхшилаш, ёшларни турли диний экстремистик оқимлар таъсиридан асраш масаласи барчамиз учун энг асосий вазифа бўлиб турибди.

Мактабда, лицей-коллеж ёки маҳаллада бир бола адашиб, нотўгри йўлга кириб кетар экан, бундан аввало унинг тенгдошлари, ёшлар ташкилоти хабардор бўлиши, ҳеч кимни тинч қолдирмасдан, бонг уриши керак эмасми?

Шу маънода, бугунги кунда юртимизда тобора кенг тарқалиб бораётган «Ўз болангни ўзинг асра!»

деган даъват факат қурук шиор бўлиб қолмасдан, ҳар бир ота-она, ҳар бир фуқаронинг қалбига, юрагига чукур кириб бориши, амалий ҳаракатга айланиши зарур.

Бунинг учун бу масалани, яъни, ота-оналарнинг фарзандлар тарбияси учун масъулияти ва бурчини ҳуқуқий асосда мустаҳкамлаб қўйиш вақти келди, деб ўйлайман.

Давлат маслаҳатчиси О.Муродов, адлия вазири М.Икромов бир ой муддатда ушбу масала юзасидан тегишли таклифлар тайёрлаб, киритиши зарур.

Ҳозирги вақтда чет элда ишлаб юрган айрим ёшларнинг терроризм ва экстремизм чангалига тушиб колаётгани билан боғлиқ муаммо барчамизни қийнамоқда.

Лекин қайси ҳоким ёки вазир, қайси жамоат ташкилотининг раҳбари мана шу ёшлар хорижда нима килиб юрибди, қандай кун кечиряпти, деб қизиқиб кўряпти?

Ҳолбуки, кўпгина давлатларда ўз фуқаролари бўлган хориждаги ёшлар билан ишлаш бўйича тузилмалар бор. Уларнинг тажрибасини ўрганиб, биз ҳам чет элларда ўкиётган, меҳнат килаётган ёшлар билан иш олиб борадиган, уларнинг ҳукуқ ва манфаатларини ҳимоя киладиган бир ташкилот тузишимиш керак. Ўзимизнинг болаларимиз ҳақида ўзимиз ўйламасак, ким ўйлайди?

Бу масала бўйича Давлат маслаҳатчиси А.Юнусхўжаев, ташқи ишлар вазири А.Комилов, бандлик ва меҳнат муносабатлари вазири А.Абдуҳакимов

Ўзбекистон ёшлар иттифоқи билан биргаликда бир ой муддатда таклиф киритсин.

Еттинчидан, Ўзбекистон ёшлар иттифоқи маънавий-ахлоқий жиҳатдан муаммоси бор, яъни нотинч оила фарзандлари, жиноятчиликка мойил бўлган ёки профилактик рўйхатда турадиган ёшлар билан индивидуал тарзда иш олиб боришга қўпроқ эътибор қаратиши лозим.

Иктидорли, тарбияли болалар билан ишлаш осон, лекин ҳаётда қоқилган ёки ёмон мухитга тушиб қолган ёшларни тўгри йўлга, эзгу мақсадга даъват қилиш, ишонтириш қийин. Янги ташкилот мана шу оғир, лекин ўта зарур вазифани ўз зиммасига олиши айни муддао бўлур эди.

Биз «уюшмаган ёшлар, уюшмаган ёшлар», деб кўп гапирамиз. Лекин бу масалани ҳуқуқий ва амалий жиҳатдан ҳал қилишга келганда, очиқ айтиш керак, кўпчилигимиз нима қилиш лозимлигини билмаймиз.

Шу мақсадда Ўзбекистон ёшлар иттифоқи бошлигида, бошқа манфаатдор вазирлик ва идоралар иштирокида, бир илмий-амалий конференция ўтказиш ўринли бўлур эди. Унда уюшмаган ёшлар билан ишлаш бўйича ҳар томонлама асосланган тавсиялар ишлаб чиқиш зарур, деб ўйлайман. Бу вазифа Давлат маслаҳатчилари О.Муродов ва Р.Комиловга топширилади.

Яна бир мухим масалага эътиборингизни қаратишни истардим.

Ўзбекистон ёшлар иттифоқи жаҳон маданияти ривожига бекиёс ҳисса қўшган буюк аждодларимиз

меросига хурмат, унга муносиб бўлиш туйғусини шакллантириш, бу бебаҳо бойликни чукур ўрганиш ва кенг тарғиб этишга қаратилган мазмундор, таъсирчан лойиҳаларни амалга оширишда ташабbus кўрсатиши нур устига нур бўлур эди. Ҳозирча бу борада ёшлар ташкилотининг ишини қоникарли деб бўлмайди.

Мамлакатимизда ҳукм суроётған тинчлик, миллатлааро тотувлик, ўзаро хурмат ва меҳр-оқибат мухитини кўз қорачиғидек асраш, ёш авлод ўртасида ҳарбий-ватанпарварлик тарбиясини кучайтиришда Ўзбекистон ёшлар иттифоки ўзининг мустаҳкам ўрнига эга бўлиши лозим.

Маълумки, тарихда ҳалқимиз орасидан кўплаб буюк саркардалар етишиб чикқан. Ана шундай мард ва фидойи аждодларимизнинг ҳарбий соҳадаги бой мероси, мардлик ва жасурлик фазилатлари ёшларимиз учун ибрат мактаби бўлиб хизмат килади.

Айникса, Сохибқирон Амир Темур бобомиздек - у зот биронта жангда мағлуб бўлмаган – енгилмас саркарда ва давлат арбоби жаҳон тарихида камдан-кам тонилади. Ўз яқинлари, замондошлари бу улуғ сиймони Темурбек деб атаган эканлар. Мен шу хақда ўйлаганимда, бир фикр хаёлимдан ҳеч кетмайди. Юртимизда ёшларга ҳарбий таълим-тарбия берадиган курсантлар мактабларига «**Темурбеклар мактаби**» деб ном берсак, нима дейсизлар?

Бу масала бўйича Бош вазир А.Арипов, Хавфсизлик кенгаши котиби В.Махмудов, мудофаа вазири К.Бердиевга бир ой муддатда таклиф киритиш вазифаси топширилади.

Азиз дўстлар!

Юртимиз ёшлари ўртасида илм-фан, таълим-тарбия, тиббиёт, маданият, адабиёт ва санъат, спорт, ишлаб чикариш, ҳарбий хизмат соҳаларида, умуман, барча жабҳаларда жонбозлик кўрсатиб келаётган азамат йигитларимиз жуда кўп. Улар ўзининг жисмоний ва маънавий салоҳияти, истеъдод ва маҳоратини намоён этиши учун зарур шароитларни яратиб бериш борасида мамлакатимизда кўп ишлар қилингандек ва келгусида ҳам уларни албатта давом эттирамиз.

Айни вактда ҳалол ва самарали меҳнати, илмий-ижодий ютуклари, Ватанга садоқатли хизмати билан барчага ўрнак бўлаётган мард ўғлонларимизни кўллаб-куватлаш ва рағбатлантириш давлатимиз ва жамияти-мизнинг эътибор марказида бўлиши зарур.

Сизларга маълумки, юртимизда иктидорли ва фаол қизларимиз учун Зулфия номидаги Давлат мукофоти таъсис этилган. Энди турли соҳа ва тармокларда катта натижаларга эришиб келаётган йигитлар учун «Мард ўғлонлар» деган ном билан Давлат мукофотини таъсис этсак, нима дейсизлар?

Шу билан бирга, ёшларга оид давлат сиёсатини амалга оширишда, ўқишда, меҳнатда, жамоат ишларида ҳар томонлама фаол бўлган йигит-қизларимизни тақдирлаш мақсадида «**Келажак бунёдкори**» медалини ҳам таъсис этиш ўринли бўлур эди.

Нега деганда, ҳар кандай ютуқ, ҳар кандай галаба замирида аввало меҳнат ва қатъият, мардлик ва жасорат мужассам бўлиб, эл-юрт равнақи йўлидаги

ҳалол хизмат албатта ўзининг муносиб баҳоси ва кадрини топиши керак.

Фурсатдан фойдаланиб, яна бир муҳим фикрни сизлар билан маслаҳат қилмоқчиман. Юртимизда байрамлар кўп, лекин ёшларга бағишлиланган алоҳида байрам йўқ. Бутун шу масалани ҳам ҳал этадиган вакт келди.

Ўзбекистон ёшлар иттифоки ташкил этилган кун – 30 июнь санасини мамлакатимизда **Ёшлар куни** деб эълон қилсак, қандай бўлади?

Хурматли делегатлар, азиз фарзандларим!

Мана, бугун сизлар билан мамлакатимиз ёшлири ҳаётиға дахлдор кўпгина масалалар тўғрисида, жумладан, ёш авлодимизни ҳар томонлама етук инсонлар, биз бошлаган улуғ ишларнинг муносиб давомчилари этиб тарбиялаш борасида олдимизда турган энг муҳим ва долзарб вазифалар ҳақида атрофлича гаплашиб олдик.

Тан олиш керакки, кескин танқидий гаплар ҳам бўлди. Лекин бу гаплар қанчалик аччик бўлмасин, улар ҳаққоний гаплардир. Мен ўйлайманки, биз бирбиrimизни тўғри тушундик.

Бугунги муҳокама, билдирилган фикр-мулоҳазаларнинг барчаси ягона, эзгу бир мақсадга, яъни ҳалқимиз, энг аввало, ёшларимизнинг ҳаётини янада обод ва фаровон, мазмунли ва баҳтли қилишга қаратилганини ҳаммамиз англаб турибмиз.

Бугун мана шу муҳташам залда тўпланган сиз, азизларни, вилоят ва туманларда видеоалоқа орқали анжуман ишини кузатиб бораётган йигит-қизларимизни,

барчангизнинг ёниб турган кўзларингизни, азму шижаотингизни, навқирон куч-ғайратингизни кўриб, сизлар билан самимий сухбатда бўлиб, очигини айтсан, ўзим ҳам яшариб кетгандек бўлдим.

Бугунги учрашувдаги кўтаринки рух, баланд кайфиятни кўрган ҳар қандай одам беихтиёр машхур шоиришимиз Ҳамид Ғуломнинг:

«Оҳ, сенинг ёшлигинг менда бўлсайди!» деган гўзал сатрини такрорлаши табиий, деб ўйлайман.

Ҳакиқатан ҳам, биз, ота-оналар, устоз ва мураббийлар сизларни, бутун Ўзбекистон ёшларини Ватанимиз, жамиятимизнинг ҳал қилувчи кучи деб биламиз ва сизлар ҳамиша ҳалқимизнинг мана шундай юксак ишончига муносиб бўласиз, деб ишонамиз.

Сизларга яхши маълум, ҳозирги вақтда юртимизда **«Буюк келажагимизни мард ва олижаноб ҳалқимиз билан бирга қурамиз»** деган шиор кенг тарқалиб, ҳаётимизга тобора чукур кириб бормоқда. Лекин Ўзбекистонимизнинг мана шундай ёруғ ва фаровон истиқболини бунёд этишдек масъулиятли вазифани ким ўз зиммасига олади?

Албатта, факат замонавий билим ва касб-хунарларни пухта эгаллаган, мустақил фикрлайдиган, доимо эл-юрт тақдирига дахлдорлик туйгуси билан яшайдиган сиз, азиз ёшларимиз майдонга дадил чиқиб, бугунги кунда ҳаётнинг ўзи олдимизга қўяётган вазифаларни ҳал этишга кодирсиз.

Мана шундай улуғ мақсадга эришиш йўлида, Ўзбекистон ёшлар иттифоқини том маънода мамлакатимиздаги барча ёшларнинг таянчи ва суюнчига

айлантириш йўлида сизларга сиҳат-саломатлик, куч-ғайрат, баҳт ва омад ёр бўлишини тилаб қоламан.

«Камолот» ёшлиар ижтиёёнӣ
ҳаракатининг IV қурултойида сўзланган нутқ.
2017 йил 30 июнь

ПАРЛАМЕНТИМИЗ ҲАҚИҚИЙ ДЕМОКРАТИЯ МАКТАБИГА АЙЛАНИШИ, ИСЛОҲОТЛАРНИНГ ТАШАББУСКОРИ ВА АСОСИЙ ИЖРОЧИСИ БЎЛИШИ КЕРАК

Ассалому алайкум, хурматли депутат ва сенаторлар!
Қадрли мажлис қатнашчилари!

Авваламбор, бугун сиз, азизлар билан, Олий
Мажлис палаталари раҳбарлари, сиёсий партиялар
ва Экологик харакат вакиллари билан учрашиб тур-
ганимдан хурсанд эканимни билдириб, барчангизга
ўзимнинг самимий ва эзгу тилакларимни изхор
этаман.

Мамлакатимиз ижтимоий-сиёсий ҳаётида бундай
таркиб ва мазмунда илк бор ўтказилаётган бу учрашув
мен учун юксак шараф ва юксак масъулият, десам, айни
ҳақиқатни айтган бўламан.

Бугун биз замон талабларидан келиб чикиб,
тараккиётимизни янги босқичга қўтариш йўлидан жа-
дал илгарилаб бормоқдамиз.

Энг асосийси, жамият ҳаётининг барча соҳаларини
янада эркинлаштириш ва ислоҳ қилиш жараёнлари
изчил давом эттирилмоқда. Қайси соҳа ёки тармоқда
бўлмасин, долзарб муаммолар аҳолимиз билан очиқ
муҳокама қилиниб, уларнинг ечими топилмоқда.
Барча қарорларимиз халқимизнинг фикр-мулоҳазалари
ва мурожаатлари асосида қабул қилинмоқда.

Давлат ҳокимияти органлари, жумладан, иктисолиёт, банк-молия соҳаси идоралари, коммунал хизмат, ички ишлар, ташки ишлар, таълим-тарбия, соғлиқни саклаш, суд-хукуқ тизимининг парламент ва маҳаллий кенгашларда ҳисобот ва ахборот бериш тартиби йўлга кўйилиб, халқ назорати амалда жорий этилмоқда.

Бундай ўта муҳим жараёнларда, ҳеч шубҳасиз, сиёсий партияларнинг вакиллари, ҳурматли депутат ва сенаторларнинг ўрни ва масъулияти нақадар бекиёс эканини, ўйлайманки, ҳаммамиз яхши тушунамиз. Биз миллий парламентимиз тимсолида, аввало, жамиятимизнинг ҳакиқий кўзгусини, одамларни ўз ортидан эргаштириб, эзгу мақсадлар сари бошлишга кодир бўлган катта бир кучни кўрамиз.

Муҳтарам дўстлар!

Мен ҳам кўп йиллар депутат бўлганман, шу сабабли ўз тажрибамдан яхши биламан – депутат бўлиш, халқ ишончини қозониш ва уни муносиб равишда оклаш – бу осон эмас.

Бундай шараф ҳар кимга ҳам насиб этмайди. Депутат – фикри зикри билан халққа энг яқин одам, доимо эл-юртнинг ташвиш ва муаммолари билан яшайдиган, катта билим ва тажрибага эга бўлган шахс.

Биз, ана шу ҳақиқатдан келиб чиқкан ҳолда, кейинги пайтда кадрлар сиёсатида янги бир тажрибани кўллаяпмиз. Яъни, ҳурматли депутат ва сенаторлар, партия вакиллари юксак ва масъулиятли лавозимларга тайинланмоқда. Уларга муҳим соҳалар ишониб топширилмоқда.

Киска давр ичида Олий Мажлис палаталарининг 20 нафардан зиёд вакиллари давлат ҳокимияти ва бошқаруви тизимидағи турли юкори вазифаларга ўтказилди.

Масалан, «Адолат» социал-демократик партияси фракцияси аъзоси А.Шодмонов соғлиқни сақлаш вазири, «Миллий тикланиш» демократик партияси аъзолари, сенатор Қ.Турсунов Навоий вилояти ҳокими, М.Ғафурова Самарқанд вилояти ҳокими ўринбосари, Ўзбекистон Либерал-демократик партияси аъзоси Б.Темирхонова Коракалпоғистон Республикаси иктисадий судининг раиси, Халқ демократик партияси раиси ўринбосари Р.Комилов Президентнинг Давлат маслаҳатчиси, Халқ демократик партияси фракцияси аъзоси Ё.Умаров Вазирлар Маҳкамаси департаменти мудири лавозимига тайинланди.

Шунингдек, маҳаллий кенгашлар депутатларининг кариб 200 нафардан ортиги жойларда раҳбарлик лавозимларига ўтказилди.

Биз бу борадаги сиёсатимизни келгусида ҳам катъий давом эттирамиз. Ўзининг ташкилотчилиги ва ташаббускорлиги, масъулияти билан халқ ишончини қозонган ҳар қайси парламент аъзоси ва партия вакили ҳеч қачон эътиборсиз қолмайди.

Айни пайтда бугун замоннинг ўзи барчамиздан, биринчи навбатда, сиёсий партияларнинг вакиллари, депутат ва сенаторлардан мамлакатимизда амалга оширилаётган кенг қўламли ислоҳотларнинг нафакат иштирокчиси, балки ташаббускори ва асосий ижроқчиси бўлишни, бошқаларга намуна кўрсатишни талаб этмоқда.

Бугунги учрашувимиздан асосий мақсад бу борада эришган ютукларимизни эътироф этган холда, сизлар билан биргаликда ҳокимият вакиллик органлари, сиёсий партиялар ва Экологик ҳаракатнинг ўтган даврдаги фаолиятини ўзаро мулокот шаклида, танқидий рухда таҳлил килиш, ислоҳотларни яна да чуқурлаштириш йўлида олдимиизда турган муҳим вазифаларни белгилаб олишдан иборат.

Шу нуктаи назардан қараганда, аввало сиёсий партиялар фаолиятидаги айрим муаммо ва камчиликлар ҳакида сўз юритиш ўринли, деб ўйлайман.

Биринчидан, бугунги кунда сиёсий партиялар ўз электоратига берган ваъдаларини, сайловолди дастурларини тўла ва самарали бажармокда, деб айтольмаймиз. Улар ҳанузгача мамлакатимиз ижтимоий-сиёсий ҳаётида, фуқаролар онгидага ўзининг мустаҳкам ўрнини эгаллай олмади.

Сиёсий партиялар ва Олий Мажлис Конунчилик палатаси фаолиятида партия фракциялари томонидан устувор мақсад ва вазифаларни амалга оширишга қаратилган аниқ таклиф ва ташаббуслар деярли сезилмаяпти.

Масалан, Ҳалқ демократик партияси ўзини пенсионерлар, кам таъминланган аҳоли қатламлари манфаатларининг ҳимоячиси сифатида намойиш этади. Лекин, холисона айтадиган бўлсак, партия шу мақсад йўлида ҳақиқатан ҳам амалий иш олиб боряптими?

Партия пенсионерларнинг ҳаёт даражасини, уларнинг ижтимоий фаоллигини кучайтириш, давлат ор-

ганлари фаолияти устидан жамоатчилик назоратини амалга оширишдаги иштирокини қўллаб-кувватлаш борасида кўзга кўринадиган ташаббуслар билан чик-яптими?

Шу борада бир мисолга мурожаат килайлик. Маълумки, пенсионерларнинг муайян бир қисмини ногиронлар ташкил этади. Лекин ҳозирги вақтда улар ўзини жамиятнинг тўлақонли аъзоси деб ҳис килиши учун барча зарур шароитлар яратилмаган. Бу ҳақиқатни афсус билан тан олиш керак. Ногиронларни, айтайлик, протезлар, инвалидлар коляскалари билан таъминлаш, уларнинг турар-жой ва маъмурий биноларга кириб-чикиши, метро ва автобуслардан bemalol фойдаланиши учун пандуслар ва платформалар қуриш каби масалаларда, умуман, ушбу социал тоифанинг талаб ва эҳтиёjlари, қонуний хукуқ ва манфаатларини таъминлашда талайгина камчилик ва муаммолар борлиги сир эмас.

Шу борада ХДП качон бирорта қонун ташаббускори бўлиб майдонга чиқди ва унинг ижроси устидан қандай назорат олиб борди? Ёки «Мурувват», «Саховат» ва «Мехрибонлик» уйлари фаолиятини яхшилаш бўйича партия томонидан амалий ҳаракатлар бўляптими?

Яна бир муҳим масала – пенсионерларни доридармон билан таъминлашдаги муаммоларни ҳал этиш учун ушбу партия нима иш қилди?

Агар Халқ демократик партияси мана шу муҳим ижтимоий масалалар билан яқиндан шуғулланганида эди, ўйлайманки, Президентнинг Халқ

қабулхоналарига аҳолининг кам таъминланган катламларидан, аввало, пенсионерлардан кўплаб шикоят ва аризалар тушмаган бўларди.

«Миллий тикланиш» партиясини оладиган бўлсак, у миллий меросимиз ва қадриятларимизни тиклаш, уларни янада бойитиш билан бирга, туризм соҳасини ривожлантиришни ҳам ўз олдига вазифа килиб кўйган. Аммо партия амалда бу соҳадаги конунчилликни такомиллаштириш, мавжуд конунларнинг ижросини назорат қилиш юзасидан етарлича фаоллик кўрсата олмаяпти.

Холбуки, туризм соҳасини ривожлантириш йўлида қанча муаммолар, шу билан бирга, ҳали ишга солинмаган катта имкониятлар борлиги, бу тармок янги-янги иш ўринлари яратишда қандай мухим манба эканини ортикча изоҳлаб ўтиришнинг ҳожати йўқ.

Лекин ушбу партиядан сайланган депутатларимиз, мисол учун, аэропорт ёки вокзалларга, меҳмонхоналарга, божхона постларига бориб, туристлар учун қандай шароитлар яратилганини ўрганиб, мавжуд ҳолатни яхшилаш юзасидан амалий таклиф ва ташаббуслар билан чикяптими?

Бошқа соҳаларда бўлгани каби туризм соҳасида ҳам энг катта муаммо – замонавий фикрлайдиган, ўз ишини, хорижий тилларни пухта биладиган малакали кадрлар етишмаслиги билан боғлик.

Ана шу долзарб муаммони ҳал қилиш мақсадида партия вакиллари қайси олий ўкув юртига, қайси коллежга бориб, туризм бўйича мутахассислар тайёр-

лаш жараёнлари билан, ўкув дастурлари билан қизиқтапты? Бунинг учун катта маблағ керак эмас-ку!

Биз кейинги вактда туризм соҳасини ривожлантириш учун бир қатор муҳим қарорлар қабул қилдик. Жумладан, Туризмни ривожлантириш давлат кўмитаси ташкил этилди, ушбу соҳа таракқиётини жадаллаштириш учун қўшимча имконият ва имтиёзлар яратиб берилди. Лекин улар негадир ҳозирга қадар «Миллий тикланиш» партияси учун муҳокама объектига айланмади.

Яна бир муҳим масала – юртимиздаги тарихий обидаларни тиклаш ва таъмирлаш, буюк аждодларимизнинг қадамжоларини обод этиш бўйича олдимизда қанча-қанча вазифалар турибди.

Мана, ҳозирги пайтда Қашқадарёда Абу Муин Насафий, Тошкент шаҳрида Сузук ота, Намангандардаги вилоятда Ибрат домла, Султон Увайс каби улуғ зотларнинг хотираларига атаб янги мажмуалар, миллий ўзлигимизни янада чукуррок англаш, жаҳолатга қарши маърифат билан курашиш максадида Самарқандда Ином Бухорий номидаги халқаро илмий марказ, пойтахтимизда эса Ўзбекистондаги Ислом маданияти марказини барпо этиш бўйича жуда катта ишлар олиб борилмоқда.

Бу партия неча йиллардан буён тарихий ва маданий мерос масалалари билан шуғулланади. Лекин ҳақиқий тарихимизни тиклаш бўйича мактаблар ва олий ўкув юртларида олиб борилаётган ишлар, ўкув дастурларининг савиясини партия фаоллари ҳеч ўрганганми?

Сизларга маълум, биз яқинда «Ўзбекистон Республикаси Фанлар академияси хузурида Ўзбекистоннинг энг янги тарихи бўйича жамоатчилик кенгаши фаолиятини ташкил этиш тўғрисида» қарор қабул қилдик. Бу қарорни тайёрлаш жараёнида ушбу партиянинг роли, таклифи мутлако сезилмагани, унинг вакиллари иштирок этмагани, албатта, одамни ҳайрон колдиради.

Ваҳоланки, юкорида тилга олинган масалалар бўйича ташаббус айнан «Миллий тикланиш» партиясидан чикиши керак эмасмиди? Нима учун бундай таклифлар факат Президент томонидан билдирилиши керак?

Маълумки, «Адолат» социал-демократик партияси ижтимоий адолат, илм-фан, таълим-тарбия ва соғликни саклаш соҳасида аҳоли манфаатларини ҳимоя килиш шиори остида фаолият олиб боради.

Лекин партия ушбу соҳаларда, хусусан, жамиятимизда конун ва адолат устуворлигини ёки аҳолига тиббий хизмат кўрсатиш ва уни дори-дармон воситалари билан таъминлашни яхшилаш бўйича аник ташаббусларни нима учун ўз вактида илгари сурмагани ачинарли холдир.

Ҳозирги вактда юртимизда илм-фан, таълим-тарбия соҳалари, жумладан, Фанлар академияси фаолиятини такомиллаштириш бўйича ўзгаришлар амалга оширилмоқда.

Лекин «Адолат» партияси вакиллари, уларнинг депутатлари, мисол учун, ёш олимлар билан бирон марта бўлса ҳам учрашиб, уларнинг дардини эшишиб, муаммоларини ечиш бўйича қандай амалий таклифлар берди? Минг афсуски, йўқ бундай таклиф.

Мана, бугунги кунда Кадрлар тайёрлаш миллий дастурини такомиллаштириш юзасидан жойларда турли-туман фикрлар, таклифлар билдириляпти. Лекин нима учун партия бу масалалар бўйича ўз фикри, ўз муносабатини баён этмаяпти?

Соғлиқни саклаш, жамиятимизда қонун ваadolat устуворлигини таъминлаш, оиласарда, маҳаллаларда соғлом мухитни мустаҳкамлаш бўйича кейинги пайтда канча мухим тадбирлар ўтказилмоқда, бу борада мутлақо янги тизим барпо этилмоқда. Сизлар ана шу масалалар бўйича бирорта фикр билдирингизми?

Якинда матбуотда Ўзбекистон судьялар ҳамжамиятининг мурожаати эълон килинди.

Хўш, «Адолат» партиясининг бу масалага муносабати қандай – сайловчиларингиз, тарафдорларингиз сизлардан бу саволларга жавоб кутишга ҳакли.

Тадбиркорлар ва ишбилармонлар харакати – Ўзбекистон Либерал-демократик партиясининг фаолиятини ҳам мамлакатимиздаги етакчи сиёсий куч сифатида фаол ва самарали деб бўлмайди.

Президент сайлови бўлиб ўтганига ҳам, мана, ҳадемай бир йил тўлади. Лекин партиямиз ҳозирги пайтда янги гоялар, янги ташаббус ва таклифларни ўртага кўяётгани йўқ.

Мана, биз Ўзбекистон Савдо-саноат палатаси фаолиятини янгича асосда ташкил этиб, унинг раҳбарларини ҳам ўзгартирдик.

Мамлакатимизда тадбиркорлик ва хусусий мулкчиликни янада қўллаб-кувватлаш, бу соҳага янги янги имтиёз ва преференциялар яратиб бериш бўйича

улкан ишлар амалга оширилмоқда. Қанча эркін иқтисодий зоналар, қишлоқларда кичик саноат худудлари ташкил этиляпти. Қишлоқ хұжалиги соҳасида биз учун янги бўлган тармок ва йўналишларга асос солинмоқда. Бу борада биз жуда оддий, жуда содда, лекин чукур ҳаётий асосга эга бўлган бир принципга амал қиляпмиз.

Яъни, факат битта қишлоқ хұжалик экинига қарам бўлиб қолмасдан, даромад, фойда нұктай назаридан ўзини окламаган пахта майдонларини қисқартириб, уларнинг ўрнига нимаики даромад келтирса, нимаики экспортбоп бўлса, нимаики одамлар ҳаётини фаровон қиладиган бўлса, айни шу экинни экамиз.

Лекин бу ишларни изчил ва самарали амалга ошириш, уларнинг пиравард натижасини таъминлаш учун барча масъулият ва жавобгарликни факат ижро органларига ташлаб қўйиш ҳам тўғри бўлмайди. Бу масалаларда тадбиркор ва ишбилармонлар, фермерлар, хусусий мулк, жумладан, интеллектуал мулк эгаларининг ҳукуқ ва манфаатларини ҳимоя қиласман, деб майдонга чиқсан Ўзбекистон Либерал-демократик партиясининг ўрни ва иштироки, амалий таъсири аниқ сезилиши зарур.

Мана, яқинда мамлакатимиз ёшлари ўз курултойида янги ташкилот – Ўзбекистон ёшлар иттифоқини ташкил этди. Шу мажлисда ёшлар ҳаётига бевосита дахлдор бўлган кўпгина масалалар қаторида ёш тадбиркорларни кийнаётган қанча муаммолар ҳам мухокама килинди.

Нима учун Либерал-демократик партиямиз шу масалага ўз вақтида эътибор қаратиб, бу муаммолар-

ни хукумат олдига, тегишли вазирлик ва идоралар олдига қўймади, деган савол, афсуски, жавобсиз колмоқда.

Холбуки, тадбиркорларни қўллаб-кувватлаш партиямизнинг асосий мақсади экани Дастур ва Низомда ёзиб қўйилган.

Ҳар қандай сиёсий партия замон билан ҳамнафас бўлиб, унинг ўткир талабларига жавоб берган тақдирдагина сиёсий куч сифатида яшай олади. Биз нафақат ЎзЛиДеп, балки барча партиялар мисолида ана шундай қудратли, сафарбар этувчи кучни кўришни истаймиз.

Кўриб турибсизлар, ҳозирги вактда деярли ҳар куни мамлакатимиз тараккиётининг турли соҳалари бўйича камида 2–3 та қарор ёки фармон чиқарилмоқда. Албатта, буларнинг барчаси яхши ҳаётдан бўлаётгани йўқ, аксинча, кундалик турмушда муаммолар кўплиги ва уларни ҳал килиш зарурати шуни тақозо этмоқда. Лекин аслида ҳаётимиздаги мана шундай энг муҳим ва долзарб масалалар бўйича сиз, депутатлар сифатли ва пухта конунларни ўз вактида қабул қилишингиз керак эмасми?

Мен турли йиғилишларда, биз икки йил давомида **фавқулодда сафарбарлик ҳолатида ишлашимиз** керак, деган фикрни доимо айтиб келяпман.

Лекин, афсуски, бу масала бўйича Олий Мажлис ва унинг раҳбарияти, хусусан, Конунчилик палатаси Спикери Нурдинжон Мўйдинхонович Исмоилов, Сенат Раиси Нигматилла Тўлқинович Йўлдошевнинг позицияси на уларнинг чиқишиларида, на амалий ҳаракатларида сезиляпти.

Тахлиллар шуни кўрсатмоқдаки, амалдаги ко-
нунларимизда бир-бирига зид ўринлар ҳам йўқ эмас.
Лекин бугун кайси бир партияниң ташабуси билан
уларнинг шунчаси ўзгарди, деб айта оламиз?

Очиқ айтиш керак, сиёсий партияларда бу соҳада
ҳалигача хотиржамлик, қандайдир мудраб ўтириши
кайфияти хукм сурмоқда. Ҳеч кимга фойдаси
бўлмаган мажлислар соатлаб давом этмоқда, танкидий
таксил ўрнига майда масалалар билан ўраланиб,
долзарб муаммоларнинг ечими четда қолиб кетмоқда.

Эътибор беринг, ҳар бир партияниң дастурида
вазифалар ва йўналишлар аник белгиланган. Ушибу
соҳалар бўйича жавоб берадиган вазирлик ва давлат
қўмиталари ҳам аник.

Аммо нима учун партиялар ана шу вазирлик ва
қўмиталар фаолияти устидан ўзларининг вакиллик
органларидаги фракцияси ва партия гурухлари орқали
парламент ҳамда депутатлик назоратини самарали
амалга оширмаяпти, деган савол туғилади.

Шу муносабат билан ҳар бир сиёсий партия ўз
дастуридаги вазифалардан келиб чиқиб, назорат
килинадиган вазирлик ва қўмиталарни аниклаб оли-
ши, улар билан тизимли ва доимий ишлаши фойдалан
холи бўлмас эди.

Масалан, Халк демократик партияси Бандлик
ва меҳнат муносабатлари ҳамда Уй-жой коммунал
хизмат кўрсатиш вазирликлари, «Миллий тикланиш»
партияси Маданият вазирлиги ва Туризмни ривожлан-
тириш давлат қўмитаси, «Адолат» партияси Соғликни
саклаш вазирлиги, Олий ва ўрта маҳсус ҳамда Халк

таълими вазирликлари, ЎзЛиДеП Иктисодиёт ва Молия вазирликлари, Инвестициялар бўйича давлат кўмитаси, Экоҳаракат Экология ва атроф-мухитни муҳофаза қилиш давлат кўмитасининг фаолияти устидан самарали парламент ва депутатлик назоратини олиб бориши, албатта, мақсадга мувоғик бўлар эди-ку!

Агар шу таклифлар бўлганида, ҳукумат (А. Арипов) депутатларимизга барча шароитларни яратиб берган бўларди.

Энг муҳими, бу жараёнда сиёсий партиялар ва Экоҳаракат иш фаолиятини тўгри ташкил қилиши керак. Назорат тадбирларини расмиятчилик учун ўтказиш, вазирлик ва кўмиталарга муаммони шунчаки кўрсатиб ўтиш, номига муҳокама қилиш, аксарият ҳолларда қоғозда қолиб кетаётган қарорлар қабул қилиш амалиётидан бутунлай воз кечиш зарур. Муаммо аниқландими, албатта, унинг ечимини топиш керак.

Бундай иш тизими ҳам сиёсий партияларнинг, ҳам вазирлик ва кўмиталарнинг асосий вазифалари ижросини таъминлашга, албатта, ёрдам беради.

Шунинг учун ҳам партияларнинг фракциялари вазирлик ва кўмиталар устидан, партияларнинг маҳаллий кенгашлардаги гурухлари эса – вазирлик ва кўмиталарнинг жойлардаги бошқарма ва бўлимлари фаолияти устидан самарали парламент ва депутатлик назоратини ўрнатиши керак.

Ижро ҳокимияти идоралари фаолиятини назорат қилишда Президентнинг асосий кўмакчилари ким? Албатта, сиз, муҳтарам депутат ва сенаторлар. Сиз-

лар ижро ҳокимияти идораларининг камчилик ва нуксонлари хақида асосли маълумотлар беришингиз, вазирлик ва идоралар фаолиятини такомиллаштириш бўйича масалани кўндаланг қўйишингиз, керак бўлса, вазир ва ҳокимларни лавозимдан бўшатишгача бўлган таклифларни киритишингиз лозим.

Конунчилик палатаси, ҳалк депутатлари вилоят, туман ва шаҳар кенгашлари депутатлигига сайловлардан кейин, мана, икки йилдан ортиқ вакт ўтди. Бироқ сиёсий партиялар томонидан сайловлар жараёнида оммавий ахборот воситалари, хусусан, телевидение оркали берилган ваъдалар бажарилдими? Нима учун сиёсий партиялар факат сайловлар пайтида фаоллашиб, кейин, таъбир жоиз бўлса, дами чиққан шардек бўшашиб қолади? Ахир, улар овоз олиш учун ҳалкка қанча-қанча ваъдалар бергани ҳакиқат-ку!

Маълумки, нодавлат нотижорат ташкилотлар орасида факат сиёсий партиялар ҳокимият учун курашиш ҳукукига эга. Лекин, шунга қарамасдан, улар ўртасида ракобат, фикрлар, позициялар хилма-хиллиги мутлако сезилмаяпти.

Ҳолбуки, ҳар бир партияning дастури ва низоми бир-биридан фарқ қиласди. Сизлар ўз позициянгизни конуний асосда билдирангиз, ҳимоя қилсангиз, қани, айтинг, бунга ким карши бўлиши мумкин?

Демократия қаердан бошланади – парламентдан бошланади. «Парламент – демократия мактаби», деймиз. Шундай экан, **миллий парламентимиз ҳакиқий демократия мактабига айланиши керак.**

Бу борада сиз, хурматли депутат ва сенаторлар, барчага намуна бўлишингиз зарур. Чинакам баҳс-мунозара, принципиал тортишувлар аввало шу ерда – парламент минбарида бўлиши керак. Шундагина ҳар бир сиёсий партия, парламентдаги ҳар бир партия фракциясининг ҳақиқий қиёфаси ва позицияси аниқ намоён бўлади.

Ўйлайманки, ҳаммамиз бир ҳақиқатни яхши тушунамиз: сиёсий партияларнинг Қонунчилик палатасидаги фракциялари фаолиятини кучайтирмасак, конун ижодкорлиги ва қабул қилинган қонунлар ижроси кутилган натижани бермайди.

Сизларга маълум, биз конун ҳужжатларини жойларга етказиш ва ижросини таъминлаш бўйича қарор қабул килган эдик. Мана, орадан б ойдан зиёд вакт ўтганига қарамасдан, афсуски, бу борадаги ахвол ҳануз ижобий томонга жиддий ўзгаргани йўқ. Бу жараёнда сиёсий партияларнинг ўрни нима учун сезилмаяпти?

Шу ўринда яна бир муҳим масалага эътиборингизни қаратмоқчиман. Ҳозирги вақтда сиёсий партияларнинг бошқарув аппаратларида ишчанлик муҳити деярли кўзга ташланмаяпти.

Давлат бюджетидан ойлик олиб ишлаётган минглаб ходимлар, масалан, ЎзЛиДепдаги 740 дан ортиқ, «Миллий тикланиш»даги қарийб 600 та, ХДПдаги салкам 450 та, «Адолат»даги 340 га яқин ходимнинг фаолиятини самарали деб бўлмайди.

Айникса, сиёсий партияларнинг жойларда, туман бўлимларида ишлаётган ходимларининг фаолияти қоникарсиз ахволда. Улар кўп ҳолларда электорат

билин тизимли мулокот ўтказиш у ёқда турсин, ўзининг асосий вазифаси нимадан иборат эканини ҳам билмайди.

Бугунги кунда амалда фаолият кўрсатаётган тўртта сиёсий партияга расман 1 миллион 150 мингга якин фукаро аъзо. Савол тугилади: уларнинг қанчаси партиянинг ғояси, максад ва вазифаларини чин юракдан хис килади ва шу ғояни амалга ошириш учун курашга тайёр?

Сиёсий партиялар ракам ортидан кувиб, аъзолари сонини кўпайтириш бўйича мусобақа ўйнамокда. Натижада турли хунук ҳолатларга йўл кўйилмоқда. Масалан, ҳудудий партия кенгаши ходимларининг мукофот пули ва ойлик иш ҳаки хисобидан аъзолик бадалларини тўлаш орқали аъзолар сонини сунъий равишда кўпайтириш фактлари, афсуски, оз эмас. Биз бундай ҳолатларнинг сабабларини ўрганиб, уларни бартараф этиш бўйича деярли иш олиб бормаямиз.

Бугун замоннинг ўзи сиёсий партияларнинг иш услубини тубдан ўзгартириш, уларнинг ахоли, электорат билан мулокотини тизимли йўлга кўйишни талаб этмоқда. Энди «мудраб ётгани» сиёсий партиялар уйғониши лозим. Улар баландпарвоз гапларни четга суриб, аниқ амалий ишлар билан одамларимиз, сайловчилар ишончини қозониши, уларнинг қалбидан жой олиши керак.

Иккинчидан, сиёсий партияларнинг дастурларини доимий такомиллаштириб бориш ишлари талаб даражасида йўлга кўйилмаган.

Сизларга маълумки, хозирги вактда мамлакатимизни 2017 – 2021 йилларда ривожлантириш бўйича

Ҳаракатлар стратегияси изчил амалга оширилмоқда. Бу жараёнда биз 500 дан ортиқ фармон ва қарорлар кабул қилдик.

Ушбу муҳим хужжатларда сиёсий партиялар дастурларига киритилган ва улар томонидан сайлов жараёнларида кўтарилиган долзарб муаммоларнинг ечими бўйича ҳам чоралар белгиланган. Лекин уларнинг ижросини таъминлашда сиёсий партиялар канчалик фаоллик кўрсатмоқда? Афсуски, бу саволларга ижобий жавоб бериш қийин.

Шуни кайд этиш керакки, сиёсий партияларда аксарият ҳолларда ўткир ва оғир муаммоларнинг ечими устида ишлаш ўрнига, «озгина вакт ўтса, бу масала ўзи ҳал бўлади», «бу – хукуматнинг иши», деган қарашлар, «сен – менга тегма, мен – сенга тегмайман», деган эскича кайфият ҳам йўқ эмас.

Бундай локайдлик, табиийки, шиддат билан ривожланиб бораётган бугунги замондан оркада колишга олиб келади ва бунга мутлақо йўл кўйиб бўлмайди.

Шунинг учун ҳам сиёсий партиялар ўз дастурий мақсад ва вазифаларини, мафкуравий соҳадаги ишларини қайта кўриб чиқиб, уларга зарур ўзгартиш ва қўшимчалар киритиши, бунда жаҳон тажрибасини ўрганиш, ҳалқаро ҳамкорликни кучайтириш фойдадан ҳоли бўлмайди.

Учинчидан, сиёсий партияларнинг ахоли билан мулокоти, тарғибот-ташвиқот ишлари, оммавий ахборот воситалари билан ҳамкорлигини ҳам етарли деб бўлмайди.

Ҳеч кимга сир эмас, бу борадаги ишлар кўпинча юзаки, хўжакўрсинга бўлиб, ҳаётдан анча узилиб колган. Аҳолини, партия электоратини ташвишга солаётган долзарб муаммоларнинг амалий ечимини топишга қаратилган ишлар, афсуски, ниҳоятда кам.

Масалан, ЎзЛиДепнинг Хоразм вилояти кенгашига келиб тушган 1 минг 250 дан ортиқ ариза ва шикоятларнинг атиги 84 таси бевосита вилоят кенгashi томонидан кўриб чиқилган бўлиб, колган 1 минг 200 га яқин мурожаат эса Президентнинг Виртуал қабулхонасига юборилган.

Ана шу мурожаатларни таҳлил қиласак, уларнинг кўпчилик қисми тадбиркорлик субъектлари хукукларини бузиш, банк, солиқ органларининг қоникарсиз фаолияти билан боғлиқ экани аён бўлади.

Савол тугилади: тадбиркорлар ва ишбилармонлар партияси деб танилган ЎзЛиДеп нима учун бу масалалардан ўзини четга олмоқда?

Мавжуд тўртта партия газеталарининг савияси, «Ўзбекистон овози» газетасини истисно қилганда, талабга жавоб бермайди. Партия газеталарининг умумий сони бугунги кунда 60 мингга ҳам етмаслиги ҳаётдаги долзарб муаммолар ва уларнинг ечими бўйича аниқ таклифлар бу нашрларда ўз ифодасини топмаётганидан далолат беради.

Хусусий нашрлардан мисол келтирайлик. Масалан, биз одатда «қўнгилочар нашрлар» деб биладиган «Даракчи», «Тасвир», «Сўгдиёна» каби газеталар нафақат енгил-елпи гапларни, шу билан бирга, муҳим

хаёттій масалаларни, айтайлик, коммунал хизмат, бозорлардаги нарх-наво, тиббиёт, транспорт масаласи, тадбиркорлик билан боғлиқ муаммоларни хам атрофлича ёритаётгани учун тиражи ошиб бормокда. Нима учун партия нашрлари бу масалаларда улар билан ракобат кила олмаяпты?

Сиёсий партиялар раҳбарларининг электоратни ўйлантираётган мухим масалалар бўйича телевидение орқали аниқ-равшан ўз позициясини билдирганини хам эслай олмаймиз.

Нима, партия раҳбарлари матбуотда чиқишидан кўрқадими? Ёки халқ билан мулокот қилишнинг мазмун-моҳияти ва аҳамиятини англаб етмайдими?

Сайловолди дастурларида белгиланган вазифаларни амалга ошириш, электорат манфаатларини ҳимоя қилиш бўйича қандай ишлар қилинаётгани ҳакида сиёсий партия фракциялари раҳбарлари ҳар чоракда оммавий ахборот воситалари, жумладан, телевидение орқали ахборот бериб боришларини таъминлайдиган аниқ тизим жорий этиш лозим. Бу борада янги ташкил этилган «Тараққиёт стратегияси» маркази ва Халқаро пресс-клуб имкониятларидан самарали фойдаланиш зарур.

Айниқса, марказда ва жойлардаги телеканаллар парламент ва маҳаллий кенгашлардаги партия гурухлари ишини, хусусан, қонун лойиҳалари бўйича мухокама жараёнларини, парламент назоратига оид тадбирларни, фракциялар ўртасида бўлаётган баҳс-мунозараларни, керак бўлса, тўғридан-тўғри халқимизга етказиши лозим.

Биз телевидение орқали факат 10–15 та депутат ва сенаторни кўрамиз, холос. Уларнинг 85 фоизи «ойнаи жаҳон»да деярли кўринмайди. Депутат ва сенаторлар халқ вакиллари бўлганидан кейин доимо халқ олдида чикиши, одамлар уларни таниши, олиб бораётган ишларидан ҳабардор бўлиши керак эмасми?

Ўзбекистон Миллий телерадиокомпанияси (Х. Мирзохидов)га икки ой муддатда Олий Мажлис раҳбарияти билан биргаликда тегишли чора-тадбирлар режасини ишлаб чикиш ва амалга ошириш вазифаси топширилади.

Тўртингчидан, сиёсий партияларнинг ёшлар ўртасида олиб бораётган ишлари, партиялар кошида ташкил этилган «Ёшлар канотлари»нинг фаолиятини, афсуски, қоникарли, деб бўлмайди. Ваҳоланки, бугун мамлакатимизда яшаётган 10 миллиондан ортик ёшлар ҳаётида канчадан-қанча счилмаган ижтимоий муаммолар борлигини барчангиз яқинда бўлиб ўтган ёшлар курултойида яққол кўрдингиз.

Ўзингиз айтинг, қайси сиёсий партия ёшлар билан яқиндан, бевосита иш олиб боряпти? Уларнинг дарду ташвишларини ечишга интиляпти? Партияларнинг бу борада аник чора-тадбирлар режаси, керак бўлса, стратегияси борми? Бор бўлса, нега натижаси кўзга ташланмаяпти?

Хозирги ахборот асрида бирорта сиёсий партиянинг Интернет сайтида ёшлар билан интерактив алоқа тизими йўлга қўйилмаган. Партиянинг сайтига кирган ёшлар ўзига керакли саволларга жавоб

топа олмайди. Бу ахволда партиялар ёшлар ўртасида қандай ўрин ва таъсирга эга бўлиши мумкин?

Холбуки, сиёсий партиялар аввало истиқболли ёш раҳбарларни тайёрлаш мактаби бўлиши лозим.

Партиялар фуқароларимиз, айникса, ёшларимизнинг ғоявий, мафкуравий эҳтиёжларини қондириши шарт. Агар партиялар бунга эришолмаса, бу бўшлиқни ғараз ниятли кучлар тўлдиришга харакат қилиши шубҳасиз. Айрим ҳолларда тўлдирияпти ҳам – буни яширишнинг ҳожати йўқ.

Мен истардимки, Ёшлар иттифоқи қурултойида тилга олинган устувор масалаларни ҳар бир партия алоҳида ўрганиб, тегишли йўналиш бўйича ўз вазифаларини аниқ белгилаб олса, бу факат фойда бўлади. Айникса, чет эллардаги ёшлар билан ишлаш масаласи ҳақида гапирадиган бўлсак, афсуски, Олий Мажлис палаталари ҳам, сиёсий партиялар ҳам бу масаланинг яқинига ҳам келгани йўқ.

Холбуки, хорижий мамлакатларда юрган ёшлар ҳам ўзимизнинг фарзандларимиз, Ўзбекистон фуқароси эканини барчамиз, авваламбор, депутатлар унутмаслиги керак.

Яна бир муҳим масала – сиёсий партиялар уюшмаган, яъни ишламайдиган, ўқимайдиган, тайин бир машгулотга эга бўлмаган ёшларга умуман эътибор каратмаяпти. Бу борада партиялар туман ҳокимларининг ёшлар масалалари бўйича ўринбосарлари, янги тузилган Ўзбекистон ёшлар иттифоқи билан яқиндан ҳамкорликни йўлга кўйиши бутунги кун талабидир.

Айникса, талаба ва ўкувчи ёшларда сиёсий билимларни ошириш, ватанпарварлик хиссини кучайтиришда вакиллик органлари имкониятларини тўлиқ ишга солишимиз зарур.

Бунинг учун халқ депутатлари маҳаллий кенгашлари, Олий Мажлис Конунчилик палатаси биносига йигит-қизларимиз эркин кириб чиқадиган мухит ва шароит яратишимиз зарур. Токи ёшлар конун қабул қилиш жараёнларидан бошлаб партиялар ўртасида рақобат бўладиган мажлис ва тортишувларни ўз кўзи билан кўрсинг, депутатлар билан мулокот килсинг. Демократия мактабини факат китобдан эмас, балки мана шундай жонли мухитдан ўргансинг. Шундагина уларда сиёсий тафаккур, баҳс маданияти шаклланади. Бу борада Германия, Дания, Финляндия каби ривожланган давлатлар тажрибасидан фойдаланиш ўринлидир.

Бешинчидан, кадрлар билан ишлаш борасидаги муаммолар ҳам сиёсий партиялар фаолиятига жиддий таъсир кўрсатмоқда.

Кадрлар захирасини шакллантириш ва уларнинг малакасини ошириш, партиянинг муносиб фаолларини давлат хизматига тавсия этиш ишлари талаб даражасида ташкил этилмаган. Сиёсий партияларга кадрлар каердан келмоқда, уларнинг билими, савияси, тажрибаси, жамоатчилик ўртасидаги обрўси қандай? Буни ким ўрганмокда, ким бунга баҳо бермокда? Афсуски, ҳеч ким.

Партияларнинг эртанги тақдири нима бўлади, деган савол уларнинг раҳбариятини мутлақо безовта

килмаётганини кўпгина мисолларда кўриш, кузатиш кийин эмас.

Ўтган иили барча сиёсий партиялар ходимлари аттестациядан ўтказилди.

Маълумотларга кўра, улардан 200 нафари билим ва тажрибаси етарли эмаслиги сабабли аттестациядан ўта олмаган ва ишдан озод этилган. Бундан ташқари, 284 нафар ходим аттестациядан шартли равишда ўтган, 28 нафари эса қуи лавозимларга ўтказилган.

Мана шу рақамларнинг ўзи партияларда кадрлар билан ишлаш масаласининг ҳақиқий ахволини кўрсатади.

Сиёсий партияларнинг қониқарсиз фаолияти кўп холларда марказий ва маҳаллий партия ташкилотларининг айrim раҳбарлари ўртасидаги номакбул хатти-харакатлар билан боғлик.

«Партия етакчиси» деган номга дод тушириш, ўз хизмат вазифасини сунистеъмол қилиш, молиявий жиноятларга қўл уриш, миший бузуклик, таъмагирлик, ўз шахсий манфаатини, ўз бизнесини устун қўйиш каби ҳолатлар мавжудлиги ҳақида етарли маълумотлар бор.

Қанчалик огир бўлмасин, шу борада баъзи бир мисолларга мурожаат қилишга тўғри келади. ЎзЛиДепнинг Андикон вилояти кенгашининг собиқ раиси З. Жумабоев партия ташкилотига раҳбарлик қилишдан ўзини четга олиб, ишни ўз ҳолига ташлаб қўйган. Асосий ишни олиб борган унинг биринчи ўринбосари А. Мамажонов эса вилоят кенгаши дево-

нида номаъкул, айтиш мумкинки, шармандали мухит вужудга келишига сабаб бўлган. Ўйлайманки, гап нима ҳақида бораётганини кўпчилигингиз яхши тушунасиз.

ХДПнинг Тошкент вилояти кенгашининг собиқ раиси С. Агзамов ташкилот балансида бўлган товармоддий бойликларни сотиш, турли хил баҳоналар билан кўл остидаги ходимлардан пул йиғиш каби ишлар билан шугулланиб юрган.

«Адолат» социал-демократик партиясининг Бухоро вилояти кенгаши раиси А. Турсунов ўз фаолиятида хунук салбий ҳолатларга йўл кўйиб, ўз обрўсини йўқотган, кенгаш фаолияти ўз ҳолига ташлаб кўйилган.

Бундай мисолларни, афсуски, аксарият вилоят ва туманлардаги партиялар кенгашлари фаолиятидан ҳам келтириш мумкин.

Ушбу ҳолатларнинг кўпчилиги бўйича хукуктартибот идоралари томонидан жиноят ишлари очилган бўлиб, айбдорлар конун олдида жавоб берган ва жавоб бермоқда. Лекин улар аввало ўз виждони олдида, партиядошлари олдида жавоб бериши керак эмасми?

Шу муносабат билан ана шундай ҳар кайси салбий воқеага нисбатан партиялар раҳбарияти томонидан принципиал ва қатъий баҳо берилиши зарур.

Биз партиялар сафини билимли, ташкилотчи ва ватанпарвар ёш кадрлар билан тўлдиришимиз лозим. **Сиёсий партиялар ходимлари партия ишида тобланиши, шундан сўнг давлат органлари**

ва ҳокимликлар тизимидағи турли лавозимларға, жумладан, депутатлик лавозимларига асосий захира бўлишлари даркор. Бу партияда ишлаш учун асосий омил ва рағбат бўлиб хизмат қилиши керак.

Шу ўринда яна бир жиддий масалага эътиборингизни қаратмоқчиман. Бизда ҳокимлар маълум бир сиёсий партия аъзоси ҳисобланади. Лекин улар ҳоким бўлганидан кейин ўзи аъзо бўлган партия билан умуман алоқани узиб қўяди.

Бу борада бир таклифни илгари сурмоқчиман: туман ёки шаҳар ҳокими номзодини вилоят ҳокими томонидан тегишли маҳаллий кенгашларда ҳар бир партия гурухи билан маслаҳатлашув ўтказилганидан сўнг тегишли сессияда тасдиқлаш тартибини жорий этсак, нима дейсизлар?

Сизларга маълумки, бундай тартиб ҳозирги вактда вилоят миқёсида мавжуд. Аммо у фақат қоғозда бор-у, амалда, афуски, ишламаяпти.

Биз энди ана шу конуний механизмни маҳаллий кенгашларнинг барча боскичида самарали ишга соламиз. Агар бирорта номзод партия гурухлари мухокамасидан ўтмаса, у ҳоким лавозимига тайинланмайди.

Айтиш керакки, ҳоким лавозимига номзод сиёсий партиялар томонидан тақдим этилган кадрлар орасидан танлаб олинади, яъни ҳоким муайян сиёсий партиядан бўлади. Бунинг учун ҳар бир сиёсий партияда ҳокимликка номзодлар бўйича кадрлар захирасини шакллантириш мақсаддага мувофиқ бўлар эди.

Айни пайтда маҳаллий кенгашлардаги партия гурухларига тегишлича туман ёки шаҳар ҳокимлари, шунингдек, маҳаллий ижро органлари раҳбарларининг қоникарсиз фаолияти ҳақида холосаларни вилоятлар ва Тошкент шаҳар ҳокимларига тақдим этиш ҳукукини ҳам бериш керак, деб ҳисоблайман. Бу борада ҳар бир сиёсий партия гурухи ўз холосасини бериши лозим.

Яна бир таклиф – бундан бўён вилоят ва республика миқёсидаги ижро ҳокимияти юкори лавозимларига тайинлашда партиялар фикрини албатта инобатга олиш тартибини жорий этсак, нима дейсизлар?

Шу муносабат билан Давлат маслаҳатчиси О. Муродовга Олий Мажлис Қонунчилик палатаси билан биргаликда бир ой муддатда «Сиёсий партиялар тўғрисида»ги қонунга ва бошқа қонунларга ўзгартиш ва қўшимчалар киритиш бўйича қонун лойиҳасини тайёрлаш топширилади.

Олтинчидан, ўтган даврда Президент ҳузуридаги Давлат бошқаруви академиясида сиёсий партиялар аппарати ходимлари учун маҳсус ўкув машғулотлари ташкил этилди. Уларга маърузачи сифатида юкори давлат идораларининг раҳбарлари, хусусан, Қонунчилик палатаси, Сенат ва сиёсий партиялар раҳбарлари, олий ўкув юртлари ректорлари ва бошқа таникли мутахассислар жалб қилинди.

Бу – яхши амалиёт. Лекин бундай ўқишилар факат Тошкентда бўлмаслиги керак. Ҳар бир вилоятдаги олий ўкув юртлари базасида жойлардаги партия ташкилотлари ходимларини ва маҳаллий кенгашлар

депутатларини ўқитиш бўйича махсус курслар ташкил этиш лозим. Керак бўлса, пойтахтдаги мутахассислар жойларга бориб дарс берсин.

Бу ишни самарали ташкил этиш, албатта, парламентимиз палаталари ва сиёсий партиялар раҳбарлари билан маслаҳатлашган ҳолда, Давлат бошқаруви академияси ректори Р. Қосимовга топширилади.

Еттинчидан, сиёсий партияларнинг маҳаллий кенгашлардаги депутатлик гурухларининг таъсири мутлако сезилмаяпти.

Айтиш мумкинки, улар, кўп ҳолларда, номига фаолият кўрсатмоқда. Ҳусусан, «Адолат» партиясининг Жиззах ва Сурхондарё вилоятлари ва туманлари маҳаллий кенгашларидаги партия гурухлари томонидан кенгаш сессиялари муҳокамасига 2016 йил давомида биронта ҳам масала киритилмаганини қандай изохлаш мумкин?

Худди шундай ҳолатни ЎзЛиДеП партиясининг Хоразм вилояти, «Миллий тикланиш» демократик партиясининг Сурхондарё вилояти халқ депутатлари кенгашларидаги партия гурухлари мисолида ҳам, бошқа партиялар фаолиятида ҳам учратиш мумкин.

Сайловдан кейин аксарият депутатлар ўзларини номзод этиб кўрсатган партия билан алокани узиб, ўз сайловчилари билан камдан-кам мулоқот киласи. Айниқса, туман кенгашлари депутатлари электорат олдида сайловолди дастурлари ижроси бўйича умуман хисобот бермайди.

Шунинг учун ҳам фаол ишламаётган ва ўз вазифасини талаб даражасида бажармаётган, партия би-

лан алокани узиб күйган маҳаллий кенгаш депутатларини тегишли сиёсий партия таклифи асосида депутатликдан чақириб олиш бўйича қонунчиликка ўзгартиш киритиш вақти келди, деб ўйлайман.

Барчангиз хабардорсиз, яқинда мамлакатимиз вилоятларини ижтимоий-иктисодий ривожлантириш бўйича қатор дастурлар қабул килинди. Лекин бу дастурларни тайёрлашда жойлардаги партия групхори кай даражада иштирок этмоқда? Афсуски, унибу саволга ижобий жавоб бериш кийин. Ваҳоланки, партиялар айнан шундай дастурлар орқали ўз сайловчиларини безовта қилаётган муаммоларга ечим топиши, шунинг ҳисобидан электорати сафини кенгайтириши мумкин.

Шундан келиб чиқкан ҳолда, бундан бўён ҳудудлар бўйича қабул килинадиган, ижтимоий-иктисодий ривожланишга оид ҳар қандай дастур лойиҳаси юзасидан партия групхори томонидан билдириладиган фикр ва таклифлар ҳисобга олинини шарт эканини қонунчиликда аник белгилаб кўйишимиз зарур, деб ҳисблайман.

Ўзингиз ўйланг, агар биз бирор дастур ишлаб чиқадиган бўлсак, бу жойдаги муаммоларни шу ердан сайланган депутатдан бошқа ким яна чукурроқ, ким яна яхшироқ билиши мумкин? Агар депутатлар ҳар қайси ҳудудни ижтимоий-иктисодий ривожлантириш бўйича қабул килинган дастурда белгиланган вазифалар ижросини назоратга олса, амалий натижага эришамиз.

Айни пайтда шундай тизим яратиш керакки, унга кўра яхши ишлаётган, фаол, жонкуяр туман

кенгаши депутатлари кейинчалик вилоят депутати, вилоят депутатлари эса Олий Мажлис аъзоси бўлишига эришиш зарур. Сиёсий партиялар биринчи навбатда ана шундай депутатларни кадрлар захирасига киритиши мақсадга мувофиқдир.

Депутатларнинг иш услубини такомиллаштириш, аҳолининг ҳуқуқий маданиятини ошириш мақсадида сиёсий партиялар орқали жойларда «**Марказ – вилоят – туман**» тартибида ишлайдиган янги тизимни жорий этиш айни муддао бўлар эди. Бу тизим орқали юкоридан пастга тушиб, ҳам депутатларни, ҳам турли аҳоли қатламларини Олий Мажлис палаталари, сиёсий партиялар фаолияти, конун ижодкорлиги, қабул килинаётган янги конун хужжатлари ҳақида хабардор қилиб бориш йўлга қўйилади. Шу тарика Олий Мажлис иш услубини вилоят кенгашларига, вилоят кенгашлари иш услубини эса туман ва шаҳар кенгашларига ўргатиш имконияти пайдо бўлади.

Ҳаётга, одамлар ичига кирмасдан, улар билан мулокот қилмасдан, факат юкоридан туриб топширик беришдек номақбул тажриба энди иш бермайди. Ундан бутунлай воз кечиш вақти келди.

Шу ўринда бир фикрни алоҳида таъкидлашни истардим. Биз, мана, Тошкент шаҳри туманларида ҳалқ депутатлари кенгашларини ташкил этиш ишларини бошладик. Бу кенгашларга депутатликка номзодлар кўрсатишдан бошлаб, депутатликка сайланиш жараёнига қадар – сайловнинг барча босқичида сиёсий партиялар фаол иштирок этишлари керак, албатта.

Ҳозирги вактда вилоят ва туман депутатларининг аксарияти маҳаллий ижро ҳокимияти вакиллари, айниқса, турли давлат тузилмалари раҳбарлари хисобланади.

Табиий савол туғилади: депутатнинг ўзи ижро ҳокимияти вакили бўла туриб, маҳаллий ижро органлари фаолияти устидан қандай қилиб самарали депутатлик назоратини амалға ошириши мумкин?

Шу боисдан Тошкент шахри туманларида ва келгусида вилоятларда бўладиган сайловларда сиёсий партиялар депутатликка номзодлар танлашда уларнинг маҳаллий ижро ҳокимияти органлари ходимлари бўлмаслигига алоҳида эътибор каратиши лозим. Марказий сайлов комиссияси ушбу масала юзасидан карор қабул килса, бу республика миқёсида ягона ва тўғри амалиётни шакллантиришга хизмат киласди.

Олий Мажлис палаталари раҳбарлари Нурдинжон Мўйдинхонович Исмоилов ва Ниғматилла Тўлкинович Йўлдошев Тошкент шахри бу борада бошка вилоятларгá намуна бўлиши учун харакат килсалар, ҳар бир туманга бориб, одамлар орасида юриб, сайлов жараёнларининг холислик, адолат ва ошкоралик руҳида ўтиши учун жонбозлик кўрсатсалар, нур устига нур бўларди.

Саккизинчидан, сиёсий партиялар худудий кенгашларининг моддий-техник таъминоти кўп ҳолларда талаб даражасида эмас. Масалан, сиёсий партияларнинг 18 та туман кенгashi ўз биносига эга эмас. 62 та кенгашнинг биноси коникарсиз ҳолатда. Бу борадаги энг оғир аҳвол ижара биноларида фаоли-

ят олиб бораётган «Адолат» ва «Миллий тикланиш» партияларида кузатилмоқда.

Шу муносабат билан Вазирлар Маҳкамасига (А.Арипов) маҳаллий ҳокимликлар, сиёсий партиялар билан биргаликда бир ой муддатда партияларнинг вилоят, туман (шаҳар) кенгашларининг бинолар билан таъминланиш ҳолатини, уларнинг иш шароитини танқидий ўрганиб чиқиб, бу борадаги аҳволни тубдан яхшилаш бўйича таклиф киритиш вазифаси топширилади.

Хурматли мажлис иштирокчилари!

Миллий парламентимиз фаолиятида, мамлакатимиз ижтимоий-сиёсий ҳаётида Ўзбекистон Экологик ҳаракати муҳим ўрин тутишини ҳаммамиз яхши биламиз.

Ушбу Ҳаракат томонидан юртимизда атроф-муҳитни муҳофаза қилиш бўйича қонунчилик базасини мустаҳкамлаш, шу соҳада қабул қилинайдан қонун ва қарорлар ижроси юзасидан парламент назоратини жорий этиш борасида муайян ишлар амалга оширилганини қайд этиш жоиз.

Айни вактда бутун дунёда экологик муаммолар тобора кескинлашиб бораётган ҳозирги кунда бу соҳадаги ишларни, афсуски, етарли ва қониқарли, деб айттолмаймиз.

Бу борада Ўзбекистон Экологик ҳаракати қуидаги масалаларга алоҳида эътибор қаратиши зарур.

Маълумки, аҳолини, айниқса, қишлоқ жойларда тоза ичимлик суви билан таъминлаш масаласи ҳамон долзарб бўлиб қолмоқда.

Шунингдек, майший чиқиндиларни тўплаш, қайта ишлаш ва утилизация қилиш масаласи ҳам олдимизда турган энг оғир муаммодир.

Шу билан бирга, собик тузум даврида узокни ўйламасдан курилган, бугунги кунда айрим вазирлик ва идоралар, тадбиркорлик субъектлари томонидан ишлатиб келинаётган саноат иншоотлари ҳам замонавий экологик талабларга жавоб бермайди.

Энг мухим масала – ахолининг экологик маданиятини ошириш ҳакида жиддий бош котиришимиз зарур. Албатта, бундай муаммоларни факат маъмурӣ йўл билан ҳал этиб бўлмайди, бунга ёш авлод қалбида она табиатга меҳр-муҳабbat, унга дахлдорлик хиссини тарбиялаш орқали эришиш мумкин.

Юкорида зикр этилган долзарб муаммоларни смарали ҳал этиш учун Ўзбекистон Экологик ҳаракати ташаббускор бўлиб, тегишли вазирлик ва идоралар, аввало, якинда ташкил этилган Экология ва атроф-муҳитни муҳофаза қилиш давлат қўмитаси билан биргаликда тегишли чора-тадбирлар ишлаб чикиши ва амалга ошириши зарур. Афсуски, ҳозирги вактда Экологик ҳаракат фаолиятида бу борада аниқ таклиф ва амалий ташаббуслар сезилмаяпти.

Барча йирик саноат корхоналарида Экологик ҳаракатнинг вакиллари бўлиши керак. Вазирлар Маҳкамаси шу масала юзасидан икки ҳафта муддатда таклиф киритсин.

Умид киламизки, Экологик ҳаракат атроф-муҳит тозалиги ва мусаффолигини саклашга, ахоли ўргасида касалликларни камайтиришга ўз хиссанини кўшади.

Мухтарам юртдошлар!

Сиёсий партиялар ҳаётидаги мавжуд муаммолар маълум даражада парламент фаолиятига ҳам салбий таъсир этиши табиийдир.

Авваламбор, конун лойиҳаларини парламентда муҳокама этиш ва қабул қилишда фракцияларнинг ўрни, уларнинг партиявий ёндашуви ва қатъий позицияси етарли даражада сезилмаяпти.

Бир неча йил олдин фракциялар муҳокамасидан ўтмасдан, уларнинг хуносасини олмасдан бирорта ҳам конун, Давлат бюджети лойиҳаси қабул килинмаслигини конуний асосда аниқ белгилаб қўйган эдик.

Тан олиш керак, ўтган давр мобайнида парламентда ана шу коидани ҳаётга татбик этиш бўйича кўп ишлар килинди. Бироқ фракцияларда конун лойиҳалари ва бошқа муҳим масалалар муҳокамасини, улардаги конструктив баҳс ва мунозараларни янада кучайтиришни бугун ҳаётнинг ўзи тақозо этмоқда.

Қабул килинаётган ҳар бир конун лойиҳаси сайловчилар, партия электорати, турли табака ва гурухларнинг манфаатлари нуқтай назаридан атрофлича муҳокама қилиниши, фракциялар ушбу масалаларда принципиал позициясини намоён этиши шарт. Чунки баҳс, тортишув бўлган тақдирдагина конунлар мукаммал ҳаётий кучга эга бўлади.

Яна бир масала. Сиёсий партиялар ташкилотлари, айникса, уларнинг жойлардаги бўлимлари фракцияларда кўриб чиқилаётган масалалар, конун лойиҳаларидан етарлича хабардор бўлмаяпти. Шу маънода, сиёсий партияларнинг ўз фракциялари билан узвий алоқасини кучайтириш лозим.

Ўз навбатида, сиёсий партиялар парламентдаги ўз фракцияларини доимий равишда жойлардаги вазият, электоратнинг кайфияти ҳакида хабардор этиши, мавжуд муаммолар ва уларнинг ечими юзасидан таклифлар киритиб бориши керак.

Шу борада йилда бир марта сиёсий партиялар раҳбарларининг Президент билан учрашувини ўtkазиш амалиётини йўлга кўйсак, мақсадга мувофик бўлар эди.

Ана шундай учрашувларда мамлакатимизнинг ижтимоий-иктисодий тараккиёти бўйича сизлардан амалий таклифлар кутиб қоламан.

Яна бир муҳим йўналиш – қонунларни қабул килишда жамоатчилигимиз, сайловчиларнинг кенг иштироки сезилмаяпти. Қонунлар қабул қилиниши билан ҳалқимизнинг огири енгил бўлдими, унинг хаётидаги муаммолар ҳал бўлдими, деган саволлар билан, афсуски, ҳеч ким қизикмаяпти.

Шунинг учун ҳам, қонунларни қабул килиш жараёнида янги тизим – аҳоли билан муҳокама килиш тизимини жорий этиш лозим, деб хисоблайман.

Яъни, катта аҳамиятга эга бўлган, муҳим қонун лойиҳаларини биринчи ўқишда қабул қилгандан кейин уларни жойларда фуқаролар билан кенг муҳокама килиш, уларнинг таклиф ва мулоҳазаларини инобатга олиб, лойиҳаларни тақомиллаштирган ҳолда иккинчи ўқишга киритиш тартибини йўлга кўйиш мақсадга мувофик бўлади.

Яширишнинг ҳожати йўқ, биз кўпинча вилоят марказларига бориб, ўша ернинг ўзидан қайтамиз.

Жойларда бўладиган мухокамаларда иштирок этмаймиз, одамларнинг муносабатини уларнинг ичидатуриб, улар билан бирга юриб ўрганмаймиз. Натижа нима бўлади? Қабул қилинган қонунларимиз тўлақонли бўлмайди, кутилган самарани бермайди.

Бугунги кунда сиёсий партиялар фракциялари ва депутатларнинг қонун ташаббускорлиги бўйича фаолияти ҳам талаб даражасида эмас. Мисол учун, 2015 – 2017 йилларда парламентимиз томонидан 55 та қонун қабул қилинган бўлса, фракциялар томонидан билдирилган ташаббуслар асосида қабул қилинган биронта ҳам қонун йўқ. Биронта ҳам! Шунинг ўзи сиёсий партияларнинг бугунги фаолиятига берилган баҳо эмасми?

Ёки 2017 йилда киритилган 46 та қонун лойиҳасидан факат 9 таси депутатлар ташаббуси билан киритилган, холос.

Бу соҳадаги ишларни яхшилаш учун қонунчилик ташаббуси билан чикқан ва шу ташаббуси қабул қилинган депутатларни рағбатлантириш тизимини жорий қилиш ўринли, деб ўйлайман.

Ўрганишлар шуни кўрсатмоқдаки, Олий Мажлис таркибида мухим бир тузилма, яъни илмий-амалий тадқиқот ва ахборот-таҳлилий фаолият олиб борадиган, қонун лойиҳаларини ишлаб чиқадиган марказнинг йўқлиги бу борадаги ишларни юкори савияда ташкил этишга имкон бермаяпти.

Илфор хорижий тажрибалардан келиб чикқан ҳолда, Олий Мажлис ҳузурида Қонунчилик муаммоларини ўрганиш институтини ташкил этишни так-

лиф қиламан. Бу институт парламент аъзоларининг буюртмасига асосан ҳукукни қўллаш амалиёти ва хорижий тажриба бўйича тахлилий маълумотлар ва конун лойиҳаларини тайёрлаш ишлари билан шуғулланиши лозим.

Бу нима учун керак? Бу институт депутат ва сенаторларнинг энг яқин ёрдамчиси вазифасини бажариши керак. Айни вактда, Давлат бошқаруви академияси билан биргаликда депутатлар малакасини ошириш бўйича ўкув курсларини ташкил этиш ҳам фойдадан холи бўлмайди.

Учинчидан, Олий Мажлиснинг давлат бошқаруви органлари фаолияти устидан парламент назоратини амалга ошириш, қабул қилинаётган қонунлар, муҳим ижтимоий-сиёсий, иқтисодий аҳамиятга эга давлат дастурларининг ижросини сўзсиз таъминлашга каратилган ишларини ҳам етарли, деб бўлмайди.

Парламент эшитувлари, ҳукumat аъзолари, давлат ва хўжалик бошқаруви органлари раҳбарларининг ҳисоботларини тизимли равишда тинглаб бориши, депутатларнинг сўровларига атрофлича жавоб қайтаришни таъминлаш борасида муаммолар мавжуд.

Одатда парламент вазирларнинг ҳисоботини тинглайди. Лекин пастки бўгинда бу йўналишда ким ҳисбот беради? Факат марказ ёки вилоятда эмас, худудларда ҳам ўзгариш бўлиши зарур. Хусусан, 2017 йилнинг ўтган даври мобайнида Конунчилик палатаси депутатлари томонидан вазирлик ва идораларга юборилган жами 284 та депутатлик сўровидан 100 тасига қонунда белгиланган муддат бузилган

холда жавоб берилган, 24 тасига эса умуман жавоб берилмаганини қандай изоҳлаш мумкин?

Нима учун Конунчилик палатаси қўмиталари, партия фракциялари бундай ҳолатларга нисбатан тегишли вазирлик ва идоралар раҳбарлари иштирокида ўз муносабатини билдиrmаяпти?

Депутатга беписандлик – халққа беписандлик деб баҳоланиши шарт. Халқни хурмат килмаган, депутатлик ваколатини амалга оширишга тўсқинлик қилган ҳар қандай мансабдор шахс қонун олдида жавоб беради.

Шу сабабдан ҳам депутатлик сўровини кўриб чикмагани ёки унга жавоб бермагани, кўриш муддатини бузгани учун жавобгарликни кучайтириш лозим.

Шу муносабат билан Давлат маслаҳатчиси О. Муродовга Олий Мажлис палаталари билан биргаликда бир ой муддатда Маъмурий жавобгарлик тўғрисидаги кодексга тегишли ўзгартиш ва қўшимчалар киритиш бўйича таклифлар тайёрлаш вазифаси топширилади.

Республика, вилоят ва туман кенгашлари депутатларининг сўрови – бу халқ сўрови, деб баҳолаган холда, бу борадаги жавобгарликни назарда тутадиган тегишли моддани конунга киритиш керак.

Олий Мажлис палаталари, парламент сўрови бўйича олинган жавобларни Интернетдаги расмий веб-сайтларда кенг жамоатчилик учун эълон қилишни ташкил этиши лозим.

Бугун ҳаётнинг ўзи парламент назорати обьектлари доирасини кенгайтиришни ҳам талаб этмоқда. Амалдаги қонунга кўра, парламент фақат давлат ор-

ганлари фаолияти устидан назорат олиб бориши мумкин. Бирок хўжалик бошқаруви органлари, хусусан, «Ўзбекнефтгаз», «Ўзбекэнерго» ва бошка компания ва бирлашмалар бундан четда колмоқда.

Шу мақсадда «Парламент назорати тўғрисида»ги конунга тегишли ўзгартиш ва қўшимчалар киритиш лозим, деб ҳисоблайман.

Шу билан бирга, Франция, Буюк Британия, Германия каби ривожланган давлатлар тажрибаси асосида Конунчилик палатасида «Хукумат соати» институтини жорий этиш айни муддао бўлар эди. Шу тарика йил бошида тасдиқланадиган режага мувофик ҳар ойда ҳукумат аъзоларининг ҳисботи тингланади ва шу бўйича тегишли қарорлар қабул қилинади. Олий Мажлис Сенатида эса барча даражадаги ҳокимларнинг ҳудудларни ривожлантириш борасидаги фаолияти ҳақида ҳисботларни эшлишиш амалиётини йўлга кўйишни таклиф этаман.

Шундай механизм жорий этиш керакки, парламент тингловларининг натижаси фақат марказда эмас, балки жойларда, энг чекка ҳудудларда ҳам сезилсин.

Тўртингчидан, парламентимиз жойларда олиб борилаётган ишларнинг ҳақиқий аҳволини ўрганишда бир қолипга тушиб қолди. Кўпинча республика ва вилоят даражасидаги масалалар ўрганилмоқда, деб ахборот берилади, бирок кариб б 6 ойдан бўён 2 мингдан ортиқ муаммо ҳал этилмасдан колмоқда.

Олий Мажлис палаталари Вазирлар Маҳкамаси, маҳаллий давлат ҳокимияти органлари билан биргаликда депутатларнинг ўрганишлари жараёнида жой-

ларда аникланган, вилоятлар ва республика миқёсида ҳал этилиши керак бўлган муаммоларни ечиш бўйича зарур чораларни кўришлари лозим.

Лекин шу борада бир нохуш ҳолатни афсусланиб айтишга тўғри келади.

Хурматли депутат ва сенаторларимизнинг жойларга чиқиб, аҳоли билан ўтказган мулокотлари таҳлил қилинганда, кўп ҳолларда расмиятчилик ва кўзбўямачиликка, сохта ҳисботлар беришга, учрашувларга ўз ўрнига бошқа одамларни юбориш, ўрганилаётган масаланинг туб илдизига етиб бормаслик каби камчиликларга йўл кўйилаётгани аникланган.

Олий Мажлис палаталарининг Одоб комиссиялари бундай ҳолатларнинг ҳар бири юзасидан ҳар томонлама чуқур ўрганишлар ўтказиб, тегишли хulosалар бериши шарт.

Депутатларнинг жойларда бўладиган учрашувлари ҳакида оммавий ахборот воситалари орқали олдиндан, масалан, бир ҳафта аввал эълон бериш тартибини жорий килиш, маҳаллий матбуот вакилларининг бундай тадбирларни танқидий нуқтаи назардан ёритиш бўйича фаолиятини кучайтириш керак.

Шунингдек, депутатларнинг ҳудудларга навбатдаги сафарини ташкил этишдан олдин уларнинг ўтган галги сафари давомида аҳоли мурожаатларини ҳал этиш бўйича қилган амалий ишларини таҳлил килиб, холисона баҳо бериш лозим.

Бешинчидан, парламент фаолиятига оид камчиликларга айрим депутат ва сенаторлар ўз вазифасини тўғри англаб етмагани ҳам сабаб бўлмоқда. Буни очик тан олишимиз керак.

Шундай парламент вакиллари ҳам борки, ўтган кариб иккى ярим йил мобайнида муҳокама этилаётган конун лойиҳалари ва масалалар бўйича бирон марта ҳам маъруза қилмаган, уларга муносабат билдиримаган ёки маъруза юзасидан чиқишлар қилмаган, улар факатгина кўр-кўронада овоз бериш билан шуғулланади. Афсуски, бу – аччик ҳакиқат.

Депутат ва сенаторлар ўз фаолияти ҳакида сайловчиликларни хабардор этиб бориш учун Интернетдаги ижтимоий тармокларда ўз саҳифаларини очиб, зарур маълумотларни киритиб боришлари лозим. Дунёдаги кўпгина мамлакатлар аллақачон шу тизимга ўтган.

Бу борадаги ишларни ташкил этиш вазифаси Ахборот технологиялари ва коммуникацияларини ривожлантириш вазирлиги раҳбари Ш. Шерматовга топширилади.

Айни пайтда Олий Мажлис палаталари депутатлар ва сенаторларни маънавий ва моддий рағбатлантиришга доир низомни ишлаб чиқиб, амалиётга татбик этиш лозим. Бунда ҳар бир депутат фаолиятини баҳолаш ва рағбатлантиришнинг аник мезони ва механизmlарини белгилаш, шунга кўра намуна кўрсатган депутатларга **«адолатли депутат», «халқпарвар депутат», «мехнаткаш депутат»** деган номлар бериши назарда тутиш максадга мувофиқдир.

Ўйлайманки, бундай номларга сазовор бўлган депутатлар кейинги сайловларда аввало сиёсий партиялар томонидан номзод сифатида илгари суриласди, энг муҳими, улар халқимиз томонидан кўллаб-куватланади.

Сидқидилдан ва самарали ишлаган, ваколати туғаган депутатларга «фаҳрий депутат» мәқомини беріб, уларнинг ойлигига устама ҳақ түлаш тизимини жорий қилиш керак. Жумладан, Қонунчилек палатаси депутати ёки Сенат аъзоси бўлган фаҳрий депутатларимизга ҳар йили энг кам ойлик иш ҳақининг 8 баробари, маҳаллий кенгашларнинг фаҳрий депутатларига – 3 баробардан 5 баробаргача бўлган миқдорда мукофот беришни таклиф этаман.

Қолаверса, фаҳрий депутатларга Олий Мажлис палаталарининг мажлисларида иштирок этиш хуқуқини берсак, нима дейсизлар?

Сизларга яхши маълум, амалдаги қонунчилекда депутат ва сенаторлар фаолият олиб бораётган даврда уларнинг олдинги иш ўрни саклаб қолиниши кўзда тутилган. Лекин амалда бу норма самарали ишламаётганини очик тан олиш керак.

Шунинг учун ана шу конун нормаси ижросини қатъий таъминлашимиз, керак бўлса, депутатлар ўз фаолиятини якунлаганидан кейин уларни аввалги лавозимига нисбатан бир поғона юқори бўлган вазифага тайинлаш лозим. Бу тартиб барча бўғиндаги депутатларга тааллукли бўлиши адолатдан бўлар эди.

Фурсатдан фойдаланиб, яна бир масалага эътиборингизни каратмоқчиман. Олий Мажлис Сенати ҳар йилнинг якуни бўйича аниқ мезонлар асосида мамлакатимиз бўйича ҳалқ депутатлари туман ва шаҳар кенгашлари орасидан 14 та, Қоракалпогистон Республикаси, вилоятлар ва Тошкент шаҳри вакиллик органдарига ўртасидан эса 1 та намунали кенгашни аниқлаб,

бошқаларга ўрнак қилиб кўрсатиш ва рағбатлантириш тизимини йўлга кўйиши нур устига нур бўларди.

Бу мамлакатимизда юксак малакали депутатлар корпусини шакллантиришда янги бир амалий қадам бўлади.

Шунингдек, намунали кенгашлар фаолиятини кенг ёритиш мақсадида улар ҳақида хужжатли фильмлар, оммавий ахборот воситаларида турил материаллар, хусусан, «Намунали депутат» рубрикаси остида кўрсатувлар тайёрлаш ҳақида ҳам ўйлаб кўришимиз лозим. Умуман олганда, Олий Мажлис, вилоят ва туманларда фаолият кўрсатаётган намунали депутатларнинг иш услуби ҳақида рисолалар, ёш депутатлар учун эса тегишли кўлланмалар чикариш керак.

Олий Мажлис палаталари ва маҳаллий ҳалқ депутатлари кенгашларида муносиб фаолият кўрсатган, бошқаларга ўрнак бўлган, ватанпарвар ва фидойи депутатлар ҳақида **«Эҳтиром китоблари»ни** ташкил этиш ва бу китобларни кейинчалик Олий Мажлис музейида саклаш ўринли бўлар эди.

Собиқ ва амалдаги депутатлар, сенаторлар ўртасида ўзаро тажриба алмашиш, дўстона мулокот ўрнатиш, кўп йиллар меҳнат қилган ҳалқ вакилларига хурматиззат кўрсатиш мақсадида **«Депутатлар клуби»ни** ҳам ташкил қилишни таклиф этаман.

Бу таклифларни амалга ошириш учун Олий Мажлис палаталари раҳбарларига, Бош вазир ўринбосари (Ж. Кўчкоров), Молия вазирлиги (Б. Ходжаев), Ўзбекистон Матбуот ва ахборот агентлиги (К. Мансуров), Ўзбекистон Миллий телерадиокомпанияси (Х. Мирзохидов), «Ўзбеккино» Миллий агентлиги (О. Мусаев)

билин биргаликда икки ой муддатда тегишли қарор қабул қилиш тавсия этилади.

Олтинчидан, Олий Мажлис палаталарининг мамлакатимиз ижтимоий-иктисодий ҳётига дахлдор энг долзарб масалаларни ҳал этиш борасидаги ташаббускорлигини ошириш муҳим аҳамиятга эга.

Биз парламентимизга катта ишонч билдириб, Қонунчилик палатасига (Нурдинжон Мўйдинхонович Исмоилов) – соғликни саклаш соҳасида, Сенатга эса (Ниғматилла Тўлқинович Йўлдошев) – ички ишлар органлари тизимида ислоҳотларни амалга оширишда мавжуд вазиятни яхшилашга бош-қош бўлишни таклиф қилган эдик.

Бу катта масъулият ва айни пайтда катта шарафдир.

Ўтган вақт мобайнида бу борада муайян ишлар амалга оширилди, бироқ ҳали уларни етарли, деб бўлмайди.

Мен қайси ҳудудга бормайин, албатта, ана шу икки соҳага алоҳида зътибор қаратаман.

Лекин согликни саклаш муассасаларида дори-дармон ва тиббий-техник воситаларнинг етишмаслиги, улар малакали кадрлар билан таъминланмагани, биноларнинг талабга жавоб бермаслиги, ички ишлар органларида профилактик тадбирлар номига ўтказилаётгани, айрим ҳудудларда хукуқбузарликлар сони ошиб бораётгани каби бир қатор муаммо ва камчиликлар давом этмоқда.

Биз уларни бартараф этиш учун ҳали кўп иш килишимиз, туну кун тиним билмасдан ишлашимиз, ана шу соҳаларда қатъий парламент назоратини ўрнатишимиш зарур.

Конунчилик палатаси Спикери Нурдинжон Мўйдинхонович Исмоилов тиббиёт соҳаси мутасаддилари ахборотини кўпроқ Конунчилик палатасида тингламоқда.

Лекин бундай иш услубини жойларга чикиб, тури мутахассислар билан бирга юриб, қишлоқ врачлик пунктлари бўладими, болалар ёки аёллар шифохоналари бўладими, энг камида ўн кун юриб, улардаги ҳакикий ахволни аниклаб, муаммоларни ҳам конуний, ҳам амалий нуктаи назардан ҳал қилиш юзасидан таклифлар билдириш йўли билан алмаштириши, қисқача айтганда, парламент назорати бўйича таъсирчап ва самарали тизим яратиш ҳар томонлама мақсадгага мувофик бўларди. Энг асосийси – бундан натижа бўлиши керак ва буни одамлар сезиши керак.

Сенат Раиси Нигматилла Тўлқинович Йўлдошевнинг ички ишлар соҳасидаги ислоҳотлар бўйича фаолияти ҳакида ҳам шундай фикрларни билдириш мумкин.

Масалан, Тошкент вилоятининг Кибрай туманини хукукбузарликлар профилактикаси ва жиноятчиликнинг олдини олиш соҳасида намунали туманга айлантириш бўйича бир неча ой олдин аниқ топшириклар берилган эди. Лекин, афсуски, бу борада ҳалигача амалий натижа кўзга кўринмаяпти.

Яқинда Наманган шаҳрилаги «Орзу» маҳалласи таянч пунктида бўлиб, бу ерда қисқа муддатда катта ишлар амалга оширилганига гувоҳ бўлдик. Ваҳоланки, шундай ишларни Кибрай туманида ҳам қилиш мумкин эди.

Сенатимизнинг хурматли Раиси ҳамда хурматли Спикеримиз соғликни сақлаш ва ички ишлар тизимини энг намунали соҳаларга айлантириш бўйича янада фоллик билан иш олиб борадилар, деб ишонаман.

Нега деганда, тинчлик ва соғлик – ҳар бир инсон учун бебаҳо неъмат. Агар шу икки соҳада олдимизга кўйган мақсадларимизга эришсак, бу энг катта ютуғимиз бўлади ва халқимиз биздан албатта рози бўлади.

Яна бир масалага алоҳида эътибор қаратмоқчиман. Олий Мажлис палаталарининг муайян вазифаларни бажариш учун комиссиялар тузиш ваколати бор. Лекин, хурматли депутатлар, айтинг-чи, Конунчилик палатаси бу ваколатдан охирги марта қачон фойдаланди? Нима, жамиятимиз ҳаётида муҳим бўлган вазифалар йўқми?

Ҳаммага маълум, ёшлар билан ишлаш, оила ва аёллар масаласи ҳар доим биз учун муҳим вазифа ҳисобланган ва бундан кейин ҳам шундай бўлиб қолади.

Олий Мажлис палаталарининг қарийб 40 нафар аёл сенатор ва депутатлари буни жуда яхши тушунишади.

Хотин-қизлар ўртасида олиб борилаётган ишлар самарадорлигини ошириш, жумладан, энг оғир масала бўлган ўз жонига қасд килиш, жиноятчилик ва оиласи ажралишларнинг олдини олишда Олий Мажлис палаталарининг роли сезилмаяпти. Бу борада на смарали ишлайдиган конунлар қабул қилинмоқда, на жойларда амалий фаолият олиб борилмоқда. Ҳолбуки, халқимиз, сайловчиларимиз биздан бу борада амалий харакатларни кутмокда.

Шу боис Давлат маслаҳатчиси О. Муродовга Олий Мажлис Конунчилик палатаси билан биргаликда бир ой муддатда куйи палатада Ёшлар масалалари ҳамда Оила ва аёллар масалалари бўйича комиссиялар тузишни ўрганиб чиқиши топширилади.

Еттинчидан, парламент палаталари фаолиятида бугун мухокама қилинаётган муаммолардан ташқари яна бир қанча муаммолар мавжуд. Лекин, афсуски, уларни бартараф этиш чоралари кўрилмаяпти. Айрим раҳбарлардаги «бу масалаларни кўтарманглар, тинчгина юрайлик» қабилида иш юритишга картилган номақбул кайфиятдан мутлако воз кечишимиз керак.

Парламент раҳбарлари ва уларнинг ўринбосарлари ўртасидаги вазифалар бугунги кун талабларидан келиб чикиб таҳсимланмаган. Бир сўз билан айтганда, ўринбосарлар майда-чуйда масалалар билан ўралашиб колиб, давлат ва жамият учун мухим масалалар Олий Мажлис раҳбарияти эътиборидан четда қолиб кетмоқда.

Масалан, Қонунчилик палатасида мамлакатимизда амалга оширилаётган ислоҳотларни халкаро миқёсда тарғиб қилиш билан қайси раҳбар ёки ўринбосар тизимли равишда шуғулланаяпти? Бу саволга жавоб йўқ.

Шунинг учун парламентимиз палаталари раҳбарлари ва уларнинг ўринбосарлари зиммасига юклатилган вазифаларни танқидий қайта кўриб чикиш вакти келди, деб ҳисоблайман.

Ҳар қайси фракция раҳбари – Спикер ўринбосари маълум бир вилоятда аниқ бир соҳа учун масъул бўлиб, шу йўналишни намунали даражага кўтариб берса, айни муддао бўлар эди.

Биз Олий Мажлис олдида турган вазифаларни самарали ҳал этиш ҳакида сўз юритар эканмиз, албатта, депутатлар, сенаторлар фаолиятини моддий

таъминлаш масаласини ёдимиздан чиқармаслигимиз лозим. Бу – ҳаёт ҳакиқати.

Бу масала йиллар давомида кўриб чиқилмаган. Бу даврда бошқа давлат органлари ходимларининг моддий таъминоти бир неча марта кўриб чиқилиб, бугунги ҳаёт, замон талабларига мослаштирилди.

Нима учун Олий Мажлис палаталари раҳбарлари хорижий амалиётни, республикамиздаги ҳукуқни кўллаш амалиётини чукур таҳлил қилиш асосида бу борада таклифлар киритмаган?

Давлат раҳбари сифатида мен депутатлар ва сенаторлар ҳамда Олий Мажлис ходимларининг моддий таъминотини яхшилаш бўйича асосли таклифларни кўриб чиқишга тайёрман.

Азиз дўстлар!

Ҳаракатлар стратегияси ва унинг асосида қабул килинган Давлат дастури ижросини таъминлашда сиёсий партиялар, Олий Мажлис палаталари ўз электорати манфаатлари, сайловолди дастурида белгилangan устувор йўналишлар, ваколатларидан келиб чиқиб, ўз фоя ва таклифлари билан фаол қатнашиши лозим.

Айниқса, партиялар бундан манфаатдор, чунки Ҳаракатлар стратегиясининг боскичма-боскич, сифатли амалга оширилишини таъминлаш орқали улар ҳам ўз дастурий вазифаларини амалда бажаришга эришади.

Айни пайтда шуни алоҳида қайд этиш керакки, Ҳаракатлар стратегиясида белгилangan мақсад ва вазифаларни самарали амалга ошириш кўп жихатдан партияларнинг фаоллигига боғлик. Хусусан, биз келгусида вилоят, туман, шаҳар ҳокимларини сайлаш тартибини жорий этиш бўйича чора-тадбирлар белгиладик.

Бирок ана шу илфор демократик ғояни ҳаётга татбиқ этиш учун, аввало, сиёсий партиялар бу масъулиятли лавозимларға ўз номзодларини кўрсатишга тайёр бўлиши, салоҳиятли кадрлар захирасига эга бўлмоғи лозим.

Сизларнинг фаоллигингиз, фуқароларнинг сиёсий-хукукий маданияти даражасининг ўсиб, юртимизда кўп партияйилик тизимининг тобора мустаҳкамланиб бораётганидан келиб чиккан ҳолда, келгусида хукумат таркибини, жумладан, вазирлар, давлат кўмиталари раислари лавозимларини сайлов якунлари бўйича эришилган депутатлик ўринларини инобатга олиб, сиёсий партиялар томонидан таклиф этиш тизимиға ўтамиз.

Бир фикрни такрор ва такрор айтишни ўринли, деб биламан: олиб бораётган ислоҳотларимизнинг муваффакияти, аввалимбор, сиёсий партияларнинг етуклиқ даражасига, уларнинг жонажон Ватанимиз олдидаги масъулиятни ўз зиммасига олишга кай дараҷада тайёр эканига бевосита боғлиқдир.

Қайси партияга мансуб бўлишимиздан катъи назар, шу юрт фарзанди, шу юрт фуқароси сифатида Ватан таракқиёти, мамлакатимиз тинчлиги ва ҳалқ фаровонлиги йўлида бирлашиб, сидқидилдан хизмат қилишида барчангизга сиҳат-саломатлик, куч-ғайрат, янги муваффакиятлар тилайман.

*Олий Мажлис палаталари, сиёсий партиялар
ҳамда Ўзбекистон Экологик ҳаракати вакиллари
биган учрашуведаги маъруза.
2017 йил 12 июль*

МУНДАРИЖА

МИЛЛИЙ ТАРАККИЁТ ЙЎЛИМИЗНИ ҚАТЪИЯТ БИЛАН ДАВОМ ЭТТИРИБ, ЯНГИ БОСҚИЧГА КЎТАРАМИЗ <i>Ўзбекистон Республикаси Олий Мажлиси Конунчлилик палатаси ва Сенатининг қўйши маъжлисидаги нутқ.</i>	3
2016 йил 8 сентябрь	3
ЎЗБЕКИСТОН ЎҚИТУВЧИ ВА МУРАББИЙЛАРИГА ТАБРИК	
2016 йил 30 сентябрь	23
ТАЪЛИМ ВА МАЪРИФАТ – ТИНЧЛИК ВА БУНЁДКОРЛИК САРИ ЙЎЛ	
<i>Ислом ҳамкорлик ташкитоти Ташиқи шаштар вазирлари кенгаши 43-сессиясининг очтиши маросимидағи нутқ.</i>	
2016 йил 18 октябрь	26
ДЕМОКРАТИК ИСЛОХОТЛАРНИ ЧУҚУРЛАШТИРИШ, БАРҚАРОР РИВОЖЛАНИШНИ ТАЪМИНЛАШ – ХАЛҚИМИЗ УЧУН МУНО- СИБ ҲАЁТ ДАРАЖАСИНИ ЯРАТИШНИНГ КАФОЛАТИДИР	
<i>Тадбиркорлар ва ишбигармонктар ҳаракати – Ўзбекистон Либерат- демократик партиясининг VIII съездидаги маъруза.</i>	
2016 йил 19 октябрь	41
ОНА ВАТАНИМИЗНИНГ ЮКСАК ЭЪТИРОФИ	
<i>Бир гурӯҳ юртдоштаримизга Ватанимизниң юксак мукофотларини топшириши маросимидағи нутқ.</i>	
2016 йил 7 декабрь	95
КОНУН УСТУВОРЛИГИ ВА ИНСОН МАНФААТЛАРИНИ ТАЪ- МИНЛАШ – ЮРТ ТАРАККИЁТИ ВА ХАЛҚ ФАРОВОНЛИГИНИНГ ГАРОВИ	
<i>Ўзбекистон Республикаси Конституцияси қабул қилинганинг 24 йилгиига багишланган тантанали маросимидағи маъруза.</i>	
2016 йил 7 декабрь	100
ЭРКИН ВА ОБОД, ДЕМОКРАТИК ЖАМИЯТНИ БАРЧАМИЗ БИРГАЛИКДА БАРПО ЭТАМИЗ	
<i>Ўзбекистон Республикаси Президенти лавозимига кириши тантанали маросимига багишланган Олий Мажлис палаталарининг қўйши маъжлисидаги маъруза.</i>	
2016 йил 14 декабрь	131

ИЛМ-ФАН ЮТУКЛАРИ ВАТАНИМИЗ РАВНАҚИГА ХИЗМАТ КИЛСИН	
<i>Мамлакатимиз штаттарының жамоатчилеги вакыттары билан учрашувдаги нүткө.</i>	
2016 йыл 30 декабрь	166
ЎЗБЕКИСТОН ХАЛҚИГА ЯНГИ ЙИЛ ТАБРИГИ.....	181
ТИББИЁТ СОҲАСИНИ ТУБДАН ИСЛОҲ ҚИЛИШ – КЕЧИКТИРИНБ БЎЛМАЙДИГАН ЭНГ МУҲИМ ВАЗИФАМИЗДИР	
2017 йыл 5 январь.....	183
ХАЛҚИМИЗ БИЗДАН КОНУН ВА АДОЛАТ УСТУВОРЛИГИННИ АМАЛДА ТАЪМИНЛАШНИ КУТМОҚДА	
<i>Прокуратура ходимларни ва фахрийларни билан учрашувдаги маъруза.</i>	
2017 йыл 7 январь	190
ҚУРОЛЛИ КУЧЛАР – ВАТАНИМИЗ ВА ХАЛҚИМИЗНИНГ МУСТАҲКАМ КЎРГОНИ	
<i>Ватан ҳимоячилари куни ва Ўзбекистон Республикаси Қуролли Кучлари ташкил этилганининг 25 йилгиига багишланган тантанали маросимдаги табрик нутқи.</i>	
2017 йыл 13 январь.....	216
ТАНКИДИЙ ТАҲЛИЛ, ҚАТЪИЙ ТАРТИБ-ИНТИЗОМ ВА ШАХСИЙ ЖАВОБГАРЛИК – ҲАР БИР РАҲБАР ФАОЛИЯТИНИНГ КУНДА- ЛИК ҚОИДАСИ БЎЛИШИ КЕРАК	
<i>Мамлакатимизни 2016 йилда ижтимоий-иктисодий ривожланти- ришининг асосий якунлари ва 2017 йилга мўлжалланган иқтисодий дастурининг энг муҳим устувор йўналишиларига багишланган Вазирлар Маҳкамасининг кенгайтирилган мажлисидаги маъруза.</i>	
2017 йыл 14 январь	233
МИЛЛАТЛАРАРО ДЎСТЛИК ВА ҲАМЖИХАТЛИК – ХАЛҚИМИЗ ТИНЧЛИГИ ВА ФАРОВОЛИГИНИНГ ҲАЁТБАХШ МАНБАИ	
<i>Республика байнагимдан маданият маркази ташкил этилганининг 25 йилгиига багишланган учрашувдаги нутқ.</i>	
2017 йыл 24 январь	295
ЗАМОНАВИЙ, КУДРАТЛИ АРМИЯ – ТИНЧ-ОСОЙИШТА ҲЛЁТИМИЗ КАФОЛАТИ	
2017 йыл 26 январь	305

СОГЛИҚНИ САҚЛАШ ТИЗИМИНИ ЗАМОН ТАЛАБИ ДАРАЖАСИДА ТАКОМИЛЛАШТИРИШ – КУН ТАРТИБИДАГИ АСОСИЙ МАСАЛА	
2017 йил 7 февраль	307
ИНСОН МАНФААТЛАРИНИ ТАЪМИНЛАШ УЧУН АВВАЛО УНИНГ ХУКУҚ ВА ЭРКИНЛИКЛАРИ ИШОНЧЛИ ҲИМОЯ ҚИЛИНМОГИ ЗАРУР	
<i>Ички ишлар органлари фаолияти, тизимида мавжуд муалимо ва камчылуктар, истиқболдаги вазифаларга багишланган йигилишдаги маъруза.</i>	
2017 йил 9 февраль.....	312
МУНИС ВА МЕХРИБОН АЁЛЛАРИМИЗГА ЭХТИРОМ ВА ФАМХЎР- ЛИК КЎРСАТИШ, УЛАРНИНГ ОГИРИНИ ЕНГИЛ ҚИЛИШ – БАР- ЧАМИЗ УЧУН ҲАМ ҚАРЗ, ҲАМ ФАРЗ	
<i>Хақаро хотин-қизлар байрамига багишланган учрашувдаги нутқ.</i>	
2017 йил 6 март.....	341
ЎЗБЕКИСТОН ВА ТУРКМАНИСТОН – СТРАТЕГИК ШЕРИК ДАВ- ЛАТЛАР	
<i>Туркманистон Республикасига давлат ташрифи чогидаги қабул ма- росимида сўзланган нутқ.</i>	
2017 йил 6 март.....	353
ЎЗБЕКИСТОН – ТУРКМАНИСТОН: ЯКИН ҚЎШНИЧИЛИК ВА ҚАРДОШЛИК РИШТАЛАРИ МУСТАҲКАМЛАНМОҚДА	
<i>Ўзбекистон Республикасининг Биринчи Президенти Ислом Каримов хотирасига Туркманистоннинг Туркманобод шаҳрида барпо этилган ёдгорлик мажмуаси очилишига багишланган маросимдаги нутқ.</i>	
2017 йил 7 март	358
ДЎСТЛИК ВА ЯХШИ ҚЎШНИЧИЛИКНИНГ ёРҚИН ТИМСОЛИ	
<i>Туркманобод – Фороб кўприкларининг очилишига багишланган маросимдаги нутқ.</i>	
2017 йил 7 март.....	363
«МАХТУМҚУЛИ – СЎЗЛАР ТИЛИ ТУРКМАННИНГ...»	
<i>Махтумқулининг ўзбек тилида нашр этилган китобига ёзилган сўзбоши.</i>	
2017 йил 7 март.....	367

ЎЗБЕКИСТОН ХАЛҚИГА НАВРЎЗ ТАБРИГИ	
2017 йил 20 марта	373
ЎЗБЕКИСТОН – ҚОЗОГИСТОН: АЗАЛИЙ ДҮСТЛИК ВА ҲАМКОРЛИКНИНГ ЯНГИ БОСКИЧИ	
Козогистон Республикасига давлат ташрифи чөгидаси қабул маросимида сўзланган нутқ.	
2017 йил 22 марта	376
ТАРИХИМИЗ ВА МАНФААТЛАРИМИЗ МУШТАРАК	
Россия Федерациясига давлат ташрифи чөгидаси қабул маросимида сўзланган нутқ.	
2017 йил 5 апрель	381
ТИНЧЛИК, ДҮСТЛИК ВА ҲАМКОРЛІК ЙЎЛИДА	
Хорижий давлатларнинг Ўзбекистон Республикасига яни тайинланган этчиларидан ишонч ёртиқтарини қабул қилиб олиши маросимидаши нутқ.	
2017 йил 2 май	383
БЮОК АЖДОДЛАРИМИЗНИНГ МУҚАДДАС ХОТИРАСИ ВА ЖАСОРАТИ ОЛДИДА БОШ ЭГАМИЗ	
9 май – Хотира ва қадрлаш кунига багишлансан қабул маросимидаши нутқ.	
2017 йил 9 май	395
ХИТОЙНИНГ БУГУНГИ ТАРАҚҚИЁТИ ВА КЕЛАЖАК МАҚСАД- ЛАРИ ҲАҚИДАГИ МУКАММАЛ МАЖМУА	
Хитой Ҳалқ Республикаси Раиси Си Цзиньпиннинг «Давлат бош-қаруви тұғрисида» китобининг ўзбек тилидаси нарига ёнсан сўзбоши.	
2017 йил 5 май	403
«БИР МАКОН, БИР ЙЎЛ» – МАНФААТЛАРИМИЗ МУШТАРАК	
Хитой Ҳалқ Республикаси пойтахти Пекин шаҳрида бўлиб ўтган «Бир макон, бир йўл» халқаро форумида сўзлансан нутқ.	
2017 йил 14-15 май	407
ОЗОД ВА ОБОД ВАТАННИНГ БАРКАМОЛ ФАРЗАНДЛАРИ	
Жиззах шаҳрида бўлиб ўтган «Баркамол авлод» спорт ўйинлари қатнашчиларига йўлтанган табрик.	
2017 йил 25 май	412

БАГРИКЕНГЛИК, ТИНЧЛИК ВА ТОТУВЛИК САРИ МУҲИМ ҚАДАМ Икки мұқадdas масжид ходими. <i>Саудия Арабистони Подшоҳи Салмон бин Абдулазиз Ол Сауд Аъло Ҳазратларига ийлланган мактуб.</i> 2017 йыл 5 июнь	416
ЎЗАРО ИШОНЧ, ЯХШИ ҚЎШНИЧИЛИК ВА ДЎСТИКНИ ЯНАДА МУСТАҲКАМЛАШ – ЭНГ МУҲИМ ВАЗИФА <i>Козогистон пойтахти Остона шаҳрида бўлиб ўтган Шанхай ҳамкорлик ташкилоти Давлат раҳбарлари кенгашининг кенгайтирилган марқибдаги мажлисida сўзланган нутқ.</i> 2017 йыл 8-9 июнь.....	420
КОНУН ВА АДОЛАТ УСТУВОРЛИГИНИ ТАЪМИНЛАШ – БАРЧА ЭЗГУ МАҚСАДЛАРИМИЗГА ЭРИШИШНИНГ ЭНГ МУҲИМ ШАРТИ <i>Суд органдари ходимлари билан учрашувдаги нутқ.</i> 2017 йыл 13 июнь.....	426
ВАТАНИМИЗ ТАҚДИРИ ВА КЕЛАЖАГИ ЙЎЛИДА ЯНАДА ҲАМЖИҲАТ БЎЛИБ, ҚАТЪИЯТ БИЛАН ҲАРАКАТ ҚИЛАЙЛИК «Ижтимоий барқарорликни таъминлаш, мұқадdas динишизниң соғтигини асраш – давр талаби» мавзусидаги анжумандада сўзланган нутқ. 2017 йыл 15 июнь.....	461
МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИГА 2017 йыл 27 июнь.....	497
ЖИСМОНИЙ ВА МАЊИАВИЙ БАРКАМОЛ ЁШЛАР – БУГУНГИ ВА ЭРТАНГИ КУНИМИЗНИНГ ҲАЛ ҚИЛУВЧИ КУЧИДИР <i>«Камолот» ёшлар ижтимоий ҳаракатининг IV қурултойида сўзланган нутқ.</i> 2017 йыл 30 июнь.....	504
ПАРЛАМЕНТИМИЗ ҲАҚИКИЙ ДЕМОКРАТИЯ МАКТАБИГА АЙЛАНИШИ, ИСЛОҲОТЛАРНИНГ ТАШАББУСКОРИ ВА АСОСИЙ ИЖРОЧИСИ БЎЛИШИ КЕРАК <i>Олий Мажлис нағаталари, сиёсий партиялар ҳамда Ўзбекистон Экологик ҳаракати вакиллари билан учрашувдаги маъруза.</i> 2017 йыл 12 июль	539

Мирзиёев, Шавкат Миромонович
Миллий тараккиёт йўлимизни қатъият билан давом этириб, янги босқичга кўтарамиз. – Тошкент: «Ўзбекистон» НМИУ, 2017. – 592 б.

ISBN 978-9943-25-434-3

УЎК 323.(575.1)

КБК 66.3(5У)

Расмий натир

Шавкат Миромонович Мирзиёев

**МИЛЛИЙ ТАРАҚҚИЁТ ЙЎЛИМИЗНИ
ҚАТЪИЯТ БИЛАН ДАВОМ ЭТТИРИБ,
ЯНГИ БОСҚИЧГА КЎТАРАМИЗ**

I-жисл

Нашр учун масъуллар: *И. Аҳмедов, Ж. Матоқуён*

Бадиий муҳаррир *Ш. Ходжасев*

Техник муҳаррир *Б. Каримов*

Кичик муҳаррир *Г. Ератиева*

Мусаххих *М. Ишонхонова*

Компьютерда тайёрловчи *А. Сулаймонов*

Нашриёт лицензияси АI № 158.14.08.2009.

Босишига 2017 йил 14 августда рухсат этилди.

Бичими 60x90 $\frac{1}{16}$. Офсет когози.

«Times New Roman» гарнитурасида оғсет усууда босилди.

Шартли босма табори 37,0. Нашр табори 23,56.

Адади 10 000 нуҳеҳа. Буюртма № 17-556.

Ўзбекистон Матбуот ва ахборот агентлигининг

«Ўзбекистон» нашриёт-матбаа ижодий уйи.

100011. Тошкент, Навоий кўчаси, 30. .

Телефон: (371) 244-84-20, 244-87-55

Факс: (371) 244-37-81, 244-38-10

e-mail: uzbekistan@iptd-uzbekistan.uz

www.iptd-uzbekistan.uz